



Handwritten text at the top of the page, possibly a title or header, in a cursive script. The text is faint and difficult to decipher, but appears to read: "L'abbé de la Roche-Aymon, évêque de..."



137  

---

2



M

R

In qu  
Famili  
Croc  
C

E





# MISCELLANEORUM HISTORICORUM REGNI BOHEMIÆ

*DECADIS I. LIBER VII.*

*REGALIS;*

Seu

De Ducibus, ac Regibus  
Bohemiæ.

In quo gesta Regum præcipua, tum Genealogiæ omnium  
Familiarum apud nos imperitantium (*Czechi; Gentis Ducis ac Patris,  
Croc, Przemyśl, deinde Regum Luxemburgicorum, Austriacorum Habsburgensium,  
Cunstadaorum, Jagellonidarum, ac tandem iteratò Austriacorum*) diligenti semper  
ad Chronologiam respectu, proponuntur, & Notis Histo-  
ricis, aut ethicis illustrantur.

*AUTHORE*

BOHUSLAVO BALBINO  
SOCIETATIS JESU

*Cum Licentia Superiorum.*



PRAGÆ,

Typis Universitatis Carolo-Ferdinandæ, in Collegio Societatis  
JESU ad S. Clementem.

---

ANNO M. DC. LXXXVII.





In Arma Gentilitia Illustrissimæ & Excellentissimæ  
Stirpis, COMITUM SLAWATARUM de CHLUM  
& KOSSUMBERG, &c. &c.

*Omnia Mors mordet (a): Rosa, Lilia, Ruta, Coronæ,  
Corda, Scyphus, Plumæ, Linea, Mortis erunt.  
Gloria non moritur (b) SLAWATÆ sunt Gloria Gentis: (c)  
Ergo non poterit Stirps Slawatina mori.*

(a) Horatius Lib: 1. Epistol:

(b) Taciti verba Lib: 4. Annal:

(c) Slava apud Bohemos Gloriam significat.

Bibl Jag

St. Dr. 1991 D 391/9 (32)

393543

III

[VII-VIII]



EPISTOLA DEDICATORIA.



*Illustrissimo & Excellentissimo*

*Domino Domino*

JOANNI GEORGIO  
JOACHIMO  
SLAWATA,

COMITI de CHLUM & KOSSUMBERG;  
Gubernatori Domûs Novodomensis, Domino in Nova-  
domo, Telcz, Novobistritz, Chlumecz, Zerownicz,  
Straz, &c. &c.

SAC. CÆS. & REG. MAIESTATIS CAMERARIO  
& INTIMO CONSILIARIO;

Supremo Regni Bohemiæ Judici, Locumtenenti, & Supremo  
Pocillatori hæreditario in Regno Bohemiæ;

*Domino & Patrono meo reverentissimè colendo.*

**L**ibrum de Ducibus & Regibus Bohemiæ, Tibi,  
ILLUSTRISSE & EXCELLENTISSE COMES,  
consecro, dedicòque justis, gravissimisque de causis. Jam  
tum dum conciperetur & gigneretur liber, Tuâ sese oblecta-  
bat Imagine, Te velut solstitialis herba, ut Plautinè lo-  
quar, sequebatur, & modò natus & adhuc rubens, teu Heliodori Chariclea  
stellam, ità Rosam Tuam in molli adhuc & tenera fronte circumfert. Sic  
(quod superbè dictum nolim) Uniones concipi, & ad Cæli imaginem confor-  
mari, & quodammodo ab ortu suo sigillari, ac modò larvæ, illimes, serenos,  
modò scabros, turbidos, nubilòsque (prout se Cælum ostenderit) existere &  
nasci, docuit earum rerum peritissimus RUDOLFI II. gemmarius.

*Heliodorus in  
Æthiopicis.*

*Anselmus de  
Boet Lib. de  
Gemmis.*



# EPISTOLA DEDICATORIA.

Hanc primam & necessariam offerendi causam, sequitur non parum gloriosior, & forsitan in vulgus hodiernæ ætatis ignota; quod Regum nostrorum historia nulli aptius conveniat, quàm ei Familia, quæ Regibus semper fida Paternâ vel Maternâ lineâ annis centum & amplius in Cancellarij munere ante Reges stetit, eorumque Acta signavit. His adjici potest amœnum illud & memoratu dignum: quod in Novodomensium & Slavvatarum Clypeo, velut in compendio quodam universa spectari possit Bohemia; neque istud adulationis ingenio dictum à me quispiam putet: imprimis Bohemiam Sphæroidem & circularis figuræ faciunt Chorographi; certè clarissimus inter Hollandos Geometra Philippus Cluverius, cum Europam Reginae formosæ instar descripsisset nobis, in Umbilico Bohemiam statuit. Jam verò Clypeum Slawatinæ Gentis orbicularem esse, oculorum fide discimus; bellè itaque figura respondet; sed hæc levissima & superficialis similitudo foret, nisi cetera omnia congruerent.

Cluver. in  
Introduct. Geo-  
metr.

Figura.

Urli.

Ern. Bruttuff.  
Geneal. An-  
haltina, init.  
Croll. præfat.  
lib. de signa-  
turis  
Histor. Bolesl.  
lib. I.

Coronæ.

Poculum.

Paprocus in  
Stemmatogr.  
Bob.  
Pennæ.

Pier. in hie-  
rogl.

Nomen Sla-  
vatarum.

Quid Urli, qui Scutum Slawatinæ Gentis sustinent, unde & quibus ex silvis venerunt? Urfinorum gentem universam à Comitibus Alcaniæ Beringeris, seu de Behren vel Beringen, qui ad Hercyniam silvam ad Balenstedium sedem fixerant, descendere, Eruditi consentiunt. Itaque Urli vestri Hercynij sunt. & Hercyniam silvam, quâ defenditur & coronatur Bohemia, aptissime representant.

Tres Coronas (primam Regiam, duas deinde Imperatorias) in Clypeo Slawatinæ Gentis intueor: primam Majoribus Tuis EXCELLENTISSIME COMES, Antiqui Bohemiæ Reges, alteram & tertiam Avo Tuo Guilielmo Austriaci Cæsares addidère. Quis verò dubitet has Coronas toti Bohemiæ convenire, quæ cum in Imperio Romano censeatur, Regumque sit, utramque Coronam veneratur suo vertici imminentem.

Jam super Galeam coronatam Fasciculus quidam visitur quinque Pen-  
narum, Slawatinis lineis consignatus. Poculum id esse, non fasciculum, docuit originum Bohemiæ Nobilitatis diligens explorator Paprocus, quod etiam in Veteribus Slawatarum Clypeis sæpius ipsi vidimus. Pennis, Gloriam & Victoriâ significari in confesso est. Videre summâ gloriâ conspicuos in utraque Republica in sago & toga Slawatas ætates omnes; videre stantes in acie Vngari, Austrij, Germani, Galli, videre etiam Sabaudi gloriose vincentes, & opima ex acie spolia referentes, ut in Syntagmate Slawatino demonstrabitur. Nimirum hoc Majores nostri summum esse decus credebant: Gloriam spectare, Gloriæ velificari, Gloriam sequi; hinc Slavos sese, seu gloriosos (Slava enim gloriâ significat) appellari gaudebant, ac pleraque eorum nomina in Slavam seu gloriâ desinebant velut in metam (Sobieslaw, Boleslaw, Przemyslaw, Radislaw, Bohuslaw &c.) unde etiam Urbibus imposita nomina Wratislavia, Wladislavia, Przemyslavia &c. Quod Uni-

verse



## EPISTOLA DEDICATORIA.

*versa Genti Slavorum commune fuit, hoc Slawata proprium per quandam excellentiam, ob res fortiter gestas adepti sunt nomen, ut ipsam Gloriam (Slavam) Slawatarum gloriosa posteritas hereditasse videatur.*

*At longè alia est Poculi significatio: habent hoc hereditarium in Bohemia munus Slawatæ, ut ejus Gentis Gubernator Supremus sit Pocillator, & Pocula Bohemiæ Regibus ministret. Jam ecquis in Rebus Imperij tam hospes est, ut nesciat, Bohemiæ Regum in Romano Imperio munus, quæ prima est inter Electores dignitas ad eam significandam Clypeus Regum Bohemiæ olim erat Leo, qui primoribus pedibus Poculum aureum sustinebat. Ergo Bohemiæ Reges Pocula ministrant Imperatoribus, Slawatæ Pocula ministrant Bohemiæ Regibus.*

Poculum.

Goldast. in libris de Bohemia.

*Venio nunc ad ipsum Clypei Campum, quem Campum, si ipsam Bohemiam esse ostendero, apertissime vici; quod mihi tam est in proclivi, quàm imber cùm pluit, ait Comicus.*

Campus in Insignibus Slawatarum.

Plaut.

Fluvij.

*Qui indagandis Illustrium Familiarum Originibus dederunt operam, observant: antiquissimas quasdam nobilissimæque Familias, Fluvios Regionum quibus imperabant, in Clypeis suis gentilitijs, gesta-visse; id quod in aliarum Regionum Clypeis, tum etiam in Regni Ungariæ Clypeo videmus. Quisnam igitur ille Campus, quinam Fluvij, qui Slawatinæ Gentis Clypeum interfecant, & discescunt? Duces ac Reges Bohemiæ à Przemysslao descendentes fluvios tulisse in scutis in Epitome Libro I. demonstra-vi; Przemysslaus enim Stadicensis ad Bilinam Dominus (qui Libussæ conjugio Bohemiam obtinuit) tres fluvios in Clypeo tulit, eò quod inter tria flumina habitaret; at verò à Przemysslai posteritate Lucenses Principes (quod omnes nostri Scriptores affirmant) & à Lucensibus Slawatæ descendunt, ut insignis ætate patrum Historiographus Nicolaus Artemisius (cui Genealogistæ Veteres, No-vique subscribunt) clarissimis argumentis ex Curia Zatecensi, ex vetustis literis, Clypeis & Anulis ostendit.*

Weleslau. in Geneal. Ducum & Regum Boh.

*At cùm tot fluminibus irrigentur Campi, uberes esse oportet; hortos esse potius dixerim, quia in ijs & Rutæ, & Rosæ, & Lilia nascuntur. Nemo Rosam Bohemiæ negarit, cùm in Bohemia tot Illustrissimas Stirpes Rosarum, multis divisas coloribus, excre-visse sciamus, ipsamque adeo Bohemiam instar Rosæ Chorographi nobis expresserint.*

Rosa in Clypeo Slawatino.

*Adstat Rosæ Liliū, quod quia ab ejus societate spinas trahit, Patientiæ Gloriā coronatur. Scio nonnullos docere: in Slawatarum Clypeo non esse Liliū, sed M. literam coronatam, videlicet Mathiæ Corvini Regis Ungariæ nomen, cui Henricus Novodomensis præ ceteris Bohemiæ Proceribus legitur placuisse. Verum hanc conjecturam vetustiores ante Henricum Clypei Novodomensem (in quibus Liliū spectatur) tum etiam ipsum Henrici hujus sepulchrum in Novodomensi B. Virginis Basilica altè in Templi*

Liliū.



## EPISTOLA DEDICATORIA.

*medio eminens, satis refellit; in eo enim nulla litera M. sed Liliū tēnijs quibusdam colligatum in marmore porphyretico tam dextre vīditur expressum, multis in locis, ut Liliū esse nemo nisi lusciosus admodum dubitare possit. Antiquior igitur est origo, neque à Mathia Corvino petenda. Ego existimo ad Joannis Bohemiæ Regis tempora hoc Liliū pertinere, qui pro Regibus Gallorum ad-versus Anglos pugnaturus, multam Bohemiæ Nobilitatem in Galliam militatum adduxit, atque inter eos Auræ & rubræ Rosæ Proceres, uti in historia Joannis Regis diximus; cūque multa præclara edidissent facinora, Rex Galliæ Philippus ad Rubram Rosam Monstrantiam (ut in Templis vocant) S. Ludovici Symbolum, ad auream verò Novodomen-sium Rosam, Liliū Coronā Regiā redimitum adjecit.*

*Lib. 3. histor.*

*Corona Ru-  
tea.*

*Typot. l. 2. de  
hierograph.  
Gyrald. dia-  
log. 7.  
Aristoteles in  
Prolem.  
Myliū in hor-  
zo Philos. tit.  
Ruta.  
Henric. Bun-  
zing in Chro-  
nico Brunsvi-  
consi, in Hen-  
rico Leone.  
Ælur. in hist.  
Franckenst.  
Papocius in  
Spec. Morav.  
Crato in Ge-  
nealog. Reg.  
Boh.*

*Corona Rutea sequitur; aptissimè profectò: nam cū Ruta faciat Po-  
cula tuta, & venenis ac fascinationibus occurrat, ac deniq; sanitatis sit Sym-  
bolum, Corona Rutea neque Bohemiæ; neque Slavatis qui Pocillatorum  
obtinēt dignitatem, deesse debet; hoc verò decus Majores Vestri à Saxoniæ  
Ducibus mutuati sunt. Prima Origō à Bernardo II. Saxoniæ Duce: cū  
enim ab Imperatore Friderico I. Investituram, ut vocant, A. 1180. accipe-  
ret, orasse fertur Cæsarem, ut aliquo à Fratribus cateris discrimine, Arma  
Ducatus sui, & prærogativæ Electoralis dignitatem insigniret; hūc Impera-  
tor (ut erat per æstum rutā coronatus) Ruteam Coronam Clypeo suppli-  
cantis iniecit, & Electores Saxoniæ in perpetuum ferre jussit; hanc igitur Ru-  
team Coronam Elector Saxoniæ Wilhelmus III. cū Annam Neptem suam  
(ex Hinkone Duce Münsterbergico & filia sua genitam) Henrico Novo-  
domensi desponsaret, in Nuptiarum honorem Sponso imposuit, eoque Ele-  
ctorali munere Novodomensem Familiā honoravit.*

*Corida.*

*Jam ad Corda, quæ numero octodecim sunt in Alis Aquilarum depi-  
cta, & tandem ad Anchoram veniamus. Falluntur egregiè, qui cordium  
istorum argumento, inter Comites Teckenses, & Novodomenses Proce-  
res, nescio quæ mutue successionis in Bonis & ditionibus constituta pacta so-  
mniarunt, & sinè omni publicarum literarum testimonio intercessisse scripse-  
runt. Nullum in Antiquitate, nullum in Archi-vis vestigium, nulla litera,  
nec ullum vel tenue rei tantæ indicium reperitur. Nimirum in Ludis hasta-  
rum, caterisque Nobilitati usitatis decursibus, & præliorum simulacris, ut fieri  
solet, Novodomenses & Comites Teckenses consociaverant arma, & tes-  
seris mutuis datis noscebantur, quos Fratres Armorum appellabat Antiqui-  
tas; eas amoris mutui & fraternitatis æternas tesseræ (cū ita Teckenses  
vellent) Novodomæi suis Insignibus conjunxerunt. Hæc omnia Veteris Bo-  
hemiæ Gloriam significant, cujus Nobilitas cordatissima & animi plena, in  
Bellis fortem semper & præsentem animum, & in ludis singularem dexterita-  
tem in totius Imperij conspectu sæpius demonstravit, ut Libri Torneamento-*

*Libri Tornea-  
mentorum &  
Francolini.*

*rum*



EPISTOLA DEDICATORIA.

rum loquuntur. Optimum illud est, quod Clypeus Slavatinus spei Anchora  
râ consignetur:

Μένη δὲ αὐτόθι Ἑλπίς ἐν ἀρχαίοις δόμοις  
Εὐδὸν ἔμεινε.

Anchora.

Ev ἐλπίδι.

Sola autem illic spes infracta in pyxide  
Intus remansit. canit de Pandoræ poculo Hesiodus.

Habes ILLUSTRISIME & EXCELLENTISIME COMES,  
consilij mei causas, & Bohemiæ Universim, ac Clypei Tui gentilitij lineas  
parallelas; ut intelligant omnes convenientissimè ei, qui Typum Bohemiæ ge-  
rat in Clypeo, & cuius Majores in Cancellarij Munere Regum literas centum  
& amplius annis sigilla verunt, gesta eorundem Regum ac terræ Principum de-  
dicari. Accipe igitur, EXCELLENTISIME COMES, Historiam à  
me diligenter ex vetustissimis & probatissimis Authoribus collectam & con-  
scriptam. Fateor ingenue, Tuis me antiquissimis & novis semper beneficijs  
cumulatum vicem reddere non posse, at Tu (quod de DEO dixit Magnus  
Gregorius) affectum intueri non censum; pretium huic meo labori Tu  
unus potes imponere; fiet pretiosum munus (ut in omni æstimatione monetæ  
videmus) si pretiosum esse volueris. Quod superest, DEUS Optimus Ma-  
ximus Te Ecclesiæ, Patriæ, Domus Tuae Slavatinæ, Societatisque nostræ bo-  
no, quàm longissimè servet incolumem!

Pragæ in Collegio Acad: Soc. JESU  
A. 1687. die 11. Junij.

Tuus

Illustrissime & Excellentissime  
Comes,

Servus, Tuo Nomini deditissimus

Bohuslaus Balbinus S. I.

FACUL-





FACULTAS  
*Reverendi Patris Provincialis Bohemiæ  
Societatis JESU.*

**C**ùm Librum inscriptum de Ducibus & Regibus Bohemiæ (qui est Decadis I. Miscellaneorum Liber VII. à P. Bohuslao Balbino Societatis JESU conscriptum, tres ejusdem Societatis JESU Theologi, quibus id commissum fuit, recognoverint, ac in lucem edi posse censuerint potestate acceptâ à Patre Nostro CAROLO NOYELLE, Societatis Præposito Generali, Facultatem concedo, ut Typis mandetur. In quorum fidem hasce literas manu meâ subscriptas, & Sigillo Officij munitas dedi. Pragæ in Collegio Academico ad S. Clementem 15. Decembris An. 1686.

L.S.

Mathias Tanner.

---

*Qui magno Imperio præditi in Excelso vitam agunt, eorum facta cuncti mortales novère; ità in magna fortuna minima licentia est.* Salust: in Catilina.

*Ut Gubernatori cursus secundus, Medico salus, Imperatori Victoria; sic Moderatori Reipublicæ beata Civium vita proposita est, ut opibus firma, copijs locuples, gratiâ ampla, virtute honesta sit.* M. Tull. Lib: 5. de Republ: & Lib: 8. ad Atticum Epist: 2.

*Princeps mortalis, Respublica aterna est.* Tacit: Lib: 3. Annal.

DECAS I.





# DECAS PRIMA MISCELLANEORUM HISTORICORUM.

## LIBER VII. SECTIO I.

Duces Regesq; Bohemiæ post Czechum ex  
stirpe Craci & Przemygli.

### CAPUT PRIMUM.

*Czech Gentis universæ primus Dux, Author,  
Paterque.*



**C**zechicæ Slavorum  
Gentis in Bojohemo primor-  
dia consensu omnis Antiquita-  
tis, testimonio Scriptorum o-  
mniû, traditione vetustissimâ, ipsôq; etiam  
nomine *Czechorum* (quo *Czechi* vel *Czech-  
ta* domi appellamur) ad *Czechum* in *Cor-  
vatiâ*, vel *Croatia* Provincia Virum Princi-  
pem referuntur. Hic, sive Romanæ domi-  
nationis odio, populares suos, qui nuper ex  
*Sarmatia Europea* (& olim fortè in Euro-

à *Czecho*  
*Czechita.*

Weleslavi-  
nus ex Co-  
dicillo, in  
Geneal. Du-  
cum Boh.

pam ex *Sarmatia Asiatica*) in *Illyricum* ascenderant (ut lib. 2. Dec. I.  
memoravimus) odiosè & impotenter prementium, sive per tumultum  
parte aliquâ exercitûs Romani deletâ, & ereptâ militariter *Aquilâ* (unde  
primus Gentis *Czechicæ* clypeus, *Aquila nigra in flammeo campo* fuit)

L. 2. Miscell.  
Piaſecius in  
Chron. Po-  
lon.

A

iram



Pessina in  
Marte Mo-  
raviae.

I. 2. Miscel.  
ex Bonfinio  
Ritio, Olao,  
&c.

Cromer. lib.  
1. histo. Po-  
lon. c. 14.  
Miech. hist.  
Polon. lib. I  
c. 2.  
*Czechii fra-  
tres.*  
In Stemato-  
graphia.

*De tempore  
adventus  
Czechii.*

Welferus in  
goicis.  
Cromer. in  
Hist. Pol.  
Petav. in Ra-  
tionar. tem-  
por.

Str. in Rep.  
Bohe. c. 8.  
452.  
Cuth. in Silv.  
Hagek in  
Annal.  
Theob. in  
Hussit.

Vid. dissert.  
post c. 11.

iram Romanorum, quos irritarat, metuens, sive aliâ domi cæde factâ (nam id quoque traditur) sive invitatu popularium, qui paulò antè in Moraviae plana vel in Bohemiae vacuos populo saltus intraverant; sive *Attilæ Hunnorum Ducis* invitatu & favore, qui *Slavonorum* populis (ut in Hunnorum Originibus legimus) plurimum tribuebat, semperque *Slavos* suis immixtos in castris habebat, *Czech* noster in *Bojohemum* ascendit. Comites Migrationis hujus *Czecho* fuisse minores natu fratres duos, *Lechum*, qui Poloniam, *Russum*, qui *Russiam* fundarint, docet *Cromerus*, & ex Manuscripto vetustissimo *Miechovius*; hosque maximam *Slavice Nobilitatis* partem secum traxisse Scriptores omnes nostri, & vicinarum Gentium consentiunt, atque idem antiquarum Familiarum Origines, ut suo loco probavimus, demonstrant. De tempore acris inter Scriptores movetur disputatio, quam monumentorum defectu ad liquidum adducere & finire non possumus: *Codicillus* & *Weleslavinus*, *Czechum* circa An. Dom, 278. advenisse affirmant, cum jam *Boji* in Romanam Danubij ripam (quæ Regio postea, *Bojorum deserta* dicta fuit) translati essent, aut spontè in Noricos abiissent; *Welferus* verò & *Cromerus* viri, in Historia Temporum magni, ad *Attilæ* ævum (qui ab A. 402. usque ad A. 454. Romanum Imperium flagellavit) *Czechii* adventum posuerunt. In eandem propè sententiam concedit *Stránsky* Chronologus *Bohemiae* unus è primis, qui etsi nunquam adventus *Czechii* Annum nominare voluerit, tamen cum disertè *Przemyslum* obiisse A. C. 632. affirmet, necessariò advenisse *Czechum* A. 452. cogetur admittere. At verò, qui seriùs ponunt, ut *Cuthenus*, *Hagek*, *Theobaldus*, ad A. 644. multòq; magis *Schleinius* in sua *Vandalo-Bohemia* ad A. 800. planissimè à nobis L. 2. *Miscellaneorum* autoritate antiquorum Scriptorum refelluntur. Quòdque novum refutationis caput est, cogitur *Schleinius* novem Bohemiae Duces cum ipso *Przemyslo* & *Libussa*, ex historia nostra, imò ex rerum natura expungere, & delere; quod quâ autoritate contra omnium Scriptorum torrentem fecerit, ipse videat, cum ab A. 864. (quo *Borzi-vogium* Christi sacra suscepisse fide probatissimorum Authorum constat) novem Principes tantum imperasse *Bohemiae* 50. Annis inverisimile, aut etiam impossibile videatur. Ego pro certissimo statuo, cum maximi in historia Viri *Welferus*, *Adelkreiter*, *Blondus*, *Crantzius*, *Bonfinius*, *Dresserus*, *Brunnerus* noster, *Besoldus*, *Wohburgius*, *Bolluudus* & ceteri, quos infra citabo, disertissimè doceant *Slavos* ex Bohemia circa Annum Christi 520. in Illiricum Colonias duxisse, ac fundasse *Slavoniam* (ut etiam ostendi lib. 2. *Miscellaneorum* cap. 9. & c. 18. in Animadver.) non potuisse Nationem *Czechorum* tanto numero augeri, & tam citò multiplicari,



cari, quæ videlicet nuper *Coloniā*, eamque non numerosissimam in *Bojohemum* adduxerat, nisi prius ducentis aut etiam pluribus annis necessariæ propagationis causâ in *Bojohemia* consedisset. Sed ad *Czechum* redeamus.

Postquam ab antiquis & novis Bohemiæ Incolis *Czecho* delatum Imperium est, prima Ducis cura: militarem ideoque faciliè irritabilem *Czechorum* populum, magno gubernationis arcano, pacatis agriculturæ laboribus, ædificationibus villarum, oppidorum, & Arcium, fossionibus metallorum, præsertim auri, argenti, & gemmarum (quibus si modicè refulserint, mox hominum avaritia capitur) illigare, & cœtibus suorum frequentandis, & communione ejusdem villæ, Oppidorum, Civitatum, ad Patriæ charitatem erudire, ut jam quædam Reipub: non alicujus multitudinis inconditæ, & volaticæ forma appareret; quod sanum & prudentiæ plenum consilium, omnes qui secuti sunt Principes, ac *Libussa* præcipuè sagacissima mulier, tenuerunt. Quæ Oppida regnante *Czecho* surrexerint, diligenter enumerat historiæ nostræ Princeps *Hagecius*: prima villa *Klenecz* à *Czecho* pro filio *Clen* condita stetit; *Czech* ipse sibi veteris Patriæ memor, castrum *Psary* construxit, quod *Libussa* à se *Libin*, posterius villâ *Teinenfi* Pragæ exædificatâ *Wissehrad* vel *Wissibrad*, quod altiore locum occuparet, appellârunt. Viginti & septem annos *Czechus* regnavit, tantâ Imperij authoritate, clementiâ, prudentiâ, & subditorum amore, ut *Patrem* se habere universi crederent, & ipsa odia & ultiones, nè Princeps optimus gravaretur, differrent. Æternum quàm diu gens stabit trophæum *Czechus* habebit, quod in ejus nomen gens universa transierit, ut quantum est *Czechorum*, tantum *Czecho* sit liberorum

Czech populum assuefacit laboribus, & paci.

Czechii mitissima gubernatio.

peragit tranquilla potestas,  
quod violenta nequit,

& quæ gens obsecro, in Tyranni nomen adoptare se velit? sepultus est *Czech* in *Ctinoves* quasi dicas *honoris villa*, veris subditorum lachrymis Tumulum irrigantibus; cui arcum triumphalem faxeum (rarum in illa populi rusticitate honoris genus) posuerunt.

Ctinoves quasi dicas honoris villa.

Filium unicum *Klen* nomine, cum & ingenio (quod Heroum filijs sæpe accidere videmus) & corpore debilis esset, nulla Patris merita regnandi idoneum efficere potuerunt; ita factum, ut cum populus ob recentem Patris memoriam *Klenum* in toto deferere nollet, & *Klen* ipse conscientiam imbecillitatis, Ducis personam sustinere cum dignitate non posset, utrique quieverint, & novi Ducis electio in mortem *Kleni*, 15. ipsos Annos, dilata sit. Mortuus est *Czechus* A. C. 352.

Czechii filius degener.



## De Genealogia Czechi.

**N**ihil propè de Czechi Familia constat; summo ortum genere apud *Corvatos* vel *Croatios* affirmant omnes, & satis ostenditur ex ejus & fratrum Principatu, tum ex eo quoque, quòd tanta *Slavorum Nobilitas* procul in ignotas terras *Czechum* ignobilem sequi, ejusque auspicijs gubernari probrosum, & malè ominatum putasset.

Czech Bohemiae      Lech Poloniae      Russus alter Czechi frater  
Dux.                      Dux.                      Russia Princeps.

*Klen Czechi filius. ignoratur successio.*

Wrssovecij  
cognati Du-  
cis Czechi.

Ultra *Klenum* in silentio, Annalium ire non possumus; certum tamen habetur vetustissimam *Wrssoveciorum Comitum* gentem apud nos & *Polonos* latè propagatam *Imperium Bohemiae* sibi deberi contendisse, eaque ex caula *Libussæ* conjugium affectasse, quòd se ex stirpe *Czechi* ortos dicerent. Sed istud, an virili an fæmininâ majorum serie deduci potuerit, nemo unquam tradidit.

Intentio Au-  
thoris in  
hoc libro.

## NOTÆ in Caput primum.

Jul. Solim.  
Elogia Prin-  
cipum, &  
Regum Boh.

**C**uperem *Lectores* meos semel intelligere: me in hoc libro, quo gesta *Regum* nostrorum præcipua complector, nolle *Regum elogia texere*, neque ingeniosè & argutè sententijs illustribus & vibrantibus causas factorum explicare, non enim id valetudinis meæ status nuper sideratione non leviter perstrictus sum, idque ante me argutissimè præstitère plurimi ac præcipuè *Italus* homo, sed summus gentis nostræ admirator & amator (ut ex *Orationibus* ab eo editis elegantissimis postea patebit) *Julius Solimanus* è *Societate Jesu*, cujus *Duces* & *Reges Bohemiae Praga* excusos legimus, at qui recudère omisso authoris nomine, habent quod de Plagio respondeant. Nè igitur quod nolui à me *Lectores* expectent, tria mihi in hoc libro studiosius conspectanda sumsi, I. *Successionem* Principum ac *Regum*, eorumque gesta singularia, tum *Chronologiam*, ac tandem *Genealogiam*. Hæc si præstitero, optimè officio functum me putabo. Ac certè (si quid ego intelligo) hæc tria sunt, quæ *Historiam* à *fabularum* vanitate discernunt, & quibus omnis ævi memoria tutissimè inædificatur.

Czechii Sla-  
vica gens.

*Czechica Slavorum gentis &c.* Slavica gentem *Czechos* esse dubitare nemo potest: id ipse Slavicus sermo nobis, *Polonis*, *Moscis*, *Dalmatis*, *Croatibus*, ac cæteris communis demonstrat. Antiquissimi Scriptores nostri *Christannus Boleslai Fratricida* filius, & *Cosmas Pragensis Decanus*, aliique Veteres, Slavica vel *Slavonicam Bohemorum gentem* semper appellant; totus in hoc argumento *Secundus Miscellaneorum Liber* consumitur.

*Czech in Bohemiam ascendit &c.* De tempore adventus *Czechii*, ut dixi disceptatur, nos mediam quandam viam inibimus, & *Chronologiam* poscente, inter An. 300. & 330. *Czechum* in Bohemiam verisimiliter inducimus.

Russus Cze-  
chi frater.  
In Notis.

*Russum, qui Russiam fundavit &c.* Quæ hoc loco de *Russo Czechii fratre* attuli, ex *Cromero* descripta sunt. Si quis hæc accuratius sibi probari cupit, legat *Epitomes nostræ*



nostræ Librum 1. c. 10. & satis scio licet pugnacissimus manus dabit veritati.

*Maximam Slavica Nobilitatis partem &c.* Cum *Czecho* in Bohemiam advenisse *Bssovios*, postea *Mielniko* ædificato, *Comites Mielnicenses* ( deinde *Guttensteinios* ) appellatos, *Kolovrataeos*, item *Wrssovecios*, *Bivogios* seu *Leones* & *Hasenburgios*, *Kaunicios*, & qui communia cum illis arma ferunt, tum *Rziczanos*, *Comites Bilinenses*, *Caplirzios*, *Comites Ofecanos*, *SSvabenskios*, *Benedas*, & alios innumeros cum *Czecho* in Bohemiam advenisse scribit *Paprocus*, & nos in Stemmatographia evidenter probavimus.

*Postquam Czecho delatum Imperium est &c.* Non continuò advenienti *Czecho* defertur Imperium, regnavit latissimè in his oris ( ut *Petrus Codicillus* & *Weleslavinus* tradunt ) licet evacuatâ *Boijs* & *Marcomannis Bohemiâ* rari essent Cultores, regnabat, inquam, in his *Zalmanius* quidam *Circipani* filius Originis Slavicae, cui successit *Tursko* filius, quem in prælio *M. Constantini* adversus *Licinium* ( quod circa A. 315. gestum *Ricciolus* ponit ) periisse affirmant; post *Turskonem* Populi veteris & Novi lætis clamoribus victus *Czech* jam senior, quippe Annum 60. ætatis agebat, tandem Rempublicam tractandam suscepit, Annisq; dein decem ac septem ( verius 27. ) imperavit. Hæc modò dicta an cum Chronologia componi possint paulò post videbimus.

*Magno Gubernationis Arcano &c.* Plurima hujusmodi exempla suppeditant historiæ: portentosas illas ædificationes Pyramidum, Templorum, Urbium, & eorum operum, quæ *Mundi miracula* appellantur in Asia, hoc quoque consilio susceptas reor, ut populus qui numero nimium excreverat, teneretur, neque otio indulgens res novas moliretur. Huc etiam spectant Populo excrecente deductæ in alias terras Coloniz, ut *Bojorum* ex *Gallia Germanica*, rursus ex *Bojohemo Tolistobojorum* in *Graciam* &c. & omnes propè gentium *Migrations*, quas prosequitur *Lazius*. Eadem est ratio in Populis, qui otiosam multitudinem e Patria militatum emittunt, malunt enim extra Patriam quàm domi bellum geri, ut *Helveti*, *Galli Veteres*, *Turci*, qui aliquo bello distinent suos & armis assuefaciunt. Ad hoc exemplum *Cæsar Sigismundus*, postquam paternum *Bohemiæ Regnum* precariò potiùs, quàm armis recuperasset, *Bohemos* milites exercitatissimos, quos domi meritò metuebat, in bellum *Turcicum* duxit, ut ( quod prudenter observat *Æneas Sylvius* ) seu caderent, seu vincerent, prodesse.

*Czechus veteris Patria memor &c.* *Czech* in Croatia *Krupinam* & *Psary* arces ditione tenebat, ut habet *Weleslavinus*. Castelli hujus *Krupina* mentionem in Croatia sua facit aliud agens *Bonfinius*; ex quo multum confirmatur eorum sententia, qui ex Croatia in Bohemiam *Czechum* asserunt appulisse. *Psary* hodièque locus dicitur post *Wisschradum*.

*Sepultus in Crinoves &c.* In *Budecz* ad *Welvarium Czechum* esse sepultum quidam aquid *Welesvinum* tradidère, sed manifestè refelluntur à *Palkava*, qui *Carolo IV.* imperante historiam *Bohemiæ* scribens, ait, *Crinovesij* fuisse, & Monumentum *Czech* fornice antiqui operis concameratum vidisse. Annis compluribus, quoties mihi illac iter fuit, locum quæsi, incolas rogavi, frustra fuerunt omnia, rustici, utpote aliunde translati indicium dare non poterant; senem nominabant qui illic vicinæ habitaret, ex hoc pago oriundus; tandem repertus est, qui advocatus, benignè locum ostendit in horto rustici cujusdam Pragâ venientibus ad dexteram sub Ecclesia, quæ in colliculo vicino stat, quam nuper ibi *Lobkovicius* vestustate cadentem de novo eleganter extruxit, fornix subterraneus tumuli multis locis corruit, cetera senticetis & ruderibus malè tecta clauduntur. Porro de Clypeo *Ducis Czech* aptiore loco dicitur.

Czech comitatus nobilis.  
Vide Origines Comitū Guttenstein.

Paprocus in Stemmat.

Tursko ante Czech m. vi. Lib. 2. Miscell.

Ricciol. in Chronol. reformat.

Causæ eorum migraverint populi.

Weleslav. in Genealogia Ducum Bohemiæ, & in Præfat. ad Silvium Cutheni.  
Bonfin. rerū Ungaricar. Dec. 3. l. 1. Loco cit.

Sepultura Czech.



## CAPUT II.

## Crocus I. Bohemiae Dux II.



Lech designat Crocū  
Ducem Bohemiae.



**C**zechī Ducis felicitas, mitissima gubernationis ratio, & quādam in consilijs divinitas populum Bohemiae grandi mœrore, postquam ex oculis amissus est, prostravit: successorem nullum, qui paria faceret, neque illum quidem, quem Patri esse maximè similem oportuerat, inveniebant: filios enim degeneres Patrum claritas obscurat potius,

quàm illustrat. Novem aut etiam pluribus annis ijs moribus, ijsque legibus, quibus sub Czecho assueverant, utcunque sustinebant sese, & in officio permanebant. Sed nimirum regi debet humanum genus, nec sibi permitti. Violenta & insidiosa sunt vitia, contactu vulgantur, neque fieri potest, ut inter malos tuta sit innocentia, nisi poenis cum potestate irrogatis coërceatur improbitas. Decimo ineunte Anno aut serius quibus aliqua in Bohemia publicæ rei cura fuit, de communi consilio, Legatos in Poloniam mittunt, & Lecho fratri Imperium offerunt; maluit Lechus secunda, & jam sua Imperia obtinere, quàm aliena & senectuti suæ incommoda consecrari. Consilio tamen fraternæ Czechorum genti tantum profuit, quantum si in rem præsentem venisset: *Crocum* (alijs *Gracchum*) in Zatecensi Provincia arcis *Wladarz Dominum*, pro se commendat Legatis, qui domum reversi legatione populo expositâ unius *Lechi* autoritate rem omnem confecerunt, estque *Cracus Psary* ab universo Populo Princeps adoratus. Aliquid in Principe semper esse oportet, quod eum Populo admirabilem, sive etiam si res ferat, terribilem, denique præstantiorem subditis efficiat & eximat vulgo; vaticinandi scientiam (ut erant illa sæcula dæmonibus obnoxia) adamaverat, & profitebatur *Cracus*; hanc ille de se Populi existimationem perstudiosè fovebat, multis edictis, & Imperijs suis vel timorem, vel spem adjungens, ut aliquid de cœlo trahere edicta viderentur: est enim maximum divinitatis argumentum scientia futurorum; ad idem exemplum conjugem duxerat *Borzenam* nomine, quæ divinos afflatus mentiebatur. Rebus domi ex sententia compositis *Cracus* foris amicitias quæsivit, & foederibus,

Craci gesta



bus, Regum maximorum exemplo, potentiam suam stabilire conatus est; *Weleslavinum* authorem habeo, *Cracum* Marcomiro Francorum Ducis *Milenkam* filiam despondisse conjugem, & Genero adversus Imperatorem *Gratianum* ad Moguntiacum tulisse suppetias. Jam quinquaginta, quot olim Romæ Conditor *Romulus*, in Bohemia *Cracus* regnaverat Annos, cum ecce fraterna gens Poloni ob turbatas res suas Legationem splendidissimam in Bohemiam adornant, & ad eas componendas *Cracum* sibi, vel Cognitorem, vel Judicem deposcunt. Non negligenda res visa glorioso seni: advocat Procerum, ac Populi consilium in *Psary*, Legatorum postulata exponit, filium sibi cognominem juvenem lætæ, & exporrectæ indolis, jam quatuor & viginti natum Annos, qui adstabat lateri, ostentat, si quos ex Populo sui desiderium teneat filium, qui & consilio, & moribus paternis Rempublicam tractaturus sit paria facturum. Facto à *Proceribus* initio, consensere omnes, quos ille blandissimâ oratione consolatus, & gratias pro secundissima in se voluntate verbis amplissimis referens, & filio, quæ Populo placerent justitiam, aliasque Principum virtutes, commendans, consilium dimisit, brevique post *Proceribus* Bohemiæ procul deducuntibus, in *Poloniam* discessit. Ad Populi votum gessisse Imperium in *Polonia* & *Cracoviam* de suo nomine condidisse, Poloni Scriptores tradiderunt.

De hoc bello Ricciolius in Catalogo videt. l. 1. §. c. 8. Chronologia refertur.

*Cracus* filium designat Ducem Bohemiæ.

## NOTÆ in Caput secundum.

**I**s moribus affveti &c. Sarmaticos, seu Slavicos mores, & vitam diu adhæsisse primis illis Bohemiæ cultoribus dubium esse noti potest: viros bonos, sine dolo & fraude, in communem consulentes, omnia ad publicam utilitatem referentes (quod in tanta hostium Germanorum, quibus incincti erant, potentia necesse fuit) velut nihil proprium illis esset, *nostrâ*, quæ tenerent singuli, vocitasse, maximos & vetustissimos Authores habeo; qua in re ridiculos quidam Scriptores se præbuerunt, qui cum auream ætatem tribuere Populo illi novo percuperent, nè quid aureæ ætati deesset, *glandibus* (quas jam pridem humana vita proscripserat) eos vixisse tradiderunt, quod merito irrisit *Æneas Silvius*.

Czechorum primi mores

Cosmas Chron. l. 1. Boloslaus chron. c. 2. Dubrav. l. 1. Stransky in Rep. Boh. l. 1. & 2. c. 5. Silvius in hist. Boh. Gvagnin: in chronico Polon. Craci gentis à Romanis.

*Cracum* alijs *Cracum* &c. *Cracum* primum nepotem fuisse *Czechum* Bohemorum Ducis scribit *Alexander Guagninus*, quem in hoc omnes alij Scriptores destituunt nominantque vetusti Annales *Hledium* virum Principem, qui *Cracum* in Bohemia genuerit. Illud probatur magis, quod Poloni, atque etiam nostri tradidere: *Craco* vel *Croco* Romanorum genus *Gracchorum* fuisse, cuius scilicet Majores Româ in *Illyricum*, aut in dicto exilio, aut aliâ causâ olim immigrassent, nomenque *Gracchi* in *Craci* vel *Croci* ut facile in nominibus contingere amat, à Populo commutatum.

*Milenka Marcomiri Conjugis*. Quæ hoc loco de *Milenka* attuli ex *Weleslavino* desumpsi; unde verò is descripserit, non laboro, favent tamen huic sententiæ Genealogistæ *Reisnerus*, & *Heningses*, ut dicam Notis in Cap. II.; crediderim *Weleslavinum* ex Petro Codicillo, hunc verò ex vetustis Scriptoribus, qui mihi nunc ad manum non sunt, quod de *Milenka* dicitur, descripsisse.

Adver-



Ricciolius in  
chronico  
magno chro-  
nologiae re-  
formatæ.

*Adversus Imperatorem Gratianum &c.* Hoc bellum A. C. 379. gestum ex *Riccioli* nostri Chronologia apertissime constat. *Weleslavinus Cracum* Seniore (quem ad Imperium vocatum asserit A. C. 345.) cum *Juliano* Cæsare tuendorum limitum causâ ad Danubium depugnasse scribit; unde id acceperit nescio, Chronologia tamen concordat: nam *Julianus* *Coloniâ* vel *Argentoratûm* post cruentum prælium A. 357. recuperavit, & Annis duobus sequentibus 358. & 359. *Francos* & *Alemannos* in deditionem accepit. Vide Chronologiam nostram post cap. 12.

## CAPUT III.

### Cracus II. Bohemiae Princeps III.

Craci II. Im-  
perium lau-  
datissimum.



*Raci* Bohemiae Ducis Imperium non paternæ, sed multo magis propriæ virtutes sustinuerunt. Illud juveni

Principi primis annis ad Authoritatem parandam idoneum maxime, quod viveret Pater, & fortissimæ & vicinæ genti imperaret, ut si quid adversus filium moveretur, *Cracus* senior armorum terrore ex vicinia componeret; sed eò deventum nunquam est: nam primum cum à Patre mitti sibi Im-

peria ex *Polonia* fingeret, postea id sibi & Populo odiosum intelligens omisit, & post paulò Patre demortuo suis auspicijs *Bohemiâ* rexit, maluitque virtutes patrias in seipso exprimere, quam monita absentis audire. Literarum studiosissimus fuit, quas adhuc eo tempore in papyro, & corticibus tiliarum & salicum exarasse, & pinxisse nostros homines *Hagecius* est Author. In Urbe *Budecz* tribus à Regio Castello *Psary* miliaribus (nam *Praga* necdum stabat) scholas primum pueriles, deinde etiam cæterarum scientiarum (quæ sine dubio in illa sæculorum Barbarie vix hoc nomen merebantur) aperuit; sola *Magia Theologiae* instar regnabat, & præcipuum obtinebat locum, ad quam penitus perdiscendam Princeps *Cracus* Procerum liberos invitabat, atque ut loco celebritatem adderet tres filiolas (cum prole masculâ careret) discipulas ablegavit; in his *Budecensibus* studijs *Przemysli Stadicensis*, cum *Libussa Ducis* filia familiaritatem quandam initium habuisse tradunt vetusti historiæ nostræ Scriptores. Militiam quoque (Regium, ut ita dicam, opificium) coluisse Principem *Cracum* in *Weleslavinio* legimus, qui eum Gothorum Regem *Arbogastum* bello petisse scribit, in quo prælio viginti Go-

*Weleslavin*  
Genealogia  
Principum  
Boh.

tho-



*thorum* millia ceciderint; ego in nullo eorum temporum Scriptore, *Arbogasti* apud *Gothos* regnantis nomen invenio, nisi Exscriptoris sit error. Verbo totum eloquar: usque ad *Przemysli* & *Libuffæ* Imperium, omnis *Bohemiæ* historia incerta in gestis Ducum nutat, & pauculis exceptis Chronologiæ examen vix sustinet, quid verisimiliter statui possit suo loco dicetur. Obijt *Cracus* vel *Gracchus* ætatis 86. Imperij 62. si *Weleslavinus* credimus. Ex *Nirva* conjuge insignis proceritatis, & paris venustatis fæmina, nullam prolem masculam, sed tres filias genuit, vel ad invidiam virorum præstantes: *Cassa* sororum maxima herbarum & medendi scientiâ, *Tetka* magicis artibus, quibus cæteræ etiam eruditæ erant, *Bohemiam* universam in admirationem & sui venerationem trahebant, *Libuffæ* licet natu minimæ, ingenio tamen & prudentiâ maximæ, celsere sorores Imperium, Proceres ac Populus jusserunt, nec vanissima & ingenij gloriâ elata virgo Imperium in viros recusavit accipere.

Filiæ Craci II.

## NOTÆ in Caput tertium.

**I**N corticibus tiliarum, & salicum &c. Ut papyrus Ægyptijs olim, sic cæteris gentibus Cortices & tunicae, imò & folia certarum arborum chartæ usum præbebant, cujus confectionem tardiùs inventam docuit *Gvillandinus*, qui *Plinij* locum lib. 13. hist. Nat. c. 2. corrigit, & non in *palmarum* folijs, sed in *malvarum* scripsisse Veteres ostendit. Vide accuratam de his tractationem apud *Robartellum* in Disp. de arte corrigendi veteres libros, & *Milium* in *Horto Philosophico*, tit. de papyro.

Charta Veterum.

*Gvillandinus* Tract. de papyro.

De Arbogasto contro-  
versia.  
*Zosimus* l. 4.  
A. 388.

*Gothorum Regem Arbogastum* &c. Scio *Arbogastum* Comitem apud *Zosimum*, quem ad prandium S. *Ambrosius* A. 375. invitasse legitur, is *Arbogastus* & *Victorium Maximi* Tyranni filium interfecit, & *Valentinianum* juniorem vulneravit A. 392. & ipsemet rerum suarum, & *Eugenij*, cujus partes sequebatur, desperatione sibi ipse mortem conscivit A. 394. sed neq; *Rex Gothorum* unquam fuit, neq; in *Gothica*, sed in *Romana militia Magistri militum* sibi munus usurpavit; adde quòd *Weleslavinus* ipsa Chronologia aperte refutet, cum enim apud eum *Cracus II.* A. 395. *Bohemiæ* Imperium sit auspicatus, contra irrefragabili bonorum ejus temporis Scriptorum autoritate (quos in Chronico magno suo citavit *Ricciolus*) constet: *Arbogastum* A. 394. periisse, non potuit *Cracus* noster nisi cum *Arbogasto* mortuo manus conferere. Erit igitur *Weleslavinus*, alius *Gothorum Rex Arbogastus* quaerendus.

Obijt *Cracus* ætatis 86. &c. *Weleslavinus* alioqui ad Chronologiam perattentus, malè iterum *Craci II.* ætatem cum Annis Christi ordinasse & composuisse videtur: imprimis *Cracum* ait A. C. 395. auspicatum esse Imperium, ætatis suæ A. 24. regnasse verò A. 39. igitur obierit A. C. 434. at, quod addit, vixisse *Cracum II.* A. 86. evertit totum, quod dixerat: nam si 24. ætatis annos compleverat, A. 395. Anni 62. necessario adjici debent, ut 86. vixisse statuatur; ergò non tantum 39. Annis regnavit, sed Annis 62. adeoque obijt eum oportebat (non A. C. 434.) A. 463. cum nihilominus *Weleslavinus Libuffæ* mortem in sequentibus posuerit A. 457. quod si admittatur, Chronologiâ, quam ipse statuit poscente totum *Libuffæ* Imperium delebitur, quod à nullo Historiæ nostræ perito, nè quidem ab ipso *Weleslavinus* potest defendi. Nos in ætate *Craci* vetustum *Pulkavam* tum alios Scriptores secuti sumus:

*Craci II.*  
chronologia.



# TABULA I.

## Genealogia Cracorum, vel Grachorum.

a. *Hledius* ex Grachorum Romana stirpe, qui cum *Czecho* in Bohemiam advenerat.

b. *Cracus* vel *Crocus* I. *Wladorzij* ♀ c. *Borzena* d. *Bazak* Croci frater.  
Dominus primum Bohemiae, & vaticina-  
postea Poloniae Princeps. trix.

c. *Cracus* II. Bohemiae Princeps. ♀ f. *Niva*. g. *Milenka*, uxor { h. *Lapak*. ♀ i. *Zvratka*  
Marcomiri Ducis { Claudus, igno- Saga.  
Francorum. ratur successio.

k. *Kassa* ♀ l. *Bivogij* herois. m. *Tetka* ♀ *Slavosij* n. *Libussa* ♀ *Przemysl* de qua  
quæ con- didit arcem *Kassin*. quæ co- ndidit *Tetin*. capite sequenti.

o. *Rodislav*. p. *Prostoslav*. q. *Bela* uxor *Kossalij*, r. *Hes*.  
quæ *Bilinam* condidit.

s. *Rodov*. t. *Chleboslav*. u. *Ctiboh*. x. *Lidomir*. y. *Sudiprav*. z. ab hoc *Hes* descendunt  
qui tabulam *Scachidis* ge-  
stant in *Clypeo*.

aa. *Zbraslav*. bb. *Rod*. cc. ab his dd. *Hrutu*.  
duobus fratribus descendit stirps  
eorum, qui *Apri* caput gerebant  
in *Clypeo*. ee. *Sucostav*. ff. *Stugmir* seu *Stillfrid*.  
gg. *Milefs*.

ab hoc *Mileffio* descendit Familia *Kaplarziana*.

## NOTÆ ad Genealogiam Cracorum vel Grachorum in Bohemia.

a. **D**E *Hledio* nihil addere possum, præterquam Virum Nobilem, potentem & celebrem fuisse, quodque ipsa ætas, & Chronologia persuadent, *Czecho* coævum & comitem itinerum & viarum. Romanum genus in eo pluri-  
mi Scriptores agnoscunt.

b. *Cracus* vel *Grachus* I. quem MM. SS. Codices non *Ducem*, aut *Principem*, sed  
*Judicem Bohemia* appellant.

c. *Borzenam* aut *Bozenam* fatidicam, & vaticinatricem fuisse affirmat *Weslavinus*.

d. Præter nomen *Bazak* nihil potest adferri.

e. *Cracus* II. longævus Princeps, de quo antè dixi, mortuus est A. 480.

f. *Niva* longè ante Conjugem *Cracum* obiisse traditur.

g. *Milenka* uxor *Marcomiri* Francorum Orientalium Ducis, cujus filius *Pharamundus*  
primus Francorum Rex electus A. C. 420. decessit. quo Anno *Marcomirus*  
vitâ excesserit, non satis liquet; obtinebat verò *Marcomirus* proximas Bohe-  
miæ Regionem, ut Genealogistæ tradunt, ideòque faciliè ex proximo *Milen-*  
*kam* in Conjugem accepit; nec parva inde gloria Principibus nostris, & qui ex  
*Przemyslæa* gente descendunt, *Ssvihovij*, *Czerninjs*, & *Slavatis* ( ut postea  
pro-

Evagrinus  
in chron:  
Polon:

Pulk c. x. hi-  
stor: Boh.  
In Genealo-  
gijs.

De Marco-  
miro dubia  
historia.

Ricciol. in  
chron. ref.  
Raufnerus.  
Menninger:



probabitur) nascitur, quod ab ijs tot Regnorum & Imperiorum Monarchæ, quot à Pharamundo Genealogistæ derivant, processerint, ac procedant.

h. *Lapak Croci* I. ex fratre nepos, de quo aliud nihil traditum accepimus, quàm prudentem & circumspectum, sed claudum altero pede, insignem Civitatem *KlecZany* (quæ nunc pagus est) condidisse.

Hagek in Annal.

i. *Zvratkam* dæmonum sacris diligenter operatam habent vetusti Scriptores, aliud nihil.

k. *Kassa* senior sororum, herbarum gnara & artis medicæ imprimis, condidit arcem *Kassin* trans flumen *Wltavam* contra *Zbraslaw*; rudera quædam hodièque videntur, ut dixi in prioribus Miscellaneorum libris. De *Kassa* sepulchro hæc ampliùs *Colmas*: *Kassa*, inquit, *Croci* filia adhuc hodie cernitur tumulus altè congestus super ripam fluminis *Alsa*, juxta viam, quæ itur in partes Provincia *Bechin*, per Montem, qui dicitur *Offeka*. Ubi flumen *Alsa* sit, ubi Mons *Offeka* in *Bechinensi* Provincia, etsi multum indagaverim, fateor me nescire, scient fortasse viarum nostrarum & locorum periti.

Kassæ sepulchrum.  
*Pulkava* c. 2.  
*Colmas* in histor.  
Fortè: fluminis alba.

l. *Bivojus* filius *Sudirogij* Slavicæ Nobilitatis quæ cum *Czecho* advenerat vir præcipuus, *Kassa* conjux. Hic obvium in silvis *Aprum* in se euntem, viribus fretus, vitato ejus fulmineo impetu, auribus comprehensum ad *Libussam* attulit, ideoque in militari Clypeo *Aprum* ei *Libussa* ferre dedit.

m. *Tetka* media sororum Magicis sacris, ut cæteræ quoque sorores, initiata, oraculis dæmonum consulendis occupatâ, de suo nomine Arcem & Civitatem *Tetin* condidit, eoque loci cum Coniuge *Slavossio Whodbogij* filio habitavit, cujus honori ad *Mizam* fluvium *Slavossor* Urbem (quam posteri *Beraunam* dixere) construxit, à morte ad radices Montis *Pohled*, qui *Tetino* occidentalis est tumulatur. *Slavoss* conjux ab elegantia formæ, & robustissimis viribus ab antiquis laudatur.

Tetkæ sepulchrum.

n. De *Libussa* & *Przemislo* agemus Capite sequenti.

o. *Rodislav Bivogij* filius ex militari Patris Clypeo *Apri* caput dictus, in filij nati gratiam Arcem *Rodor*, vel *Ronor* ædificavit.

p. *Prostislav* solum nomen habet in antiquitate.

q. *Biela Kassa* filia virilis animi mulier, factis heroicis multos superavit, venationibus urforum dedita, eaque periculosâ voluptate se oblectans duos urfos furentes suâ manu sola confecit, & ab hoc felici eventu *Nedwédicé* (urforum villam) extruxit. Sed à *Bilina* Civitate, quam fundavit, & à fluvio præterfluente, quem à se *Bilam* vel *Bielam* appellari voluit, major & diuturnior cæpit gloria. *Kossal* maritus *Biela* castellum *Kossalor*, vel *Kossalor*, quod hodièque ad *Liomericium* videmus, in Rupe construxit. Cædem *Kossali* *Hagecius* descripsit; *Biela* mariti Cæde acceptâ decimo post die mœrore contabuit.

De Biela.

Hagecius in Annal.

r. *Hes Slavossij* & *Tetka* filius magni vir nominis ætate suâ, duas sibi arces *Heskor* & *Nizbor* ad fluvium *Misam* non ita procul à Patre condidit; primus in Bohemia ferrum invenit, eaque ratione ingentes opes, & celebritatem nominis sibi comparavit.

s. t. *Rodor* & *Chleboslav* fratres. Addere nihil possum.

u. *Ctiboh* Civitatem *Bielam* (hodie multis dictam *Weiswasser*) ædificavit in matris suæ memoriam.

x. *Lidomir* Annos 24. natus Patrem amisit; juniori fratri *Bilinam*, quæ post Patris mortem ad eum hæreditate pervenerat, cessit, atque ipse novas sibi sedes quæsit, ac *Lidomiricum* seu *Liomericium* (hodie Regiam & notissimam Urbem) & inde non procul, *Pokraticam* villam statuit.

Pokraticæ.



y. *Sudiprav* cessione utriusque fratris *Bilinam* ditione tenuit.

Clypeus  
Scach.

z. *Hes Slavossij* filius posteritatis amplitudine & numero, quos hîc adduximus, omnes exsuperat. Tabulam *Scachidis* gerebat in Clypeo, quâ hodiêque complures ex Nobilitate nostra meritò gloriuntur, ut *Klenovij* Comites, Equites *Fanovsky*, *Dobalsky*, olim & *Kosoržij*. Multi ex hac gente à nobis in Poloniam immigrârunt, ut testatur *Dlugossius*, *Paprocus* in *Klenovijs* disertè affirmat: *Martinum* Archi-Episcopum *Gnesnensem* A. 1118. ex hac stirpe nobilissima prodijisse, enumerâtq; in eo gloriosissimo Regno complures tam *Antistites*, quàm militiæ Duces, aliisque honoribus insignes armorum fratres, ut antiquè dicam, ab eadem origine *Slavossij* descendentes, de nostris dubium esse non potest, idque ex Historia *Clatoviensi* ante sexcentos & ampliùs annos scripta discimus, & in *Stemmatographia* nostra probamus, videatur *Okolsky*, & *Paprocus*.

Okolsky in  
Orbe Polo-  
nico.  
Paproc. in  
Klenovijs.

aa. *Zbraslav* de suo nomine Villam condidit cognominem, ob quam caussam *Cænobium Aula Regie*, quod eo in loco *Wenceslaus VI. Rex* extruxit, hodiêque apud multos retinet nomen, & *Zbraslaviense* vocatur.

bb. *Rod Zbraslavij* frater Villam statuit *Radotin* vel *Rodoten*, ac si diceret *Rodi septimentum*, & circumvallatio: *Tyn* namque sepem, & *Tyniti* vetustâ *Slavorum* voce *sepire* significat.

Hazmbur-  
gici.

cc. Stirps *Bivogij* (cujus Majores cum *Czechò* in Bohemiam advenêre) maximos heroas Patriæ genuit, qui multiplicatâ sobole varijs sese nominibus, & ramis divisêre, ut de *Waldek*, *Trzemssinij*, *Hazmburgij*, *Sselenbergij*, *Leones* &c. omnes jam extincti sunt, præter *Leones in Moravia* hodiêque superstites, qui ad *Aprugnum* caput, *Leonem* additum habent à Regibus, de quibus in *Stemmatographia*.

dd. *Hruta* ob aliam nullam caussam, quàm ob patrem, & filios nominatur. *Bilinam* ditione tenebat.

Sukoslav.

ee. *Sukoslav Hruta* filius, auri & argenti ditissimus, cum Duci *Pragensi Hostivito* refractarium se contumaciter ostenderet, & *Slavibori Comitis Mielnicensis* ditiones fœdissimè vastaret, à Duce & *Slavibore* in arce sua *Sukoslav* obsessus, & captus graves pœnas dedit, manibusque ac pedibus truncatus in *Egra* fluvio demersus interiit.

Stillfrid.

ff. *Stugmir* (Germanis in Bavaria *Stillfrid* postea dictus) *Sukoslai* frater ab *Hostivito* in prælio captus, in Bavariam exulatum missus est. Post annos 13. cum *Borzivojus Hostiviti* filius, quod Religionem Christianam amplexus ab Ethnicis ex Bohemia in Moraviam ejectus esset, revocatus domum, oblati Ducum insignibus; at quia linguam patriam oblitus, de Religione insuper Populo suspectus erat, quâ facilitate admissus erat, eâdem folio Ducali dejectus; ut suo loco narrabimus, in Bavariam remissus, nunquam redijt, postquam mensibus non ampliùs decem imperâsser.

Milešsov.

InStemmato-  
graphia.

Kaplrizij.

gg. *Milešs Sukoslai* filius ædificatâ arce *Milešsov* parvos liberos reliquit, ipse in prælio, quod cum *Krzesio Budinensi* commiserat interfectus. Ab hujus *Milešsij* posterit descendunt lineâ virili vetustissimi Equites *Kaplrizij*, qua de re suo loco. Illud memorabile prorsus (quod an de alia illustri in Bohemia stirpe dici possit, nescio) ex eo tempore ad nos usque mille ampliùs continuis annis *Milešsoviâ* arcem, & aditum arci terræ tractum, nunquam Dominos mutâsse, semperque eam ditionem ad *Kaplrizios* pertinuisse, quâ causâ fortassis adductus *Zdenko Comes Kaplrizius*, insignis bello Dux Cæsari à bellicis consilijs *Milešsoviâ* arcem dirutâ vetere novam à fundamentis opere magnifico construxit.

Haete.



Hactenus Genealogia Cracorum, & eorum qui Craci vel Grachorum Romanæ quondam stirpis Procerum, per tres ejus filias nascentes acceperunt sanguinem. Quam Genealogiam ex parte Christannus S. Wenceslai nepos, & Cosmas post mille à Christo nato Annos historiam texens, tum Pulkava Caroli IV. tempore, sed totam, ut hîc recensuimus Weleslavinus in Calendario historico A. 1590. Typis edito confirmant.

## CAPUT IV.

*Libussa Craci II. filia partim sola, partim cum  
Conjuge Przemyslo IV. Duce ac Principe Bohemiae imperat.*



**L**ibussa Craco patre rebus humanis exempto, ultro cedentibus, ut antè dixeram, sororibus, ingenij, prudentiæ, & eloquentiæ commendatione, accedente formæ gratiâ, & morum suavitate, anno ætatis suæ quinto supra vicesimum, Imperium à Populo sibi delatum libens accepit. Sorores cæteræ Conjugum, & liberorum amoribus implicabantur; Libussa non esse sola credebatur, quæ ipsos Deos haberet obsequentes, & quæ Rempublicam velut filiam, non molli quidem, aut fegni, sed delicatâ, & placidâ manu mulceret, & tractaret; additi sunt regiæ Virgini duo, tresve Proceres, quorum non tam audiret consilia, quàm operâ in exequendis Imperijs uteretur. Dubitari non poterat, quin præsentia bene judicaret, quæ etiam futura pernosset; quidquid timebat, aut sperabat populus, ad eam referebat, atque illa sinè pretio responsa reddebat. Sybillam Bohemiæ posses dicere, quæ ut quondam illæ, fortasse Virginitatis merito, CHRISTUM nasciturum, perinde nostra sanctimoniam & gloriam SS. Wenceslai & Adalberti sub ænigmate dua-

Libussæ in  
regendo  
prudencia.

Ejus opera.



*Pulkava hist.*  
c. 3.

Cogitur vi-  
rum ducere.

*Vide Notas in*  
*hoc Caput.*

Przemyslū  
Virum No-  
bilem eligit.

Przemyslus  
dividit po-  
pulum Bo-  
hemie.

Ejus filius.

rum *Oli-varum* in cœlos usque crescentium prædixerit. *Pragam* à limine dictam *Libussa* condere cœpit eo in loco sub monte *Petrino* ubi stetisse *Casurgium* vetustissimam Urbem fama erat; condidit etiam *Libicium*, *Libehrad*, *Libin*, & *Liben*, *Libezicium*, & *Libiefficiam*, & plura, quæ ab ejus nomine appellationem traxerunt; præcipua ejus gloria, Arx *Libin* (*Psary* nuper, postea *VVissehradum*) Regiâ magnificentiam constructa, ubi Jura Principes dicerent, & Populo dividerent Imperia. Jam annum decimum tertium invidendam suo sexui felicitate *Libussa* pacatè regnave- rat, cum ecce Procerum quorundam occultissimâ conspiratione, qui eam sibi Conjugem, & cum conjugio Imperium destinabant, seditione coortâ, à Populo ad Maritum Principem sibi legendum compellitur. Fe- cit *Libussa*; sed præteritis seditionis authoribus (quos sic ulciscabatur) ad *Przemyslum Stadicensis* villæ Dominum, aratorem illum quidem, sed opulentum & Nobilem ex familia *Scyphorum*; in *Budecensibus* Scholis Condiscipulum quondam, Equo suo candido deducente, Legatos mit- tit. Venit *Przemyslus*, & cum conjuge, ut fieri solet, assumit Imperi- um; regnatum est summâ concordiam, & quæ sequitur, felicitate, *Libussa* ubique concedente Conjugi: nam etsi Principatum attulerit, mulierem se natam esse meminerat. Obijt *Libussa* circa A. C. 505. ætatis 48. mul- to Populi dolore *Libicij* in porta Arcis suæ tumultata. *Przemyslus* quasi adhuc viveret, cujus beneficio regnabat, viduus ad ultimam senectutem permansit: Jura quædam, & Leges tulit ad Populum; Nobilitatem in partem curarum vocavit, suisq; discrevit nominibus: Zemanos (à *Ze- mē* quod *terram* significat) appellari eos voluit, qui terram, & subditos glebæ suæ adscriptos haberent; *Wladykas* qui imperarent; *Lopotas*, qui Rempubicam curarent; bellum quoque cum *Romanis* gessisse, eosque feliciter ex *Boica* ejecisse; Dobrosul (quod hodie *Hallas Saxonicas* dici- mus) occupasse armis *Welesla-vinus* est Author; sed majus domi exor- tum est bellum, quod in duodenos annos protractum in grave discrimen conjecit Rempubicam, fæminis *Amazonibus* adversus viros arma corripientibus, & fraude dolisque pugnantibus, tandem prælio victæ, *Wlasta* omnium Reginâ cadente fugatæ aut captæ, ad Sexum redire cœ- perunt. Obijt senectutis morbo *Przemyslus* ætatis 90. Christi circiter 549. tres ex *Libussa* melioris sexûs liberos suscepit: *Nezamyslum*, qui Patri in Imperio successit, *Radobeylum*, qui *Lucensibus*, *Teplicensibus*, & *Lippensibus* imperavit, *Lidomirum*, qui *Sirbiæ* (quæ tum maximam *Mis- niæ* & *Lusatia* partem complectebatur) dominatus est. Humatus sub Arce *Wissehrado* supertorrentem *Boticz* ubi deinde & *Nezamyslus* & *Mnata* cæteri- que ex ordine Duces usq; ad *Borzi-vojum* Christianum Prin- cipem sunt humati.

NOTÆ



## NOTÆ in Caput quartum.

**L**ibussa responsa reddebat &c. Notum est ex ijs, qui de Magicis artibus scripsere, incantationibus perfici posse, ut mali dæmones in vitra aliâque huiusmodi includantur, & improbiſſimo obſequio indicium faciant rerum, quas Magus, aut Saga ſcire voluerit. *Libuſſa*, *Ranam* auream habebat, quam dæmon ſubierat, eique ſignificationes dabat. Talem quoque *Equum* candidiſſimum, quem modò ad *Przemyslum* quærendum miſſum dixeram, fuiſſe probabile puto, qui à dæmone intus tegebatur. *Psittacos*, ut ſimul pretium venditori creſceret, à dæmone inſeſſos ſæpe audiui & legi, & quendam ex *Psittacis* paulò triſtiorẽ à Domino rogatum: quid ità mœreret? reſpondiſſe: *cogitavi dies antiquos, & annos æternos in mente habui!* ſera fuit illa cacodæmonis pœnitentia!

*Sibyllam Bohemia &c.* Pro Sibyllarum deſenſione ſi res ageretur multa poſſent adferri: *M. Tullius* in libris Philoſophicis *CHRISTUM* ab ijs prædictum agnovit, cùm fatetur initiales Sibyllinorum quorundam carminum literas nomen efficere. Videlicet græcè *JESVS Chriſtus Filius Dei. Crux.* Quæ modò de *Tullio* ſcripſeram cùm legeret quidam *ſciolus*, carpendi ſtudio, nec inſpecto priùs *Cicerone*, locum hunc conſixit, addens: *de Cic. figmentum eſt.* Ego ut ſuis ipſe oculis credat, verba *Ciceronis* apponam (ex lib. 2. de *Divinat.*) *Non eſſe illud carmen* (de Sibyllis loquitur) *furentis declarat ea, quæ Acroſtichis dicitur, cùm ex primis verſus literis aliquid connectitur.* Paulò poſt: atque *Sibyllinis* ex primo verſu cuiusque ſententiæ primis literis, illius ſententiæ carmen omne prætextitur &c. Porro vaticinia *Libuſſæ* de Montibus *Bohemix* metalliferis, de argento *Cuttne*, de auro *Gilavia*, de ſtanno *Crupna*, de ferro *Comarovij*, aliſque locis retulit *Hagecius*; nobis Hiſtoriam *Bohemix* hoc libro contexere propoſitum non fuit.

*Cafurgis.* *Cafurgium* Urbem in *Bojohemo* ponit *Claudius Ptolemaeus* in *Geographia* ſub *Antonino Imperatore* ſcribens circa A. D. 150.

*Condidit etiam Libicium &c.* *Libicium* Arx & Oppidum dilecta *Libuſſæ* ſedes, ſita eſt ad oſtium *Fluvij Cydline*, ubi ille *Albi* miſcetur: non procul, inquit *Pulkava*, à caſtro quod hodie *Kolin na Labi* dicimus, diu poſt hæc tempora in ditione *Slavkonis Comitis S. Adalberti Parentis*. *Libiehrad* caſtrum ad *Wltavam* *Praga* ultra milliare è regione *Turſko*. Pagus *Libeſice* ſub *Libehrad*. *Libin* Arx eſt *Wiſſehradensis* (*Viſurgin* quidam latinè appellant) id *Wiſſehradum* ſignificare ſomniantes. *Liben* villa hodieque ad *Pragam* viſitur; hinc *Libuſſa* centum, eâſque candidiſſimas, ſine coloris alterius admixtione & maculis, *Vaccas* paſcebat. *Libieſſice*, *Libeſoves* ſtant etiamnum, prius in *Societatis noſtræ*, hoc in *Lobkoviciorum Bilinenſium* ditione.

*Procerum conſpiratione &c.* Eſt iſtud apertè neque *Pulkava*, neque *Hagek* dixerint tamen *Aulicæ* artes, fraudes & ſeditiones in *Przemyslaam* gentem fabricatæ rem oſtendunt, præſertim à *Wrſſovecijs*, qui *Libuſſæ* conjugium (quod ex *Czechis* progenie deſcendere ſe dicebant) ſæpiùs affectârunt, eâque mortuâ Principatum ſibi deberi jactabant.

*Przemyslum &c.* Virum Nobilem fuiſſe docet *Weſeſlavinus*: nam quod aratro vires experiretur ſuas, Nobilitati nihil adverſatur, cùm legamus in Hiſtorijs ab aratro ad ſummum *Romæ Imperium* accerſitos, qui feliciter, ut antè *Boves* ita poſtea hoſtes *Romani* nominis ſub jugum miſerint. Argumentum nobilitatis ac potentix & illud adducitur: quod tres in *Clypeo* ejus gentilitio *fluvij tria Ungariæ flumina*, *Danubium*, *Sauum*, & *Tiſam* ſignificare illuſtres Authores putent, quæ ſcilicet fuere inſignia *Zoardi Attilæ Ducis*, ut poſtea dicam. Ob eam maximè cauſam illuſtres quædam apud nos familiæ (quas à *Przemyslo* virili tẽper ac legitimâ tan-

*Cicogna in lib. de magia. Delſto in diſquiſitionibus magicis. Magica ſaccula.*

De Sibyllis

In Annal. Boh.

Pulk. c. 4.

Quæ Libuſſa ædificaverit

Przemyslus vir nobilis, non ruſticus

Quid ſignificâzint tres fluvij in ejus clypeo,



Tres Prze-  
myslæ fa-  
milie adhuc  
perseverant.

Slavatarum  
origo perve-  
nita.

Rudolf. ad  
A. 846.

Pessina in  
Marte Mora.  
l. 2. c. 5.  
f. 142. &  
144.

Przemyslus  
ex familia  
Scyphorum.

gvinis lineâ descendere sæpius jam ex *Artemiso*, *Paprocio*, aliisque probavi, *Pessinâ* & *Crugerio* subscribentibus) ejusmodi lineas seu fluvios hodiè que gestant in clypeo, licet coloribus linearum, & campi (ut in divisione ejusdem familie in ramos plures dum propagantur fieri, & semper factum esse videmus) nonnihil variatis. *Przemyslæ stirpes* adhuc in Bohemia perseverant tres: *Slavata*, *Ssvihovij*, & *Czerninij*. Quod tam clarè demonstrare possum, ut me in Historicorum numero haberi nolum, nisi fidem fecero. Videatur *Stemmatographia* nostra, & quia illa nondum lucem aspexit, consulantur *Genealogica Tabula*, quas à me confectas, eadem familie in Arcibus suis affixerunt.

*Przemyslum ex familia Scyphorum &c.* *Przemyslum* ex ea familia descendisse (et si illud ante me neminem sensitse aut scripsisse sciam) nullo negotio potest evinci. *Primum*: *Slavatas* ex familia *Scyphorum* ortum habere, non modò *Paprocus* *Stemata* Bohemiar nostræ sub Rudolpho II. recensens, affirmat, sed ipse etiam *Scyphus* tribus lineis notatus, quem super galeam, & coronam in Insignibus *Slavatarum* videmus, palam facit, ex quo *Scypho* novem *Struthionum plumæ alba ceruleæq;* prodeuntes visuntur. *Secundò*: certissimum est *Slavatinam* familiam ex *Lucensibus* seu *Zatecensibus Principibus*, qui à *Wogeno* Bohemiar Duce *Przemysli* *Pronepote* lineâ virili descendebant, originem trahere: id non modò suprà citati *Scriptores*, sed omnes antiqui, quicunque bella Francorum, nominatim *Ludovici* junioris (qui *Ludovici Imperatoris* filius fuit) circa A. C. 845. gesta descripserunt, apertissimè testantur ac *Slavatam Wratislai Zatecensis* Principis filium *Wlastislai* fratrem nominant, quem *Carolomannus Ludovici* junioris Filius, ob injuriam fratri illatam ex Bohemia, & *Zatecio* in Moravos ad *Rasticem*, seu *Radislaum* Moraviar Regem expulerit. Hæc coævi, & vicini eorum temporum, & peritissimi rerum Germanicarum *Scriptores*: *Rudolfus* in *Annalibus* Francorum, *Schaffnaburgensis*, *Sigebertus*, & ex recentioribus *Spangenbergius*, *Aventinus*, *Calvisius*, *Fabricius*, *Brunnerus* noster, ac cæteri; quæ omnia probata sunt in *Tabula Genealogica Domus Slavatina*, quam Excellentissimo *Comiti Joachimo* Anno superiore confeci; in qua nominatis omnibus majoribus à *Przemyslo* usque ad ipsum *Comitem Joachimum* *Stemma* deduxi. Porro quinam sint, qui *Scyphum* gestant in clypeo, & qui ex familia *Scyphorum* esse censeantur (ut in Italia *Caraffa*, *Donati*, *Slavata* apud nos, *Czerninij*, & *Ssvihovij*, in Polonia *Czissove* &c.) docuerunt præstantissimi *Slavicarum* gentium *Genealogista*, *Simon Okolsky* *Ordinis Prædicatorum*, & in *Stemmatographia* duplici *Bartholomæus Paprocus*; quas omnes stirpes *Scyphorum* cum tribus fluvij seu lineis à *Zoardi Attilæ Ducis* consanguinitate progeniem ducere, & *Itali* & nostri *Scriptores* affirmant, congruunt omnia *Cziss* & *Korczak* *Slavicâ* lingvâ *Poculum*, aut *vasculum*, *Caraffa* *Italis* idem significat: *Flumina* tria communis est nota harum omnium familiarum. His igitur statutis, evidenter sequitur: *Przemyslum Stadicensem* ex familia *Scyphorum* prodijisse: nam si *Slavata*, ut vidimus, ex eadem familia descendunt, consequens est, ut etiam *Przemyslus* ex eadem stirpe prodierit; utique enim non potuerunt, *Slavata* à *Przemyslo* orti, à *Scyphorum* gente si alia, & diversa fuisset, posterius oriri, vel in eam adoptari, & inoculari. Objici posset hoc loco: cur igitur vetusti Bohemiar Duces ac Reges (à quibus *Ssvihovij* & *Czerninij* post A. C. 1150. descenderunt Regio Jure ac Titulo per propagationem familie privati) cur, inquam, *Bohemia Duces ac Reges* *Scyphum Przemysleum* in clypeo omiserunt gestare? non adferam id, quod ex *Goldasto* posset adferri: *Bohemia Duces* olim *Leonem Scyphum* primoribus pedibus tinentem in clypeo gestasse (hoc enim *Pincernatus Imperij* insigne fuit) sed ajo: exiguum istud Ducibus ac Regibus nostris, qui ducales ac Regias Coronas ostentabant, visum esse Nobilitatis monumentum; satis illis fuit tria *Przemysli flumina* in clypeo



clypeo depicta gestare, ac fortè res tam minuta, ut est Scyphi similitudo, ipsâ anti-  
quitate memoriam amisit. Exemplum manifestum in re prorsus eadem, aut pla-  
nè simili habemus: *Boleslaus Sævus* compositâ cum Ottone primo Imp. pace (ut in  
*Epitome* nostra demonstratum est) *S. R. I. Dapifer*, ut vocant nominatus est; & *A-*  
*henum*, dignitatis insigne gestavit in clypeo, gestavit itidem ejus filius *Boleslaus Pius*,  
ut in Ecclesia *S. Laurentij super Pragâ* videmus; ceteri abindè Principes *Ahenum*  
omiserunt. Post hæc diu *Bohemia Reges*, *Pocillatores S. R. Imperij* appellati, *Scy-*  
*phum* addidèrè *Leoni* (ut *Goldastus* testatur) id etiam semel, iterumque additum  
tandem Reges nostri reliquète, hodièque *Pincernatus* retentâ dignitatè emanet *Scy-*  
*phus*, neque usquam in Regum nostrorum clypeis, ac sigillis conspicitur. Ad ex-  
tremum id quoque notandum venit: si, ut certum videtur, *Przemyslus* ex familia  
*Scyphorum* prodijt, tres illas lineas seu flumina in clypeo Regum nostrorum; & eo-  
rum omnium, qui ex *Scyphorum* gente prodierunt, non *Albim*, *Bielam* & *Egram*,  
sed maximos tres *Pannoniæ* fluvios, *Danubium Saurum*, & *Tisam*, quos per ditionem  
suam *Zoardus* fluentes habebat, significasse & significare. De *Aquila* (*Czech* & *Leo-*  
*ne Regni* nostri suo loco dicetur.

*Venit Przemyslus &c.* *Przemyslum* quidam latinè *Prometheum* verterunt, pro-  
videntem Virum fuisse apparet; *Pulkava* multis locis *Prophetam* & *Vatem* appellat.  
De prodigijs illis, quæ cum *Przemyslo* acciderunt, legantur *Annales*, equi iter quem  
*Libussa Stadium* misit, nomina trium villarum ad *Bilinam* conservant, *Brozanky*,  
quâ equus transvadavit, *Hliniany*, ubi se volutavit in luto, *Rzechlovice*, ubi hinnivit;  
*Stadice* Villa decem milliariibus *Wissebrado* distat in *confinibus*, ut ait *Pulkava Regionis*  
*Litomericensis*, & *Zatecensis*. Campus, quèni arabat, rotundus vel circularis est:  
duo jugera longus, totidem latus, nigerrimâ glebâ, cum alij circum campi albeant.  
De *Coryleto* dixi in *Epitome*. De *Peronibus* seu calceis rusticis *Pulkava* testatur, asser-  
vatos inter *Cimmelia Wissebradi*, & novis Ducibus ac Regibus ostendi solitos unâ  
cum ejusdem *Przemysli* mitra, quæ capiti Ducis imponebatur. Neque tamen ru-  
sticum *Przemyslum* aliquis suspicetur, nam rustica illa sæcula mitras suæ ætati sim-  
plici simillimas ferebant; maxime si cogitemus, alia esse Nobilitatis, alia Principum  
ac Regum coronatorum auro & geminis asidentium, opera.

Obijt juxta *Stransky Libussa* circa A. 588. *Przemyslus* nonagenario major cir-  
ca A. 632. nos paulò citius eos obiisse existimamus, quæ *Chronologia* infra statuetur.

*Bellum cum Romanis &c.* De his bellis nihil omninò habent *Historici Bojorum*,  
& revera difficile est credere hoc tempore Romanos ab Italia & Roma aliquid in  
*Bojos* tentasse, qui domi (in Italia) malos hospites haberent, *Gothorum* multa ge-  
nera, *Vandalos*, *Hunnos* (ex his *Attilam* ab A. C. 442. usque ad A. 454.) & *Hervulos*,  
qui omnes occidentales Imperij Provincias dilacerabant, ac Romani Imperij Maje-  
statem circa hæc tempora conculcabant. Nihilominus *Weleslavinus* diligentissi-  
mus Scriptor, rem tantam sine autoritate veterum non posuisset; ego igitur to-  
tum in medio relinquo. Certius bellum est *Amazonicum*, quod à *Przemyslo* Annis 12.  
gestum, omnes omninò rerum Bohemicarum Scriptores antiqui & novi com-  
moran.

Boleslao  
Sævo Ahē-  
nim digni-  
tatis gratiā  
ab Ottone I.  
datum.

Collegi Pragæ  
in Bohemia  
Ethnica.

Przemysli  
artes magia-  
ca.

Pulk. t. 2.

Bella Præ-  
mysli.

## CAPUT V.

### Nezamyslus V. Bohemiæ Dux & Princeps.



Nezamyslus  
nihil novi  
induxit.



Nezamysl.  
Nobilitatem  
ad se venire  
hono con-  
cilio indu-  
xit.

**P**Rimogenito & post se regna-  
turo filio prudentissimus Pa-  
ter, *Nezamysli* nomen impo-  
suit, quasi diceret: *nihil novi*  
*excogitantis*; nè quid scilicet constituto jam,  
& bonis legibus vallato Imperio, aut exco-  
gitare novum, aut quæreret. Ergo ille con-  
gruenter nomini suo, quæ Pater statuerat,  
aut legibus sanxerat, defendere, & in usum  
ac mores Populi inducere contentus, placi-  
dè, ideoque & feliciter administravit Rem-

publicam. Secura sunt Imperia, quæcunque *moribus antiquis & legibus*,  
quæ in naturam Populi quodammodo tempore, & consuetudine trans-  
ièrè, reguntur; novæ Leges, aut novum Principem, aut mutatam  
& novam vel novatam Rempublicam ostendunt; omnis novitas dura  
est, & velut nova vestis, nunquam in totum antiquo Reipublicæ cor-  
pori congruere potest, alicubi longior, alicubi brevior ac sapius emen-  
data, vix tandem aptatur. Sed quis alienæ cupiditati imperare & frænos  
inijcere possit? primus quietem optimi *Principis Nezamysli*, *Rozhon*  
*Caurzimensis Princeps* (cujus Genealogiam dabimus postea) turbavit:  
huic *Nezamyslus* amantibus, ac proinde fidis subditis fretus prælium ob-  
tulit, & in *Strhow* acie victum cepit, atque ut dolorem & contemptum  
augeret hosti, falculâ naribus & auribus abscissis dimisit, ac deinde mi-  
sericordiâ calamitatis, & potentiæ suæ fiduciâ *Principatui* suo restituit.  
Novum hoc tamen *Nezamysli Ducis* opus: Nobilitatem omnem in quas-  
dam classes partitus est, & Aulæ munia divisit, ac certis temporibus illi-  
gavit, ut quisque Nobilium quotannis statò tempore ad Aulam veni-  
ret, ante Principem staret, agnoscere Dominum, gratiam Principis ob-  
sequio mereri, & præmia ab eo accipere consvelceret. *Welesla-vinus* di-  
ligens Scriptor bello cum Romanis implicitum fuisse scripsit, de quo  
dicemus in *Notis*; gratiora & certiora sunt domestica: *Pragam Urbem*  
*Libuffæ* auspicijs fundatam, & jam paulatim crescentem cinxisse mœni-  
bus, & multâ oblatâ immunitate, insigni numero novorum Civium ad-  
auxisse narratur. Vita excessit *Nezamyslus* 74. ætatis, cum 49. Annos  
imperâisset, sepultus in *Hrobka* sub *Wissebrado* ad rivum Boticensem non  
procul à Patre A. C. 598. at juxta *Stranskum* 715. nos mediam viam in-  
ter hos Annos tutissimam esse putamus.

NOTÆ



## NOTÆ in Caput quintum.

**N**ihil novi excogitantis &c. Quàm periculosum sit leges antiquas abrogare, & novas ( nisi id Populus non sentiat, quod vix, aut nè vix quidem fieri potest ) ferre, omnes sani politici docuerunt. *Dieta*, quam vocant, mutatio, quantos in corpore humano tumultus & morbos parit? quantò id magis in Republica, quæ multos habet stomachos, & complexionis est in Proceribus delicatæ, quæ dura Imperia non bene concoquit. *Non aliunde magis*, ait Strada noster, *labefactatur Reipublicæ status, quàm crebrâ mutatione legum*. Illud longè determinum, cum leges feruntur, neque tamen servantur, atque ut quidam dixit, araneorum telis per similes, muscas tantum easque minores irretiunt, ab avibus impunè lacerantur, hæc unâ re ( etsi abessent alia omnia ) Principis Majestas apud subditos minuitur, deridetur & planè prostituitur: quid enim superest impunè violatis legibus, quàm, ut sultiti audaciores aut metu perterriti, aut spe, & potentiâ vicini, aut domestici Principis lactati, obedire omnino recusent? huic rei potissimum causam præbet, legum inutilium multitudo contraria sæpe jubentium, cum scilicet ob earum multitudinem, an & quid deliquerimus nesciamus, & Iurisconsulto sit opus, qui nos peccasse vel non peccasse ex legibus demonstret. Quid de illa multitudine legum senserit Magnus Vir *Iustus Lipsius* vide in *Monitis Politicis* l. 2. c. 10. & in *Centuria Miscellaneorum Epistolarum* 78. Aureum *Taciti* dictum est in *Annalibus*, *corruptissimâ Republicâ plurimæ leges*; neq; facilius communitatem aliquam perturbaveris, quàm si eam legum multitudine obrueris, maximè quas humana imbecillitas ægrè observet; illa sola statuenda sunt, quæ servari volumus & tueri. Hæc unica causa esse videtur, cur præclari Scriptores, mediam conditionem ingeniorum, aptissimam esse Reipublicæ regendæ asseruerint: quod nimirum *Nihil Novi* in Republica statuant, cumque aliud occurrat nihil, summam laudem in moribus, & legibus antiquis defendendis, & in usum revocandis reponant.

*Bello cum Romanis implicitum &c.* *Weleslavinus* tradit *Nezamyslum Romanorum* injurijs & impotenti dominatu irritatum, collecto sexaginta millium peditum, sex millium Equitum exercitu, *Stativa Romanorum* in Germania vexasse & *Ratisbonam* usque progressum, id juxta eum inter A. 499. quo regnare cœpit & inter 528. quo decessit, fieri oportuit; nos aliam Chronologiam sequimur, & mortis A. C. 598. circiter ponimus ut postea dicemus. Sed quod multitudinem armatorum attinet, nemo historiæ nostræ ignarus eam incredibilem existimet: constat quippè tantam eo sæculo in Bohemia Populi multitudinem fuisse ( quod in lib. 2. *Miscellaneorum* probavimus ) ut jam post A. C. 500. non tantum in *Slavoniam* & *Croatiam* ( unde *Czechus* advenerat ) sed etiam ultra *Albis* fontes prægravante domi multitudine, in *Lusatiam*, *Marchiam*, & *Misniam*, *Colonias Slavicas* immiserint, quod & *Pulkava* noster, & præstans historiæ Septentrionalis Conditor *Dresserus* affirmant. Innumeros in hanc rem Authores postea citabo.

*Stranskius &c.* Is posuit Annum mortis *Nezamysli* 715. & Patrem ejus *Przemyslum* obiisse A. C. 632, ergò *Nezamyslus* Annis 83. regnasset, cum tamen idemet *Stransky* Annis tantum 39. administrasse Rempublicam tradat.

Leges & consuetudines antiquæ conservant rempublicam.

Strada Dec. l. 5.

Multitudo Legum noxia.

Multitudo populi in Bohemia.

Pulkava in hist. Boh. Dress. Milenario VI. in Brandeburg.

# CAPUT VI.

## Mnatæ VI. Ducis Principatus.



Wrssowecio-  
rum conatus  
in Regno a-  
dipiscende.



Nobilitas  
memor in-  
juriarum.

Mulierum  
judicia.



Lato Patre, *Mnata* quarto & vicesimo ætatis Anno, ut habet *Weleslavinus*, solium Ducis ascendit, idque sine rivali, subjectis Populis in filio Patrem *Nezamyslum* agnoscentibus; uni omnium *Wrssowecij* Dynasta potentissimi res novas moliri cœperunt, non tam odio Principatus, quam *Przemyslæ* gentis Principum, quos *Libussa* conjugem eligens contempserat, & quod cum ex parentela primi Ducis *Czechii* origi-

nem ducerent, nulla tamen neque in Conjugijs, neque in creatione Principum suæ stirpis ratio haberetur. Protraxere hæc odia *Wrssowecij* pluribus sæculis aliquot Ducum nostrorum cædibus indignè perpetratis, sed propè cum extremo suæ gentis ac suorum exitio, nisi in Poloniam receptum habuissent & immigrassent, unde iterum ob recuperatam militari virtute *Ratiborij* Moraviam, Ducibus nostris & toti *Bohemie* conciliati; in gratiam recepti, circa A. C. 1184. in Bohemiam redierunt. Nimirum altè in animis Nobilium insident, & quodammodo in posteros cum sanguine transfunduntur, & viviscunt odia, præsertim si Jura prætendantur, spēsque affulgeat recipi quoquo modo posse, quæ Majoribus nostris erepta putamus; qua in re non parum sæpe ambitione, cupiditate, & falsâ gloriæ specie decipiuntur, qui justitiam habent obtentui, cum antiquas & exoletas bellorum causas quærere, ut ait *Accursius*, *sit revangare, & turbare mundum*. Ad *Mnatam*, qui *Wrssowecios* etiam supplicijs irrogatis ad officium adduxit, redeamus: cum *Moravie* bellum gessisse tradit *Weleslavinus* Chronologiâ adversante. Judicia correxisse & ordinasse *Mnatam* Annales nostri commemorant; illud propè incredibile, quod *Hagecius* habet: *Mnatam* conjugi suæ *Strzezyslavæ* Matronæ prudentissimæ fæminarum judicia cessisse, ut in *Suilo Monte* supra *Pragam* cum delectis Virginibus & Matronis lites fæminarum audiret, & finiret; nonne adhuc *Amazonum* recens erat memoria? an non vestigia impotentissimæ mulierum dominationis remanebant, bustis fumantibus? nisi forsitan ambitiosæ mulieri partem Imperij minimam concedere voluerit, ut mulier in toto & in summa nihil haberet; ut de *Struthione* legimus, qui in manibus insectantium caudæ *Syrma* relinquit, ut evadat corpore. Extinctus est *Mnata* circa A. C. (juxta Chronologiam nostram) 651. ætatis 72. *Stransky* putavit A. 735. ætatis 44. obiisse, in quo eum falli & lapsum esse facile probabitur suo loco.

NOTÆ



## NOTÆ in Caput sextum.

**M** *Nata sine rivali &c.* Inter innumera Regnorum, quæ hæreditaria sunt, & vocantur, commoda præcipuum esse puto, quod incertum Populo successorem non relinquunt, cum incertæ & ambulatoriæ sint Procerum voluntates; ob eam causam *Interregnum* periculosissima & pessima sæpe conditio est, quod politicorum Magistri omnibus paginis inculcant.

*Wrssovecij Dynasta &c.* Hæc gens inclyta hodiè apud nos perennat, etiam in Misniam longè deductis coloniis, sed in *Polonia* Regno innumero numero propagata, ut ex *Okolskio* Stematographo Regni illius datur intelligi. Porro *Wrssovecij* amore militaris vitæ multis sæculis apud nos inter Equites sunt censi, sed recepit veterem Comitatus dignitatem ætate nostrâ *Jaroslavus Sekerca de Sedczicz* amantissimus nominis mei, *Legionis Pedestris Spankaviana* *Supremus Vigiliarum Magister*. Sed de his in Stematographia Bohemiæ pluribus.

*Ratiborij Wrssovecij &c.* Cædes Principum indignas, & ex insidijs perpetratas referre, non est hujus loci, cum historiam continuam non scribamus: *Hagecius* & *Dubravius* consulantur. *Ratiborius* ex hac gente ortus *Moraviam* nutantem & penè jam ad Polonos inclinantem, *Bohemiæ* asseruit, & conjunxit armis; quo merito novum Nobilitatis clypeum & arma & nomen *Sekerkarum* (quod in prælijs acutissimâ securi cum longissimo manubrio uteretur) & amnestiam & oblivionem æternam omnium factorum, quæ majores sui adversus Principes egissent, obtinuit, recitæque diploma illud *Hagecius*.

*Alte in animis Nobilium insident &c.* Certissimum est Nobilibus animis altius infigi injurias, & odia ex injurijs nata, quàm cæteris, & vulgo mortalium. Ipsa ad gloriam novam parandam, vel ad veterem tuendam perpetua attentio (in qua nascuntur & educantur) extenuat sanguinem & quodammodo sulphuratum reddit, ut vel ad scintillam suspicionis & læsæ famæ flammam concipiant & exardescant; in hanc, ut ita dicam irritabilitatem Nobilium, qui *Struthionum* plumis plerumque exornant capita, nos olim Epigrammate lusimus ad *Struthionem*.

*O qui Nobilibus pretiosas Struthio pennas*

*Concedis, stomachum tu quoque mitte tuum!*

Nam *Struthionem* si vera est fabula, ajunt tam calenti esse stomacho, ut etiam ferrum concoquat, & dissolvat; igitur qui pennas *Struthionis* habent, habere oportet etiam stomachum, quod injurias concoquant. Quod si hæc in subitis casibus accidere videmus quanto magis in odijs diuturnis, quæ nobis hæreditate Majorum sunt relicta, & tanto tempore corroborata? profectò nisi odia DEO aut Reipublicæ donentur, quæ, obsecro, major esse potest in hominum vita acerbitas? sæpe legi Nobilibus signa Majorum innasce ut *Seleucidarum* pueris anchoras, & lanceas genti cuidam *Spartanorum*; *Conzanorum* Regibus, Aquilas; alijs alia; sic injuriæ Majoribus nostris illatæ, amissæ Ditiones, in exilium deportationes posteris vindicandæ; & repetendæ animis posterorum sæpe immortaliter inuruntur.

*Cum Moravis bellum gessisse &c.* Hæc ad *Crzezymysli* tempora pertinere dicemus suo loco.

*Impotentissima dominationis Mulierem &c.* Exempla paucissima, & sæculis rare sunt alicujus Imperij à mulieribus bene administrati. Consilium mulierum est *ἀνυγον*, ait *Aristoteles* primo Politicorum c. 13. id est *invalidum*, non satis ad res regendas, idoneum. Mulierem optimi Scriptores nobis depingunt temper affectibus verinantem, adeò ut *Philo* Judæorum doctissimus *Mulierem* cum appetitu in homine compararit. Quis igitur tam impotenti affectu laborantem, quæ sibi impe-

Rex moriens  
successorem  
dubium non  
relinquat.

De Wrssove-  
cij.

Wrssovecij  
bene meriti  
de Bohemia.

Nobiles ani-  
mi vindictæ  
cupidores.

*Iustin. l. 15.*  
*Teraquell. de*  
*Nobilit. c. 36*  
*Pet. Victor. l.*  
*16. c. 8. &*  
*l. 44. c. 9.*

Malè com-  
mittitur mu-  
lieri Respub.

*Philo l. 1.*  
*Allegor.*



rare non possit, alijs bene imperaturam speret? aut amat, aut odit mulier, nihil est tertium, ait Syrus in Mimis (sanctas prudentes, in Tropicis Aularum versatas, Dominas affectuum suorum, ut phœnices, semper excipio) memorabile fuit Imperium muliebri priore sæculo paucissimis animadversum: quippè A. 1568. in Anglia regnabat *Elisabetha*, in Francia *Catharina*, in Scotia *Maria*, in Belgio *Margarita*, in Cantabria *Jana Navarra*, in Turingia *Christina*, & si quæ alia.

Prudentia politica.

Partem cedere, ut in toto nihil haberet &c. Notum est fortasse Lectori meo Organum illud *Aulicum*, cujus fistulas musicas in *Arnesti Vita* descripsi: poterit inter eas constitui *Tractus Organicus*, qui appellabitur *Pars pro toto*. Sapienti pauca! ita infantibus, quos Nutrices gerunt in pallijs, si fortè cultrum temere apprehenderint, & (ut est natura) eripi sibi non patiantur, pomum formosum objiciunt, ut cultrum dimittant.

## CAPUT VII.

### Wogen VII. Bohemiae Princeps.

Diffimulatio magna pars Regalis prudentiæ.



In Patria pro Patria fortius pugnat.

Seransky c. 8

Weslesl. in Geneal.

Etos habere solet momentum: At *Wogenus* satis in præsentia habuit *Roho-vicium* Imperii imminentem repulisse, donec opportuniùs haberet sub ictu: nam dissimulato tantisper (quod maturari tempore debebat) odio, & consilio; *Roho-vicium* timendum adhuc, & multa aufurum cepit, & incautum brevi sententiâ egit in furcam. Bellum *Wogeno* cum Romanis, vel alijs *Sla-vici* nominis hostibus ad *Danubij* ripam (si *Weleslavino* credimus) fuit. Altero bello *Saxones* (quibus angusta erat nova Patria) *Albim* transgressos fudit repulitque; neque mirum id cuiquam esse potest: fortunatiores & sortiores plerumque fuisse comperio, qui pro Patria pugnant intus, quàm foris; an quòd in suo, & pro suo pugnant? an quòd aspectu dulcis Patriæ, & conjugum ac liberòrum commonentur & commoventur? an ob desperationem, nè semel cæsi in perpetuum vincantur, & sub jugum mittantur? an locus ipse familiaris



*Wogen Mnata* filius defuncto Patre triginta natus annos imperare cœpit. Non erant tanta *Mnata* in subditos merita, ut securitatem Principatûs filio facerent, ideòque à Competitore & Rivali *Roho-vicio Wrsso-vicensi* in Conventu Populi penè everfus est; vicit tamen ortus Principalis, & sanguis, Patris liberalitas, & magnifica *Wogenij* ipsius promissa, denique *Avorum* recordatio, quod maximum apud subje-

miliaris  
fent ad  
runtur  
enim h  
que Urt  
pum con  
cæ servi  
no pub  
quod o  
teneat  
ka, ut  
fuit, S  
enim A

M  
cupit, su  
lijs, & in  
reddere  
eorum,  
multas m  
ceps deli  
mo filio  
Con  
filia, me  
fuisse sen  
Plutarch  
cetera: T  
entia cap  
damenta  
fendi, ter  
cardo vo  
No  
vos prim  
ptorum  
dus ad R  
dijs int  
ac cæte  
neorum  
B  
fluminu



miliaris toties peragratus, & calcatus audaces facit? plures aliæ causæ possent adferri; majora tamen sunt commoda, cum extra Patriam bella geruntur; victum se esse & vinci agnoscit, qui in Patria bellum gerit, jam enim hostem admisit. *Ducis Wogeni* egregium opus celebratur, antiqua *Urbis Pragensis* fundatio; nullâ enim re gloriosius bonorum Principum commendatur memoria, quàm operibus publicis, & utilitati publicæ servituris; ita *Princeps* bono publico natum se demonstrat; ut qui bono publico invigilat, ex quo nullum odium, sed amorem colligit, & si quod odium apud subditos scintillat, extingvit. Vitâ excessit *Wogenus* senectâ ætate, in Majorum sepulchris sub *Wissebrado* tumulatus, in *Hrobka*, ut hodièque appellant. *Weleslavinus* Annum mortis non apposit, *Stransky* Annum C. 763. nominavit, quem retellemus, ponimus enim Annum circiter 689.

## NOTÆ in Caput septimum.

**M** *Nata merita &c.* Principes non sibi tantum, quantum posteris bene aut malè imperando profunt, aut nocent. Fama Populorum est ingentis campanæ tinnitus, qui in longum tempus propagatur, nec sonus cessabit nisi campanam demulseris. Princeps qui posteritati suæ consulere cupit, suæ domûs fortunam in capite, & in manu se gestare intelligat; seu in consilijs, & in eorum executione. Cur stirpem suam odiosam esse Populo velit, cum reddere eam possit amabilem? nemo subiectos Populos cæcos esse, & nihil videre eorum, quæ geruntur à Rege, & ejus consilio nihil audire, nihil intelligere putet: multas manus habet Populus, multos oculos, & quidquid malus, aut bonus Princeps designet, sagaciter odoratur. Ut ad propositum redeamus: sæpe Pater optimo filio nocuit; contra plerumque Patris merita filio profuerunt.

*Consilia & odia maturantur &c.* Summa sapientia est temporibus aptare consilia, memini legisse me in fano *Apollinis Delphici* singulis januis singulas inscriptas fuisse sententias, imò versùs Oracula Sapientiæ plena, ut exempli gratiâ. *SI* (de quo *Plutarchus* tractationem scripsit) *NOSCE TE IPSVM, & præstantissimum inter cætera: NOSCE TEMPVS.* *Salomon* cum ad discendam sapientiam primis *Libri Sapientiæ* capitibus, blandissimis verbis sibi discipulos advocasset, primam & quasi fundamentalem lectionem dictavit de tempore: *Tempus loquendi, tempus tacendi, tempus flendi, tempus ridendi &c.* quasi in observatione temporis omnis humanæ prudentiæ cardo verteretur.

*Nova Patria Saxonibus angusta &c.* Saxones adventitium esse Populum, & Slavos primitus eas incoluisse terras, multis *Miscellaneorum* locis ex sensu meliorum Scriptorum pridem ostendi. Idem initio *Annalium* suorum pervetustus Scriptor *Vitkin-dus* ad *Reginam Mathildem* scribens affirmat. Saxones veteres, Incolas Slavos discordijs inter ipsorum Duces excitatis, aliisque, tum armis *Henrici Aucupis, Ottonis I.* ac cæterorum ex sua gente Principum oppresserunt. Vide quæ *Lib. 11. Miscellaneorum* ex *Dressero* potissimum attulimus.

*Bellum ad Danubij ripam &c.* Nullibi frequentius quàm ad flumina & ripas fluminum pugnatur ut innumeris constat exemplis; dum aut navibus transportatur

Princeps famæ bonæ studens cōsult suæ posteritati.

Tempus nosse summa sapientia est.

Discordia Patriorum hominum hostibus prodit Patriam.

Flumina noscenda Duci exercitus.



Regiones  
natura ipsa  
ferè conclu-  
dit monti-  
bus flumini-  
bus.

Fera cubilia  
acriter de-  
fendunt.

tur, aut vadum tentat, ac transit exercitus, laxantur ordines, & quod insolentissimus hostis pugnando vix efficeret, dividuntur, & opportuniore sunt injuriæ. Quam ob causam *Polemici Scriptores* præcipiunt, ut militiæ Duces præcipuè Velitum Ductores, ejus Regionis in qua bellum geritur, silvas, valles & montes, angustias, impedita & paludosa loca, sed maximè flumina, vada, & ripas, perspectissimas sibi ac suis familiarissimas habere conentur. Porro *Danubius* diu limes Imperij Romanis fuit, ut ex *Marcomannorum*, *Quadorum*, & *Populorum* Septentrionalium bellis, quæ cum Romanis gessere, apparet: ibi illi in ulteriore ripa Castella excitant plurima, stativa atque etiam castra sæpe habebant quorum nomina in *Notitia Imperij* recitantur; at contra nostri *Germani Slavique* citeriorem ripam servabant, ut ad nos illis, vel nobis ad illos, transgredi hostilitas esset. Ac mirabile illud, quod omnium penè Provinciarum, Regnorum & Imperiorum limites, vel angustijs montium & *Thermopylis* vel *Isthmo* aliquo & sinu maris, aut promontorijs, aut fluminibus, aut cæcis paludibus, aut profundissimis silvis, aut inivijs & ignotis solitudinibus coercerantur, quasi natura ipsa potentia vicinorum & cupiditati ad aliena rapienda semper hianti, fines & frænos injiceret. Nimirum cum primùm Regna fundabantur, locorum opportunitas spectabatur, & quæ inaccessa, aut difficilia superatu fuerunt, pro limitibus & finibus Regnorum haberi cœperunt.

*Pro Patria in Patria fortius pugnatur &c.* Id patet omnium ferarum, & vel minimarum avicularum exemplo, pro cubilibus & nidulis suis pugnantium; adversarias quantumlibet rapacissimas, & violentissimas arcent, & à pullis, & prolibus teneris fortiter ac feliciter injurias propulsant.

## CAPUT VIII.

### *Wnyslaus Bohemiae Princeps Octavus.*



Wnyslaum  
recētes Scri-  
ptores omi-  
serunt, & cur

Marc. Anton.  
Imp. de vita  
sua.

Non satis est Principibus viris in purpura vixisse: quippe nisi Illustribus factis immortalitatem mereantur, vel ipsum nomen amittunt, vel in marginibus historiarum, velut *Glossæ* (ut cum *Antonio* sapientissimo Imperatore loquar) leguntur. Dubitare nihilominus de ejus Principatu non licet, cum eum *Wogeni* filium *Cræzomysli* Patrem in vetustissimis Indici-  
bus

**D**E *Wnyslao*, quid egerit memoratu, & Principatu dignum nusquam inveni; *Hagek*, & qui eum describunt, & sine omni rerum, ac temporum delectu, sine omni Chronologia examine cæcò quodam impetu sequuntur, ipsum *Wnyslai* nomen ignorant; alij verò; sed pauciores *Wnyslaum* cum *Cræzomyslo* filio confuderunt, adeoque *Wnyslaus* illaudatus, & sine præconio, quasi privatus in historia remansit.



bus Bohemiae Principem annotatum videamus, idem disertè affirmat *Pulkava, Welesla-vinus, Stransky*, cæterique diligentissimi rerum Bohemicarum Scriptores. Cur verò *Hagecius Wnyslaum* libenter omiserit (cujus nomen in *Pulkava* legebat) conjecturam adferemus in *Notis*; majus de Chronologia, & *Wnyslai* ætate inter Scriptores certamen est; de gestis tacent omnes. Vitâ excessit *Wnyslaus* A. C. 785. juxta *Stranskium*, cum duos & viginti regnâset Annos. Nobis circa A. C. 711.

## NOTÆ in Caput octavum.

**H**agek, & qui eum describunt &c. Sunt nonnulli in Patria ij præcipuè, qui alium de Bohemia scribentem præter *Hagecium* legerunt neminem: qui ferunt ægetrimè, si *Hagecius* vel uno apice lapsus esse dicatur; statim clamorem tollunt, & penè ad furorem vociferantur: Tûne *Hagecio*, quo omnis Patriæ historia nititur, dicam impinges? tûne eum errâsse audebis dicere? talia *Crugerio, Pessina*, ac mihi ipsi objecta sæpius memini, quòd uno alteròve in loco in re manifestata *Hagecium* hallucinatum fuisse scripseramus. Imò adedò amico referente didici, cum alius nescio quid in meis libris laudaret, Virum alioqui in scientijs, sed in historia parum versatum dixisse: Nunquam se in animum posse inducere, ut libros meos legeret, neque se illos magnopere desiderare; nihili, inquit, Authorem illum facio, qui *Hagecium* audeat refellere (erat sermo de S. *Wenceslai* apparitione, *Erico* Regi Daniae facta) atqui ego non refellebam *Hagecium*, neque rein ipsam in dubium revocabam, sed omisso *Hagecij* nomine, negabam eâ nocte, quâ cæsus est S. Martyr *Wenceslaus*, *Ericum* in Dania regnâsse, sed eam apparitionem *Erico VII.* Regi factam, qui S. *Wenceslao* apparenti Ecclesiam sub ejus nomine cum Cœnobio *Revalia*, ut habent *Annales Danorum*, construxit; tempus igitur ab *Hagecio* annotatum, non ipsam historiam reprehendi. Equidem fateor, Vir magnus & historiæ nostræ *Livius* dici potest *Hagecius*, si multitudo rerum, quas attulit, spectetur; at eundem minimam Chronologiæ rationem habuisse omnes Eruditi consentiunt: in Ducibus nostris eorumq; ætatibus ordinandis quantum DEUS bone dormitavit! quantum in Præsulibus & Archiepiscopis nostris! quantum in monetæ ratione! quantum in signandis præliorum temporibus! ut ad propositum redeam: *Wnyslaum* ex numero Principum expunxit *Hagecius* non sinè causa: cum enim nimia Principum Bohemiarum multitudine & numero premeretur, & *Czechum* in Bohemiam A. C. 644. venisse, & A. C. 894. *Borzivojum* CHRISTO dedisse nomen & S. *Wenceslaum* à fratre cæsum A. C. 929. posuisset (quæ omnia tria Chronologiæ adversantur) intra ducentos octoginta quinque Annos 15. Duces cum aliquot interregnis à *Czecho* usque ad S. *Wenceslai* cædem (tantum enim temporis ab A. 644. usque ad A. 929. effluxit) includere coactus est, adeoque ut minorem Principum numerum haberet, *Wnyslaum* obscurum alias omisit, cæteris verò Principibus Bohemiarum Annos Imperij, ubi ubi poterat, decurtavit. Atque hæc est vera ratio Chronologiæ *Hageciana* perturbata: at majorem admirationem meretur, quòd antè se habuerit *Pulkavam* Scriptorem egregium, qui ducentis & amplius annis ante *Hagecium* historiam scripsit, & optimè Regum nostrorum Chronologiam ordinavit, quem se legisse ultrò fatetur *Hagecius*; quid ergò causæ subesse potest, quòd eum non sequatur, malitque novam viam inire, quàm veterem tritam, ac certam sectari! nihil aliud inveneris, quàm quod dixi, multitudini Principum succumbere debuisse. Hanc in ratione temporum & sup-

*Hagek* non in omnibus cæcè sequendus.

*Epitome l. i. c. 9.*

*Hagecius* in chronologia indiligens.

*Cranzius* in Dania.

*Pulkava* nobilis Historicus Regni sub Carolo IV.

D. in Pulkava Scriptorem



Iarosl. in  
supp. Cosmae.  
Cosm. lib. 1.  
hist. Boh.  
Franc. in hist.  
Boh.

Dubr. lib. 2.  
hist. Boh.  
Weleslav. in  
Genealog.  
Crato in Indi-  
ce Princ. Boh.  
Stransky in  
Rep.

Weleslavini  
error chro-  
nologicus.

putatione annorum Hagecij negligentiam, & Chronologicas hallucinationes multis in *Epitome* mea locis sole meridiano clarius ostendi; sciendum autem neminem Hageco antiquiorem omisisse *Wnyslaum*; qualis est *Cosmas*, *Jaroslus* Præmonstratensis, *Franciscus* Canonicus &c. ut & *Pulkava* prope duobus seculis Hageco antiquior Regiâ autoritate à *Joanne Rege*, & *Carolo IV.* constitutus Historicus, qui Historiam suam An. 1330. finivit: Hagecius verò obiit An. 1553. *Cosma* hæc sunt verba: *Wogen* suscepit rerum gubernacula, hujus post fatum *Wnyslaus* rexit Ducatum. *Jaroslus* ex Canonico Pragenli *Strahoviensis* Religiosus, qui *Cosmam* continuavit, *Wnyslaus VI. Bohemia Dux* post *Przemyslum*. *Franciscus* Canonicus Pragensis, qui vixit, & scripsit sub *Wenceslao*, quem vocat *trigesimum*, & ultimum *Bohemia Regem* circa A. 1305. Notandum, inquit, quod isti fuerunt *Duces Bohemia primitus*: quartus *Dux Wogen*, Quintus *Dux Wnyslaus* &c. His antiquior *Dalimil Mezercizky* in sua historia *Bohemiae* quam carmine scripsit *Wnyslaum* inter Principes numerat. *Aeneas Silvius* in historia *Bohemiae* capiti nono hunc titulum præfixit: *De Wnyslao VII. Bohemorum Duce*; & postea in contextu: *Mnatam Principem subsecutus est Vortius* (seu *Vogenus*) cui duo fuerunt filij, *Wnyslaus* & *Wratislaus*; inter quos partitus est terram: *Wnyslao Praga* & *Ducatus Bohemia* cessit. Ex *Wnyslao* natus *Crzezomyslus* &c. Eadem habet *Cutenus* in *Notis ad Silvium*. Jam qui Hagecium tempore & ætate secuti sunt omnes *Wnyslaum* nominant, ut *Dubravius* (quanquam hic eodem anno, quo Hagecius est mortuus) *Weleslavinus*, *Crato*, *Stransky*, & cæteri omnes, adeo ut Hagecius excusari non possit.

De *Chronologia Wnyslai* magnum certamen &c. *Wnyslaum* A. C. 656. imperare coepisse tradit *Weleslavinus*; quæ *Chronologia* nullâ ratione potest defendi: cogitur enim *Weleslavinus* admittere *Vogenum Wnyslai* Patrem, & *Mnatam* Avum, hos solos duos, centum viginti & octo Annis *Bohemia* gubernacula tenuisse, cum enim *Mnata* dominatus initium A. 528. posuerit, & 656. affirmer *Wnyslaum* Imperium auspicatum esse; ab A. 528. usque ad 656. Anni fluxerunt 128. quibus *Mnata* & *Vogen* regnarunt; quæ tanta diuturnitas Imperij duorum Principum non satis credibilis est, neque ab ullo ex Scriptoribus annotata. *Paulus Stransky* diligens Historicus tradit, *Vogenum* A. C. 763. vitâ excessisse *Wnyslao* filio Proceribus commendato, *Wnyslaum* ætatis 24. eodem Anno Patri in Imperio successisse, & 22. Annis in Principatu exactis A. C. 785. vivendi fecisse finem; quæ an subsistant in *Chronologia* Principum nostrorum, quàm in *Borziwojo* statuemus, Lectores intelligent.

## CAPUT IX.

### Crzezomysl IX. Bohemiae Princeps.

Crzezomysl  
an cum Ca-  
rolo M. bel-  
lum gesserit.



*Crzezomysl*, vel *Crzezomysl Wnyslai* filius juxta *Weleslavinum* A. C. 711. juxta *Stransky* Anno 785. ætatis supra vicesimum quintum relictum sibi à Patre assumptum Imperium. Tradunt brevem fuisse corpore, sed sagacem ingenio, atque insuper bellicosum, & felicem Principem. Cum *Carolo Magno* bellasse A. 789. consilij & armis



armis cum *Wratislao* Patruo suo *Lucensi* Principe sociatis, narrat *Stransky*, & *Carolus* invictum cetera Imperatorem *Bohemiae* ingressu arcuisse. Id si admittatur necessum est dicere bello inchoato, novam pacem eodem Anno, vel proximè sequenti cum *Carolo* factam, cum constet ex Germanicis & Francicis Scriptoribus propè coævis A.C. 791. Principem *Bohemiae Caroli* Ducibus adversus *Hunnos* pugnantis dedisse per *Bohemiam* transitum, de comatu exercitui *Carolino* providisse, auxilia præbuisse, ac postea bello fractis *Hunnis* redeuntem *Saxonicum* & *Frisonicum* *Caroli* exercitum per *Bohemannos* (ut disertè scribunt *Adelmus* & *Aimoinus*) velut per amicos & socios pacatissimè dimisisse. Cum *Moravis* deinde ac Rege eorum *Samoslao* (ex *Samonis* Familia, qui circa A.C. 661. obierat, nato) variâ fortunâ per Duces suos dimicavit *Crzezmyslus*; victi ad extremum *Moravi* fustes octingentos, quos *Bohemis* tellure suâ pellendis per contemptum attulerant, suis tergis imprimi serviliter doluerunt; locus hodièque *Kyge* (id est *baculi*) appellatur. Ego pleraque istorum sub *Neklano* filio contigisse reor. At domi *Crzezmyslus* (ut militaria ingenia solent) mitissimus, in Cives beneficus admodum, & benignus fuit; cinctam mœnibus *Majorem Urbem Pragensem* Prærogativis plurimis exornavit, & Civium in Principem amore, quàm vallis, & muris omnibus valentiore permunivit. Quo anno vitâ excesserit (nondum ad liquidum adductâ Chronologiâ eorum temporum) incertum est. *Stransky* concessisse fati, ætatis Anno quarto & quadragesimo, Imperij decimo nono, affirmat.

*Stransky c. 7.*  
*Reip. Boh.*

*Vide Notas.*

*Adelmus in*  
*Annal. ad*  
*An. 791.*  
*Aimoinus de*  
*gestis Franc.*  
*l. 4. Regno*  
*ad A. 791.*

*Bellicosus,*  
*foris domi*  
*mitissimus*  
*Crzezmys-*  
*slus.*

## NOTÆ in Caput nonum.

**C***rzezmysl, vel Crzezmysl &c.* Ab hoc *Crzezmyslio*, vel ejus consanguinitate credibile est prodisse *Cressum Hostiviti Principis* adversus *Sukoslaum Bilinensem* Ducem, ut *Hagecius* ad A. 880. commemorat, qui rebus ex sententia *Hostiviti* gestis ad *Egram* fluvium circa A. 883. castrum quoddam construxerit, quod postea *Kressstein* dixere; perseverat etiamnum hæc Illustris & Generosa stirps, & inter *Patricias Norimbergæ* numeratur; qua de re me pridem admonuit *Christophorus Arnoldus Professor publicus*, magnus meus & studiorum meorum Amicus, Vir omnigenâ eruditione, & orientalium lingvarum peritiâ clarus, qui *Jacobo Christophoro Kressio à Kressenstein* Illustris illius *Reipublicæ Septemviro* A. 1663. mortuo, *Elogium* funebre perelegans, doctum, & prudens concinnavit. Sed de *Cressijs*, eorumque in *Bohemia* nostra sacris memorijs erit aptior scribendi locus.

*Brevem corpore, sed sagacem, & bellicosum &c.* Nihil hîc novi dicimus: plerumque enim breves & corneos homines animosiores, vivaciores, magisque irritabiles, & experrectos invenias, & qui minimè omnium contemni se ferant: facilius enim semel concitati incalecunt, utpotè in quibus unita virtus sit fortior, ut *Aristoteles* L. 3. de partibus Animal. c. 4. pronunciavit; vide *Parvorum* laudes apud *Raynaudum*, qui maximos bello Duces, eosdem breves corpore enumeravit.

*Crzezmysli*  
*sangvis*  
*hodièque in*  
*Cressijs No-*  
*ribergæ per-*  
*severat.*

*Breves Na-*  
*turâ sæpe a-*  
*nimosi.*

*Raynaud. T.*  
*XIII. in lau-*  
*de Brevitatis*



An Carolus  
M. in Bohe-  
mos pugna-  
verit.

Regino lib. 2.  
chronic.

Aimoin. l. 4.  
de gestis Fran-  
corum.

Eginhard. in  
vita Caroli  
Magni.

Ado in Annal.  
Pessina in  
Marte Mo-

rav. l. 2. c. 4.  
Worb. volu.  
8. ad A. 638

& seq.

Pessina Mar-  
te Morav. l. 2  
c. 4.

Bellum cum  
Moravis.

Milites in  
pace mitif-  
simi.

Plut. in De-  
metrio.

*Carolus Magnus Bohemiâ arcuisse &c.* Id prorsus improbabile puto, quod nat-  
rat *Stransky*, cum ea de re altissimum sit in Scriptoribus eorum temporum, qui om-  
nia *Caroli* bella, & quodammodo ejus passus numerant, silentium; deinde *Carolus*  
in hoc bello non per solam *Bohemiâ*, sed & *Ratisbonâ* solvens dextrâ *Danubij* ripâ  
per *Noricum* adversus *Vngaros* duxit exercitum, ut ex *Reginone* discimus. Duobus  
enim exercitibus adversus *Hunnos* pugnavit *Carolus*: primum ex *Francis & Barvaris*  
constantem penes *Danubium* ipse *Carolus* duxit, alterum verò ex *Saxonibus Frisijis*,  
& *Thuringis* per *Bohemiâ* duci jussit *Theodorico* Comite & *Meginfrido* Ducibus.  
Hoc bellum *Caroli*, velut extra nostram sphaeram, omittimus, plurimi Authores præ-  
ter *Reginonem*, ut *Aimoinus*, & *Eginhardus*, & *Ado Viennensis*, aliique, quos *Pessina* in  
suum *Martem Moraviæ* transtulit, descripserunt.

*Rege Samoslao ex Samonis familia &c.* *Samo Slavorum*, qui in superiore *Fanno-*  
*nia*, *Norico*, & *Moravia* habitabant, Rex consilio magnus, armis inclytus, de quo vi-  
deatur *Worburgius*; ejus familia apud *Moravos* diu regnavit, ut ostendit *Pessina*.

*Victi ad extremum Moravi &c.* *Hagek* in *Annalibus* consulatur ad A. 793. &  
794. belli hujus atrocissimi causas, progressus & exitum *Bohemis* lætum latè com-  
memorans; in eo uno corrigendus, quod *Mnatam*, Avum scilicet pro Nepote, no-  
minârit, cujus auspicijs *Moravi Bohemiâ* cum ignominia sunt ejeçti.

*Militaria ingenia &c.* Id mille exemplis ab antiquitate (si hoc ageretur) pla-  
num facere possem: novi egomet clarissimos belli Duces, veròsque *Martis* pullos in-  
ter suos domi tam mites, & amicis commodos, ut nulla malacia æquè placida, quàm  
eorum animus videretur. Eadem causâ est, quod militares animi ad amorem sunt  
prones, ut *Ethici* Scriptores notârunt, ac sanè prudenter *Homerus Marti* armo-  
rum Deo *Venerem* conjunxit; talem nobis *Plutarchus* depingit magnum illum *Regem*  
*Demetrium* ab expugnandis Urbibus appellatum *Polioretum*, in bello & acie ma-  
ximè strenuum, & nullam dimicationem capitis recusantem, & tolerantissimum  
miseriarum bellicarum, ac contrâ in *Hibernis* convivantem, amantem, & delicijs  
omnibus diffluentem.

*Majorem Urbem Pragensem &c.* Hæc major hodièque comparatione minoris  
Urbis à *Libussa* conditæ, & *Antiqua* ob *Novam Urbem*, quam *Carolus IV.* diu. post  
extruxit, indigitatur. Prærogativas *Veteris Praga* in ejus Urbis Historia adferemus.

## CAPUT X.

### Neklan Decimus Bohemie Princeps.



*Stransky* c. 84

Deus igna-  
vorum Prin-  
cipum tem-  
pore fortissi-  
mos Duces  
excitat.



*Rzeczomysl* moriens duode-  
cennem filium *Neklanum* no-  
mine successorem reliquit; is  
toto Principatûs tempore (ut  
erat timidè & molliter inter  
fæminas educatus) timidè gubernavit, auda-  
cissimi & bellicosi Patris propè degener filius.  
Sed dono cælestis providentiæ factum, ut  
*Neklani* tempore egregij bello Duces existe-  
rent, qui Principis auctoritatem consilij, &  
armis,



armis, ubi maximè opus erat, apud Cives & Milites sustinerent. Bohemiam pro puero Principe (itâ Pater moriens statuerat) *Wratislaus Lucensis* Princeps patruus regebat, quo extincto *Neklan* suis auspicijs administravit Rempubicam. Ad hoc unum profuit timor, ut cautissimè militiæ Duces legeret, *Prostislaum* de *Chlum*, & *Czaslaum* nobilissimæ *Woraczickiorum* stirpis (à quo *Czasla-via* nomen) pluresque alios, qui *Moravis* cum quibus gerebatur bellum fugatis, ipsam etiam *Iglaviam* Urbem in limine Moraviæ sitam, captam incendere. *Wlastislao* Principi Lucensi (aut *Wratislao* potiùs) res novas molienti *Sstirum* de *Chegno-va* periculis militaribus assvetum opposuit, isque *Wlastislao* priùs in acie manu suâ interfecto, gloriosè in victoria occubuit. Adversus Saxones, & deinde adversus *Carolum*, *Caroli Magni* filium pro *A-varibus* & *Hunnis* pugnantem, *Neklan* extra Patriam infelicitè bellum gessit; nam *Lecho Duce* An. 805. in prælio cæso, *Mildrubum* suffecit, qui pariter in bello cecidit, quod bellum omnium diligentissimè *Vorburgius* describit, licèt *Lechonem Poloni* Ducem suum, qui scilicet auxilio *Slavis*, & *Moravis* advenit, *Pessina* verò eundem *Moravia Regem* fuisse existimârint. Hæc omnia bella *Stransky* & *Weleslavinus* *Neklano* adscribunt (qui 35. Annis gesto Imperio Anno ætatis sexto & quadragelimo Christi 839. decesserit) mihi inverisimile videtur illud de Annis Christi; reliqua tolerari possunt, sed probabile videtur aliquam bellorum istorum partem ad *Crzezomyslum Patrem*, aliqua etiam ad filium *Hostivitum* pertinere, qui imperare cœpit A. C. 802.

Dubrav. l. 2.  
hist. Boh.

Vorburg. Vöe  
lum. 10. Hist.  
for.

## NOTÆ in Caput decimum.

**M**olliter inter fœminas educatus &c. Plurimum in Principes educatio potest, est enim potentior quàm *Nutricum* ubera, quâs cum maximo delectu admoveri Regijs infantibus *Medici*, & morum *Magistri Ethici* præcipiunt; discunt pueri Rêgum inter fœminas, ad gratiam loqui, timere ubi timore opus non est, omnia ad teneritudinem quandam referre, nihil aggredi periculosum, licèt cum gloria conjunctum; & quamvis ætas virilis sangvinem Majorum in venis exsuscitet, tamen ut funiculus sericeus tortus, & adstrictus, facillimè sese retorquet & evolvit, itâ Principum animi primâ illâ educatione fracti & intorti, suâ sponte ad molliem revertuntur. *Neklan* Princeps cum nihil egregium & victurum præstiterit merito *Nihil fecit*, perinde ut *Ludovicus Carolomanni* filius apud nos habebitur.

Magna cura  
educandi  
Principes.

Nimoin. l. 3.  
c. 41.

*Egregij bello Duces exstiterunt &c.* Illaudabile est Principem suos militiæ Duces non nôsse, non allocutum esse. *Synesius* lib. de Regno ad *Arcadium Imperatorem* multis probat, necessarium esse Duci, milites nôsse, adeò ut etiam Vexilliferos majores nominare possit. Inter alia sic loquitur: *Nemo est, qui non coram Rege pericula velit suscipere*, tum inducit ex *Homero Agamemnonem* Gregarios milites nominatim vocantem, æquales *fratres*, senes *Patres* appellantem.

Princeps familiaris sit  
bonis militibus.



Varietas in  
Principum  
familij.

Bodinus in  
methodo hi-  
storiarum l. i  
c. 6.

Pulkava c.  
10. histor.

Lucensium  
Principum  
chronologia  
emendatur.

Duo Wrat-  
islai Lucenses  
Principes  
admittendi.


*Bellicosi Patris degener filius &c.* Mirabile illud est, quod Scriptores omnes observârunt ex fortissimis ignavissimos nasci, ex Sapientissimis plerumque sapien-  
tiæ egentes, unde illud *Heroum filij noxa*. Imò adeò Bodinus diligens Author obser-  
vat: usu venire, ut crudelem Principem sequatur justissimus, & mitissimus: Sic  
*Neronem Galba, Domitianum Nerva, Heliogabalum Alexander, Pertinax Commodum,*  
*Gordianus Maximinum &c.*

*Wratisslaus Lucensis Princeps patruus &c.* Difficilis & multum intricata *Wrat-  
islai* hujus, & *Lucensium* seu *Zatecensium* Principum Chronologia est: *Pulkava* perve-  
tus Scriptor *Vogeno* filios duos attribuit, alterum *Wnyslaum* cui Pater Pragensem Pro-  
vinciam tradiderit, alterum *Wlastislaum* (non *Wratisslaum*) cui *Lucensis* Provincia  
relicta sit à Patre: ex hoc *Wlastislao* genitum *Wratisslaum*, qui cum *Neklano* acre &  
internecinum bellum gesserit; postea capite sequenti bellum *Lucensium* cum Pra-  
gensibus describens, non *Wratisslaum* sed *Wlastislaum* appellat, cujus filium *Zbisla-  
um*, *Thuringus* ejus *Padagogus* occiderit. *Weleslavinus* duos *Vogeni* filios *Wnyslaum*  
*Pragensem* & *Wratisslaum* *Lucensem* agnoscit; ex *Wratislao* *Wlastislaum* prodijisse af-  
firmat, quia Styro *Chegnoviensi* in prælio occisus, parvum filium *Zbislaum* nomine  
reliquerit à *Thuringo* natione *Srbio* interemtum in glacie. *Stransky Nobilis Bohemia*  
*Scriptor* *Wratisslaum* *Lucensem* Principem A. 804. tutelam *Neklani* *Pragensis* Principis  
Nepotis sui ex fratre suscepisse, deinde cum fatis concessisset, *Wratislai* hujus fili-  
um *Wlastislaum* (quid non ambitio designat?) *Pragensis* Principatus cupiditate  
*Neklano* Duci bellum indixisse scribit, obiisse verò *Neklanum* A. 839. *Hagecius* quid  
senferit minimè curandum videtur: is enim res actas diligenter persequi contentus  
Chronologiam neglexit, & mirabiliter confudit, quod Sole clariùs in *Epitome* no-  
stra rerum Bohemicarum demonstravimus. Jam quid tenendum sit breviter di-  
cemus: imprimis *Pulkava* sententiam Germani Scriptores coævi, paulò post citandi  
refellunt, qui *Wratisslaum* *Lucensem* Principem (corruptè illi *Witztrachum*, uti *Radis-  
laum* *Moravia* Regem, *Rastizem* appellant, ut ostendit *Pessina*) nominant, pro quo  
*Ludovicus II.* A. C. 856. contra *Slavatam* ejus fratrem bellum gesserit; admitten-  
dus igitur in *Lucensium* Principum numerum *Wratisslaus*, quem *Pulkava* prætermisit.  
Contra *Weleslavinum* facit, quòd cum *Wnyslaus* *Wratislai* *Lucensis* Principis frater,  
juxta ipsius Chronologiam A. 656. Bohemia imperare cœperit, & *Wratisslaus* eo-  
dem Anno *Lucensem* Regionem à Patre traditam cum Principis titulo acceperit, fieri  
omniò non possit, ut *Wratisslaus* vivendo, & fratrem *Wnyslaum*, deinde *Crzezymys-  
lum* superârit, ac tandem *Neklani* tempora attigerit, Annis enim centum & pluribus  
regnâsse eum dicere cogeremur; quòd sic ostendo: A. 656. cœpit *Lucensibus* impe-  
rare, fuerit Annorum saltè 18. (cum ejus frater senior *Wnyslaus* 24. ageret An-  
num, ut habet idem *Weleslavinus*) *Wnyslaus* verò Annis 55. juxta eundem regnârit,  
auspicatus enim est Imperium, ut ipse dixit Anno 656. ejus autem filius *Crzezymys-  
lus* A. C. 711. qui 19. annos exegit in Principatu, & cum 12. annorum esset, sub tu-  
tela hujus *Wratislai* fuit, ut idemmet affirmat, cumque evidenter ex illius ævi Scri-  
ptoribus constet *Wratisslaum* *Lucensem* Ducem variâ fortunâ ab A. 846. cum *Ludo-  
vico Ludovici Imperatoris* filio in ipsa Bohemia bellum gessisse, eâdem operâ *Weles-  
lavinus* cogetur admiscere, *Wratisslaum* annis 108. regnâsse. Quod nec quidem in-  
ter exempla totius mundi Regum inveneris. Jam *Stransky* quoque sententiam ex  
eodem capite nutare necesse est: cum enim affirmet, *Wratisslaum* Ducem A. C.  
789. *Caroli Magni* in Bohemia conatus, *Crzezymyslo* *Pragensi* Duce, armorum socio,  
frustraneos fecisse, & cum id quoque constet, ut dixi, *Wratisslaum* adhuc A. 846.  
vixisse, additis annis juventutis, quibus Principatum adiit, erit necessariò conceden-  
dum minimum 80. annis Principatum tenuisse, quod nec ipse *Stransky* concedit.

Omnes



Omnes hæc difficultates conciliabuntur, & momento evanescent, si (quod ego sentio) duos *Wratislaos Lucenses Principes* faciamus, idque admitti oportere sic evinco: imprimis pro certissimo debet haberi: *Vogeni* filium, & *Wnyslai* fratrem *Wratislaum* fuisse, cui Pater Lucensem Regionem moriens reliquerit; id omnes Historici & Scriptores Bohemiarum veteres ac novi (uno *Pulkava* excepto, qui sibi, ut antè monueram, adversatur) uno ore, ac sententiâ affirmant. *Vogeno* Pragensi Principi successit *Wnyslaus*, qui annis 20. tum *Crzeżomyslus*, qui annis 42. deinde *Neklanus*, quem 51. annis imperâsse dicunt, tandem *Hostivitus*, sub quo bellum in Bohemia movit *Ludovicus*, *Ludovici Imperatoris* filius contra *Slavizam* vel *Slavatam* Lucensium Ducem A. 846. qui *Slavata* fratrem suum *Wratislaum* natu majorem Principatu depulerat, ut omnes cœvi Scriptores (disertè nominato *Wratislao Lucensi Principe*, quem *Ludovicus Slavata* ad Moravos ejecto, paterno soliò restituit) testantur. Hæc in unum *Wratislaum* cadere non possunt, neque ætas hominum istud credere sinit; igitur duo diversi *Wratislai* Lucensium Duces sunt admittendi, atque in hunc modum *Genealogia Lucensium Principum* ordinanda.



*Cautissimè Duces militia legit &c.* Magna in hoc cura Principi adhibenda est, cum bene dictum sit à *Chabria*: *Terribiliorem esse Cervorum exercitum Leone Duce, quàm Leonum agmen ducente ceruo*, quod ex eventu hujus belli apparuit.

*Prostislaus de Chlum &c.* Hunc *Prostislaum* affirmat *Pessina* ex stirpe *Slavatarum* ortum habuisse, qua in re secum ipse pugnat: nam cum asserat *Slavatas*, ex *Lucensium* Principum stirpe per *Slavizam* vel *Slavatam* *Wratislai Principis Lucensis* fratrem descendere, qui in *Moraviam* exul profugerit, idque factum esse dicat A. 856. & *Prostislaum Neklani Ducem* appellet, *Neklan* verò circa A. C. 800. ut paulò post probabitur decesserit, non potuit ex *Slaviza* Originario *Slavatarum* utpotè longè posteriore, *Prostislaus* descendere, nisi illuc confugiat (quod ego libenter admittam) *Prostislaum* non ex *Slaviza* vel *Slavata*, sed vel à *Wratislao* vel *Wlastislao* Lucensibus Principibus progenitum.

*Wlastislao res novas molienti &c.* Periculosum est nova Regna concupiscere; multi cum aliena concupiscunt, amiserunt sua; irritantur vicini, subditi enervantur. Ejus-

Militiæ Duces magno delectu præficiendi.  
*Plut. in Apophteg. ad Trajanum.*  
*Prostislaus* non fuit ex *Slavatis*.

Principes ambitiosi debili stomacho concupiscunt.



Ejusmodi Reges comparantur stomacho morbo bulimiae laboranti, qui omnibus cibis inhians nunquam satiatur, imò quò plus ederit, famer magis calore nativo, per tot cibos congestos debilitato; unde quolibet pastu vix non suffocatur, & tandem emaciatus, & concoctioni debita minus aptus hominem ad extrema deducit.

Principe occiso periclitatur totus exercitus.

*Sstir in victoria gloriose occumbit &c.* Sapienter *Neklanus* militiae inexpertus & rudis pro se fortissimum Ducem in hostes emisit, & ut ait *Terentius*, *ipsum sibi loco cavit*; nam si cecidisset (quid enim aliud expectandum erat, à timido & belli ignaro Principe?) omnis fortuna Pragensis Principatus cum eo cecidisset; exemplum habemus in *Francisco* primo Galliarum Rege, quo capto *Galli* fugerunt. Cæso *Epaminonda* Thebanorum victoria, licet clarissima, nihil emolumenti ad summam rei attulit. Ingeniosè *Satyrus Lucianus* fingit apud inferos *Alexandrum Magnum* à Philippo Patre reprehensum acriter (licet in acie *Alexander* non ceciderit) quòd vitæ prodigus, laudis cupiditate incensus, in medios hostes toties incurrerit, seque & milites suos tam bene de se meritos, & Regna sua omnia in discrimen conjecerit. At *Neklanus* etiam in hoc laudari potest: quòd tantum Ducem *Sstirum* pro se miserit, qui strenui Ducis munia obeundo, hostium Ducem obtruncavit in acie, licet in victoria vitam amiserit. Ità *Leonidas Spartanus*, qui cum trecentis tantum militibus in angustiis pugnans contra *Xerxem*, innumerabilem exercitum trahentem (decies centena millia quidam Scriptores fuisse dicunt) in ipsum *Xerxem* vim suam omnem convertit, eique moriens diadema è capite avulit. Idem præstitit *Fabius Maximus* cum suis triginta in *Annibalem* pugnans, qui mortuus est in diademate *Annibalis*, ut monet *Plutarchus*.

*Plutarch. in Parallelis.*

## CAPUT XI.

### Hostivitus Bohemiae Princeps XI.

Aliqui fundant iura sua in armis.



*Hostivitus* alio nomine *Milehost* (quod idem sonat, quasi dicas *Hospitalis* & *Humanus*) placide, utpotè à Patre relictum as-

sumsit Imperium! erat jam idoneus Regno, & vicesimum octavum agebat annum ætatis, cum imperare cœpisset. Fratrem habebat *Mstibogium*, vel *Ctibogium Caurzimensis* vel *Zlicensis* Provinciae Ducem, qui primus pacem publicam turbavit; nimirum in illa sæculi Barbarie, cum Evangelij Lux abesset,

nihil inconcessum ambitioni suæ eruenti Duces existimabant; jus erat in armis, & Regionum fines, cum superbia & potentia crescerent, illis decrescere videbantur; sed *Mstibogium* egregiè perdomuit *Hostivitus*. *Sukoslaus* deinde *Bilimensis* Dominus *Tetæ Craci secundæ filia* Propronepos renovavit bellum, & *Starviborij Mielnicensis* Comititis (sanctæ *Ludmillæ* Patris)



Patris) ditiones ferro & igni pervastans totam *Regionem Pragensem* in ultionem accendit; prælio victus, cum se in Arce sua, quam *Sukoslav* à se nominaverat, clausisset, expugnatus, truncatis manibus & pedibus in flumen *Egram* injicitur, quæ omnia cap. 3. hujus libri, & in *Notis* ad id caput à me narrata recordor. His prosperis successibus, ut fit, elatus *Hostivitus*, majora moliri cœpit, venitque in spem, quæ olim in *Sorabis Carolus Magnus* armis occuparat, ea se recipere posse. Pax æquavit omnia: nam An. 840. *Francofurtum* ad *Ludovicum Pium* Imperatorem cum *Celedruho* patruele profectus, pacem optimis conditionibus fecit, primus quod sciam nostrorum Ducum, qui cum Imperatoribus amicitiam coluerit. Pacem sanctè colente *Hostivito Lucensis Provincia* inutili & inconsulto, deinde, ut malorum consiliorum mali, ut plurimum sunt exitus, propemodum exitiali bello flagravat, quod An. 846. inchoatum annis 10. variâ fortunâ acceptis, & redditis cladibus protractum est. An. 850. *Saxones & Franci*, qui fidem datam violaverant à *Bohemis Lucensibus* magnâ clade affecti, tantum non sub jugum sunt missi, ut narrant *Rudolfus, Schaffnaburgensis, Calvisius, Brunnerus* noster, omnesque rerum Boicarum Scriptores. Porro *Hostivitus* circa An. C. 849. aut quod postea probabitur 856. vitâ excessit. Septemdecim Imperij annos tantum ei tribuit *Stransky*, quod in tanta multitudine & varietate actionum vix adducor, ut credam. Conjugi *Hostivito* fuit *Miloslava* de *Dvorce Hraboslai* filia, quam ex stirpe sua descendisse hodièque gloriantur Equites *Borinij*; ex hoc conjugio natus est *Borziwojus I. Bohemiæ Princeps Christianus*, quod felix faustumque sit.

Fœderum violatores puniuntur à Deo.

Boriniorum antiqua Prosapia.

## NOTÆ in Caput undecimum.

**H**ostivitus quasi Hospitalis &c. Nulla virtus divitias commendat magis, quàm Hospitalitas; & in excipiendis Hospitibus magnificentia; ejus rei Symbolum sunt arbores illæ, quæ alienos ramos adoptant sibi, & foveant ac nutriunt ut suos; talis *Platanus* & *Morus*, in quibus *ficus* libenter hospitatur; ipsa *morus* in castanea fago, & pyro, aliæque innumerabiles, quas noster *Forerus* in *Viridario* refert. Pulcherrimum spectaculum, cum ramum ramus adoptat, ut canit *Ovidius*. neque hac ratione arbor vilescit, sed potiùs exornatur velut *Eiresione* apud Græcos, de quo eleganti ramo, & varijs usque pulcherrimis stirpibus constante, vide *Strabonem* lib. 1. & *Suidam*. Adde, quod etiam in Barbaris, Hospitalitatem magnis præmijs affecerit Deus, referuntque *Annales Polonorum Piastrum Crusvicensem* ea sola de causa Imperium *Poloniæ* meruisse, atque ut ejus familia tot sæculis perennaret, quod hospitalem sese exhiberet omnibus, qua de re vide *Cromerum* in *Historia Poloniæ*.

Forer. Disp. de Plantis.

Beneficentia populo Principem conciliat.

Fratrem habebat *Mstibogium* &c. Hunc alij *Ctibogium*, alij *Diepoldum* (quod nomen post multa sæcula primum notum esse cœpit) appellant. Fractus à fratre *Hostivito*, ut erat iniquus animi, bellum in *Moravos* transferre cupiebat, in ipso belli

Hostiviti humanitas.



De Radislao

apparatu, à Cacodæmone strangulatum in Arce Ohbi Weleslavinus, alij fulmine istum perijsse scribunt; multum eâ tempestate in homines Deo connivente mali dæmones poterant, ut si non ritè aut minùs solennibus verbis adorarentur, cultores suos interficerent, quod mille exemplis, vel ex *Bohemia historia*, probari potest: filium parvulum *Mstibogij* (quem alij *Radislaum*, alij *Drzslauum* idigitant) *Hostivitus* ætatis, & fortunæ miseratione ad se recepit, & *Budecij* literis excolendum optimis Magistris commisit, eique adulto postea paternam ditionem, & *Principis titulum* restituit. Hunc eundem *Radislaum* existimat *Weleslavinus*, quem *Principatui Pragensi* imminentem & inhiantem, ut Populo parceret, S. *Wenceslaus* ad singulare certamen provocârit, quod prorsus inverisimile est: faciamus enim eum cum ab *Hostivito* ad Scholas Budecenses mitteretur (circa A. C. 840. tunc enim regnavit *Hostivitus*) decennem fuisse, cum vicissim constet Divum *Wenceslaum* ante An. 920. non attigisse Rempubicam, ut dicemus postea, igitur *Radislaus* cum provocaretur minimùm 90. annos ætatis numerabat, ridiculum autem fuisset capularem senem à Divo *Wenceslao* Juvene in duellum vocari. Sanè de eo Scriptores vitæ S. *Wenceslai*, ut de æquali, & juvene non de effæto sene loquuntur. Existimo igitur alium *Radislaum* eumque juniorem fuisse senioris *Radislai* filium aut nepotem, qui S. *Wenceslao* negotium facessiverit, victusque miraculo vocis cœlestis, nè feri, ducente cum *Pragam* velut in triumpho SS. Duce Christi fidem sit amplexus.

Hæreditarium Regnum securius, quàm electivum.

*Placide Imperium assumsit à Patre relictum &c.* Hoc maximè bonum est hæreditariorum Regnorum, quòd Imperio incertum successorem non relinquunt, proinde præscindatur omnis spes inquietis & turbulentis ingenijs res novas moliendi; augetur periculum inde, quòd nemo tum sit, qui clavum Regni teneat, cui subditi adhærescant, & periculum propulsent. Reipublicæ Romanæ interitui nihil aliud causam dedit, quàm quòd Imperatore mortuo *Senatus Romanus* & Legiones dissentirent, & de Electione novi Imperatoris convenire illi sententijs, hi armis non possent; adeoque factum ut uno propè tempore triginta Imperatores, veriùs Tyranni, cum summo Majestatis Romanæ & Imperij dedecore numerarentur. Videantur Politici præstantiores; qui unâ sententiâ omnes hæreditaria Imperia præferunt Electivis; qua de re prudentissimè disputat in *Argenide Barclayus*.

Gladius sæpe injustitiæ servit.

App. l. 2. de rebis civil.

*Fuserat in armis &c.* Sigladio Jus ad Regnum acquiritur, omnis Princeps ad Regnum alienum occupandum jus habebit. Gladio non alligatur justitia, sed justitiæ gladius datur in manum, ut justè vibretur. Injusta arma & cum nullo Juris titulo ingeniosè & ridiculè descripsit *Abele in Metamorphosi Tela judiciaria* vocatque illud *Sauß-Recht* in hunc sensum Rex nescio quis moriens dixisse fertur, cum incertum hæredem in Regno relinqueret, multosque filios haberet, eum fore successorem sibi, qui ex filijs acutiorem ensẽ haberet; *Julio Casari* eadem ratione gladius velut titulus justitiæ fuit, nam ut narrat *Appianus*: cum retinere exercitum vellet, vetante *Marcello Consule* & *Senatu*, *Cesar* admotârd gladij capulum manu respondit: *hic impetrabit*. Turcæ hodièque gladium, & potentiam amorum suorum jus habere ad omnia Regna existimant, veteri exemplo *Scytharum* & *Sauromatarum*, qui *ensem in terram defixum* pro Deo colebant, eique sacrificabant, innuentes: magnum esse *Deum Gladium*, qui Regna alijs daret, alijs eriperet. Unde ingeniosè *Divus Augustinus* in libris de Civitate scripsit: *Remotâ justitiâ quid Regna sunt, nisi magna latrocinia?* vidère hoc *Athenienses*, qui quotannis infestis solennibus *Ensem* post multas accusationes condemnabant, eumque cædium Authorem proclamabant, significantes, magnum illum aliquando esse injustitiæ ministrum. O quàm multorum *enses ab Atheniensibus* hodie accusari & damnari possent!

Ælian. Var. Histor. l. 8.

Prosperis



*Prosperis successibus elatus &c.* Felicitas plerosque infatuat, ideoque ingeniosè Horatius fortunâ dulci ebrios vocavit, quòd prosperis successibus homines quodammodo inebrientur. Gravis est sententia Gobryæ apud Xenophontem, quam exemplis approbare possumus: Difficilius reperitur, qui secundam, quàm qui adversam fortunam bene ferant, & Tantalum ait Pindarus, non potuisse concoquere felicitatem suam.

Cum Celedruho Patruale &c. Hæc de Celedruho habet Weleslavinus; sed quis ille Celedruhæ non adjicit; filium nihilominus Mstibogij Celedruhæ ab aliquibus appellatum postea alio in loco tradit, sed nullâ ratione sustineri hoc potest, cum Hostiviti Francofurtum venisse A. 823. affirmet, quo Anno Radislaus seu Celedruhæ natus non erat, ut Chronologiam examinanti patebit. Quod A. 823. attinet à Weleslavino indicatum, quo Francofurtum Hostivitus accesserit, accurati, & ad Chronologiam attenti Scriptores A. 840. Francofurti inivisse fœdus Hostiviti cum Imperatore Ludovico posuerunt, idem sensit Stransky, cum ait Ludovicum Pium Imperatorem, percussio cum Hostivito fœdere, eoque Socio Imperij appellato paulò post obijisse, id est, ut habet Ricciolus 20. Junij A. 840. sed neque tum Celedruhæ comes Hostivito esse potuit, ut ex dictis, quæ attulimus patet.

Lucensis Provincia exitiali bello &c. Hujus belli summam faciam ex antiquissimis Scriptoribus, Rudolpho Fuldensi, & Lamberto Schaffnaburgensi, Sieberto, deinde ex cæteris rerum Saxonicarum & Boicarum Scriptoribus, præsertim ex Brunnero. A. 846. Ludovicus, Ludovici Imperatoris filius, ut Saxones tumultuantes compesceret, cum exercitu instructissimo in Saxoniam contendit; erat ei necessarium iter, per aliquam Bohemia partem, & nominatim per Lucensem Provinciam. Hostivito Pragensi Duce (plures enim tunc Bohemia Duces imperitabant) ob fœdus nuper ictum, nihil se commovente, Wratislaus Lucensis Dux (quem Aventinus & cæteri Germaniæ Scriptores corruptè, ut in aliarum gentium nominibus facere solent, Witztrachum vocant) stolido prorsus consilio, Ludovicum transitu Regionis Lucensis prohibere conatus, bellum quod Saxonibus inferebatur, in se recepit. Protractum est bellum in duos aut tres annos cruentissimo semper, & ancipiti Marte; sed A. 849. vel sequenti Ducum superbiâ ignominiosam cladem, ut loquitur noster Brunnerus, accepere Germani, ac ferro Bohemorum concisi, ignominiaq. & vulnere pleni in castra pecorum more acti sunt, denique pro capite decidere coacti pro magno impetrarunt, uti salvis corporibus abire sibi ex Bohemia liceret. Annis sequentibus reparata clades, & post iteratos conflictus complures, Wratislaus Lucensis imperata facere, atque obsides dare compulsus est. Conquieunt deinde bella & Wratislaus armorum satur, & senio gravis relictis adultis filijs duobus vitâ excessit Anno Domini 854. Patri senior filius Wlastislaus, more omnibus propè gentibus usitato, in Principatu successit; hoc indignè ferens minor natus filius Slavata (Slavitagus vel Slaviza ab aliquibus appellatur) Optimates Civésque Lucenses prece, pretio, ac promissis cum delinivisset, sibi que faventes reddidisset, nullo negotio Wlastislaum fratrem deturbavit è folio, seque ejus loco Principem constituit. Wlastislaus omnis consilij & auxilij inops primum ad Criborium Soraborum Ducem paternum amicum confugit, & in exilio vixit; re ad Ludovicum Carolomanni filium delatâ (qui ad se bella & paces istarum Provinciarum, nescio quo jure, nisi potentia & vis jus faciant, pertinere putabat) mense Augusto anni 856. per Sorabos iter faciens, Duce illorum Criborio unâ assumpto, adversus Slavatam duxit exercitum. Slavata juvenis acer, & ad bella natus, qui gloriam & vitam juxta haberet, egregiè tutatus est locum (etsi agri omnes Lucenses arderent) & longè antè præparatis com meatibus, viris & armis, Ludovici conatus fortiter non minùs, quàm feliciter elusit. Sequens annus non æquè Slavatæ felix illufit: perosi impotentem juvenis dominationem Optimates Civésque, qui solâ

Felicitas  
multis in-  
felix fuit.

Muretus l. 5.  
variar. lect.  
c. 15.

De Celedru-  
ho.

Pessina in  
Marte Mo-  
ra v. l. 2. c. 5  
Stransky in  
Rep. Bojem.  
c. 8.  
Ricciol in  
Chronolog.  
reform. in  
Chronico ma-  
gno.

Lucense bel-  
lum à Fran-  
cis gestum.

Slavatæ ex  
Lucensi  
Principatu  
dejecti.



Slavatæ in  
Moraviam  
se recipiunt.

Brun. Annal.  
Bojor. p. 2.  
l. 6. ad A. n.  
857.  
Avent. An-  
nal. Boji. l. 4

Spangen. in  
Chron. Sax.  
ad A. 856.

Conjugia  
Principibus  
magno con-  
filio incun-  
da.

utilitate fortunam suam metiuntur, legitimum respiciebant *Principem*, quo ille animadverso neque Civibus, neque muris satis fidens, ad *Borxivogium* recentem, & primi anni *Principem*, cognatum suum primò, deinde cum fœdera non sinerent, ad *Radislaum Moravia Regem* se recepit. Interim *Wlastulaus* exul, Imperium recuperavit; frater ejus *Slavata Dux Radislai* constitutus & pacis & belli arbiter inter *Radislaum* & *Carolomannum* factus, in utramque partem autoritate, consilij, & manu multum fortunam *Radislai* adjuvit. Quæ omnia *Brunnerus* noster, *Aventinus*, *Spangenbergius*, aliique antiquiores Scriptores commemorant. Hinc manifestè patet, quod in Epitome & alibi sæpe diximus, *Illustriissimam Slavatarum gentem à Przemysslo* descendere: cum enim à *Wratislao Principe Lucensi* originem ducant, necessariò conficitur, eos ex Ducum *Pragensium* sanguine proficisci; quid autem *Slavata* vel *Slaviza* in *Moravia* gesserit, & quâ ratione ejus posteritas in *Bohemia* redierit, in *Stemmatographia* latius diximus.

*Conjux Hostiviti Miloslava &c.* Connubia Principum magno delectu, & consilio iniri debent, quia facillimè familiam Principalem in gravia pericula conjiciunt. Ideò non malè dictum est, à *Proba Falconia* insigni Poëtria, *mulierem esse argumentum ingens*, propter quas, scilicet, tot bella suscipiuntur, tot cædes perpetrantur. Decipit Principes audacia, & libertas fæminea, & novi mores, quibus perditè, cum odisse debeant, *uxorij Principes* delectantur. In conjugijs Principum maximè spectanda sunt tria illa, quæ in Rhetorum Scholis decantantur: *utile, honestum, delectabile*. Utilitatem Princeps quærit in consanguinitate & affinitate, quæ amicos parit, in bello & pace armat & exornat. Cum gloriæ & dignitatis suæ retinentissimos *Principes* esse oporteat, ea familia eligenda est, quæ æqualis, aut non multum inferior statu Principis habeatur. Quod si connubio plures amicitiae acquirantur, & familia quantumcunque nunc exilis, tamen olim honorata & Imperatoria fuerit, ingens lucrum ex ejus cognatione acquireret Princeps, eamque sibi in obsequijs omnibus (quasi novus fortunæ Conditor) obnoxiam reddet.

## DISSERTATIUNCULA DE ADVENTU CZECHI, ET INITIO CZECHORUM.



Duplex sen-  
tentia Scri-  
ptorum.

Alè conciliata lis est, & nunquam definitiva satis de Czechi adventu, suntque in ea re tam discrepantes sententiæ, ut non centum, sed quingentis annis à sese distent, ut in *Notis ad Caput primum* hujusce libri diximus. Repetam brevissimè quid autores sentiant, & refellam nervosè, tum sententiam meam (quam toties à me, exprimere conati sunt maximi in Historia viri, *Pessina*, *Crugerius*, & amicus meus R. D. *Boleluczki &c.*) aperiam. Ante omnia notandum est, qui de *Czechi* temporibus & adventu scripserint, in tres classes dividi posse; *alij* enim nimis citò & intempestivè eum in *Bohemia* inducunt, *alij* tardè ejus adventum ponunt, *alij* mediâ quadam viâ incedunt. Duo ter-

mini



mini temporum sunt : Annus videlicet 278. alter terminus Annus Christi 814. nam improbabilis nimium & inverisimilis est *Schleini* sententia qui *Slavorum* Populos etiam ante Christum natum habitasse in Bohemia fingit, & *Marcomannos*, *Herulos*, *Quados*, *Vandalos* inter *Slavorum* Populos connumerat, quod ab omni antiquitate, & ab omnibus omnium gentium Historijs refellitur, & nullum invenit subscriptorem. Qui igitur *Czechum* A. 278. venisse scripserunt, *Weleslavinus* & *Codicillus* evidenter refelluntur duobus argumentis : *primò*, quòd nullum pro se testimonium adducere possint ; nam postremus, cujus librum de *Origine Czechorum* diu quæsitum nusquam invenire potui, nullas *Weleslavo* probationes suggessit. Alterum, idque potens argumentum est, quòd usq; ad ea tempora Annum scilicet 278. *Marcomanni* aliique Germaniæ Populi, *Bohemi* incoluerint, ut L. 2. C. 3. probatum à nobis est, neque ulla *Slavici* adventus mentio in antiquis Scriptoribus reperiatur. Porro *Weleslavi* Chronologia quàm malè subsistat, Cap: 8. hujus libri probatum est. Qui alterum extremum tenent, sic manifestè rejiciuntur : *Schleinius* qui Annum 814. posuit, cogitur omnes Bohemiæ Principes Ethnicos ex natura rerum proscribere, nam cum *Borziogium* constet certissimò A. 856. Bohemiæ gubernationem auspicatum esse, non potuere ab A. 814. usque ad 856. duodecim Bohemiæ Principes intra tam breve tempus spatium gubernationis habere, nisi eos florum & vermiculorum vitam habuisse dicamus, adde quod *Christannus* proximus eorum temporum, & Primus Bohemiæ Scriptor *Boleslai* Sævi filius, de *Libussa* *Przemyslo* loquens disertè asserat, multo interjecto tempore ad *Borziogium* Bohemiæ Imperium devenisse, & ex *Przemysli* Sobole Rectores seu Duces multos in Bohemia regnasse, quæ omnia si *Czechus* A. 814. intravit Bohemiæ, necessariò delebuntur ; vide alia argumenta, quæ Lib. 2. Miscell. contra hanc novam, & improbabilem sententiam attulimus. Jam & sententia *Hagecij* sustineri non potest de A. 644. cum antiquiores memorias Czechorum in Bohemia habeamus. *Stransky* Scriptor egregius, & Chronologiæ, quæ fundamentum omnis historiæ censetur, tenacissimus, etsi nunquam Annum Czechi nominare voluerit, tamen cum *Przemyslum* 632. obiisse nonagenario majorem statuatur, non difficile erit ejus de adventu Czechi sententiam deprehendere ; ponit enim *Czechum* annis 27. regnasse, & cum longo tempore Principatus vacasset (annos decem vacasse Imperium omnes alij affirmant) successisse in Imperio *Cracum* vel *Crocum* primum seniore (qui 39. gubernavit annos, ut ipse *Stransky* disertè affirmat) inde *Cracus* vel *Crocus* junior 50. Principatus annos explevit, *Libussam* posuit annis 13. totam imperasse, *Przemyslum*

*Schleini*.

*Weleslavi*.

*Christan. in*  
*vita S. Lud-*  
*mille.*

*Hagecius re-*  
*futatur.*

*Stransky.*



Cromeri &  
Welferi sen-  
tentia.

verò annis 41. post *Libussa* mortem Imperium continuâsse. Ergo sub-  
tractis ab A. 632. annis 180. quos annos implevêre regnando *Czechus*,  
*Croci* duo, *Libussa* usque ad *Przemyslum*, remanent anni 452. quibus *Cze-*  
*chum* advenisse *Stransky* cogetur dicere. Propiùs ad nostram sententiam  
accessêre duo historiæ lumina, *Cromerus* & *Welferus*, qui circa *Attila* tem-  
pora *Czechici* Populi in has oras adventum posuerunt, *Attila* verò A. C.  
441. & sequentibus, *Hunnorum* exercitus, in Europam cœpit immit-  
tere.

Incertus est  
Czechii ad-  
ventus quo-  
ad tempus,

Weleslavin.  
& Stransky  
excusantur,  
quod Princi-  
pum an-  
nos proba-  
biliter ordi-  
nârunt.

Sentio hîc à me expectari, quid ipse probabile existimem, qua in  
re defectu monumentorum nullam demonstrationem adferre potero,  
sed probabilem conjecturam, quis enim in illa Barbarie (præsertim cum  
nullum fidei lumen has Provincias illustrâset) bonis literis locus? ex vi-  
cinis tantùm *Germaniæ* Scriptoribus, via ad solvendam tam difficilem &  
intricatum quæstionem invenienda est. Statuo in primis, certa ab incer-  
tis separanda: Incerta esse omnia existimo, quæcunq; de ætatibus Prin-  
cipum nostrorum traduntur, hunc scilicet 39. hunc 50. annis, hunc 19.  
imperasse &c. quæ *Weleslavinus* aut *Stransky* Principibus attribuit.  
Cum enim de ipso Cardine rerum, seu de *Czechii* adventu nihil certi sta-  
tuere possimus, quis hæc tam minuta certò affirmare possit? aut ex quo  
Scriptore antiquo ista sumuntur? tacet de annis Principum Ethnicorum  
*Pulka-va*, tacet *Cosmas*, tacet *Christannus*, qui si ista tam minuta habuif-  
sent in manu, sinè dubio posteris tradidissent. Neque in hoc reprehen-  
dendi sunt *Weleslavinus* & *Stransky*, neque eorum fides & autoritas e-  
levatur (ut quidam somniarunt, & objecerunt) quòd annos nostrorum  
Principum confinxerint, seu potius ordinârunt: non enim ipsos Princi-  
pes aut eorum nomina fabulosè nobis obtruserunt, sed accepta à vetustis  
Scriptoribus nomina, & successionem, verisimiliter per annos diviserunt,  
quod necessariò illis faciendum erat, cum hoc præterierint Antiqui: in  
historia enim cum deest Scriptorum clara autoritas, etiam conjecturæ  
valere solent probabilibus argumentis innixæ. Sic videmus fecisse duos  
historiarum omnis Ævi Principes *Dionysium Petavium*, & *Jo. Baptistam*  
*Ricciolum Nostros*, illum in aureis libris *Rationario Temporum*, & *Doctrina*  
*Temporum*, hunc verò in *Chronologia Reformata*, ubi cum multorum Re-  
gum & Principum in *Europa* & *Asia* nomina haberent, eorûmq; succes-  
siones, non extarent tamen, & ignorarentur determinati & certi anni  
Principatûs eorum, ipsi quid verisimiliter dici poterat, quot annis scili-  
cet regnaverint, attulerunt; ob quam diligentiam illis habenda est gra-  
tia, & non reprehendendi sunt, sed potius laudandi; id etiam fecêre alij  
Chronologi, ut *Salianus*, *Panvinus* &c. ità nos etiam fecimus in divisio-  
ne an-



ne annorum à Czecho usq; ad *Borzi-vojum*. Hæc ad defensionem *Stransky* & *Welesla-vini*. *Secundò*: interstitia vel interregna nunquam à *Welesla-vino* & *Stransky* computantur; an verò satis credibile est uno Principe extincto, statim in articulo sequentis diei alium suffectum esse? aut nullum Procerum, & Populi conventum, quo Dux novus eligeretur, & solennibus cærimonijs inauguraretur, expectatum fuisse? hæc certè interstitia in 12. *Bohemia* Principibus necessariò admittenda sunt, neq; nudè transmittenda. *Tertiò*: inter ignota computamus, quando nam priores *Boij*, *Marcomanni*, *Quadi*, & cæteri qui incoluere *Bohemiā* exacti è *Bohemia* sint, qui *Bohemiā* incolentes, sinè dubio *Czechum* & *Lechum* *Bohemiā* ingredienti accessu prohibuissent, fatendum est *Marcomannos*, qui *Bojos* *Bohemiā* expulerant (ut probatum est Lib. 2. Miscell.) in *Romanam Danubij* ripam transgressos, alias, aliásque terras occupasse, tamen cum in *Bohemia* habitassent, credibile omninò esse non potest, habitandas abs se terras concessisse *Sla-vis*, eosque in communionem tot bellorum quæ cum Romanis gesserunt, quæ enumerant *Welferus* & *Goldastus* ac cæteri, assumere voluisse; quo semel admissio, *Piasecij* & *Schleimicij* sententia tota corruat necesse est, qui *Sla-vos* ab omni memoria, etiam ante *Bojos* & *Marcomannos* *Bohemiā* incoluisse nullo argumento probabili adducto affirmant. Quando verò *Marcomanni* *Bohemiā* reliquerint non constat satis; probabile tamen est circa An. 257. id contigisse. De his Migrationibus *Marcomannorum* videatur *Lazius*, & nos Lib. 2. Miscell. à Cap. 3. His igitur in incerto relictis, quid verisimile existimandum sit, adferemus; cujus sententiæ nostræ jam præjudicium magnum fecimus in *Epitome* nostra, & toto Lib. 2. Miscell. neque Lectorem in nostram sententiam cogemus, sed quod probabile existimaverimus breviter adferemus. Sunt autem, quæ certa esse putamus sequentia. *Primò*: pro certissimo debet haberi: *Borzi-vojum* Duce *Bohemiæ* A. C. 864. Christi sacra *Welebradi* in Moravia suscepisse (non ut *Hagecius*, *Welesla-vinus*, *Stransky*, *Theobaldus*, & cæteri asserunt A. 894.) id evidenter probatur ex Vita S. *Cyrilli* & *Methodij*, quam recitat *Bollandus* noster in actis Sanctorum 9. Martij. Hoc igitur primum punctum habeatur Chronologiæ. *Secundò*, æquè certum est, & illud: longè ante A. 644. *Bohemos*, *Slavos*, incoluisse. *Non entis*, ut ajunt Philosophi, *nullæ sunt actiones*; atqui *Slavorum* in *Bohemia* actiones ab Antiquissimis, & omnis historiæ peritissimis Scriptoribus longè ante hunc annum (scilicet 644.) adducuntur; igitur luculenter *Hagecius*, & qui eum secuti sunt, falluntur, qui adventum *Czechy* illo anno posuerunt. Inprimis *Boicæ* historiæ clarissimus author *Marcus Welferus* (qui priore

Quid nobis  
verosimile  
videatur.

*Borzivojus*  
quando baptizatus.

*Bohemi* *Sla-*  
*vi* citius *Bo-*  
*hemiā* in-  
gressi.

saeculo



Welfer. l. 3.  
rer. Boi.

Bohemi Co-  
lonias du-  
cunt in Sla-  
voniam.

Cromer. l. 1.  
c. 7. 8. 14. 16

Bonfin. Dec.  
1. l. 10. init.

Idem Dec. 1.  
l. 8.

Krantz, in  
Vanda:  
Blond. hist.  
Dec. 1. l. 1.

Quinam Sla-  
vi Bojos ar-  
mis laceffi-  
verint.

Adelzr. hist.  
Boi. p. 1. l. 6.  
n. 15.

sæculo historiam Bojorum magno Doctorum applausu conscripsit, & nuper ab *Arnoldo V. C.* secundis curis egregiè adornatus prodijt ) disertissimè affirmat: cum *Boji & Marcomanni* utrique Germanorum populi Bohemiâ pulsi cederent, *Czechum & Crocum Venedorum Reges* successisse, Bojos verò ad Nariscos abiisse. Illud, ait *Welferus*, dubitationem non habet, *Marcomannos* sociosque populos pulsos esse interiore *Hercyniâ*, à *Sla-vis Sarmaticâ* gente, quæ *Ducis Czechii* nomine privatim dicta, nunc appellationem retinet &c. & hoc, ait, contigisse sub *Attila*, qui in Imperium Romanum irrupit A. 444. (ut ex omnibus historicis ostendit *Baronius*, *Ricciolus*, & alij) idem sensit *Cromerus* historiæ Polonæ præcipuus conditor. Sed evidentius probari potest autoritate Veterum & Novorum Scriptorum, qui *Sla-vos Czechitas*, Slavoniam Provinciam fundâsse tradiderunt: *Bonfinius Slavoniam Ungaricam*, *Boëmorum Coloniam* appellat. Clariùs id expressit alio loco hisce verbis: *Sla-vi è Regionibus Transistrianis seu Transdanubianis* (ex nostra videlicet ripa, nobis *Cis*, *Bonfinio* scribenti trans *Danubium*) promanârunt, atque *Istriam & Dalmatiam* occupârunt, eamque de se *Slavoniam* dixere. *Primas sedes* (notet *Lector*) trans *Danubium* non reliquere; ex quibus *Bohemi*, *Poloni* &c. adhuc permanent. Huic sententiæ astipulantur *Krantzius Blondus*, & plerique Scriptores *Ungarici*, ac ferè omnes qui de *Slavonia* egerunt, ipsique *Slavones* ex *Majorum* traditione ortos se à *Bohemis* gloriantur. Sed me aliòsque *Chronologiæ* studiosos maximopere movet *Bollandi* nostri autoritas, qui quàm firmo pede in historia & *Chronologia* incedat, sciunt omnes, qui vel unum *Tomum* ejus legerunt; is ergo *Tomo primo Februarij*, ad sextum ejus diem *Commentario Prævio* §. 9. apertissimè demonstrat *Slavos* A. C. 547. transivisse *Danubium* (ex nostra scilicet ripa) & inter alias Provincias, *Slavoniam*, *Carinthiam* &c. obtinuisse, diùque sinè Rege fuisse; deinde ab *Hunnis* servitute oppressos Regem sibi elegisse *Samonem*, cujus industriâ libertatem recuperârunt; electum esse *Samonem* *Slavorum* Regem A. C. 623. regnâsse annis 35. Hisce *Slavorum* gentibus *S. Amandum* Episcopum Evangelium Christi prædicâsse; idem *Bollandus* in vita *S. Domitiani* *Slavorum Ducis & Martyris* ad 5. Febr. docet: *Samonem* Regem *Slavorum* A. C. 637. *Francos*, qui *Slavos* invaserant, repulisse. Unde sequitur *Slavones* (*Czechorum Coloniam*) longè feliciorum fuisse nobis, quibus tardiùs Evangelij lux affulsit. Hæc omnia *Bollandus* *Vir* omnis historiæ sacræ ac profanæ scientissimus ex *Procopio* & *Fredegario* antiquissimis Scriptoribus evincit, ut nemo nisi cui ferrea frons sit, obistere possit. Porro post A. C. 530. *Slavi* ex *Slavonia*, & *Dalmatia* *Boicam* armis vexare cœperunt, ita de his bellis *Adelzreiterus*: hos qui à *Thassilone*



lone Rege Bojorum A. 595. de-victi sunt, Paulus Diaconus Slavos appellat, quos (iterum observet Lector) trans Danubium ortos (in nostra scilicet ripa) in Illyricum, aliâsque Romani Imperij Provincias Iustiniani Imperatoris ævo irrupisse Procopius, & Jornandes meminerunt. Justinianus verò A. C. 527, Imperium auspicatus est. Paulus Diaconus, qui A. 760. historiam scripsit de hoc bello ita apud Welserum loquitur: A. 595. Thassilo Rex Bojorum (scilicet primus ejus nominis, Thassilonis secundi Abavus) Slavos graves perpetuò & infestos vicinos (nota nomen vicinos; id est penes Bavariam habitantes) bello aggreditur: quorum præter Czechorum nationem (quæ aliquando Sarmatiâ effusa Bojohemum tenet) alia Quarentanorum Dalmaticis oris progressa, Norici partem Hadriaticum sinum vergentem insidens, Boicam premebat &c. Scio non in omnibus editionibus Pauli Diaconi Czechorum nationem nominari, ut notavi L. 2. Miscel. c. 18. in Notis. Sed Welserus aliam & longè meliorem Pauli Diaconi sententiam copiosius & latius expresse-rit.

Satis jam probatum est Slavos ex Bohemia Colonias in Slavoniam deduxisse, idque ante A. 644. Unde errasse convincitur Hagecius cum suis sequacibus; cum ante A. 547. imò citius Slavi Bohemi juxta citatos Authores extiterint. Existimo longè etiam ante A. C. 500. & 400. in Bohemia habitasse: quâ enim ratione Czechorum populus nuper adveniens ex sedibus hisce Transdanubianis in Slavoniam, Carinthiam, Dalmatiam, & Illyricum tam numerosos exercitus emittere, & tot colonias deducere potuisset? hoc factum esse oportuit jam Populo impletâ Bohemiâ; non potuit autem tam citò Populo impleri, nisi duobus vel minimum sæculis Bohemiam inhabitassent antequam A. 540. & si Adelzreitero credimus A. 526. Colonias duxissent, maximè si, ut plures docent, Czechus nonnisi trecentos aut sexcentos secum socios, & commilitones, præter fæminarum turbam adduxerit. Hoc argumento victus Joannes Matthias à Sudetis (qui singulari & eruditissimo libro de Czechii adventu disputavit, qui liber inter meas manus est) annum Czechii adventus posuit 407. vel 457.

Tertiò consentiunt vetustissimi Scriptores, & qui eorum autoritate nituntur, Hostivitum Patrem Borzivoij Ducis An. C. 856. obiisse, & Ludo-vicum II. Slavizam vel Slavatam Lucensi Provinciâ expulisse (ut antè probatum est) ergò Borzivojus post Patrem tunc regnare cœpit.

Quartò: probabile & ferè certum est: Marcomirum (Pharamundi Patrem Stirpis Regiæ Gallicæ originarij, quem totâ propè Germaniâ usque in Bohemiam Imperium extendisse perhibent) in conjugio habuisse Milenkam Craci I. vel Croci filiam quod apertè satis firmatur ex Reusnero & Hemninges, post Weleslavinum &c. qui Marcomi-

F

rum

Procop. l. 1.  
de bell. Goth.  
Jornand. in  
reb. Get.  
Paul. Diac. l.  
4. cap. 7. de  
gest. Longob.  
Welser. l. 3.  
rer. Boic.

Hagecij  
chronologia  
non subsistit

Borzivojus  
Principatum  
auspicatur.

Pessina in  
Marte Mora.  
Sección I. c.  
4. in Notis.

De Marco.  
miro.



*Tritheim. in  
compend. 1.  
vol. de orig.  
Francorum.*

rum Bohemis vicinum regnâsse disertè tradiderunt; quod etiam *Tritheimius* in *libris de Origine Francorum* docuit ex *Hunibaldo* vetustissimo Historico, qui *Marcomirus* vixit sub *Valentiniano II.* & *Theodosio* An. C. 379. & ultra, ut *Adrianus Jordanus* Societatis Jesu in Gallico libro An. 1683. edito de Regia Stirpe Galliae ad *Ducem Condaem* ostendit. Quippe filius *Marcomiri Pharamundus* Originarius Regij stemmatis Galliae in Regem est An. 420. ut omnes Scriptores consentiunt, assumptus, & Anno 428. decessit.

*Ricciol. Chro.  
reform.*

*Conciliatio  
Scriptorum.*

His igitur præmissis, cum Annus certus in illa Barbarie sæculorum nominari non possit, satis probabili conjecturâ adducor, ut credam, inter An. 300. & 330. Czechum in has oras venisse: jam enim *Marcomanni* (ut dixi Lib. 2. Miscell.) exacti erant, & in ripam transdanubianam translati, unde vacuas terras, ubi nunc sumus, reliquerunt; Si ergo *Craci II.* filia *Milenka Marcomiro* nupsit (qui paulò antè An. Christi 400. vixit, ut est in *Ricciolo*) omnia ordinari bellissimè poterunt, si inter annos 300. & 330. Czechum vixisse dicamus: venerit enim sub *Turskone*, deinde post ejus mortem eidem successerit, & annis 27. regnaverit, tum Regiâ sede annis quindecim vacante *Cracus* vel *Crocus* Pater 50. regnando impleverit annos, *Craco II.* annis 62. (juxta *Stransky* & *Welesla-vinum*) Imperium *Bohemiae* obtinente, facile ad id tempus perveniemus, quo *Milenka* tradi in conjugium potuerit *Marcomiro*. Hâc nostrâ sententiâ spectatissimi & probatissimi Authores conciliabuntur, & (quod in his tenebris sæculorum nihil curandum est) paucis annis dissidebunt, ut *Cromerus*, *Welserus* (qui *Attila* ævo Czechi adventum ponunt) & *Jo. Mathias à Sudetis* qui A. 407. posuit, aliique in nostram sententiam omnes attrahentur, maximè verò *Welesla-vinus* & *Codicillus* qui annum 278. adventûs Czechi posuerunt; quantulum enim est ad A. 300. vel 330. ab A. 278. sed objectiones prius dissolvendæ sunt, ut nostra firmetur sententia.

*Crom. l. 1. c. 2  
usque ad 10.*

*Cromerus  
facit pro no-  
bis.*

Observandum hoc loco est: *Cromerum* Nobilem Poloniae Historicum, in nostram sententiam nullo negotio adduci, & nobiscum conciliari posse; cum enim tradat, brevi post Annum Christi 300. *Henetos, Venedos*, uno verbo *Slavos* adverso Danubio in *Pannoniam* cæterasque vicinas Provincias ascendere cœpisse, quàm facile fieri potuit, ut per *Moraviam* in *Bohemia* tunc desertam, & cultoribus vacuum (jam enim *Marcomanni* abierant, ut in Epitome probatum est) aliqua Slavorum manus & multitudo Czecho Duce prius per *Croatiam* deducta, novas terras exquirens, in *Bohemia* inter An. 300. & 330. transmissò Danubio, adveniret?

Nobis.



Nobiscum etiam faciunt, & longè maturiorem Czechî adventum, quàm Hagecius collocant, peritissimi duo historiæ Bohemicæ & Moravicæ Scriptores sæculi nostri Thomas Pessina Ecclesiæ Pragensis Metropolitanae Decanus, quem consule in *Marte Moravico*, & Georgius Crugerius Societatis nostræ Sacerdos, quo Antiquitatum Bohemicarum peritiorum non habuimus; hic ergo nobiscum se sentire manifestè ostendit in *Sacris Pulveribus Regni Bohemiæ* (quibus omnes antiquas Bohemiæ memorias complexus est) his verbis: *Hagek ingressum Czechî ponit A. 644. Sed hunc ad-ventum longè acuratiùs annotaverunt Welesla-vinus in Prolegomenis sui Kalendarij, & Stransky in Republica. Lege, quaeso utrumque; stat penes te, cum quo velis tenere: ego etiam in anteriora tempora inclino. Hæc Crugerius. Ad objectiones veniamus.*

Authoritas  
Pessinæ &  
Crugerij.

Crug. in *Julio*  
ad 15. diem.

*Obiectio prima*, cur igitur non assentiris *Welesla-vino*, cum 30. aut 40. annis tantum posteriùs Czechî adventum ponis? responsio facilis: quia Czechî adventus si 278. ponatur, Chronologiæ prorsus adversatur: nam *Aureolus* (quod ipse telum validissimum putat) Anno 262. occisus est, quo tempore Czechus ex *Illyrico* fugere non potuit, nam ætas repugnat; deinde non est occisus in *Illyrico*, sed ad *Mediolanum* in Italia ad Pontem, qui hodièque *Pons Aureoli* dicitur, ut alibi probatum est. *Welesla-vini* igitur sententiam de A. 278. Chronologiâ contradicente sequi non possumus.

Objectiones  
solvuntur I.

Lib. 2. Misc.  
cap.

*Obiectio II.* ex Principum annis petitur: nam à Czechî adventu juxta nostram sententiam usque ad *Borzivoij* baptismum, & Christi fidem susceptam (quam suscepisse certum est A. 864. ut ante diximus) id est ab A. 315. (nos enim ponimus indeterminatè Czechî adventum inter A. 300. & 330.) usque ad A. 864. decurrerunt anni 549. & regnârunt Principes in Bohemia duodecim cum *Borzivoij* initio, qui cœpit regnare A. C. 856. Quâ ratione igitur dici potest quinque sæcula regnando implevisse, & tanto tempore regnâsse? in nulla historia fortasse reperietur exemplum, ut duodecim tantum Principes 549. annis regnârint.

Obiectio II.

Difficilis primâ fronte obiectio est, sed ad pauca respicientibus, quod, ait *Aristoteles*, errori proximum est. oportet enim multa respicere cum, qui bene & prudenter velit judicare.

Inprimis respondeo: Nos nihil certi & evidens de numero & vita Principum nostrorum habere. Quis enim asseverare potest, non plures in Bohemia Ethnica Principes extitisse, quàm qui nominantur? *Wny-slaum*, *Wladibojum* seu *Wlademarium*, Bohemiæ Principes Hagecius & plures alij Scriptores nostri nesciverunt, quos tandem ex historijs manuscriptis & Authoribus Germanis, qui propè coævi fuerunt eruimus; plu-



Historia Bohemiarum niti-  
tur Germanorum Scri-  
ptorum au-  
thoritate.

res fortasse eruerentur, si *Annales* Bohemiarum vetusti (quos in tunicis & corticibus arborum scriptos fuisse alicubi testatur *Hagecius*) extarent; *Cosmas* primus fuit, qui Bohemiarum historiam confecit, & A. 1125. vitam decessit post annos septingentos & amplius quam à *Czechis* Bohemia populo impleri cœpisset; facile igitur fuit aliquem ex Principibus præteriri, aut aliquem hiatum temporum admitti, cum omnes *Cosmæ* narrationes tantum ex traditionibus, & pauculis veterum Notatis ortum habuerint. Ac profectò (quod repeto) nisi Germanorum Scriptorum, qui tum, aut propè ea tempora vivebant, & ea, quæ viderunt, describebant, auctoritate niteremur, magna pars historiarum Bohemicarum nutaret; v. g. si *Jornandem*, *Procopium*, *Vitikindum*, *Hermannum*, *Sigebertum*, *Nonnosum*, *Wipponem*, *Frodoardum*, *Reginonem*, *Ditmarum*, *Helmoldum*, & cæteros magno numero, non haberemus, nihil de bellis cum *Carolo Magno* ejusque filijs, & Nepotibus, Abnepotibusque gestis, nihil de *Lucensium* Principum cum *Francis* bellantium historia, nihil de *Celedrub*, nihil de *Lecho* vel *Lechone*, nihil de *Itzo* (quos inter Bohemiarum Duces aliqui Scriptores nominant) nihil de *Slavicia* vel *Slavata*, nihil de *Moravia* & Rege *Samone*, nihil de Rege *Rastizze* vel *Rastice*, seu *Radislao* &c. ex nostris Annalibus haberemus.

*Secundò respondeo*: longam nostrorum Principum vitam fuisse: si vel quatuor Principes nostros *Cracum* 2. *Przemyslaum* 1. *Nezamyslum* & *Mnatam* accipias (juxta *Pulka-væ*, *Stransky*, *Weleslavin* & aliorum Scriptorum supputationem) ex quatuor horum Principum vita ducentos octodécim annos confeceris: nam *Cracus* II. duos & sexaginta annos, *Przemyslaus* quinquaginta quatuor, *Nezamyslus* quadraginta novem, *Mnata* tres & quinquaginta regnarunt annos; restabunt igitur ferè octo Principes, qui reliquum tempus regnando impleverunt.

Anni Principum Bohemiarum cur non sint computandi à vita ad vitam Principis.

*Tertiò*: malè computari annos à *Czechii* adventu usque ad *Borziivoij* regnantis annum nonum: non enim 565. annis continuis regnarunt 12. isti Bohemiarum Principes, sed multa tempora ex ijs annis subtrahenda sunt: subtrahendi enim sunt anni minimùm 10, cum *Czechus* advenit, & *Turskonem* adjuvit, quibus privatus, & nondum Princeps in Bohemia vixit; Item *Turskone* occiso aliquot anni fluxerunt antequam *Czechus* succederet; deinde anni minimùm 10. aut 12. subtrahendi, postquam mortuo *Czecho* per longissimum tempus (ut *Stransky* loquitur) Duce caruerunt Bohemi; Item aliquod tempus, quo *Libussa* sorores Imperio cesserunt, & hereditatem parentis diviserunt, & Optimates ac populus *Libussam* pro Duce acceptarunt; Item anni 13. quibus *Libussa* sola regnavit in Bohemia; Item anni minimùm 6. tutelæ *Wratislavi* *Lucensis* Principis cum par-

vum



vum filium *Neklanum Crzezomysl* reliquisset; subtrahenda etiam sunt necessaria Interstitia temporum, quæ inter unius Principis mortem & alterius creationem effluxerunt: non enim, ut primùm aliquis Princeps obiit, sequenti die in ejus locum alter successit: convocabatur enim populus ad certam diem ad Comitata (ut scripsi Decade 2. Miscell. l. 2. c. de *Creatione Principum*) acceptabatur Princeps ab Ordinibus & præsertim à Nobilitate, postea mitrâ *Przemyslai*, vestibus & calceis ejusdem induebatur, ad fontem *Gezerka*; præstabantur juramenta novo Principi, novus Princeps Magistratus conferebat Nobilitati &c. &c. Subtrahenda item *Legatio in Poloniam Bohemorum* ante electionem *Craci II.* & plura hujusmodi; quid si etiam *Czechus* post A. 315. advenerit, cum asseruerimus inter 300. & 330. advenisse? qui omnes anni si colligantur, facile annos quinquaginta vel sexaginta conficient, quibus subtractis pauciores erunt anni Principum nostrorum; subtrahe præterea incisiones, & segmenta annorum & mensium: ut si quis Princeps medio anni mense moreretur; aut alter in anni fine crearetur Princeps, historia nihilominus eis annos integros tribueret. Quod si non observetur, magnas controversias inter Historicos facit; nos autem (ingenuè fateor) non habemus vera puncta mensium, quibus Principes sunt mortui, aut creati. Sed hæc omnia, ut dixi, multum detrahunt de annis regnantium Principum; cessabit igitur admiratio, quomodo tot annis regnare potuerint: talia enim exempla passim in historiis, & Chronologiis leguntur, & nominatim in *Riccioli Chronologia Reformata*, & in libris *Dionysij Peta-vij* Nostri. v g. sex primi Reges Romanorum annis 218. regnarunt, ut habet *Ricciolus*, ergo duodecim potuissent regnare annis 436. totidem annis circiter quot nostri Principes regnarunt subtractis subtrahendis, ut non numerentur Romanorum Regum interstitia: *Romulus* enim præter triginta septem annos regnavit menses duos, & dies octodecim, & *Numa* post Interregnum unius fere anni regnare coepit. Et hæc omnia, ut dixi, probabilem nostram faciunt sententiam, possuntque in Principibus primis Bohemiæ talia interstitia plura inveniri.

Multi anni  
subtrahendi  
ex annis an-  
te & post æ-  
tatē regnan-  
tium Princi-  
pum.

*Chronolog. T.*  
3. P. 2. Ca-  
sal. 26.

*Quarto.* Quorundam Principum nostrorum vitam & Imperia nimis abbreviaunt nostri Scriptores, ut apparet in *Vogeno*, *Crzezomyslo*, in *Neklano*, & *Hosti-vito*, quod etiam fecerunt in sequentibus Principibus post *Borzi-vojum*; plura alia ad defensionem Chronologiæ nostræ possent adduci.

Ut autem Chronologiæ nostræ ratio probabilior reddatur, adferam hoc loco divisionem omnium Principum, à *Czecho* usque ad *Borzi-vojum*, non quod ita esse existimem (nam defectu monumentorum nihil



certi statui potest) sed ut quid mihi verisimile videatur, legentibus aperiam; cum enim *Welesla-vino*, *Stranskyo*, & cæteris licuerit probabiliter annos *Principibus* nostris apponere, eandem mihi audaciam assumsi, & singulis Principatūs annos adjeci, idque ut Lectores intelligent satis probabilibus conjecturis; cæteroquin nihil refert, utrum Lectores meam sententiam sequantur, an non, modò illa admittantur, quæ certa esse in hac ipsa dissertatione posui, & alibi probavi.

*Divisio Annorum à Czecho usque ad Borzivojum, juxta probabilem Conjecturam.*

Quam diu  
verosimili-  
ter nostri  
Principes  
regnarint  
à Czecho.

315. Anno  
Christi.

10. I. A. C.  
325.

27. I. A. C.  
352.

15. I. A. C.  
367.

1. I. A. C.  
368.

50. A. C. 418

**F**aciamus *Czechum* venisse A. C. 315. hunc annum pono, quia *Welesla-vinus* ait sibi lectum *Czechum* venisse vocatum in auxilium *Turskoni* pro *Licinio* *Ethnico* Imperatore adversus *Constantinum Magnum* Imperatorem pugnanti, qui hoc ipso anno, ut habet *Petar-vius* noster, cum *Licinio* conflixit in *Pannonia* (quanquam *Ricciolus* ponat A. 317.) venerit igitur *Czechus* in auxilium *Turskoni* in *Bohemia* regnanti. A. 315. qui in his præliis interijt. Neque statim ut insinuant Authores *Czecho* Imperium oblatum est, sed multo interjecto tempore, & ut *Welesla-vinus* & *Stransky* loquuntur, jam *seni Czecho* ab utroque populo *Sla-vorum* (antiquo scilicet qui ante *Czechum* in *Bohemia* advenerat, & novo quem secum *Czechus* adduxerat) delata gubernatio est. Hanc moram inter adventum *Czechī*, & inter *Turskonis* mortem & *Czechī* electionem decem Annos suspicor explevisse.

*Czechus* ut disertè tradit *Stransky* 27. annis mitissimè & prorsus paternè imperavit.

Post *Czechī* mortem partim dolore amissi Ducis, partim quòd desperaret Populus, parem successorem inveniri posse, maximè quòd *Klen* filius *Czechī*, nullam spem boni Ducis faceret, 10. vel pluribus annis Duce *Bohemia* caruit (sat longo tempore, ait *Stransky*, sine Duce vixerunt) donec inquieti homines pacem publicam perturbarent, sceleràque & rapinæ crescerent; itaque necessario consilio Princeps quæsitus est, & ad *Lechum* fratrem *Czechī* in *Poloniam* missa legatio est (unum annum ultro citròque commeantibus Legatis damus) senex *Lechus* ætatem fractam & effœtam excusans consilium Legatis dedit, ut *Cracum* vel *Crocum* Dominum in *Wladorx* Principem crearent. Erat in flore ætatis *Cracus*, qui Principatum continuis annis 50. prudentissimè & felicissimè gessit. Sub hæc fraterna *Polonorum* gens, quòd Principe careret, missis Legatis *Cracum* oravit, veniret, discordias autoritate Senili componeret, ac reli-

quum



quum vitæ tempus apud eos exigeret; *Cracus* etsi multum obniteretur, victus tamen Legatorum precibus, prius *Czechis* suis imposito filio, *Craco II.* appellato, in *Poloniam* discessit.

*Cracus II.* juxta *Welesla-vinum* & *Stransky* 62. imperavit annos, & relictis tribus filiabus discessit è vita.

Tres filix *Craci II.* *Bohemia* sibi Imperium divisere, certis Regionibus cuilibet assignatis; hæc divisio annos 2. insumsit.

Inde summa rerum *Libussa* natu minimæ virgini, & *Sibylle Bohemia* permissa, sorores maritorum & filiorum amoribus implicabantur; ita *Sibylla* sola sine viro 13. annis populum *Bohemia* judicavit.

Post hæc initio à *Wrssovecijs* facto (qui conjugium *Libussa* affectabant) coacta Virgo maritum sibi *Przemyslaum Nobilem* aratorem *Stadicensem* Dominum conjugio copulavit; qui cum *Libussa*, eaque mortua solus usque ad longissimam ætatem *Bohemia* gubernavit. *Stranskium* Authorem habeo 54. annis imperasse.

Post *Przemyslaum* *Nezamyslus* *Przemyslai* & *Libussa* filius successit; unanimi Scriptorum nostrorum consensu 49. Annis imperavit. Post hunc *Mnata* *Nezamysli* filius (*Stranskio* Authore) in Imperio 53. exegit Annos. Notandum est *Welesla-vinum*, malè, ut ita dicam, sibi consci-um, quatuor sequentium Principum annos annotare omis-isse, nè fortè titubasse in numeris deprehenderetur.

*Mnatam* excepit filius *Vogenus*, cui *Stransky* 28. Imperij annos tribuit, ego ob multitudinem actionum, & diuturna bella cum *Romanis*, cum *Saxonibus* sæpius, & cum *Misnicis*, aliisque hostibus; fundatam & extructam *Veterem Urbem Pragensem* &c. Annos 38. tribuo nullo repugnante, faventibus quibusdam manuscriptis. Idem sentio de *Wnyslao*, quem *Hagecius* in suis *Annatibus* omnino prætermisit; at *Stransky*, & vetera *Ecclesiæ Pragensis* manuscripta *Wnyslaum* in ordine Principum semper nominant, eumque diutissime imperasse significant, annos igitur Imperij ei tribuunt 26. *Crzezomyslum* deinde Principem accepit *Bohemia*, quem 42. annis scepra tenuisse *Stransky* posuit.

*Neklan* deinde duodecim annorum puer relictus à patre, sub tutela *Wratislai Lucensis* Principis 6. annos, donec decimum octavum ætatis annum attingeret, perstitit. Post suis auspicijs gubernavit Remp. annis 45. timidissimus Principum, & ideo vicinorum armis, & contemptui obnoxius; sed strenuissimos militiæ Duces nactus *Principatum Bohemia* repulsis hostibus utcunque defendit.

*Filius Hosti-vitus* vel *Milehost*, bello & pace insignis Princeps (ut in Capite XI. dictum est) postea belli pertæsus, longam pacem coluit, &

62. I. A. C.  
480.

2. I. A. C. 482

13. I. A. C.  
495.

54. I. A. C.  
549.

49. I. A. C.  
598.  
53. I. A. C.  
651.

38. I. A. C.  
689.

26. I. A. C.  
715.

42. I. A. C.  
757.

6. I. A. C.  
763.

45. I. A. C.  
809.



47. in Imperio exactis Annis filio *Borzi-vojo* primo *Christiano* An. Christi 856. moriens, Principatum reliquit.

*Baron. in An-  
nal. Eccl.  
Boll. in vitis  
SS. T. I. Mar-  
tij ad 9. diem*

*Epit. rer. Boh.  
l. 1. c. 3.  
Christann. in  
vita S. Lud-  
millæ.*

Is post annos novem *Welebradij* in Moravia Christi fidem suscepit sacris aquis ablutus. Qui baptismum *Borzi-voj* An. Christi 894. posuerunt (ut *Welesla-vinus*, *Stransky*, *Hagek* &c.) irrefragabiliter ex *Baronio*, *Bollando*, & ex vitis SS. *Cyrilli* & *Methodij*, à Coævo authore scriptis, quas recitat *Bollandus*, refelluntur. Chronologicum errorem, qui irrepsit in *Cosmæ* historiam per Scriptoris negligentiam & inscitiam, ostendi in *Epitome* ex *Christanno* antiquissimo, & antiquiore, quàm *Cosmas* fuerit scriptore, quippe *Boleslai* primi seu Sævi filio.

Quod si quis in hac mea conjecturali annorum ab adventu *Czechi* ad Baptismum *Borzi-voj* Divisione annos sex aut novem desideret, addat ex Interstitijs Principum atque ex ijs, quæ in responsione ad *Objectionem* secundam attulimus, quot annos voluerit, & Chronologiæ satis fiet.





**TABULA II. Genealogica Przemyſłai ſanguinis uſque ad  
 Borzivojum, primuſ Chriſtianum.**

NOTÆ

Przemyslaus Stadicensis villæ Dominus. ♀ Libussa Croci II. filia Bohemiæ Princeps.

Nezamysl Princeps V.

I. Hrubá de Budovitz.  
 II. Lidomira de Wolań.

Radobeyl Princeps Lucenfus,  
Teplicenfus & Lipenfus.

Lidomir Princeps Sribiensis in  
Lusacia & Miltia. *ignota-  
tus Successio.*

Mnata VI. Princeps Bohemia. † Strzezyślava de Hlázow.

Libka. Pohogka. Slavena.

*Smyslibog obijt triennis.*

Vogen alij's Bogen, VII. Princeps Bohemiar. † Baſka de Zwolice.

G

Wynslaus, alijs Uneslaw, vel Unyslaw VIII, Princeps Bohemie.

N.  
ignoratur.

Wratisslaus I. Princeps Lucensis  
censis, vel potius Luzicensis.

ψ Kazka vel Kraska de Kassina,  
alijs Walna Przechi filia.

Styba uxor  
Bezdechí,

Crzeczomysl IX: Princeps Pragensis.

Libuńska de Wieleśławicz.

Wratisslaus II. Princeps Lucensis, †

Z

Neklan Princeps X. Pra-  
gensis.

# Ponislawa de Wolffine.

Nebylhoff,  
obit septennis.

Wlastislav Princeps  
Lucensis.

Widslawa de Prautku,  
alijs Wladislawa.

Slavata Princeps,  
ex quo descendit  
familia Slavatarū.

Hofvitfeu Milchoft Princeps & Miloslawa de  
Pragensis. XI. Dvorc.

Mfibog vel Cibog Prin-  
ceps Caurzimenſis vel  
Zlicenſis. }

Zbislau Princeps Lucensis  
submersus in Egra  
fluvio.

Borzivojus XII. Princeps, de quo in sequenti Tabula.

Radslaus vel Drslaus Princeps  
Caurzimenis.



## NOTÆ in Tabulam II. Genealogicam Przemyslæi sanguinis.

**P**rima linea nota est ex Capite IV.

Secunda linea *Nezamysli* nota est ex Cap. 5. Uxores *Nezamysli* descripti ex *Weleslavino*, cum alij Authores fideant, idem est de *Nezamysli* fratribus *Radobeylo*, & *Lidomiro*.

Tertia linea *Mnata* &c. in Cap. 6. de eo dixi. *Strzezislava* scribitur fuisse filia *Rahnovj*. *Lipka* & duæ aliæ filiæ *Nezamysli*; aliud nihil scitur.

Quarta linea de ea Cap. 7. egimus, reliqua sunt ex *Weleslavino*.

Quinta linea de *Wnyslao* egi Cap. 8. uxorem ejus in Scriptoribus non invenio, uti neque *Wratislai* Principis *Lucensis*, neque de *Sriba* quidquam reperitur.

Sexta linea *Crzezomysl*, actum est de eo Cap. 9. uxoris *Libuska* Pater scribitur fuisse *Rodmil*. *Wratislauum* II. posui ob argumenta, quæ attuli in Notis ad C. 10.

Septima linea de *Neklano* diximus Cap. 10. de uxore *Ponislava* nihil habeo dicere. De *Wlastislao*, & fratre ejus *Slavata*, latè egi Cap. 10. & 11.

Octava linea de *Hosivito* egimus Cap. 11. ejus uxorem *Miloslavam* vocat *Weleslavinus*, de *Mstibogio* Principe *Caurzimeni* hæc habet idem *Weleslavinus*, cum cum *Hosivito* bellum gessisse, Arcem *Mstibin* construxisse; à dæmone cum non satis ritè eum coleret, strangulatum esse in Arce *Ohbi*, & reliquisse filium *Radislauum*, de quo egimus Cap. 11. *Zbislauus* puerulus à Præceptore suo natione *Thuringo* in *Egram* conjectus, demersus est; quem Præceptorem *Hosivitus* cepit, & coëgit arborem eligere pro suspendio.

Nona linea de *Borzivojo* XII. Principe *Bohemiæ* agemus in sequentibus; ubi etiam ejus stemma & propagatio adducetur.

Pervenimus ad XII. *Bohemiæ* Principem *Borzivojum*. Hi duodecim *Bohemiæ* Principes ex tribus familijs orti fuerunt, scilicet: ex *Czecho*, *Craco*, & *Przemyslo*. *Czech* præter se nullum ex gente sua Ducem reliquit, etsi *Supan* & *Turescus* fratresque eorum proximâ cognatione *Czechum* attingerent, & filius *Klen* adstaret, præteriti tamen omnes in *Croci* electione fuerunt. Graves Authores affirmant, ut antè monui, *Wrssovecios* seu *Ravitas* (quorum gloriosam stirpem totâ *Bohemiâ* & *Poloniâ* diffusam videmus) ab eadem cum *Czecho* origine, aut fortè ejus filio *Kleno* descendere, aut quocunque alio titulo, *Czechum* ad eos pertinuisse videri; quo nomine postea *Bohemiæ* Principatum velut sibi, gentique suæ debitum repetebant, cumque id armis non possent, insidijs, & malis artibus tentabant efficere, multosque è *Przemyslaa* gente Principes, exceptos insidijs, ut narrant historiae, peremerunt, at nunquam quod cupiebant consecuti, *Przemyslaa* Principum & Regum stirpe ad An. usque Christi 1305. (quo Anno in *Wenceslao* ultimo *Olomucj* confosso, concidit) in gradu stante & quamvis Interregnis pluribus turbata sit *Przemyslaorum* Principum dominatio interrupta nunquam est, cum ipsi Interreges ex eadem stirpe, ut videbimus, postea legerentur. Hujus stirpis Genealogiam claritatis gratiâ totam per partes in sequentibus dabimus; *Croci* verò vel *Craci* jam Tabulâ primâ post Caput 3. dedimus. Porro quæ hoc loco de familia *Przemysli* concidente & pereunte dixi, de Regnatrice familia intelligenda sunt: nam alioquin tres adhuc stirpes supersunt apud nos, ut *Paprocus*, *Stransky*, aliique affirmant, quæ ex sanguine *Przemysli* descendunt, & forte suâ contenti nullâ unquam ætate Principatum & Regnum affectarunt. Similia exempla adduci possunt ex aliarum gentium historijs, in quibus familiæ illustres quædam probantur à primis Regibus & Principibus descendere,

nunc

*Pulkava* in  
hist. Bohem.  
Chronicon.  
*Boleslav. M.*  
*S. Theobald.*  
in Chronol.  
*Ducum Boh.*

*Przemyslaa*  
familia reg-  
natricis quan-  
do perijt.



nunc tamen pridem præteriti à Regno, privatim vivunt, & Regna nihil ad se pertinere putant.

Notandum & illud II. hæc Genealogicas Tabulas, & quas confecimus antea, & quas conficiemus deinceps, ad eos potissimum *Bohemia* Principes, qui *Praga* imperârunt, pertinere; plures autem initio in *Bohemia* Principes imperitasse, certissimum debet haberi; sed quodammodo devorati sunt à Pragensium Principum potentia, & paulatim in unius dominationem redacti, ut *Bilineses*, *Teplenses*, *Lipenses*, *Lucenses*, *Caurzimenses*, & si qui fuerunt alij.

Notandum III. quas attulimus Genealogias *Przemyslaorum* Principum, defectu historiæ exactissimas non esse, an enim satis credibile est, Duces *Bohemia* Ethnicos, nunquam plures quàm unum vel duos liberos genuisse? at antiquitas regnantes tantum recensere solita fratres Principum, patruels, & filias maximè, nominare omisit, ut pauculæ in Genealogijs adduci possint.

Genealogiæ nostræ & aliorum non sunt absolutissimæ.

## CAPUT XII.

### *Borzivojus Bohemia Princeps XII. & primus Christianus.*



Um lumine Christianæ fidei, lumen etiam *Bohemia* historia accepit, quod æquè in omnibus Populorum maximè septentrionalium *Annalibus* accidisse videmus; à *Borzivojo* Duce certiora sunt omnia & suis distincta temporibus. Igitur *Hostivito* Patre tumulato *Borzivojus* 22. ætatis Anno, prærogativâ *Przemyslai* sanguinis (qui titulus etiam in liberis Regnis plurimum valet semperque valebit) *Bohemia*

suscepit regendam. Domi charitate Populi, foris fæderum sanctitate, quæ Pater reliquerat, quietus in *Bohemia* sedebat *Borzivojus*, vicinis Provincijs omnibus bello ardentibus: *Radislaus Moravia* Rex (quem *Rasticen Germani* appellant) jam ab annis compluribus turbabat omnia, & maximè cupiebat *Borzivojum*, quò magis *Ludovico II. Lotharij* filio *Caroli Magni* Pronepoti par esset, in societatem belli pellicere. Ergo Anno 864. mense Junio *Welebradum* ad se invitat, quam opportunitatem *Cyrillus* & *Methodius*, *Svatopluko* Regis *Radislai* nepote plurimum annitente, arripuerunt, Fidem Christi *Borzivojo* prædicandi: in pervigilio S. *Joannis Baptiste* 30. Aulicis, quos omnes aut Proceres *Bohemia*, aut Procerum filios fuisse scribunt, solenni cerimoniâ lustralibus aquis ex-

Cui *Borzivojus* Princeps in *Moraviam* descendit.



De Stugmi-  
ro seu Still-  
frido.

Brun. in Boi-  
cis p. 2. l. 6.

piatus inter Christianos nomen professus est suum *Borzi-vojus*. Eam Religionis mutationem cum accepisset *Bohemia* Populus, anilibus superstitionibus adhuc deditus consurrexit, & exauthorato *Borzi-vojo Stugmirum* (Germanis *Stillfridum*, *Bilina* quondam Dominum, ab *Hosti-vito Borzi-voji* Patre ob contumaciam, quod suo Principi subdi nollet, *Bohemia* ejectum) revocavit, Ducemque constituit; at *Stugmir* apud Bojos bohemicè loqui oblitus, & de Religione Christiana Populo suspectus, præsertim factione *Borzi-voij* invalescente, decimo quam imperare cœperat mense, receptis decem argenti, & tribus auri talentis in *Boicam* redijt; *Borzi-vojus* ope soceri sui *Slavvibori* Comititis *Melnicensis*, cujus filiam *Ludmillam* in conjugio habebat, recuperavit Imperium. *Stugmiro* ejecto Bohemos in Bavariam irruptionem fecisse, & omnia incendijs, & rapinis cœdâsse, abductis in servitutem multis mortalibus, narrat *Brunerus* noster (nostri Scriptores hîc altum silent) at *Borzi-vojus* utpotè *Christianus* Princeps, & ad justitiam bellorum attentus composuit omnia, & postquam septem annos in paterno Principatu optimè constituendo consumsisset, sanctæ solitudinis amore captus, quietem circumspiciens in loca sola *Tetinum* cum Coniuge *Ludmilla* commendato prius Principibus & Populo, natu maximo filiorum *Spitihnao* secessit.

## NOTÆ in Caput duodecimum.

Cum Christiana Fide historia illustratur.

Sacerdotes apud omnes gentes historiarum Scriptores.

Polyb. in præfat. histor.

**C**um lumine Christi historia lumen &c. Nihil veriùs esse potest, nam Ethnicis armis dediti literas oderunt, ut hodièque in Turcis & Tartaris videmus, apud quos malè frameæ cum penna scriptoria convenit; sed nimirum quod *Alphonfus Magnus* dicere solebat: *Penna Scriptorum penetrat loricas bellatorum*, nec enim ulla virtus, militaris præcipuè, sinè auxilio literarum vivit & perennat. Ac permirum illud est omnium propè gentium historias à Viris sacris & Sacerdotibus primum esse conscriptas; id probari potest inductionibus: apud nos certè in *Bohemia* primarij Scriptores, aut Religiosi, aut Sacerdotes fuerunt: *Christannus*, *Cosmas*, *Franciscus*, *Hagek*, *Dubravius*, *Pontanus*, *Pessina*, *Crugerus* &c. qua in re ridiculum se ostendit *Goldastus*, cum *Hagecium* erroris insimulans, per *Sarcasum* excusat, *condonandus*, inquit, *error historicus Sacerdoti*, quasi ignorare potuisset omnium gentium historias, à Sacerdotibus (non à *Causidicis*, qualis erat *Goldastus*) scriptas esse; nimirum malè habebat *Goldastum*, quod homines sacri Religionem defenderent, & primam in Republica esse debere docerent. Quis quæso, veritati studet magis, quam qui ad aram veritatis quotidie litant? *veritas enim*, ut ait *Polybius*, *est oculus historiae, quem is eruit, qui historia veritatem detrahit*. De hoc argumento videatur *Theophilus Raynaudus* noster Tomo 17. Tr. cui Titulus: *Malevoli erga Religiosos Ordines maledicti*. & iterum; *Benevoli erga Religiosos Ordines benedicti*, in quibus manifestè demonstrat, quam operam scientijs dederint & quale auxilium attulerint bonis literis sacri Viri, ac præcipuè Religiosi. Certè *Societas nostra* (absit verbo jactantia) hoc uno sæculo & medio, tot volumina in omni literarum genere vulgavit, quot legendis *Goldasti* ætas nunquam sufficiat. Verbo dicam: Sacerdotes rebus humanis exempti



exempti plùs habent otij; consilijs rerum adhibentur; paucioribus affectibus ducuntur; iisdem scientijs sunt exculi, novitates oderunt, securiùs (quia nulli profano ob dignitatem obnoxij) scribunt, & veritatem proferre in lucro reponunt; libris abundant, & *Bibliothecarum* in Ecclesijs vetustis, Capitulis & Collegijs adyta perlustrant, quibus privati homines plerumque destituuntur, temporis parsimonia non laborant, quo ceteri negotijs Reipublicæ, re uxoriæ & familiari districti, propemodum carere videntur; denique impedimenta omnia scribendæ historiæ &c. absunt à Sacerdotibus, præsidia & adjumenta adsunt & supererunt.

*Borzi-vojus primus Christianus &c.* Idolorum cultores, omnes priores Principes fuere, Religionem Christianam tamen in *Bohemiâ* inductam *Neklano* & *Hostivito* regnantibus, inficari non possumus, cum in *Caroli Magni* & filiorum ejus gestis legamus quatuordecim *Bohemia* Proceres Christi fidem amplexos, & ab idololatria ablutos esse, sed ea ferè violentè non sponte gesta sunt, Victore Religionem imperante; ut crepusculum matutinum diem, appellare non possumus, ita confinia ista superstitiosæ Anilitatis & idololatriæ Christiano nomine non dignamur: *SS. Cyrillus & Methodius* primi, publicè & privatim *Borzi-vojo* Principi, & *Bohemiæ* universæ cœlum, & diem aperuere, ut brevè dicemus.

*Domi caritate Populi, foris fœderum Sanctitate &c.* Alterum Principem amabilem, alterum honorabilem facit, dum fœdera sanctè servantur. Ecquod ait *S. Synesius* (in nobili illo tractatu de Regno ad *Arcadium*) *munitius Imperium est, quàm illud quod amore & charitate munitur* & amor enim subditorum est fidissima custodia Principum. Gloriatu est, gloriosissimus quidam Princeps se in sinu cujusque subditi sui securè somnum capere posse. O gloriatio optimo Principe dignissima! *Herodotus* talem nobis Principem depingit in *Xerxe*, cujus navis cum in mari periclitaretur, & vectores ex multitudine hominum id fieri dicerent, multi ex Aulicis, adorato priùs Rege, se in mare præcipitârunt, ut Rex securiùs navigaret.

*Religionis mutationem &c.* Nullâ re faciliùs turbantur Regna quàm Religionis mutatione, atque utinam hanc curam, quoties nova hæresis orta est, Reges suscepissent, ut nihil novi in Religione admitterent, nulla hæresis eorum Regna turbasset! nihil tunc *Arius*, nihil *Lutherus*, nihil *Calvinus*, & ceteri potuissent! novitas ipsa in Religione & Ecclesia, cui Deus se adfuturum usque ad consummationem sæculi continuo & non interrupto auxilio, & assistentiâ promisit (vel ex eo quod sit novitas) damnatur, sic Religionibus, proh dolor! in quatuor partes divisus est Orbis, sed fiet aliquando unum ovile, & unus Pastor, & quod olim carmine lusimus: *Cruce, qua divisit, jungere sola patest.*

*Ludmillam in Conjugio &c.* Etsi nuper dixeram in conjugijs Principum utilitatem & dignitatem & honestatem spectari debere, tamen cum Princeps nec in suo satis securus est, consilium laudabitur, si familiam aliquam in suo Regno gloriosissimam & amabilem subditis, suo conjugio honoret, ad firmandam domi potentiam; quo fine *Borzi-vojus Ludmillam* accepit in conjugem *Comitis potentissimi Slavibori* filiam; quod nisi fecisset, nunquam Ducatum paternum recepisset; nullus enim in Patria est Nobilis & Illustris Vir, qui parentelâ destituatur, putantque ex ea gente omnes, imò & affines, & longè cognati tali conjugio Principis se honoratos, ideoque rebus Principis impensè favent, & si quid adversus eos struitur, observant & produnt, scientes quod Principe mutito gratiam, & apud Populum æstimationem & auctoritatem, quam nunc habent, sint amissuri.

*Borzi-vojus Welehradum invitatur &c.* Hinc manifestè conjicimus, *Bohemiâ* eo tempore (quod tamen plurimi Scriptores tradiderunt) *Moraviæ* Regibus subiectam non fuisse; id adeò patet ex hac invitatione & fœdere *Hostiviti* (non enim

Comoditas  
sacrorum ho-  
minum, hi-  
storias scri-  
bendi.

Fuld. &  
Schaffnab. ad  
A. 846. Si-  
gebert.

An ante Bor-  
zivojū Chri-  
stiana Fides  
in Bohemiâ?

Amor sub-  
ditorum cu-  
stodia Prin-  
cipum.

L. 3. seu in  
Vrania.

Religionis  
diversitas  
turbatio Rei  
publicæ.

An Principē  
deceat con-  
jugium cum  
suis.

Bohemia sub  
Borzivojo  
Moravis nō  
subiecta.



eosdem amicos & hostes Bohemi & Moravi habuerunt, sed cum Moravi bella gererent, Bohemi quiescebant, ut apparet ex Scriptoribus) hostes Moravorum per Bohemiam pacatè in Moraviam transibant, & cum Moravos vincerent, victoriâ modestè in Bohemia utebantur &c. accidisset contrarium sinè dubio si Moravis Bohemia paruisset.

Multis Principibus grata & utilis solitudo.

Comment. in Tac.

L. I, in Tacit.

Quid cum solus est, Principi faciendum.

*In loca sola Borzivojus secessit &c.* Nihil gratius Regibus sapientissimis fuit, quàm posse illam Majestatis plenam personam deponere, & cum amicis (quibus maximè egent Principes) confabulari, atque etiam familiariter joculari. De sole Phaëtonis Patre osculum filio datur, canit Ovidius: *Circum caput omne micantes deposuit radios.* Notum est etiam pessimis Principibus & Regnorum Praefectis hoc consilium, ut Annibal Scotus observat, ejus verba sunt: *Magnis Viris saepe secessus aguntur quò intentius iram, simulationem, & secretos animi motus exercent, & in altitudinem se condant.* Occasione postea oblata promunt, quae in illa solitudine concoxerunt; talem video solitudinem fuisse Tiberij Imperatoris in Capreis. Deteriores illi sunt, qui solitudinem praetextu pietatis sequuntur, ut inimicos ulciscantur suos, ut eorum promotionem impediunt, ut Principem sibi concilient, & fucum faciant ex pietate &c. ut vias amicos adjuvandi inveniant, &c. &c. nihil horum boni Principes in solitudine agunt, sed statum Imperij sui seclusis affectibus examinant; damna accepta perpendunt; quâ ratione fideles subditi adjuvari possint, & his similia ad populi incolumitatem, felicitatem, securitatem pertinentia provident in futurum, egregiè Annibal Scotus politicorum initio hujus saeculi facile princeps, quid agere cum soli sunt Principes debeant, ostendit: *Principes, inquit, semper suâ manu conscribant: quanta sint opes Publicae; quantum sociorum civiumque in armis; quot classes, quot Regna & Provinciae, earumque tributa; quot vectigalia, quae necessitates singularum, quot largitiones suae &c.* talem libellum reliquit Tiberio Augustus, & Patrum memoria Francisco filio Cosmus Medices, Magnus Dux Hetruriae.

## CAPUT XIII.

*Spitihnaeus primus ejus nominis, Princeps Bohemiae XIII. & Wratislaus I. Princeps XIV.*



Spiti-





*Spitihneus* cedente *Patre Borzi-vojo*, & sanctæ solitudinis amore *Tetinum* abeunte circa A. C. 904. imperare Bohemiæ cœpit; at cùm ex malorum Politicorum legibus, idololatræ subditis nimiùm mollem se ac facilem ubiq; præberet, & modicam Christianæ Religionis proferendæ, contra monita Patris & Matris curam susciperet, vix expleto Principatûs biennio nullâ re memorabili gestâ, divinitus ut creditur sublatuſ è vita, in Teinenſi *B. V. Basilica* Anno Christi 906. tumulatur.

Principis  
perverſa  
politia.

Eodem ipſo Anno *Borzi-vojus* præſenti neceſſitate ex ſolitudine extractuſ, ut filij juventutem conſilijs ſuſtenteret, alterum filium juniorem *Wratislaum* nomine, ordinibus omnibus Bohemiæ volentibus & plaudentibus, præfecit. Nihil *Wratislao* ad bene regnandum, ſi ætatem excipias, defuit; ipſa juventuſ & gratia formæ, Populo, ut ſolet, placebat; conſilia ex abdito ſuggererat Pater, & quaſi à filio prodirent, ut auctoritatem ei conciliaret, ſimulabat; id quatuor annis tenuit, dum denique Senio confectus *Borzi-vojus* fatiſceret anno 910. *Tetini*, expletis 77. aut etiam pluribus annis, ibidémque ſepultuſ. *Wratislaus* cuſtode remoto, jam inde, quò ardens juventuſ & *Geniuſ* incitabat, arma & militiam cogitabat, itaque cùm *Hunni Bojos*, & Germaniam infeſtarent, meminifſetque à *Bojis* Patrem ſuum de Principatu propè dejectum, injuriæ memor, arma & copias ſuas cum Hunnis conjunxit, & quia exercituſ ex Ethnicis majorem partem collectum haberet, multas Arces, caſtella, templa, cœnobîa flammiſ delevit; ſed *Otto* (non ille *Cæſar Magnus* cognomine, ſed ejus *Avuſ Henrici Aucupis Pater*) collecto in ſubſidium *Bojorum* exercitu loco anguſto, ubi equitatuſ pugnandi locuſ non eſſet, hoſteſ nactuſ, & *Hunnoſ* & *Bohemooſ* fugavit, victoriam tamen non proſecutuſ; in *Thuringiam* igitur deſectenteſ & omnia vaſtanteſ irruerunt, ibique *Burcardo* Regionis Domino occurrente, & in acie cadente, opima & pretioſa ſpolia retulerunt. *Hunni* domum revertenteſ, nullo amicorum & hoſtium discrimine *Moraviam* pervaſtabant, quibuſ irritatuſ *Wratislaus*, præcipuè quòd ejus auxilium *Moravi* imploraſſent, ſubito cum exercitu accurrit, & *Hunnoſ* depulit; ità quam antea infamiam ſibi inuſſit ex ſocietate malorum, eandem facinore militari delevit. Habuit uxorem ex *Lucenſi* vel *Zluticenſi* ut alijs placet, Ethnicorum in Bohemia Provincia, nomine *Drahomiram* (quæ ſe Chriſtianam fore lingvâ promiſerat, mente in exitium omnium Chriſtianorum ferebatur, & jurabat quotidie, quod poſtea factiſ ſcleratiſ approbavit) Duoſ filioſ *Wenceslaum* & *Boleſlaum*: alterum *S. Ludmillæ Tetinum* educandum dedit,

Juventuſ  
Principiſ  
placet po-  
pulo.

Bella *Wratislai*.

De *Drahomira*.

*Wratislaus*



*Wratislaus* alterum minorem apud se retinuit, iisque Principatum, nè quid discordiæ inter fratres oboriretur, divisit, *Wenceslao Pragensi*, *Bolleslao Transalbinam* regendas cum Principum titulo Provincias commit- tens. Obijt *Wratislaus* An. C. 916. cujus tumulum apud S. *Georgium* in Arce Pragensi, hodièque videmus, & legimus cum titulo *Beati*. Plura de his in *Borzivojo* L. 4. *Miscell.* & in *Epitome* diximus.

## NOTÆ in Caput decimum tertium.

Subiecti quâ ratione Prin- cipi regendi si inter se moribus dis- fidiant.

Principes laudabiliter successorem dubium non relinquunt.

Militia Prin- cipum opifi- cium.

T. 2. *Morali- um* L. bellone an pace cla- riores *Athe- nenses*.

De Ottone Henrici au- cupis Patre.

Mulieris dolus. *Lips. Elect. lib. 1. c. 5.*

**I**dololatris nimium tribueret &c. Magnum arcanum politicæ est, cum Princeps subditos habeat, aut lingvâ, aut studijs, aut Religione diversos cuinam se parti adungere debeat? si jam in mores inductum est, hanc Provinciam his, illam illis legibus regere (maximè si promisit) id omninò tenendum est. *Scipio Ammiratus* hæc in politicis super *Tacitum* diligenter excussit; Religio sola excipitur, quæ Principi scopus esse debet, ad quem omnia referantur, quo in genere peccavit *Spi- tihneus*, qui Religionem, & Regionem juxta habuit. Exempla tot sæculorum ostendunt in Religione maximè peccari à Principibus, cum omnes Religiones per- mittunt, quo facto Seminarium rebellionum sibi, & successoribus pariunt, sed ex- cindenda, imò magis effodienda sunt semina, nè pars sincera trahatur.

*Alterum filium juniorem Bohemia præfecit &c.* Nihil gratius bonis Principibus esse solet, quàm filios Regnis imponere: nam quod desiderant fieri se mortuis, vident viventes; insuper gratius est regimen, quod ex senectute & juventute componitur: nam aulici senes à Patre, filio commendati non deseruntur, juvenes ætatis simili- tudine juveni Principi commendati spe eriguntur.

*Juventus & forma Wratislai Populo placebat &c.* Est quidam Principis vigor in juvenia, qui Populo placet, & eum *Aristoteles* scribat: *Juvenes beatificari propter spem*, longè verius est in Principe, qui etsi ignavissimus futurus sit, tamen nescio, quam indolem præsefert, omnesque ejus gestus, mores & dicta prout ætas fert, mo- biles & inconstantes, in argumentum futuræ generositatis trahuntur.

*Wratislaus arma & militiam cogitabat &c.* Militia est opificium Regum, ne- que aliter sese nobilitare facilius, quàm armis possunt, aut pace. Rari sunt Principes, qui olivâ, & lauro triumphârunt; illa utilitatibus Populi, hæc gloriæ Regis maximè subservit, militiæ triumphum non alibi pulchriorem & elegantiorum invenes, quàm in *Plutarcho*, ubi literarum studia cum armis comparavit. Est enim Regum cibus gloria; ut enim venatores venatu vivunt, sic Reges victorijs; illud curandum ut justæ victoriæ sint, ut non modò ab hominibus, sed etiam approbentur à Deo.

*Otto Henrici Aucupis Pater &c.* Scriptores nostri in hoc *Ottone* falluntur, & *Ottone* Magnum nominant Nepotem Proavi, ut *Chronologiam* Imperatorum inspi- cienti patebit. Ego quoque à *Crugerio*, *Tessina* seductus *Ottone* Magnum *Casarem* in *Epitome* nominavi, qui tum nascebatur.

*Drahomira* lingvâ promiserat &c. Scilicet, ut ille ait: *Juravi lingvâ, mentem injuratam gero.* Et illud *Nobilis*, sed ignoti Poëta:

Omnis mulier intra pectus celat virus pestilens,  
Dulce de labris loquuntur, corde vivunt noxio.

Nescio enim unde illa fraudis origo? *Aristoteles* in *historia animalium* de avibus lo- quens, plerosque masculos simplicioris ingenij, contra fæmellas fraudulentiores esse



esse animadverit; quod etsi in omni animalium genere verum non videatur, in genere humano tamen vix non concesserim.

Obijt *Wratislaus* A. C. 916. *Gr. Hagek Borzivojum* A. C. 874. natum, mortuum 36. ætatis affirmat, ex quo conficitur (ut pater) *Spitzhnaum* tertio decimo ætatis Anno gubernaculis admotum, *Wratislaum* verò nondum expleto quarto decimo ætatis Anno S. *Wenceslaum* procreasse; quod in Epitome fallum clarè ostendimus Lib. I. Cap. 4.

Chronologia  
Wratislai.

## CAPUT XIV.

*Sanctus Wenceslaus XV. Bohemiæ Princeps,  
atque etiam Rex.*



*Wratislaus* duos impuberes filios moriens sui loco *Bohemia* reliquit: de *Boleslao* dicemus postea, *Wenceslaus* natu ma-

S. Wenceslai  
& Boleslai  
educatio.

jor, octennis erat dum Patrem amisit, quem Christiani Proceres, ut Matrem *Drahomiram* impotentem sceminam in officio continerent, utque certior ejus dominatio fieret, Populo ostentârunt; illum *Pragâ Tetinum* redeuntem *Ludmilla* avia, sanctissima Matrona, *Budecium* properavit mittere

ad studia litterarum, addito Magistro morum spectatissimæ virtutis Sacerdote *Paulo Kercha*; *Boleslaum* alterum filiorum septennem *Drahomira* sibi educandum sumsit, sed brevè educationis diversitas apparuit. Secuta deinde sunt certamina Principum fæminarum: *Ludmilla*, ut filij, ita & Regni gubernationem ex suprema voluntate *Wratislai* suscipere debuerat, *Drahomira* intercessit, & fæmineâ rivalitate Proceres muneribus promissis, aliisque artibus eò denique perpulit, ut modestissima *Ludmilla* jure suo decederet, & *Drahomira* Regni tutelam susciperet. Difficile est explicare, quàm muliebriter & impotenter *Drahomira* regnaverit! multa Christianorum millia, in principali Urbe *Praga* potissimum, ab Ethnicis favente ex occulto *Drahomira*, occisa sunt, tota Religio Christiana turbata, ut ultimum exitium Christiani nominis timeretur; insuper Divam *Ludmillam* Christianorum Matrem submissis percussoribus interemit. Evigilavêre Christiani Proceres, & agente Podivino S. *Wenceslai* Præfecto, ad constitutam diem *Budecio* adductus *Wenceslaus* est, etsi non am-

*Drahomira*,  
consilia ad  
opprimen-  
dos Christianos.

H

plius,



Wenceslaus  
XIV. anno-  
rum Matrem  
de Principa-  
tu deturbat.

S. Wences-  
laus Rex Bo-  
hemie.

S. Wencesl:  
Martyr.

plius, quàm quatuordecim Annos ætatis explêssêt, A. 921. solio paterno impositus *Drahomiram* Matrem exauthoravit, & magno animo, supra ætatem disertâ oratione Proceribus & Populo audiente, & probante, ad suos abire iussit; *Boleslaum* fratrem ex cuius nomine Pater *Wratislaus* Urbem abs se conditam *Boleslaviâ* appellavit, eodem concedere permisit, ipse primum ibidem templum DEO construxit. Interea *Henricus Auceps*, qui modestiæ causâ Imperator appellari noluit, in *Bohemiâ* cum exercitu ascendit, suppetias laturus rei Christianæ apud *Bohemos* laboranti, & stativa in *Insula Muldæ* propè *Pragam* in *Holesšovienſibus* & *Bubnensibus* agris fixit, & confirmato in Principatu *Wenceslao* rem quoque Catholicam confirmavit; mox *Henricus Wenceslaum* ad conventum Imperij Principum *Erfurdum* A. 935. invitatum, Regem appellavit, postea *Merspurgum* secum deduxit, & *S. Viti* brachium donavit, cuius honori *Wenceslaus* magnificum in *Arce S. Viti* templum exstruere cœpit. Plura de hujus SS. Ducis & Martyris gestis adferre supervacaneum puto, quòd ubique legantur; præcipua, & lectiora in Epitome nostra & Lib. 4. Miscell. leguntur. Tandem *Drahomira*, quæ in auribus filij continenter jacebat, & ipsâ ambitione *Boleslaum* instigante, *Wenceslaus* per speciem convivij extractus *Boleslaviâ*, dum nocte mediâ pro more DEUM precaturus ad Ecclesiam se conferret, in ipso aditu templi *Princeps* innocentissimus, fraterno parricidio sublatus est è vita Anno ætatis 30. Domini 938. pridie festi *S. Michaëlis Archangeli*, *Boleslavia* primùm tumultus, postea *Pragam* ad Ecclesiam *S. Viti* devectus, innumeris utrobique claruit miraculis; Hæres *Bohemie* dictus, quem *Bohemos* in tutelam accepisse ipsemet sæpenumero super exercitus nostros in aëre medio apparens, aut etiam milites equo candidissimo vectus cum fulguranti hasta, aliisque cœlestibus armis ducens, hostes proterens, & configens, ostendit.

## NOTÆ in Caput XIV.

Queri Prin-  
cipes mis-  
ericordiam  
provocant  
subditorum.  
Lib. 26.  
Hist.

**O**ctennis erat, dum Patrem amisit &c. Innocentia ætatis sæpe filios Principum à vi & insidijs defendit, nam & genus, & proavi, & parentes pro pueris perorant, atque ipsa imbecillitas & lacrymæ securos præstant. Narrat *Ammianus*: *Macedones* cum *Illyrijs* dimicatueros Regem infantem in cunis locasse, & infantis lacrymis commotos victoriam accelerasse. Simile exemplum in *Lovanio* suo narrat *Lipsius*. Multò magis octennis puerulus *Wenceslaus* Populo placere potuit, quia nihil habuit, quò offenderet, multa quæ Principem bonum promitterent; comparatione sceminarum regentium, pueri & filij Principum longè præponderant.

Ad studia litterarum *Wenceslaus* mittitur &c. Probatissimum consilium *Sancta Ludmilla* fuit, in illa sæculi Barbarie; sapienterque *Alphonsus Magnus* dicebat: Rex illite-



*illiteratus est asinus coronatus.* Nollem tamen *Principem*, qui regnandi curis occupabitur, literarum studijs ( nisi illa ad regimen Populorum faciant ) occupari, ut v. g. *Poëta* sit *Virgilio* & *Homero* par; linguas exoticas, Arabicam, Indicam, &c. calleat; ut *Astronomia* deditus insomnes ducat noctes; ut stellam aliquam novam inveniat &c. Scitum est illud *Marci Antonij Imperatoris* in vita sua, gratias Dijs agentis, quod se neque magnum Poëtam, neque disertum Oratorem &c. esse voluerint, futurum enim fuisse, ut inutilibus ad regendum studijs immerfus, boni Imperatoris munus non posset explere.

Nimis docti  
Principes  
paucis lau-  
dati.

*Educationis diversitas in fratribus apparuit &c.* Educatio est altera natura; adeo etiam natura ipsa educatione corrigitur. Ut hoc ostenderet *Lycurgus* duos canes suis Civibus proposuit, quos cum solvillet, alter ad lancem offâ plenam, alter venationi assuetus post leporem cucurrit, ut refert *Plutarchus*; idque maximè in educatione parvorum Principum experimur, magno damno Regnorum. Ferina *Drahomira* educatio ferum *Boleslaum*, *Ludmilla* sancta *Wenceslaum* sanctum fecit; ille feritatis & crudelitatis suæ armis instructus, omnia se vincere posse putabat, *Wenceslaus* ob sanctimoniam suam in Angelorum præsidio securus nullum recusabat pro Religione periculum, & Deo pro se pugnante sine metu vincebat.

Diversitas e-  
ducationis  
diversos fa-  
cit Principes  
*Plutarch. de*  
*puer. educ.*

*Certamina Principum fæminarum &c.* *Drahomira* non magis se fæminam probavit, quàm amore regnandi: duo quippe affectus illas in rabiem agunt, *ambitionis* & *amoris*, quibus per sæpe vindicta adjungitur; ingeniosè *Juvenalis*:

Fæminarum  
lites aulas  
perturbant.

— — — — — minuti

*Semper & infirmi est animi exiguique voluptas*

*Juvenal. l. 5*  
*sat. 13.*

*Ultio. Continuo sic collige, quod vindictâ*

*Nemo magis gaudet, quàm fæmina.*

Id mille exemplis approbari potest, quæ obvia sunt, & nota omnibus; nec cessatur, donec stirpitus æmulas everterint, ut hîc in *D. Ludmilla* nece per summum scelus illata apparuit; idè cavendum est Principi, nè duas æquali potentia mulieres in Aula sua crescentes habeat ( quales olim *Pulcheria*, & *Eudoxia* &c. ) quæ si committantur nunquam bonâ fide pacem colent, & Aulam totam factionibus, & discordiis dividunt.

*Non amplius quàm quatuordecim annos &c.* Magnanimitas hæc Adolescentis Principis, heroica habenda est, qui & supra ætatem sapuit matre conculcatâ ob Religionem cujus se defensorem & amatorem zelantissimum ostendit; sed hæc omnia, ut in *M. S. Codicibus* invenio, *Podivino* Authore gesta sunt, quem inter Proceres fidei Christianæ propagandæ ardentissimum invenio, vide ejus mortem in *Christanno*, quam edidimus in *Epitome*, longè diversam ab ea, quæ in vulgaribus Scriptoribus legitur.

B. Podivini  
merita in ré  
Chrillianam

*Regem appellavit &c.* *Moraviam* novo Rei *Wenceslao* adjectam consentiunt Authores. *Witikindus* coævus Scriptor, & comes itinerum, ac militiæ *Ostons Magni*, ait, mira quædam de *S. Wenceslao* quem viderat, narrari; sine dubio intelligit Angelorum comitatum, qui eum ad Imperatorem accedentem comitati sunt, & eum in omnibus periculis tutati, ut in duello *Radislai* apparuit.

*Witik. l. 1.*  
*Ann. Sax.*

*Drahomira in auribus filij &c.* Fæminarum & maximè Matrum præces plûs quàm armatæ sunt, si continenter admoveantur, omnia vincunt; quod enim impetu non conficitur, morâ & temporis tractu facîle superatur. Januam si claudere velis, non id faciendum est impetu, sed tractu; eandem uno impetu non perfreris, perfringes terebello svaviter adhibito & intorto; sic fit in gratijs, & beneficijs quærendis, quod enim per vim non obtinueris, id morâ & precatiò facîle obtinebis.

Fæminarum  
potentia a-  
pud filios.



*Drahomira &c.* De *Drahomira* infelici interitu tacuit *Christannus* in *Vita S. Ludmilla*, nonnihil maternâ pietate perstrictus, sed certissimum est, eam à terra absorptam, quod hodièque columna eo in loco posita testatur. Tot scelera commisit, ut opus esset curru ad ea in stygem devehenda.

## CAPUT XV.

## Boleslaus I. ejus nominis, Bohemiae Princeps XVI.

Boleslaus  
varius Prin-  
ceps.



**B**oleslaum & mala & bona nobilitârunt: inter mala primû obtinet locum fratris cædes, Christianorû oppressio tentata; bona: pœnitentia *Ratisbonæ* peracta, matris abjectio, *Religionis Christianæ* propagatio, *Daumbra-væ* filia suæ *Polono Regi* cum pacto *Christianæ Religionis* amplectendæ enuptio, deniq; mors felix; media inter hæc fuerunt XII. annorum bellum cum *Ottone Magno* gestum, &

non sinè gloria *Boleslai* finitum, tum etiam in *Hunnos* gesta prælia, quibus eos *Bohemiâ* inhonorè & ignominiosè expulit, cum jam sibi Urbes in ea condidissent; narrata sunt hæc à nobis in *Epitome*, autoritate *Witkindi*, qui ipsum se *Boleslaum* vidisse terribilem aspectu, & militari corporis statu in historia sua testatur. Ob has militares virtutes, & animum Principe maximo dignum, *Otto Imperator* secum *Ratisbonam* cum duxit, & post peractam parricidij absolutionem publicè pœnitentiam agentem, *Dapiferi Imperialis* dignitate exornavit, cujus insigne est *Ahenum*, quod *Hagecius* malè in contemptum interpretatus est. Interfuit etiam prælio contra *Hunnos* ad *Lycum fluvium* gesto, & non leve ad victoriam momentum attulit. Obijt ætatis an. 58. administravit Rempublicam annis 37. Anno Christi 967.

## NOTÆ in Caput XV.

Fratri discordia maxima discordia.

**F**ratris cades &c. Qui sibi maximè conjuncti esse debent, si odium admittant, maximi evadunt inimici, in hunc sensum, vetus est parœmia: *Amicus lesus hostis maximus*: idque ex multis capitibus: tum quia occurrente memoriâ amici, quem jam odisti, odium occurrat: tum quia apertum latus (quia antea fuit amicus) amici novit, eamque ob causam faciliùs nociturus est; tum quia separât ab amico, quos intimos sibi habuit, quod gravissimum est: *Ami-*



cum enim amittere, est thesaurum amittere. Fratrum odià non faciliè cicurantur, & viventium fratrum concordia rara, etiam ad usque mortem protrahitur: *Etheoclis & Polinices* rogos flammis sese divisit, cum odia fratrum illum prius divisissent. Legendus est *Plutarchi aureus liber, de fraterno amore*, ubi inter cetera sapientissimè adducta, ideò *Naturam* in corpore humano, multa duplicia, & propè omnia fecisse; ait, ut fraternum amorem naturæ convenientissimum esse ostenderet, hinc binæ aures, oculi, manus, pedes &c. ut uno deficiente, alterum auxilio esset. Illustre hujus rei exemplum habet *Polydorus Vergilius*: *Godvinus Cancianorum Comes* mortuo *Cannuto* tertio, *Alfredum* filium Regis, revocantibus ad Regnum Anglis, in itinere necavit, & author fuit, ut ejus frater *Eduardus* tertius Rex eligeretur. Electus est, & *Godvino* omnia condonavit, accidit tandem ut *Haraldus Godvini* filius, cum Regium poculum *Eduardo* Regi porrigere vellet, offenderet pede, non tamen vinum effunderet; tum *Pater*, qui cum Rege sedebat, nunc, ait, fratrem frater juvit (scilicet quòd alter pes alteri pedi succurrisset) ad hanc vocem etsi per jocum emissam, *Rex Eduardus Alfredi* fratris recordatus, ad *Godvinum* conversus, Sic, ait, me frater meus juvisset, si per te licuisset. Tum homo sceleratus *Godvinus*, coepit se excusare, addiditque, si ego causa sum necis, hoc bolo stranguler, cumque panem sumeret, primo bolo suffocatus est.

Tom. 2.

Lib. 2.

Bona & mala in *Boleslao* &c. Maxima ingenia quæ bonis dotibus commendantur, malis admixtis vituperantur. De *Annibale* *Florus* loquens, postquam ejus virtutes militares recensuisset, subdit: Sed has virtutes non minora vitia aquabant, idem habet *Plutarchus* in vita *Demetrii Poliorceta*; de *Alexandro Magno* ea in *Curtio* leguntur, quæ eum laudatissimum Principem, & contrà vituperio dignissimum efficiunt. Licere sibi omnia Viri magni putant, & licentià abutuntur; difficile est in magna fortuna modum tenere, nec faciliè invenias, magnum virtutibus & potestate Principem, qui in re aliqua modum non excefferit.

Militari corporis statu terribilem aspectu *Boleslaum* &c. Natura de genere humano sollicita, latentia bona & mala signaturis quibusdam, & incisuris demonstrat, ut vel caveamus, vel si bona sunt, bonis uti sciamus. Videatur *Baptista à Porta*, qui in floribus & herbis ad oculum id demonstravit, nam si oculis medeantur, ocellos præferunt, si pulmonibus pulmones &c. repræsentant. Sic homines animi ferini, & qui belluinos affectus habent, etiam aspectu, ut ità dicam horrificantur, estque permirum, homines fraudulentos, & subdolos tenui voce plerumque, & vultu in quidvis repræsentandum parato, vulpium modum referre; iracundos contrà, & morosos ursinam quandam ferociam vultu ostentare, magnanimos Leoninam faciem gerere, eos vicissim qui alienas actiones dextrè exprimere & imitari sciunt (quod ipse ego non semel cum voluptate adverti) similitudinem aliquam simiarum in vultu, oculis, ore, atque etiam manibus habere.

Dat natura indicium bonorum & malorum.

Quæ hîc de *Boleslao* I. historice referuntur, ea omnia in Epitome nostra probata sunt, ut bellum ejus quatuor decennale; matris desertio, quam Religionis amore à se abiecit, & res suas habere jussit; hæc in melius commutatio *S. Wenceslao* fratri imputari potest, qui ei se aspectabilem præbuit è cælo, fodinas auri *Gilovij* patefecit; ob quod beneficium *Boleslaus* auream monetam fratris effigie expressâ cudi curavit; qui mos usque ad nostram ætatem in aureis Bohemicis servatus est, hodie nescio cujus negligentia exolevit; nos ipsi vidimus, & in manibus habuimus aureos nummos *Matthia Cesaris* tempore proculos, qui *Divi Wenceslai* effigiem præferebant. *Ahenum* olim *Dapiferi* dignitatem in clypeo designasse in Epitome itidem docuimus, & insignia vetustissima *Dapiferorum* apud *Birgen* in Speculo Honoris *Augustæ Domus Austriacæ* demonstrant; fabulantur, qui *Hagekum* in *Aheno* sequuntur, quasi is

*Boleslao* I. honores decernuntur.

Nummi auri cum *S. Wenceslai* effigie.



Gold. in L. de  
Juribus Reg.  
Boh.

ignominia causa, in ejus clypeum sit insertus, cum id nota fuerit maximæ dignitatis, vide *Goldastum*. Imminebat quoque *Boleslaus* fundando Episcopatu in Bohemia, sed hoc consilium mors interceptit.

## CAPUT XVI.

### *Boleslaus II. ejus nominis, Bohemiae Princeps XVII.*

Boleslaus II.  
Religionis  
Christianæ  
in Boh. fun-  
dator.



**B**oleslaus Pius post impium Patrem imperare Bohemiæ cœpit, cum eo imperante Bohemia, quæ adhuc Ethnicos timebat, respirare & Christianam Religionem securius colere instituit: duobus vel tribus prælijs Ethnicos nova molientes, *Boleslaus Princeps* fregit, & extremos furiosorum conatus in Christianos sagacissimè antevertit, & cum nihilominus erupissent, magno ictu prostravit; idem ille plures vi-

cenis Ecclesias construxit, ut honorata Religio Christiana ipsis suis honoribus ad se Ethnicos invitaret; *Pragensem Episcopatum* sororis Mariæ auxilio fundavit, & bonis locupletavit; quod idem præstitit in *Cænobio Insulano*, nec minimam partem contulit ad *Fundationem Brze-uno-viensis Cænobij*, cujus Fundatio potissimum *S. Adalberto* tribuitur, quam ob causam *Libicium S. Adalberti* patrimonialis ditio diu ad *Monasterium Brze-uno-viense* spectavit. Cum Ethnicos decretorio prælio vicisset, in prælij loco *Urbem*, & juxta castrum in monte *Hrobka* arcendis ex ea parte hostibus An. 973. condidit, Urbem verò de suo nomine *No-vam Boleslaviam* appellavit. Sed & alia bella prospere gessit, cum Polonis præcipuè gravissimè ab ijs læsus, quorum *Urbem Principem Cracoviam*, quam ignaviâ sequentium Ducum Bohemi amiserunt, cepit. Nescias an fortior an magis pius dici possit: *Ottonem II.* Imperatorem Bohemiâ armis exegit, qui exercitum immiserat. Postquam tres Antistites *Pragenses* piissimus *Princeps Bohemiæ* imposuisset, & duos & triginta regnasset annos, 7. Februarij An. 999. excessit ex vita, memorabili vaticinio (in quo *Hagekus* pro Ludovico Pio, posuit nomen Philippi) priùs edito, quod posterì legentes verum agnoscunt; alia ejus gesta in Epitome L. 2. & in vita ejus L. 4. Miscell. retulimus.

NOTÆ



## NOTÆ in Caput XVI.

**B**oleslaus Pius post impium Patrem &c. Nescio quâ fiat, ut parentes sævissimos, qualis fuit Boleslaus I. lenissimi filij & successores sequantur, ut ex historijs omnium gentium probari nullo negotio potest, quasi omne venenum in se consumente Patre, & filijs dulcedinem pietatis relincente. Curiosè quærit Plutarchus Lib. 1. *Convivialium Disputationum*, cur ficus in cortice, & in trunco amarissimi sit saporis, dulcissimum verò fructum producat? Et rationem pulcherrimam assignat, ideò quia omnem suavitatem & dulcedinem, quæ est in succo, donat fructui, ideò ipsa arbor remanet amarissima. Porro quàm fuerit felix Boleslaus I. in filijs, notavi in Epitome.

Patres illaudati sæpè habent filios laudatissimos.  
Lib. 4. quæst. 9.

*Religionem securius colere &c.* Nihil magis Religionem Christianam Populo plausibilem reddere solet, quàm *Principis Exemplum*, & ex inde nascitura securitas; timore vulgus absterretur; quod Principem fecisse vident, sibi quoque licere existimant; Regum & Principum exemplo pleraque Regna ad Religionem Christianam adducta sunt; Constantino Magno Christianam Religionem aut fovente, aut amplectente statim Romanus Orbis Christianum se esse miratus est, & Idolomania & Deorum cultus intepuit, donec omninò nullus Idolis honor esset.

*Extremos furiosorum conatus &c.* Morientium ferarum morsus virulentos esse docent Philosophi, & quotidiana exempla confirmant. Vidi ego, cum felis moriens, digitum cujusdam dentibus, parvo in speciem vulnere læsisset, hominem, nisi abscisso digito non potuisse curari, Flori dictum est: Quàm maxime mortiferi esse solent morsus morientium bestiarum; sic plus negotij fuit cum semiruta Carthagine, quàm cum integra.

Desperatio venenata.


Lib. 2. c. 15.

*Sororis Maria auxilio &c.* Pulcherrima in eam rem exempla suppeditant historiæ, in quibus sæminæ multorum bonorum, maximeque Religionis Christianæ Regibus & Regnis amplectendæ causa fuerunt, ut in nostro exemplo Danbrauka Boleslai I. filia Miecislaum primum Poloniæ Ducem, & cum eo universam Poloniæ Christiano adjunxit. ita Clotildis Burgundi Ducis filia, Clodovæum maritum; Chiesuntis filia Regis Angliæ, Offam Regem Saxonum Occidentalium; Theodolinda Agilulphum Lombardiæ Regem; Gisela soror Henrici I. Imperatoris Ungarorum Populum christianè credere, & fidem amplecti docuerunt. Omitto alia innumera exempla, quæ passim in historijs temporum leguntur.

Fæminæ Christianam Religionem maxime promoveant.

*Fundatio Brzevnoviensis &c.* Omnes ante me Scriptores novi Boleslaum II. Fundatorem hujus Cœnobij fuisse scripserunt, diversum ex vetustis Scriptoribus colligere est, ut olim si DEUS vitam concesserit probabo. Ex ea causa conventus ille sacer, rosam S. Adalberti gestat in sigillis; utraque sententia conciliari potest, ut S. Adalbertus Cœnobium & templum ædificaret, aliquâ parte patrimonij sui adjectâ, Dux verò Boleslaus supremâ manu ditiones, quæ in literis foundationis apud Paprociū leguntur adiderit.

Quis Fundator Cœnobij Brzevnov.





## CAPUT XVII.

*Boleslaus III. Bohemiæ Dux XVIII.**Wladibojus vel Wlademarius Bohemiæ  
Dux XIX.**Jaromirus Bohemiæ Dux XX.*Boleslai III.  
ignavia.Wladibojus  
Princeps.

**B**oleslao II. successit ejusdem nominis filius *Boleslaus III.* quem *Stransky* rufum, avarum, & postea cæcum vocat; hic, quæ in *Misnia* *Poloniâque* occupaverat Pater, ignaviâ suâ amisit: neq; enim militibus obsessis supplementa mittebat, nec ipse auxilio veniebat, nec numerabat stipendia; itaque omnium Scriptorum nostrorum calamis velut ignavus confoditur. Eum *Boleslaus* Polonus per speciem amicitiae *Cracoviam* ad se invitatum excæcavit, fraude in Principibus Viris execrabili; at Divina Justitia, crimen, quod in fratres admiserat, ulciscetur; nam eviraverat *Jaromirum*; *Udalricum* debilitatum vulneribus, & semivivum Bohemia expulerat. *Weleslavinus*, qui filios *Boleslai III. Jaromirum* & *Udalricum* posuit, Scriptorum eâ ætate viventium testimonio errasse convincitur, ut in libro, cui titulum feci *Rationarium temporum* demonstrabitur. *Boleslao III.* ipsâ ut sic dicam, inutilitate, & cæcitatæ injuriâ Principatu depulso, Bohemia regenda committitur *Wladibojus*, seu, ut Germani Scriptores appellant, *Wlademario*; non enim in hoc Duce assentiri possum *Crugero*, cum *Adelboldum* Episcopum *Trajectensem* *Henrici* Imperatoris Consiliarium, & Comitem bellicum, & *Ditmarum* Episcopum *Merseburgensem*, qui ambos illos fratres de facie noverant, in manibus habea-



habeamus, qui *Wlademarium* post *Boleslaum III. Bohemiae* imperitasse affirmant, eumque Ducem appellant; quid præcipue memoriâ dignum gesserit *Wlademarius*, aut *Wladibojus* in silentio omnium antiquorum nihil propè invenio. *Crugerius* ei uxorem apposit *Wladibogkam*, quâ authoritate nescio, suspicor hoc nomen ex *Wladiboj* marito fictum esse. *Wladiboj* brevè extincto, *Jaromiro* Principis nomen ac dignitatem *Sanctus Henricus Imperator* contulit, ut *Ditmarus* scribit An. 1005. cujus vitam appetière *Wrsso-vicenses*, periculum evasit miraculo S. *Joannis Baptistæ*, quod alibi toties descripsi. Injuriam quoque passus est, unde minimè debuerat, à fratre *Udalrico*, qui fratrem *Eunuchum* & *Semi-virum* Principatu dejecit, & sese *Bohemiae* Principem constituit. Occisus est *Jaromirus* circa An. C. 1040.

Jaromirus  
Princeps.

Lib. 7.

## NOTÆ in Caput XVII.

**T**rium istorum *Bohemiae* Principum Imperium (*Boleslai III. Wladiboj, & Jaromiri*) magnas in Chronologia patitur difficultates: *Wladibojum* nostri Scriptores nec nominant quidem, *Boleslaum III.* exæcatum à *Polonis*, & solio deturbatum, vixisse tamen multis post hæc annis ex narrationibus *Ditmari* & *Fabricij* constat, qui eum A. 1010. *Hermann*o genero suo *Marchioni Misnensi* Præfecturam Arcis *Misnensis* contulisse scripserunt. *Jaromirum Semi-virum* fuisse nemo ex Scriptoribus nostris tradidit, quod disertè *Adelboldus* affirmat. Ego existimo *Bohemiae* Principatu depulsum *Boleslaum III. Wladiboj*o celsisse, in *Misnia* tamen aliqua loca, (quæ alioqui tunc ad *Bohemiae* Principes spectabant) retinuisse; at *Wladiboj*o propè extincto *Jaromirum* successisse; hunc quoque à juniore fratre *Udalrico* dejectum; sic *Udalricum* tribus fratribus dejectis solum *Bohemiae* Imperium occupasse.

De tribus his  
Principibus.

Fabric. l. 3.  
Orig. Sax.

Adelbold. in  
vita S. Hen-  
rici Imp.

Quod hoc loco de *Misna* dixi, asserens aliqua loca *Boleslaum III.* in *Misnia* retinuisse, mirabatur amicus quidam meus, *Misnios* id permisisse: hæc nostri sæculi admiratio est; alia nunc sunt, alia olim fuere tempora; graviter hallucinabitur, qui ex hodiernis temporibus de præteritis conjecturam facere velit. Sed *Misnia* partem, & ipsam ejus Metropolim *Misnam* pluresque ejus Arces ab A. 978. & postea aliquot annis centenis *Bohemos* tenuisse probavi in Epitome.

Bohemiae  
Principes  
Misnam te-  
nuere.

Epit. l. 2.  
c. 11.

*Boleslaus III. rufus, avarus, & postea cecus &c.* Hæc naturæ, seu corporis & animi vitia nihil boni promittere potuerunt in *Boleslao III.* quid de rufis Orbis sentiat, ex jocoserijs quæ in rufos jactantur proverbij, facile intelligimus, ego nihil addo. Regnare cæco difficillimum est, avaro bene administrare Rempublicam prorsus impossibile, cum è diametro Regijs virtutibus avaritia adversetur.

*Ignavus Scriptorum calamis confoditur &c.* Cum *Boleslaus* ignaviam etiam conjunctam habuerit, quid de tali Principe potuit sperari? *Crastinus* quidam Rex appellatus est, ob perpetuam in gravissimis negotijs cunctationem, & in crastinum dilationem, quid si nec in crastinum, sed in perpetuum curas Regnorum distulisset? talem ignaviam mare mortuum *Seneca* in Epistolis appellat.

Drexel. in  
Prodromo c. 1  
§. 37.

9. Epist. 68.

*Fraude in Principibus non ferenda &c.* Si ullum mortalium fraus dedecet, tum Regem & Principes: pugnant enim è diametro cum virtute Regum præcipua magnanimitate; *Leo* enim est Princeps, non vulpes, quæ duo etiam in fabulis *Æsopi* sibi

Fraus in  
Principibus  
non ferenda



adversantur. Fraus in Rege manifesta est professio imbecillitatis Regiae: nam id quod armis desperat se posse efficere, fraude tentat; huiusmodi Reges etsi res suas augeant, minuunt famam etiam apud posteros, nec nisi à fraudulentis laudabuntur, apud probos æternam nupminis sui maculam inurent.

*Divina Justitia ulciscetur &c.* Nullus in Orbe ex Principibus est, qui toties poenam *Talionis* exigit, quàm DEUS, quod infinitis patet exemplis: qui de honoris gradu alios dejecerunt, quàm sæpe ipsi dejiciuntur! nostra sæcula feracia sunt ejusmodi exemplorum! sed justissima est ultio, ut quod in altero exemplum statuisti, in simili crimine luas, quod recusare, nisi injustè non possis.

Cæcitas  
miseriæ gra-  
ves.

Carol. IV. Im.  
in vita sua.

Jaromiri  
Principis in-  
felicitas.

*Cæcitas injuria &c.* Etsi plurimi eruditissimi Viri cæcitas laudes scripserint, existimo tamen eam laudationem ad quandam eloquentiæ ostentationem pertinuisse. An enim plus cæcitas addere poterit, quàm subtrahat? fateor magnos quosdam *Duces* militiæ cecos fuisse, sed ij quod egerunt cæci, hoc per oculos antè sunt consecuti, ut non dubitem longè majora & illustriora facturos fuisse, si vidissent. Pauci Principes cæci suam authoritatem tueri potuerunt, nisi prius facta præcessissent, quæ oculati gesserunt, ut de *Joanne Rege Bohemia*, de *Ziska* apud nos constat. Ridiculum est, quod etsi huc directè non spectat, tamen joci gratiâ commemoro; cum Rex *Poloniae Loktekus*, *Joannem Regem Bohemia*, cæcum ad singulare certamen provocasset, ingeniosè cum risu respondisse: *Joannem omninò se paratum in certamen descendere, sed ut Rex Polonia prius se excacari curet, & tum in quocunque conclavi, & paribus armis concursuros.*

*Jaromiro Principis dignitatem &c.* Etsi *Boleslaus III.* oculis orbatus sit, non tamen vitâ, vixit enim longissimè exul in *Misnia*, & multa adversus fratres movit; *Jaromirus* etsi in Principatu nondum confirmatus, *Bohemia* regendam suscepit; sed cum se *Boleslao Polono* imparem videret, ad *Henricum Casarem in Saxoniam* profugit. *Henricus Casar*, qui *Boleslaum Polonum* oderat, cum toto Imperij sui exercitu A. 1005. in *Bohemia* venit, & expulso *Polono*, *Pragam* recepit (nam *Wissehradum* nunquam *Poloni* capere potuerunt) & *Bohemia Jaromirum Principem* imposuit; nihil celebrius ad gloriam *Jaromirus* præstitit, quàm quòd *Jaromiriam Civitatem* condiderit.

## CAPUT XVIII.

### Udalricus ejus nominis primus, Dux Bohemiae XXI.



Ditm. l. 6.

Fabric. l. 1.  
Annal. & l.  
2. Orig. Sax.  
Fabric. l. 2.  
Orig. Sax.

Dress. Millen.  
6. p. 1.



*Udalrico Duci* vix ullum aut paucos pares *Bohemia* genuit: *Thuringos*, *Misnios*, & cæteros ad *Oceanum* *Marchiones* stipendiarios habuit, ut queritur *Ditmarus*. *Geronem Lusatie* *Marchionem* in prælio occidit; *Mesiconem Poloniae Ducis* filium in prælio cepit, *Saxones* ingenti clade affecit, primus ipse in acie milites ducens. Sed (ut antè dixi de *Boleslao I.*) militares hasce virtutes

tes



res penè vitia majora obruerunt : fratrem excæcavit, solio deturbavit, & in Arcis Lissæ custodiam intrusit. Multa paucis dixi, successere virtutes iterum Principe dignæ : pestilentia An. 1016. ita Europam afflixit, ut vix decima pars hominum remanserit, miro artificio dissipata est ab Udalrico, cum observato vento omnes silvas Bohemiæ accendit, aëremq; purgavit ; idem Udalricus Pragam auxit ; Henricum Imperatorem conciliavit sibi ; & denique seu bello seu pace clarissimus Princeps, satur victoriarum, A. 1037. 25. Imperij expletis Annis decessit Novembri Mense, quo ipso anno frater *Boleslaus III.* obierat. Uxorem duxit rustici *Domarodi* filiam honestissimam & pulchritudine ac moribus Principe fæminâ dignis præstantissimam nomine *Blazenam* aut *Bozenam* ; quod inæquale conjugium cum Nobilitas & Proceres vituperarent, respondit : *Nescire Bohemos, & suo malo experturos aliquando, quid sit ex aliena gente Principem Bohemum conjugem habere ; & quæ hodie rustica videatur, cras Principem fore, cum uxores fulgeant radijs Maritorum.*

Udalrici  
Principis  
magna vir-  
tutes magna  
vitia.

## NOTÆ in Caput XVIII.

**G**eronem in prælio occidit &c. Merebatur hoc Gero, qui triginta aliquot *Slavorum* Duces ad convivium invitatos inter hospitalia sacra proditoriè per summum scelus obruncaverat ; qua de re videatur nostra *Epitome*.

Prima ma-  
gnam laudē  
continent.

*Primus ipse &c.* Prima in quoque ordine Principatum obtinent, nam et si secundi & tertij idem præstent, non possunt diffiteri, exemplum habuisse, quod primus non habuit. Unde ingeniosè *Seneca in libris de beneficijs* observat, qui beneficium accepit, etiam si gratum se exhibeat, non tamen eum, qui beneficia primus contulit, æquare posse, semper enim primus qui beneficium contulit, omnes alios exsuperat, quia non præcedente ullo beneficium contulit.

Quæ virtu-  
tes in Prin-  
cipe maxi-  
mè lauden-  
tur.

*Principe digna &c.* Principes propter Populum sunt, non Populus propter Principem. *Salus Populi suprema lex est*, juxta omnium politicorum axioma. Principum virtutes propriæ censentur illæ, quæ ad salutem, ineolimitatem ac felicitatem Populi spectant, & quod magis Populi securitatem, opes, commoda &c. spectat Princeps, eo laudabilior habetur, eoque gloriosior evadit.

Improbitas  
eorum qui  
amicos di-  
vidunt

*Jaromirum solio deturbavit &c.* Id consilio *Wrssovicensium* gestum esse *Stransky* ostendit : Consilia inimicorum in Regia familia oppugnanda, nunquam sequenda sunt ; vix enim tam conjuncti esse possunt regnantibus inimici, quam illi qui sanguinis cognatione junguntur ; unde necessariò aliquid in arcano sibi propositum habent ; quare cavendi sunt, qui nos ad consanguineos persequendos impellunt.

*Jaromirus irruente in se An. 1012. Udalrico* (quem *Stransky* majorem natu falsò fuisse scribit) Pragâ excessit die Paschatis, & *Walibredo Archi-Episcopo Magdeburgensi* intercedente, gratiam apud *Henricum Imperatorem* impetravit ; sed regendis Bohemis inutilis est judicatus, cumque reditum in Bohemiam pararet, *Jaromirum* fratrem in custodiam *Vlricus* conjecit, qui *Merseburgi* in vineulis diu permansit.

*Domarodi rustici filiam &c.* Macula est in Principe, inæqualem conjugem accepisse ; vituperatur enim à Procerum uxoribus, & contemnitur, qui contemptus in

Ce Conjugio  
inæquali.



*Epist. ad  
Moysem de  
Valentia.*

*Non multa  
tribuenda  
Principi ad  
preces uxori-  
um.*

*Num. 117.  
& seq.  
Tiraquel. lib.  
de Nobilitate  
cap. 18.*

Principem redundat, Notum est illud: *Si quæ voles aptè nubere, nube pari.* Vide sapientissima connubiorum præcepta in aureis Epistolis *Antonij de Guevarra.*

*Nescire Bohemos &c.* Experti sunt id plurimi Principes nostri, qui cum essent uxori, à conjugibus persuasi, & tribunalia, & templa, & aulas hominibus ineptis, & insufficientibus impleverunt contra ordinem distributivæ justitiæ, & humanæ prudentiæ. *Jacobus Typotius* in aureolis libris Hierographiæ paucissimis verbis complexus est, quod alij multis tradiderunt; quæ præcepta sua hisce verbis conclusit: *Nimirum latum est ex concordia occinum volatu augurium.* Enigma esse videtur, sed sapientibus veritas elucescit. Quod dixi, uxores sentire maritorum fulgorem, ex jure acceptum est, quod doctissimus *Juris Consultus Andreas Tiraquellus* adducit.

## CAPUT XIX.

*Genealogiæ & Chronologiæ ratio à Borzivo-  
jo primo Christiano apud nos Duce, us-  
que ad Brzetislaum I.*



Rædixeram initio hujus tractationis me non omnia Principum nostrorum gesta (hoc enim foret *Historiam* non *Miscellanea* scribere) sed ea tantum, quæ ad Principum liberos, vel ad rationem temporum, vel ad successionem Principum spectant allaturum; itaque sub aspectum Lectoris quinque generationes colloco, & eum ex *Lectore* volo fieri *Spectatorem.*



TABU-



# TABULA III. Genealogica Principum Bohemiae, à Borzivojo usque ad Brzetislaum.

NOTE

a. *Borzivojus XII.* Princeps Bohemiae cepit imperare circa Annum 856, ætatis 23. † b. *S. Ludmilla* Comes de Mielnik, Martyr baptizatus *Welehradi* cum triginta Procetibus. obiit 910. Anno 920.

c. *Boleslaus* baptizatus à *S. Methodio*, obiit infans.

d. *Spiithneus XIII.* Princeps Bohem. obiit sine prole.

e. *Wraistlaus XIV.* Princeps Boh. Fundator Ecclesiae *S. Georgij.* obiit 916.

f. *Drabomira de Lutic* *Brzetislai* filia, quam viam terra absorbit.

Prima filia. II. filia. III. filia. N. N. N.

13

g. *S. Wenceslaus* primus ejus nominis, Boh. Princeps XV. Fund. Ecclesiae *S. Viti, Vir. & M. occisus A. 938.*

h. *Boleslaus I.* Bohemiae Princeps XVI. cognomine *Sevus*, traxis occisor, obiit An. 967.

i. *Brzena* vel *Bozena* filia *Crayslai* de *Stochow.*

k. *B. Przetislaus* soror *S. Wenceslai* Vidua appellatur à *Christanno.*

l. *Dabrawka* vel *Dobrawka* uxor *Miecislai I.* Poloniar Ducis, quæ Poloniam adduxit ad Christum. Mater fuit *Boleslai Chobry primi Regis Poloniar.* obiit An. 977.

m. *B. Mlada* seu *Maria*, prima Antistita ad *S. Georgium Pragæ.*

n. *Boleslaus II.* Dux Boh. XVII. cognomine *Pine.* Fundator Episcopatus *Pragenfis*, & Confundator *Cenobij Brzewniow.* obiit An. 999.

o. *Hemma* Dux Saxoniar, Matrona piissima. obiit 1006.

p. *Christannus* de *Skala*, Monachus *Brzewniowiar.* Hunc ego suspicor ante dictum *Strachin* quas, in cujus baptismo occisus est *S. Wenceslaus.*

1006.

r. *Wenceslaus.* obiit puer.

s. *Boleslaus III.* cognomente *Lenis*, vel *Czemina*; Dux Boh. XVIII. excæcatus à *Povinum.* obiit 1037.

u. *Bladibojus*, vel *Wladibojus*, Dux Bohem. XIX.

x. *Miesko* & y. *Jaromirus* z. *Valuticus I.* fratres *Boleslai*, apud *tre evitatus.* obiit 1037.

aa. *Bozena*, bb. *S. Adalbertus* & s. ejus filia *Domarodi*, fratres *Prerini* ex villa *Pecruetz.* O. 1052 stirpe *Rolanu.*

cc. *Brzetislaus I.* cognomine *Bellicosus*, Dux Bohemiar XXII. de quo vide in seq.







g. *Sancti Wenceslai* vitam plurimi Scriptores ediderunt, ut mihi scribendi nullus relinguatur locus.

h. *Boleslaus I.* Bohemiæ Princeps fratricida nascitur A. 909. gentiliū more à Matre *Drahomira* educatus, nihil nisi sanguinem, & cædes, & tyrannidem principiò spirabat; frugi postea redditus (maximè quòd aspectabilis, è cælo descendens. *Wenceslaus* ad sanam mentem eum reduxerit, præcepta regnandi tradiderit, auri fodinas indicârît) parricidio *Ratisbonæ* expiato, Matrem Religionis amore procul à se abiecit, & res suas habere *Luricij* iussit. Ab *Ottone Magno* post bellum multum amatus, & summi *Dapiferi* titulo, & clypeo honestatus cum maximè fundando in Bohemia Episcopatu immineret, post casus multis præliis & Bohemiâ pulsos Hunnos obiit A. C. 967. ætatis 58. Regni 37. felicissimus fuit in prole; ut Tabulam Genealogicam inspicienti patebit.

i. Quæ de *Bržena* dixi, ex *Weleslavino* descripta sunt.

k. *B. Brzibislava*. Hanc amantissimam fratris *S. Wenceslai* fuisse ex ejus morte & miraculo auriculæ colligitur. Viduam non Virginem appellat *Christannus* coxvus Author, qui *Amitam* suam sinè dubio, noverit, plûsque illi credendum quàm Scriptoris temporum nostrorum. ob *Sanctimoniam vitæ* & fraternum amorem cum *B. Podivino* in eodem sepulchro non procul à *S. Wenceslao* fratre condita est.

l. *Daubranka*, *Dombranka*, vel *Dobrouka* Apostolica mulier, *Poloniam*, & quæ tum *Poloniæ* nomine includebatur, *Silesiam* suo conjugio ad Christum adduxit. De ea alio in loco; vide Epitomen nostram, & Polonos Scriptores maximè vetustos. *Daubranka* mortuâ *Miesco* vel *Miecislau* *Juditham Jassa* vel *Geisa*, Ungarorum Principis filiam in conjugem accepit; at *Cromerus* ait hanc *Boleslao* filio datam esse uxorem.

m. De *B. Milada* seu *Maria* vide Bohemiam sanctam, seu L. 4. Miscell.

n. *Boleslaus II.* fuit pauperum pupillorum & viduarum defensor maximus; nihil de eo præter ea, quæ antè dixi, & L. 4. Miscell.

o. *Hemma* uxor *Boleslai* Matrona omnibus virtutibus insignis, de qua egi Lib. 4. Miscell.

p. *Christannus de Skala* *Boleslai Sævi* filius, *Monachus Brzevnovia*. In cujus repositis occisum esse *S. Wenceslaum* mihi probabile est, eundemque *Strachiqvas* dictum: hoc nomen ultimum ei in Baptismo impositum non est: peractis enim repositis, & baptismi solennitatibus *S. Martyr* fraternâ manu interemptus est. Dicant igitur, qui adversantur, quòdnam aliud nomen *Strachiqvas* gessit? in eadem mecum sententia fuit vir in Patria historia versatissimus *R. P. Georgius Crugerius S. I.* idque mihi sæpius confirmavit, addens: se pro fabella habere illam à cacodæmone strangulati *Strachiqvatis* narrationem; quod ipsum ego in Epitome Historica suspicari me scripseram, sat claris argumentis adductus. Quæri hoc loco à curiosis possit: quid ita *Christannus* cognomentum *de Skala* vel *Scala* assumerit? (ita enim in Privilegio antiquissimo *Brzevnoviensis* Cœnobij legimus. *Christannus de Skala*, *Boleslai Ducis frater*) éstne hoc familiæ nomen, an castri alicujus vel loci? erraret, meâ quidem sententiâ insigniter, si quis hanc vocem *Skala* latinam esse suspicaretur, quæ pura puta vox Bohemica est, *rupem* vel *saxum* significans. Respondere interrogantibus ex fundamento non possum, cum solo puro, & saxo cui insistam non habeam; at hic arcanum aliquod historiæ Patriæ latere, nullus dubito; ac fortasse, ex aliqua simili causa *Sviborvj* *Proceres*, ab hac ipsa *Przemyslai* & Principum nostrorum stirpe descendentes non aliud primò nomen usurpârunt, quàm *Dominorum de Skala*, ut in eorum familiæ Genealogia pridem demonstravi.

q. *Strzeżislaus* alij Genealogistæ omiserunt; hanc ego adjeci autoritate *Chri-*

*S. Wencesl:*  
apparens fra-  
trem frugi  
reddit.

De *B. Przi-*  
*bislava*.  
*Christannus*  
in *vita San-*  
*ctæ Ludmille*.

*Gnageinus in*  
*Miejsce*.  
*Cromerus l. 3*

*Fabric. l. 3.*  
*Orig. Saxon.*

De *Christan-*  
no, quem fu-  
isse *Strachi-*  
quassum su-  
spicemur.

*Proceres de*  
*Scala* cur ita  
dicti.



*Christanni*, qui vitam *S. Ludmilla* (quam nuper edidimus) dedicans *S. Adalberto*, eum nepotem suum, ex sorore scilicet, appellat. *Slavonicum* verò vel *Slavonikum* nepotem *Henrici Aucupis* vita *S. Adalberti* vetus (quæ est in *Archivo Metropolitana Ecclesia*) disertissimis verbis affirmat fuisse.

r. De *Wenceslao* puero scribit *Weleslavinus*, eum febre extinctum ætate puerili.

Boleslai III.  
tres conju-  
gēs.

Fabric. l. 2.  
Orig. Sax.

s. Præter ea, quæ nuper attuli, nihil restat scribendum, eum tamen quantumvis *cacum* multa movisse adversus Cæsarem in *Epitome* ex fide illius temporis Scriptorum probavi. *Weleslavinus* filios *Boleslai III. Jaromirum & Vdalricum* posuit, sed errasse convincitur autoritate Scriptorum eâ ætate viventium.

t. *Czemislava* nomen ex solo *Weleslavino* habemus, illa quæ de tribus conjugibus *Fabricius* attulit, de *Boleslao III.* intelligi volo: *Boleslao*, inquit, tres uxores habuit: primam *Misnensem Hemmildam*, *Ridachi Comitis Merspurgy filiam*, quam repudiavit, & ex hac fuit altera *Hemmildis*, uxor *Hermani Marchionis Saxonie*; secundam uxorem habuit *Vngaram*, quam etiam deseruit; tertiam *Dobremiri filiam*, ex qua *Miseconem & Dobremirum* filios, & tres filias suscepit, teste *Ditmaro*; cui autoritati, cum nihil æquale opponere possim, fateor me necessariò succumbere; forsitan hæc de *Boleslao Polono* intelligenda sunt,

u. *Bladibojus Boleslao III.* ob cæcitatis injuriam Principatu depulso, *Bohemia* regendam à Cæsare commissam esse tradunt vetusti Scriptores, nemo tamen quis ille *Bladibojus* fuerit explicuit.

x. Idem est de fratribus duobus *Miesicone & Mistorio* de quibus vide *Epitomen*.

Boleslaus III  
Udalricus,  
Jaromirus  
fratres fuere

y. *Wladibojo Jaromirus* successit, quem junior frater *Vdalricus* excæcavit, cujus vitam *S. Joanni Baptiste* curæ fuisse miraculo comprobatum est, cum ipse Sanctus hirsutâ suâ veste omnia tela *Wysseveciorum* in *Jaromirum* directâ excepit. Nostri Scriptores omnes *Jaromirum & Vdalricum Boleslai III.* filium fecerunt, at externi Scriptores (quos in *Epitome* citavi) ac nominatim *Adelboldus Trajectensis* Episcopus, qui *Vdalricum* Ducem noverat, & eum suum hospitem fuisse narrat, hos duos fratres *Boleslai III.* fuisse scribit, cui sinè dubio major habenda est fides, quàm ijs, qui hoc sæculo historiam architectantur.

Fratres conciliantur.

z. *Vdalricus* inclytus & admiratione dignissimus Princeps Polonos *Pragâ* eiecit, qui eam biennio tenuerant (etsi *Wissehradum* nunquam capere potuerint) cum *Conrado* Cæsare bellum gessit; nam quæ filius *Brzetislaus Marchio* tunc *Moravia* gessit, ea omnia Patri adhuc superstiti ab Historicis tribuuntur, de quibus agemus Capite sequenti. Illud exempli optimi *Vdalricus* fecit, quòd *Jaromirum* colloquium suum postulantem admisit, & *Helicardi* Episcopi interventione placatum amplexu fraterno & osculo dignatus est, deprecans injurias fratri factas; & utroque fratre flente, conciliata est concordia. Paulò post moriente *Udalrico* frater *Jaromirus* optimus Princeps sic pœnitentiâ fratris captus est, ut multis proceribus Principatum *Bohemiæ* offerentibus, ipse *Udalrici* filio *Brzetislao* cesserit, & Principatui renunciârit. Porro *Vdalricus* est miraculosè à *S. Udalrico* impetratus, cui *S. Procopius* sitienti aquam in vinum convertit.

Bozenæ rusticæ laus.

Miechovius  
lib. 2. Hist.  
Pol. c. XI.

aa. *Bozena Domarodi* rustici in pago *Opuczna* (*Perucz* postea dicto) filia, obiit An. 1052. Matrōna pia, formosa, comis, subditis omnibus cara, Principis solio digna, *Vetero-Boleslavia* tumultata, diu marito *Udalrico* superstes, qui An. C. 1037. sepultus, & in Ecclesia *Pragensi* conditus requiescit. Injurius multum est *Miechovius* tum *Vdalrico*, tum *Brzetislao Ducibus*, tum ipsi *Bozena*, qui eam Concubinam sinè omni veterum autoritate vocavit; alia omnia *Cosmas*, & vetusti Scriptores tradunt,



dunt, qui eam summis laudibus efferunt, & satis ex illo Udalrici dicto ad Proceres contrarium elicitur, cum eam sibi jungeret: *quæ, inquit, hodie rustica dicitur, cras Princeps appellabitur.*

bb. S. Adalberti Natales & vitam in Miscellaneorum libris narravi, maxime L. 6. & in Epitome L. 1. & 2. & 3.

cc. De hoc invicto Principe dicetur capite sequenti.

## CAPUT XX.

### Brzetislaus I. ejus nominis, Bohemiæ Princeps XXII.



**B**rzetislaus vivente Patre, Moravia dominationem accepit; adhuc juvenis in Virginem Regiæ stirpis, Palatini Rheni filiam, quæ in Cœnobio Virgineo ad Ratisbonam Sveinfurt dicto educabatur, exarsit; promisso conjugio conciliatis Virginibus cæteris, volentem & libentem rapuit, & equo impositam in Patriam adduxit; opposuere catenam ferream Cœnobij Satellites, sed amor juvenem Principem non in-

Bretislaus  
rapit conjugem  
sibi ex  
Cœnobio.

geniosum modò, sed etiam in promissis magnificum, & fortem manu reddidit, ut ferrum obstans divideret, quod in argumentum fortitudinis adhuc sub *Carolo IV.* in Cœnobio ostentabatur, oculato teste *Pulka-va*, *Fabricius* egregiè lapsus est, qui *Juditham* Sacerdotem, & *Antistitam* Cœnobij vocat, ejusque raptum *Ulrico* Duci attribuit, Patri videlicet non filio, sed *Fabricium* Chronologia refellit. Inde *Conradus II. Cæsar* (nam eum quoquo modo Virginis raptus attinebat) in Bohemiam exercitum duxit, quem in silva *Hercynia* (quæ Bavariam à nobis dividit) *Brzetislaus* nactus cecidit, sed altero anno majoribus copiis comparatis Imperator Bohemiam ingressus Tetinam usque pervenit, jamque in eo erat, ut acies confligerent, sed *Judith* inter acies progressa duas uterum, & infantem, quem ex *Brzetislao* susceperat, ostentans, bellum diremit; secuta exercituum consalutatio, *Conradus Imperator* summus Bohemiæ amicus, etiam tributum Principi remisit, quem abeuntem honoris gratiâ, ultra Bohemiæ limites *Brzetislaus* comitatus est; hæc bella non *Bretislao*, sed Patri *Udalrico* adscribunt nonnulli. Ut primùm sese adversus Regni

L. 2. Orig.  
Sax.

Judith rapta  
pacem facit  
flans inter  
duas acies.

K

æmulos



Brzetislaus  
spoliat Po-  
loniam.

Corpus S. A-  
dalberti in  
Boh. refert.

Cosmas I. t.  
hist. Boh. E-  
pis. l. 3. c. 3.

Brzetislai  
sacræ fun-  
dationes.

Aeneas Silvi-  
us in histor.  
Boh.

æmulos & invidos quosdam, domi firmavit *Brzetislaus*, jam mortuo Pa-  
tre, cum exercitum florentissimum duceret, malos vicinos, qui nuper  
Bohemiam in discrimen adduxerant, ulcisci & vicem illis reddere consti-  
tuit: bis Ungariam ingressus pervastavit, qua ultione peractâ A. 1038, in  
Poloniam instructissimo exercitu irruit, & incredibili celeritate & felici-  
tate, unâ, eadêmq; æstate quatuor Urbes maximas *Wratislaviam*, *Cra-*  
*co-viam*, *Gnesnam*, & *Posnaniam* (quamquam aliquæ istarum Urbium  
timore Bohemorum propè desertæ stabant) occupavit; *Cromerus* hæc  
fieri unâ æstate potuisse negat, sed cum omnes veteres Scriptores, & co-  
ævus *Cosmas Decanus* convincunt; *silent inter arma leges*, ut ait noster  
*Tullius*, itaque non modò profana in captis Urbibus, sed etiam sacra Ec-  
clesiarum cimelia exercitus Bohemicus diripuit; *S. Severus Pragensis E-*  
*piscopus* de voluntate *S. Adalberti*, qui id ei per quietem significarat, *S. Præ-*  
*sulis* corpus, & *S. Gaudentij* & quinque Fratrum corpora in Bohemiam  
devexit; alij etiam Ecclesiarum campanas, & ornamenta omnia (inter  
quæ Crucifixi Domini aurea tabula fuit trecentarum auri librarum) abs-  
tulerunt. Triumphum *Brzetislai* vix non parem antiquis gloriosè de-  
scribit *Cosmas Pragensis Decanus*, & nos ex eo in Epitome; ubi etiam vi-  
debis, qua ratione accusatio Polonorum adversus Bohemos elusa sit. At  
gratissimus Princeps *Brzetislaus* in præliorum locis, & post singulas vi-  
ctorias statuit aliquod pietatis suæ trophæum ac monumentum: Un-  
gariâ pervastatâ insigne & opulentum Cœnobium ad *Olomucium Hradisti-*  
*ense* fundavit, ad *Hercyniam* silvam, ubi *Conradi II.* filium *Henricum* po-  
stea Imperatorem III. in fugam egit, Cœnobium *Prvonnkanum* seu *Sto-*  
*kense* pro Eremitis Gueldmitanis, & Ecclesiam *S. Mauricij* in *Wissebrad*  
cum *Nosocomio* divite fundavit; ex Polonicis manubiis Collegiatam Eccle-  
siam *Vetero-Boleslaviam*, quæ jam olim sed tenuiter in paucis Canonicis  
consistebat, amplissimè locupletavit. Obiit militaris, & quod caput  
est, virtutibus divinis & humanis spectatissimus Princeps An. C. 1055.  
ad *S. Vitum* in Cathedrali tumultus verè *Achilles Bohemæ*, ut eum vo-  
cat *Pius secundus* Romanus Pontifex.

## Notæ in Caput XX.

Filiis Principum  
adultis  
aliqua Pro-  
vincia pru-  
denter com-  
mittitur re-  
genda.

**V**ivente Patre Moravia dominationem accepit &c. Prudens & laudatum con-  
siliū est eorum Principum, qui filios adultos, aliquā parte Imperij di-  
gnantur; leguntur jam in historiis exempla filiorum, qui in Patres insurre-  
xerunt, quod ab ijs in hæreditate quodammodo destituerentur: Cui de-  
disti conjugem, cur denegas hæreditatem? saltem partem aliquam Regni titulo Regionis ad-  
dito tribue! Sapienter *Carolus IV.* etsi tot haberet liberos omnibus tamen hæredita-  
tis portionem attribuit, ut hic *Marchio Brandenburgensis*, ille *Marchio Olomucensis*, alius  
*Brunen-*



*Brunensis*, alius *Znoymensis* diceretur: At contrà sentiunt, qui ad firmandum potentiam familiæ uni tantum filiorum omnia Regna committunt. Fateor firmari Regiæ familiæ potentiam, at familiam periculo interitus exponi. Porro non relinquitur *Successor dubius*, ubi ex familia vel unus superest: *Carolus IV.* cum tot haberet proles, & omnibus ijs de Principatibus, imò & de conjugibus ferè providisset, tamen pronepote nullum habuit. Ut de nostra Bohemia loquamur: ex quo tempore *Rosenses à Carolo IV.* jus primogenituræ, & *Majoratum*, ut hodie vocant, acceperunt, ab eo tempore familia periclitari cœpit, donec in *Petro Wok* initio hujus sæculi defineret.

*In Cœnobio Virgineo educabatur &c.* Certissimum est raritatem pretium rebus addere: quod cum cura & conatu magno acquiritur, id sinè dubio cum amore ( si amoris res capax est ) retinetur; semper enim res illa visa, periculi nos admonet, quod in ejus comparatione adivimus. Perversus tamen illorum amor censetur, qui quod legibus divinis & humanis vetitum est ( maxime in conjugijs ) concupiscunt, & tunc summam votorum se assecutos putant, si vel consobrinis, vel alijs consanguineis nurius potiantur; sic *aurum per lapidem Philosophicum*, ut vocant, acquisitum ( si tamen vera est fabula ) pluris æstimant, quàm illud quod Sol perfectissimum excoxit, pròque incerto illo, ac fortassè spurio metallo aurum certissimum & probatissimum profundunt ultrò; sic ferina caro, etsi olentissima, & verminans, quibusdam præ recenti, & suavissima carne sapit.

*Amor juvenem Principem ingentosum & fortem reddidit &c.* Amorem ingeniosum omnes vocant. At quænam hujus ingenij causa? arbitror ego eam esse potissimam, quod ex omnibus affectibus violentissimis componatur; ubi amor ibi ira, & ex hac crudelitas, vindicta, etiam rabies exsurgit, & innumeri alii, quos otiosis hominibus, enumerandos relinquo; quod de *vino Ovidius* dixit:

Et carmina vino

Ingenium faciente canunt,

Longè verius de amore dici posse puto. Pulchre id expressit prudentissimus *Dux Alcibiades*, qui scutum suum ex auro & ebore fabrefactum Amoris effigie incidi jussit, qui manibus fulmen frangebatur, significans potentiam amoris; hoc enim affectu laborantes omnes corporis & animi vires in unum illud, quod designarunt, impendunt.

*Conradus II. Caesar &c.* quomodo *Judith* ad *Conradum II. Casarem* pertinuerit, non conveniunt Authores. Vide Epitomen nostram: *Stransky Juditham Ottonis Albi* filiam ( quem ego *Palatini* ad *Rhenum* filium suspicor fuisse ) in *Monasterio Svinbrodano* apud *Ratisbonam* degentem, ut in eo castè & piè educaretur, raptam affirmat. Etsi in hoc Capite bella duo tantum posuerim, tamen probatiores Historici tria & hoc quidem ordine commemorant. primò. *Juditha* ex *Cœnobio Svinbrodicensi* A. 1025. rapitur, & eodem Anno legitimo conjugio *Bretislao* copulatur. *Conradum II.* coronatio, quo minus bellum moveret, remorata est, quâ peractâ in Bohemiam cum exercitu venit, injuriam per *Juditha* raptum ulturus; sed *Juditha* progressa in medium, *Casarem* pacavit, qui *Pragam* usque progressus, *Boleslavia Brzetislao* Investituram, ut vocant, contulit; ostenditur hodièque locus, & solium illud in quo *Caesar* sedit ante annos trecentos *Boleslavia* ostendebatur. Post abitum *Cæsar*is *Brzetislao* in Moravia cum Polonis res fuit, quos inde post varios belli calus ejecit. A. 1038. Poloniam aggressus est, & quatuor Urbes cepit, & de victis Polonis triumphum egit. Per hæc tempora A. 1039. *Conradus II. Salicus* decessit, ejusque loco filius *Henricus III.* jam antè electus successit, qui ingentem pecuniæ summam à

Amor pretium acquirit ex periculis.

Amor ingeniosus & fortis.

*Joach. Camen* in quest. Decur 10. Problema. 7.

De *Juditha* cujus illicpse fuerit.

Imperator cæsus à *Brzetislao*.



*Brzetislao* in Polonia raptam audiebat, eamque petebat, caussatus Poloniam vestigalem Imperio esse, scriptoque exercitu Bohemiam conabatur intrare; cæsus est cum suis, ut narrant Germani Scriptores, nominatis qui ceciderant Imperij Principibus. Anno sequenti *Henricus III.* Imperator ingentibus copijs Bohemiam intravit, & *Brzetislaus* Duce omnia sua Cæsari permittentem in gratiam recepit. An. 1041. *Brzetislaus* conciliato Cæsare *Henrico* pro eo adversus Ungaros pugnavit, & in posterum semper Amico & benevolo Cæsare usus est.

Fæminæ tamen bonorum quam malorum causa.

*Judith inter acies progressa &c.* Hic mihi in mentem venit Epigrammatis illius Græci, quod in Anthologia legisse memini, ubi Poëta ingeniolus argumentum Homericæ Poësios fæminam fuisse probat, scilicet *Iliadis Helenam, Odyssæ Penelopem*. Venustum est carmen, quod ad manum non habeo: etiam maximis Heroibus pudori non fuit bella pro fæminis gessisse; exempla adducere Statui meo inconveniens duco.

Si bellum foris gerendum, domi sit pax

*Ut primum sese domi firmavit Brzetislaus, foris bellum &c.* Turpe in prudentiam peccatum haberetur, si rebus domi non compositis, bella foris quærantur: frustra sunt foris arma, nî sit consilium domi, optimæque *Procopius Rasmus Magnus* belli Dux, sed malarum partium, dicere solitus est: *Plus ex domesticis centum hostes, quam ex alienis & extraneis decem millia nocere.* Idco cavent experti militiæ Duces, nè quid à tergo hostile relinquunt, præcipue in Patria militari. Videant igitur, & caveant, qui bella in altero Orbe gerunt, nè domi sua amittant, & in eos quadret proverbium: *Lynx foris, talpa domi*; existimo enim optimum fore, si & domi & foris *lynxes & talpæ* sint, id est: consilia pro Patriæ salute perspicacia suscipiant, Patriam verò suam velut talpæ permuniant; quod laudabiliter præstant, *Lusitani, Hispani, Batavi &c.* qui in altero Orbe Colonias duxerunt.

Celeritas in bello valet plurimum.

Ram. lib. de milit. Caij Julij, cas.

*Incredibili celeritate & felicitate quatuor Urbes maximas occupavit &c.* Celeritas pessimorum consiliorum mater dicitur, ego ita rem distingvo: ut consilia, quam maturrimè & minimè tumultuariè suscipiantur, suscepta verò, quam celerrimè ad exitum perducantur, id significasse videtur illud *Augusti* Symbolum: *festina lente*, quod *Delphino Anchora* implexo exprimebat. Magni & toto Orbe circumlatis victorijs celebratissimi Imperatores à celeritate consiliorum, & gestorum commendantur in historijs; *Alexander Macedo* interrogatus, quâ ratione tot Regna & Provincias obtinuisset, breviter respondit: *nihil differendo.* Idem *Genius Julij Cæsaris* Romanæ Monarchiæ Conditoris fuit (quem *Cicero fulmen* ob celeritatem appellat) qui cum quatuor legionibus armatis intra 24. horas quinquaginta millia passuum confecit, ut ex Lib. 7. belli gallici ad oculum demonstrat *Petrus Ramus*. Quam sententiam ex *Lucano* inter sua Symbola habuit *Albertus I. Cæsar* Austriacus Dux militaris & heroicus, qui brachium hastâ missili obarmatum pingebat, cum Lemmate: *Tolle moras.* Verissimum enim est, quod sequitur, *semper nocuit differre paratis*, cuius rei manifesta causa est: si enim quod bene consultum est, differas, alia, aliâque impedimenta intercurrent, aliæ aliæque remoræ, & adjuncta alia loci, temporis, modi, &c. efficient, quò minùs ad scopum pertendere possis; sæpe periculum est prodi; proditori autem maximè obstat celeritas.

Belli calamitas necessestia.

Plutarch. T. 2. Morali. lib. de Roman. Apophtheg.

*Non modo profana, sed etiam sacra exercitus diripuit &c.* Multa indigna bello fiunt, quæ averti nullo modo possunt, maximè si victor sit exercitus; huc quadrare potest illud: *venter præcepta non audit*, victoria enim insolens est, neque retineri potest miles, qui vitam aut sanguinem exposuit, & hoc pretio emisse se putat, quidquid apud hostes invenerit; neque facillè à Ducibus retineri, cum litui circumsonant, & (quod Magnus Dux apud *Plutarchum* dixit) præ strepitu armorum Leges non possunt exaudiri.

In



In praeliorum locis statuit Trophaeum &c. Trophaeum statuere victoriae gloriosum est, & DEO & hominibus (maximè si gratitudinis ergo statuatur) honorificum; admonentur posteri, ut grati DEO ob victoriam esse velint; tum ij, qui vicerunt, victoriam se beneficio DEI consecutos in omnem posteritatem profitentur; si templum sit, utraque pars pro occisis in misericordiam DEI recipiendis supplicat; trophæa hæc victoris mitem animum, & in victoria moderatum ostendunt, denique alia præterea esse possunt, quæ supra & infra cadavera mortuorum templa extrui Majoribus nostris persvaserunt; habemus in Bohemia plurimas ejusmodi Ecclesias in loco praeliorum extructas, ut in *Albo Monte*, post *Pragam Veterem* (nunc in *Urbe Nova*) Ecclesia S. Joannis na Bogissiti dicta, ad *Horzicium* S. Gothardum alibique, quod etiam meliores Ethnici observarunt; sed plerumque vanitatis causâ, ut ex cranijs & calvarijs erecta trophæa, de quibus *Herodotus* & *S. Synesius*, & ex Græcorum capitibus, quod statuit *Dionysius Pannonum Dux*, de quo *Cassinus*, & quod An. 1577. *Mustaffa Turcarum Dux* ex capitibus *Persarum* propugnaculum statuit, & in campis *Marathonij* *Pilarum* nomina (ubi quotnoctibus equorum hinnitus, & pugnantium vociferationes audiebantur) quodque atrocissimum est ex triginta millibus hominum sacrorum, erexit *Tamerlaneus Scythæ*, ut narrat oculatus testis *Schildberger*.

Trophæa crudelitatis vituperantur.

*Herodotus in Thalia se L. 3*  
*S. Synesius in Encom. Calvitij.*  
*Cass. l. 8. de eloq. c. 24.*  
*Abens To. 2. apot. 65.*  
*Pausan. lib. 1 Græciæ.*  
*In vita Bajazeti.*

## CAPUT XXI.

*Spitihnæus II. cognomento Justus, Bohemiæ Princeps XXIII.*



**B**rzetislaus quinque mares filios ex *Juditha* suscepit, quorum ex jure Primigeniorum maximus *Spitihnæus* Principatum Bohemiæ obtinuit; non potest satis describi Principis juvenis feritas; primi Germani, quos, ob matrem *Juditham* & Imperatorem *Henricum III.* aliasque causas plurimos alebat Bohemia (nam quædam ingenia Patriam habent, ubicunque bene est) in odium Principis in-

currerunt, hos perniciali prorsus odio prosequeretur; in exilium mittebat, quicumque Bohemicam non callerent, aut discere dedignarentur; quo titulo *Antistitam* S. *Georgij* & Matrem ipsam *Juditham*, cum nationem contemnerent, in exilium misit; illud *ferinum*, fratres suos, quibus Pater legitimam hæreditatis portionem dederat (*Wratislao Olomucensem*, *Conrado Brunensem*, *Ottoni Znomyensem*) suis Patrimonialibus spoliavit, uxorem fratris *Wratislavi Arabonam*, in vinculis habuit, & cætera

K 3

indigna

*Spitihnæus*  
*S. Viti monitu mores ferinos exiit*



indigna memoratu perpetravit, eaque crudelitas sat diu tenuit, quo fratres omnes exilium Patriæ prætulere, nulla erat frugis melioris spes; sed *S. Vitus Adolefcens* Cælo delapsus, correxit Principem, & execrabile Imperium crudelitatis ostendit, docuitque homines humanè regi oportere. Itaq; *Spitihneus* cum aliquo tempore belluam quamcunq; (*Leonem*, aut *Ursu* &c.) expressisset, desubito laudatissimus Princeps unâ nocte evasit, meruitque, ut inter *pios & justos Principes* numeretur, cujus vitam inter optimos Principes Lib. 4. Miscellaneorum descripsimus. Illud singulare *Spitihneus* habuit: quod quotidie, manè & vesperî conclave ingressus Crucifixi simulacrum uno minimum quadrante horæ intueretur cum lacrymis, & divinis affectibus, qui nascebantur ex tempore, salutaret. Obiit sanctissimè fratribus hæreditate longè antè restitutâ, *Litomericensi Ecclesiâ collegiatâ fundatâ*, *Basilicâ S. Viti* ædificationibus amplificatâ, eo consilio, ut *S. Vitus*, *S. Wenceslaus*, & *S. Adalbertus*, uno fornice Ecclesiæ tegerentur; An. 1061. 28. Januarij.

## NOTÆ in Caput XXI.

Fœcunditas  
Principis po-  
puli solatiū.

**Q**uinq; mares &c. Optanda Regibus, imò & ipsis subditis fœcunditas prolium est, ut Regia Familia conservetur, ut Regna successores dubios non habeant, semperque timeant, in omne ævum futuros ultores rebellium. *Aquila* dicuntur proles suas, si multæ sint, exhæreditare; sed id propter difficultatem educationis contingit, quæ cessat in Regibus, quos etiam Marchionatu vel Ducatu, vel Comitatu contentos cum expectatione rerum futurarum, in historijs legimus.

Fera mens  
rarò in totū  
exiit.

*Principis juvenis feritas &c.* Si verum est, quod naturæ descriptores tradunt: humanas mentes aliquo tempore, sive in juvenia, sive in senio exerrare; magna *Spitihnei* felicitas fuit prius exerrasse, postea sapuisse, nam sapuisse prius, postea delirasse, summum est dedecus. Ità *Nero* Imperij sui initio optimus Princeps, deterimus evasit: de quo Seneca adulatoriè scripsit, *magnam adibat aleam Populus Romanus, cum incertum esset, quo se statim Nobilis inadoles daret, jam vota publica in tuto sunt, nec enim periculum est, nè te tui subita capiat oblivio.* Ubi *Lipsius* in Notis: *O quam falsè dictum! primum enim quinquennium Neronis ita laudabile, ut Trajani celebre dictum fuerit: procul distare cunctos Principes à Neronis quinquennio; sed media & finis præcipitârunt.* Felicior *Spitihneus* noster, cujus priora gesta similia *Neronis*, postrema *Titi* aut *Traiani* fuerunt.

Patrij homi-  
nes exteris  
præferendi  
in Patria.

*Primi Germani in odium Principis incurrerunt &c.* Exorbitans prorsus affectus est, quem vocant *Nationalitatis*, qui præter nationem suam, odit omnes; *Cives mundi* nascimur omnes, & si qua præclara reperta, ut *Lucretianè* loquar, in uno inveniantur, in totius humani generis utilitatem converti debent; at simul videndum est, exterorum & patriorum hominum discrimen, & (si ordo justitiæ distributiæ servandus est) exteris, Patriæ homines præferendi, ut nullâ ratione dictum videatur, quod audiui non semel: *In Regnis Nationalitatem admittendam non esse, & externos domesticis (ut in Religiosorum familiis servari solet) præferendos esse.* Quidquid sit de Religiosorum familiis, in Republica locum non habet: quia repugnat naturæ, & ordi.



ordinatæ charitati, quæ nos majorem rationem docet habere Civium, quàm exterorum; pugnat cum legibus patrijs, quæ in omnibus Regnis primam curam patriorum hominum esse jubent, & ab aliquibus munijs Regnorum externos omnino excludunt; adversatur rationi, cum credibile sit patrios homines Patriam amare, de exteris id sæpe non constet, quorum *charitas*, ut ait *P. Causinus*, *manus habet aduncas*, id est in Patria non sua, aut pilcatum (clariùs dicere nolo) aut venatum, aut mercatum exercent, & ubi ad summum pervenerint, homines patrios excludunt. Ridicula est *Æsopi* fabula, in qua *Erinaceum* inducit, *lepusculi* cavernulam subeuntem, & ob hyemis inclementiam nocturnum cubile postulante; assensus est simplex *lepusculus*, & hospitem spinosum in nidum admisit; alterâ nocte *Erinaceus* medium nidulum occupavit, & uno alteròve ictu veterem incolam læsit, illo multum gemente & querente: tertiâ nocte *Erinaceus* jam violentior multis primùm ictibus concubito rem suum vulneravit, & tandem extremo verberare miserum graviter perfodit; exiliit & exclamavit miser, & se de nido proripuit; questusque injuriam, hoc pro responso accepit: *Hanc esse sibi consuetudinem, proinde alium nidum quæreretur, & abiret.*

*Quadam ingenia Patriam habent ubique &c.* Vetus est verbum, quod *Heliodorus* in sua *Chariclea* (ex quo in *Argemidem* suam multa trantsulit *Barclayus*) recitat: *Patria cordato est Urbs quævis viro*; quod tamen Orator præstantissimus *Lysias* potentissimis rationibus apud *Muretum* expugnare conatur, ajens esse sententiam hominis sua commoda amantis, inepti ad Rempublicam, qui non laboret, quid Patriæ suæ fiat, unde primum spiritum duxit; denique Cives bonos, nisi Civitati bene sit, nè sibi quidem bene esse putare.

*Homines humanè regi &c.* Ferè ab hominibus crudelitate homines, à fèris humanitate distinguuntur. Legimus in fabulis, olim fuisse Regna ferarum, ut *vulpes* v. g. alio sæculo *Ursi*, alio *Leones &c.* dominarentur; omne illud Regnum feritatis erat, neque jam timendum est, ut redeant belluarum Regna; contingit tamen, ut belluinis moribus homines regantur, ut Regnum belluarum aliquando rediisse videatur. *Harpyiarum* similes avaros præfectos comparat *Juvenalis*, cum canit:

cuncta per oppida curvis

*Ungvibus ire parat, nummos raptura Celeno;*

Imò ultra progressus est *S. Synesius*, qui *Andronicum Libyæ Præfectum Martiam demonem* appellat, qui plurimos Cives, tanquam convivio lacrymis excepit, & omnium belluarum feritatem superavit.

*Crucifixum intueretur &c.* Nihil ad pietatem promovendam magis esse potest, quàm Crucifixi DEI aspectus; sensere id viri sanctissimi, neque ingeniosis, pijs, & maximè DEO charis hominibus deesse potest, quod illo affectu, & aspectu meditentur. *Imperatores Constantinopolitani* cubiculum quoddam paraverant sibi, in quo *Imperatrices* parerent, puerperij tempus consumerent, & Imperatorios pueros educarent; cubile illud *Purpura* dicebatur, & Imperatores se in *Purpura genitos* gloriabantur; at quàm sæpe illorum *Purpura* in lacernam mutata est! Crucifixi cubile Regium *Spithnaum* cœli purpuratum constituit, cujus orantis lachrymæ quotidianæ Christi sanguine dilutæ æternam illi in cœlo

coronam meruerunt.

Precario admissis sæpe imperiosus evadit.

L. 3. *Æthioporum.*

An ubique homini sit Patria.

*Muretus in varijs lectionibus lib. 2. cap. 3.*

Homo homini lupus.

In Epist. 57.

Purpura Imperatorum cubile.



## CAPUT XXII.

*Wratislaus II. Bohemiæ Princeps XXIV.  
tandem etiam primus Bohemiæ Rex.*

Wratislai  
conjugia.



Præmia for-  
titudinis.

M. S. Calen-  
dar. Eccles.  
Prag.

Wratislai D.  
foundationes



**W**ratislaus II. Dux Bohemiæ, Patre sic ultimâ voluntate statuente, Princeps Olomucensis à Spitihneo fratre pulsus in Ungariam se recepit, ductâ ibi filiâ Regis Adletâ (nam prior conjux Arabona jam gravida post maritum properans in itinere perierat) ex Adleta hac, vel Adelheide duos filios & filias suscepit (ut in Tabula Genealogica videbitur) quâ extinctâ A. 1062. 26. Januarij, tertia conjux Swatawa, Polonis Swien-tochna Casimiri Polonia Regis (olim Monachi) filia, Wratislao venit in manum, eique quatuor genuit filios, ut postea patebit in Tabula. Ergo Wratislaus Spitihneo fratre extincto, revocatus in Bohemiam cum Henricum IV. bellicis obsequijs totum sibi devinxisset, post annos quindecim (A. C. 1086.) ab eodem titulum & Coronam Regiam accepit, primusque Bohemiæ Rex salutatus est; coronante Jaromiro fratre Episcopo Pragensi, Trevirensi Archi-Præsule, & Bennone Episcopo Misnensi adstantibus. Quod tamen personæ Wratislai datum, non Regno, aut ejus posteritati fatemur; nam alij Principes Bohemiæ eâ se dignitate onerari credebant, quod Bohemiam honoribus istis, Imperio paulatim subjici suspicabantur. Silesiam (quæ tum Polonia nomine censebatur) novo Regi adjectam memorant Germani Scriptores; de censu Polonico controversiam in Epitome dissolvimus. Leopoldum Austriæ Marchionem Moraviam vastantem profligavit An. 1086. Ab Imperatore Henrico IV. Lusatiam accepit An. 1075. in prælio quo Rudolphus ab Henrico Imperij competitor victus est, heroico facinore hastam Rudolphi manu extorsit, quam celebrioribus per Annum diebus Bohemi veteres in templo Populo monstrabant. Opatoviciū Cænobium S. Benedicti, quo non ditius ullum, sub Cunaci monte, fundavit, Pragæ item Ecclesiam Wissehradensem magnificè exstruxit, & Collegialem Ecclesiam Regijs sumtibus stabilivit, ejusque Collegii Præpositum Principem & Cancellarium Regni in per-



perpetuum esse jussit, ob hæc illustriora facinora *Mitram Episcopalem* à Pontificibus meruit, ut eam ubicunque libêret, jectaret. Obiit An. C. 1095. (*Stransky* per errorem An. 1093. posuit) 14. Januarij, sepultus in *Ecclesia S. Petri Wissehradenſi*; quidam tradunt eum in venatione repente apoplexiâ tactum, equo decidisse mortuum. Laudatissimus Princeps, qui *Bohemiæ Coronam* apposuit, & inter tot Slavici nominis hostes, aut saltèm invidos, majorum & latiorum Regionum Dominos, Bohemiam angustam satis Regionem, virtute, & factis militaribus Regiâ dignitate primus ornavit.

## NOTÆ in Caput XXII.

**W** *Ratislaus &c.* Multa in nominibus antiquorum superstitio fuit, ut gloriosa nomina imponerentur ijs, quos gloriosos & felices esse cupiebant, processitque in Legiones Romanas, Coloniarum foundationes, aliâque publica Opera hæc superstitio, ut *Valentes, Firmi, Salutares*, aliisque felibus nominibus appellarentur. Notissimum est *Machiavelli* monitum, ut filij Principum, *Alexandri, Julij Caesares, Pompeji &c.* appellentur. Sed nomina sæpè discrepant à rebus, & noverunt prudentes nullam esse nominum cum rebus gestis necessariam, imò neque probabilem connexionem. In Principum tamen Nomenclatura existimo magnum esse nominum delectum habendum, ut Avorum, ut eorum in quorum gratiam sic nominantur &c. memoria conservetur. Sic *Wratislaus* (quod *gloriam reducentem* significat) nomen accepit.

In nominibus nō semper est superflua cura.

*In Ungariam se recepit &c.* Maximum auxilium est ab inimicis, & salus sæpè numero; *Wratislaus* ad *Ungaria Regem Bohemis* inimicum confugit, ibi nactus auxilium & gratiam, quam frater negabat: Odia Principum miscentur amoribus, eoque pertinaciùs amant, quò magis in odijs secum communicant; ad hostem fugere certissima gratia, cum tibi prius hostem communem feceris; amor dissimilis est odio, nam ille tertium non admittit, odium tibi cum alio commune conciliat amorem, & paratam defensionem; non enim hostis causam examinat, sed odium communis hostis approbat.

Amici inter se sunt, qui tertium odiorunt.

*Fratre extincto revocatus &c.* Revocatus est à moriente fratre, qui odia omnia in Christi cruce sepelivit; sed quamvis hæc abessent, *Principum voluntates ambulatoria sunt*, & odia ex tempore suscipiunt, aut deponunt, ac sæpè deponere velent, nisi pertinacia & autoritas obstarent, & quòd errâsse videri non volunt; at perverta hæc opinio est, siquidem factis Regijs addit *Majestas* auctoritatem, ut prudenter & ratione factum esse credatur, quòd Princeps mutavit.

Non dedecet Principē ponere odia

*Bellicis obsequijs Casarem devinxit &c.* Nulla fideliora obsequia reputari possunt, quàm ea, quæ per militiam comprobantur. Ibi de vita periclitamur, quam tamen Imperatori usque ad ultimam sanguinis guttam consecramus, optimèque dixit alicubi vetus Scriptor, *quid sit circa cor, clarissimè prælum ostendit*; nam etsi naturali quodam genio in hostes generosi milites ferantur, tamen mori velle pro Principe summa amoris probatio est, neque scio an major esse possit. Ex quo Capite *S. Synesius* conficit: in Principe summum militum amorem & æstimationem esse oportere, illorum curam gerere, commoda procurare, stipendia justè persolvere, bene meritos præmijs afficere, & si fieri possit, omnes nôsse, qui toties pro Principe mori voluerunt.

Militia est fidelitatis summa probatio.



Corona pretiosa suspendita super tumulum Principis.

*Primusque Bohemia Rex &c.* Hoc merito postea super *Wratislai* hujus tumulum, in Ecclesia *S. Petri Wissehradensi* filius *Coronam* insignis magnitudinis ex auro & argento affabre confectam, & gemmis clarissimis lucentem suspendit, quæ toti *Bohemia* admirationi fuit. Et merebatur hæc *Wratislai* virtus, qui & pietate, & justitiâ, & in bellis fortitudine omnium Principum Imperij sententiâ inter ævi sui Duces emereret.

Epit. l. 3. cap. 8.

*Silesiam adjectam memorant Germani Scriptores &c.* Id certissimum esse probavi in Epitome; unde in ejus coronatione in Ecclesia *S. Viti Cosmas Pragensis Decanus*, qui aderat acclamatum esse ait: *Wratislao Regi tam Bohemico, quam Polonico, magnifico, & pacifico, à DEO coronato, Vita, Salus, & Victoria!* Poloniæ nomine *Silesiam* intelligi oportere ibidem diximus. De tributo, quod Poloni pendebant, dubitari nullo modo potest, autoritate non tantum nostrorum, sed Germanorum omnium Scriptorum autoritate, qui insuper narrant *Brzetislaus II. Boleslao* Poloniæ Duci munus *Marescalli* in Aula sua contulisse, proque eo munere gesto stipendium numerasse illud ipsum tributum, quod quot annis ex Poloniâ pendere debuerat.

Tributum ex Silesia.

*Episcopalem Mitram &c.* Eam in rem literas *Gregorij Papa VII.* recitabo in fundamentis Regni Bohemiae, parte I. initio.

## CAPUT XXIII.

*Conradus Princeps Bohemiae XXV. &  
Brzetislaus II. ejus nominis, Princeps  
Bohemiae XXVI.*



Conradi & Brzetislai gesta.



*Conradum I. Marchionem Moraviae* sibi conciliatum *Wratislaus II.* frater tanto amore dilexit, ut præ filiis suis Proceribus commendârit, & ad Principatum promoverit, sed hic honor *Conrado* in titulum sepulchri tantum concessus videtur, cum nonnisi septem Menses, & septemdecim dies nullâ re memorabili ob breviter Principatus gestâ decesserit.



rit, duobus filiis *Leopoldo & Ulrico* relictis, priori *Znoymensem*, alteri *Brunensem*, Principatum attribuens. *Brzetislaus II. Wratislai Regis* primogenitus Princeps Bohemiæ An. 1093. ab exilio Ungarico reversus post *Conradum* patrum (non post patrem) salutatur. Erat hoc in Germania more quodam receptum, ut alibi diximus, ut non filij Patribus, sed fratres, si superstites essent, succederent. *Brzetislaus* nobilitate Bohemicâ quàm maximo numero ad se Pragâ evocatâ, humanissimè triduo convivij, ludis, aliisque humanitatis significationibus tractatâ, amorem sibi omnium facili negotio lucratus est; tum Religionis studio initio Principatûs omnes è vestigio fortilegos, veneficos, sagas, & hujusmodi artium vetitarum Magistros Bohemiâ expulit; mox cum ei tributum Polonipendere recusarent, scripto exercitu Poloniam ingressus ferro, & igni populatus, *Wladislaum* Poloniæ Principem, eò denique multis cladibus illatis adegit, ut tributum (erant sexaginta auri & mille argenti marcæ, quas olim *Brzetislao I.* Poloni numeraturos se in annos singulos promiserant) statim penderet, idemque successoribus suis numeraturum se promitteret. Sed in medio tantorum operum, ac potiùs principio (si hujus Principis virtus, & fortuna spectentur) per insidias in venatu occisus est, non procul à villa *Stebnensi*, à *Loreko Wrssowecio* Anno 1100. sepultus ad *S. Vitum Pragæ, in Capella S. Thomæ Apostoli.* *Lucretiam Palatini Rheni* filiam, quam viduam acceperat, viduam reliquit, cum filiis duobus, de quibus in Tabula IV.

Tributum  
Polonicum  
ferro exigitur.

## NOTÆ in Caput XXIII.

**F**ratrem sibi conciliatum &c. Quid causæ sit, quòd fratrum tam rara sit concordia, disputent Politici; mihi videtur dignitatis conservandæ ratio in Principibus suspicionem movere; fratrem enim nostrum suspicamur (si Populo non placeat Princeps) moliri multa posse; habere Jus quoddam ad Principatum, id quod nos habemus; ausurum multa, & si fortuna faveat, ascensurum ad Principatum, ideòque hanc illi eripere facultatem regnantes conantur; quod manifestum est, in Imperatoribus *Barbara gentis Turcarum*, qui cum Regnum obtinuerint, omnes fratres sine exceptione occidunt; in gentibus humanis, & ad humanitatem genitis alia ratio est, qui fratres suos inprimis amant, sed aliquando odisse, propter causas, quas suprà attulimus, incipiunt; grave autem odium esse oportet, quod amorem fraternum prorsus extingvat, & fratrem omninò velit perire.

Cur rara sit  
fratrum cõ-  
cordia.

Ob brevitem Principatûs nulla re memorabili gesta &c. Quàm multi egregij Principes exempla posteritati absolutæ & perfectæ gubernationis daturi, brevitate vitæ sublatis sunt, & nihil præter nomen in historijs reliquere! de hac brevitate vitæ omnibus libris suis queritur *M. Antoninus* doctissimus Imperatorum in vita sua, inter alia aurea dicta Lib. 6. in hoc flumine temporis, qui res æstimat, is perinde agit, ac si quis unum de prætervolantibus passerulis diligere incipiat, atque is jam è conspectu, avolaverit; quod de vita Regentium inò & hominum omnium dici potest.

Vita brevis  
pulcherrima  
cogitata  
evertit.



Nobilitatē  
boni Prin-  
cipes amant

*Nobilitatem humanissime tractavit Brzetislaus &c.* Multa ex hac humanitate *Brzetislaus* consecutus est bona: nam Nobilitatem demereri, est Regnum universum demereri, cum ista sit caput consiliorum, & manus agendorum. *Princeps*, qui *Nobilitatem* tollit, ignobilis erit, & solis rusticis imperabit inglorius; atque utinam licet serius, non sentiat extremos morsus pereuntis *Nobilitatis*! multum etiam prodest *Principi Nobilitatis* convocatio: vident enim multitudinem *Nobilitatis* *Principi* faventem, & in ejus defensione hoc aspectu plurimum confirmantur; adde humanitatem Principis, quā capiuntur præcipue *Nobiles*, totosque se Principi obsequio dedunt & mancipant.

Principatus  
initia Popu-  
lo probari  
debent.

*Omnes artium veterum Magistros expulit &c.* Initio Principatus aliquid magnū, & quod Populis subiectis placeat aggrediendum est, ut spes magnæ de futura *Principis* gubernatione concipiantur, à DEO & rebus divinis sumendum esse principum iuvant Politici, deinde ad commoda Populi respiciendum: parva sæpe initio Regni pauperis Populi sublevatio obnoxios Principi reddet omnes; quod consilium dederunt senes *Roboamo Salomonis* filio; non tamen id nisi pedetentim faciendum, nè multa populus à Principe desideret, quæ si non impetret, Principem odisse incipiat. Ob quam causam *Annibal Scotus* prudentissimus Scriptor monet; nè à Principe novo, & recens creato multa petantur.

Scot. Comm-  
in Tacit.

*In medio operum occisus est &c.* Mirabile illud quod observant eruditi Scriptores, & exemplis probari potest, maximos Principes in consilijs & operibus præclarissimis morte sublato, opera imperfecta reliquisse; id apparet in Isthmo perfodiendo, quem laborem multis Principibus fatalem fuisse observat *Justus Lipsius* *Commentarijs in Tacitum*.

## CAPUT XXIV.

*Gubernatio Bohemiae ob multitudinem competitorum ex Regio Sangvine Principum mirè conturbata.*

Certamina  
Principum  
Bohemiae  
noxia popu-  
lo.



**R**atio iniri *Principum Bohemiae* non potest hoc tempore, cum enim excrevissent numero, omnes ad *Principatum Bohemiae* ius habere se credebant (cujus rei exemplum nuper *Wratislaus* dederat præterito filio, & fratre substituto, idemque postea *Brzetislaus II.* præstitit) itaque post *Brzetislaum II.* cum *Borzi-vojus* frater eidem *II.* successisset, & *Germanorum* auxilio subnixus, *Ordinibus Bohemiae* inconsultis An. 1100. ut priore Capite dixeram, Ducis honorem & titulos assumsisset, statim alij *Principes Regij sanguinis* per favorem *Optimatum* & Populi *Borzi-vojum* excutere, & de solio deturbare tentarunt; primusque *Udalricus A. 1101.* Princeps *Brunensis* *Conradi I.* filius, deinde & *Svatoplucus* Princeps *Olmucensis* *Ottonis I.* filius An. 1104. & 1105. rem aggressi sunt; ac primum quidem res non procedebat ex voto, tamen cum *Wladislaus Borzi-voj* frater,



frater, fratrem deseruisset, de communi Bohemiae Ordinum consensu *Wladislao* ipsi delatum Imperium est, qui modestissimus Princeps, cum implicari ambitione nollet, *Svatopluc*o egregio juveni & ad magnas spes & res genito praerogativam Principatus concessit; at *Henricus IV.* Imperator in primis *Borzi-vojum II.* restituere in integrum voluit, *Svatopluc*o verò ingentem pecuniae vim promittente Principatum contulit. Interim *Sobeslaus Wladislai* frater minor Principatum affectabat, auxilio Polonorum, quorum exercitum usque *Trutno-vium* adduxit; quibus attentatis (maximè quòd *Svatoplucus* à *Tista-Wrffo-vecio* proditoriè jam occisus erat) *Henricus* Imperator offensus, modestum & inter omnes Regij Sangvinis Principes moderatissimum *Wladislaum* rursus Bohemiae Principem dixit. Mirabuntur forsitan Lectores mei hæc tam perturbatè & confusè à me narrari, non potest ambitio exerrans in ordinem redigi, eoque tempore viginti facillè *Bohemiae Principes ex Przemislao* sanguine vixerunt, quorum singuli In suo capite *Coronam* sedere, & in manibus Sceptrum crescere optabant; unus *Borzi-vojus* ter *Bohemiae Princeps* fuit, semper dejectus, ac tandem in exilio diu post decessit. Idem est de aliorum Principum conatibus; quod de quadam barbara Gente, idem tum in Bohemia accidisse puto, ut qui alterum viribus fretus, de sella regia deturbaret Rex esset; sic nostri Principes mutuò sese impellebant ad calum, nec ipsi tamen stabile solum, cui insistere possent, habebant; donec *Wladislaus I.* (ut dixi, dicamque Capite sequenti) eoque ultrò favente & annuente *Sobeslaus I.* optimis artibus usi Bohemiae Principatum sibi, & suo generi constabilissent. vide Epitomen. Hos Principatus captatores (quales fuere *Brzetislai*, *Borzi-vojij*, *Ulrici*, *Svatopluci*, *Interreges*, *Crato*, *Crugerius*, *Solimanus*, aliique appellant, quòd inter duos Reges *Wratislaum II.* & *Wladislaum II.* intercesserint) nos eos *Interregum* nomine non dignamur, principalis tamen sanguinis reverentiâ Principes, sed sinè ordine, cum nihil ordinatum in ambitione esse possit, appellamus. *Wladislaus* igitur *Wratislai* Regis filius Bohemiae XXIX. Principes esto.

De Novogardia id dicitur vide Silvium Comment. in vit. Alphonsi L. 2. Num. 6.

## NOTÆ in Caput XXIV.

**C**um Principes excrevissent numero &c. Nescio quid cum ipso sanguine inustum habeat *Nobilitas*, ut ad alta omnia aspiret; laudabilis *Genius*, si modò intra rectæ rationis & justitiæ terminos contineatur: non enim omnia omnibus debentur, nec omnes idonei sunt Regno, qui Regnum affectant. Illud observatione dignum, quòd cum plerique homines nunquam artem, quam non didicerint, profiteantur, omnes tamen, quicumque vel minimum ingenio valent, Populis regendis aptissimos se existiment, cum imperare ars artium sit, neque feliciter nisi à prudentissimis tractetur. Jam quas non turbas dederunt, de quibus dixi *Bohemiae Principes*, qui & sibi deberi *Coronam*, & se aptos, alios præ alijs

Principum animi ad spes novas erecti ægrè continentur in officio.



crediderunt, maximè cum juvenus temeraria faces ambitioni subjiceret? unus sæpe inexpertus juvenis admotus Principatui, mirabiles excitare turbas potest, quanto id magis, si ambitioforum juvenum omnia pro gloria audentium numerus augeatur? & fuere Principes sanguinis illâ ætate plures vicenis, quod *Cosmas* vetus Scriptor antiquo carmine expressit: *Fam sunt viceni, nisi fallor ego domniceni.* Harum discordiarum *Wratisslaus II.* & postea *Conradus I.* semina sparserunt, qui præteritis propriis filiis, fratres, patruelles, eorumque filios suâ autoritate post se regnatos denominarunt, & hâc ratione *dubios successores reliquerunt*, certis que hostes regnantibus excitârunt, cum dubitari non posset, filios (qui parentes Principes habuerunt) omnia moturos, & omne tempus captaturos, ut paternum Regnum recuperare possent, quibus sese faciliè addunt, qui præsentem statum oderunt: nunquam enim defunt in Regnis, qui res novas exoptent, & rerum mutationem, si adsit occasio, moliantur, aut expectent.

Exteriorum  
consilia tæ-  
pe Patriæ  
noxia.

Vide Minister.  
Card. Richelij  
l. 3. c. 19.

Moderatio  
Principem  
constituit.

Liv. Dec. 1.  
lib. 2.  
Idem lib. 22.

Pecuniæ o-  
bediunt o-  
mnia.

L. 1. de clem.  
c. 1.

Parricidium  
Principis cæ-  
des.  
In Tit. ad Leg.  
Jul. Majest.  
per totum.  
Synesij de Re-  
gno ad Arcad.  
Imp.

*Germanorum auxilio, Bohemis inconsultis &c.* Semper suspecta esse solet patriis hominibus Exteriorum potentia, aut etiam multitudo: exempla omnium Regnorum Scriptores suppeditant. Prudenter *Lipsius*, & oraculo quàm humanæ voci propius: *Sicut domicilij parietes crepantes, ruinam instare docent; sic copia frequentiaque Exteriorum in Republica, certum mutationis indicium præferunt.*

*Wladislaus mod. stissimus Princeps &c.* *Wladislaus* neque oblatum aurum, neque indigna adulatio, aut cognatorum oppressio, aliæque hujusmodi causæ, Principem fecere, sed propriæ virtutes, & summa animi moderatio; bis recusavit Principatum accipere, tertio non sinè Procerum precibus accepit, & iterum repudiavit, verumque esse ostendit, quod olim de *Fabio* triumphum recusante scripsit *Livius*: *adèd sprete in tempore gloria, interdum cumulatior redit*, & quod idem *Fabius* dicere solebat: *Gloriam qui spreverit, veram habebit.* In eundem sensum *Claudius Ptolemæus* maris & terræ, insuper & astrorum *Mensor* accuratissimus dictitabat: *qui inter sapientes humilior, vel animo moderatior est, is etiam sapientior est*; quod ejus dictum quia frequenter habebat in ore, sub ejus effigie subscribi sæpe vidi; magnum enim argumentum prudentiæ habetur, cum summa sapientia animi moderationem conjungere, & quò ea major & sincerior fuerit, eò magis animi motus componit.

*Svatoplucus ingentem pecunia vim &c.* *Pecunia est aliter sanguis*, dicunt Juris-Consulti, igitur caro venditur, quod pecuniâ emitur; at hodie nihil est levius, quàm pecuniam dare. Omnia venduntur & emuntur; ubi nummi sonitus auditus fuerit, omnia expugnantur. Uncia auri unica plùs ponderat, quàm centenarius justitiæ; multis pecunia carior est animâ: hoc mirius est, Principes & Reges pecuniæ cupiditate ad iniquas promotiones adductos aliquando fuisse, & justitiæ pecuniam prætulisse, quod omnibus Regijs virtutibus adversatur; cum fortuna à Principe in subditos debeat derivari, qui missilia jacit; quod pulcherrimè *Seneca* describit, ubi *Neronem* inducit loquentem: *quid cuique mortalium fortuna datum velit, meo ore pronuntiat; ex nostro responso letitia causas Populi Urbisque concipiunt; nulla pars unquam, nisi volente propitiâque me floret &c.* Sed Reges rarò in hoc peccant, Regum Ministri sæpissimè.

*Svatoplucus proditoriè occisus &c.* Maximum crimen est læsæ Majestatis, ita docent Juris-Consulti. Græcus Scriptor persapienter agebat: *Etiamsi ex Principe bella fieret, tamen tolerandum, multò minùs occidendum esse*, multa tamen Tragediarum argumenta (proh dolor!) cædes Regum dedere, & plerique innoxie ceciderunt! *Synesij* verba recito: *Vides, ô Imperator, quàm multa ex Regibus copia Tragediarum scenis suppeditetur! quippe mediocris domus magnitudinem calamitatis non capit, neque infortuniorum gravitati, mendicorum vita obnoxia est &c.*

Ambi-



*Ambitio exerrans in ordinem redigi non potest &c.* Nullus facile in hominibus affectus invenitur, qui eripiat consilium, quàm amor & ambitio; cæteri affectus stultitiâ excusantur, ambitio cum sapientiæ significatione delirat, & ridetur; imò rideri se non sentit, sed aliorum risus, & penè irrisiones in argumentum excellentiæ suæ trahit; ingeniosè Seneca: *Facit avidos nimia felicitas: nec tam temperata cupiditates sunt unquam, ut in eo, quod contingit dari, quiescant: gradus à magnis ad majora fit, & spes improbißimas complectuntur, insperata affecuti.*

Duo maxime affectus rationem pervertunt:

*L. I. de clementia.*

## CAPUT XXV.

*Wladislaus I. ejus nominis, Bohemiæ Dux  
XXVIII. Item*

*Sobieslaus I. ejus frater, Wratislai II. Bohemiæ Regis filius, Bohemiæ Princeps*

*XXX.*



**W**ladislaus I. non desiderando Regnum, Regnum meruit & invenit; Boleslawiensis Princeps in historia vocatur, à diuturna eo in loco habitatione; quâ suâ moderatione, omnes competitores superavit, maxime annitente Henrico V. Cesare. Fundavit amplissimè Cænobium Cladrubense; cùm ad colloquium Stephani Ungariæ Regis venisset, fraude cujusdam Nobilis Ungari loco pacis prælium est initum, in quo Wladislaus vicit. Sobieslaum, uti & Borzi-vojum fratres, & Ottonem patruelem recepit in gratiam; Borzi-vojo II. fratri ex gratia mediam partem Bohemiæ regendam concessit; at quia nesciebat fortunâ uti, rursus abstulit, isque in Ungaria tædio vitæ decessit; in Borzi-voji locum moriens, S. Ottone Bambergensi Episcopo agente, Sobieslaum I. etiam proprio filio præterito Proceri-

Wladislaus  
laudatissi-  
mus Prin-  
ceps.



ceribus commendavit, & post se Principem nominavit. Obiit 2. Aprilis An. 1125. Cladrubium deVectus ad tumulum.

Sobieslai mi-  
ra felicitas  
& fortitudo

*Sobieslaus* I. inde, ut dixi, à *Wladislao* commendatus Proceribus, Solium Principale conscendit. Huic Principi paucos pares Bohemia vidit; sed initia tamen nihil læti promittebant, nam *Otto II. Niger* cognomine *Ottonis* primi filius *Princeps Olomucensis* promissis in suas partes attracto *Lothario Cæsare*, primus in *Sobieslaum* duxit: commissum est prælium ad *Cblumecium* ad *Cydlinam*, in quo *Otto* occisus, *Lotharius Imperator* captus, cum plurimis Imperij Principibus (quos inter *Albertus Ursus Brandeburgi Marchio* fuit) dissipatus universus Saxonum exercitus, & in fuga cæsus. *Sobieslaus* humanissimè Cæsarem habuit, & reverentiâ Majestatis dimisit; quo effectum est, ut *Lotharius Sobieslaum* ob virtutes unum præ omnibus miraretur, foveret, & in omni vita charissimum haberet, hæc acta 1126. 2. Martij. Post hæc *Sobieslaus* in Poloniam exercitum duxit, eamque ter omnino pervastavit, ut *Belam II. Ungariæ Regem* (cujus sororem *Adletam* in conjugio habebat) ulcisceretur, quem Polonus bello vexabat. Post domi & munitam & florentem Bohemiam magnorum Regum exemplo efficere aggressus, primum omnium *Pragam Majorem*, quæ ligneis tantum domibus constabat, Italico more designatis prius plateis omnibus exstruere cœpit, ac plurimis Privilegijs ornavit, Populòque implevit; deinde *Görlicium* condidit, quæ primitus *Horzelecz* dicta est, in Bohemia verò *Przimdam* seu *Frimberg*, & *Glacium*, & *Tachoviam Civitatem* reconcinnavit, *Misam Civitatem* fundavit. Nec contentus humanis & terrenis auxilijs Patriam permunire, cœlestia auxilia magnificè quæsivit: *S. Georgij* templum in monte *Zrit* totâ ferè Bohemiâ spectabile denuò excitavit; *Cænobio Siloënsi* initium aliquod dedit, ut *Pulkarva* scribit, *Wissehradensem Ecclesiam* (Patris *Wratislai II.* opus) ornatissimis ædificationibus, & domibus Canonicorum, & Foundationibus novis ita auxit, ut Patrem superseraret. Illud non pietate tantum, quàm ingenio commendatum: super tumulum *Wratislai Regis* Patris sui *Coronam* octoginta talenta argenti, duodecim talenta auri continentem, gemmis distinctam clarissimis suspendit. Cum *Pragam* orationis causâ (qui titulus olim Principibus, & Præsulibus usitatus fuit) adiisset, nudis pedibus, & lacernâ indutus instar *Regis Ninivitarum* (ut loquitur *Jaroslaus* ejus temporis Author) tumulos Sanctorum Patronorum honoravit, multis precibus DEO sese per eorum merita commendans. Quàm verò Patriam diligeret, satis ostendit illud, quòd nullâ ratione priorum liberorum habitâ, *Conrado Cæsari* (quem quia in bello Saxonico, & Bavarico præclarè adjuverat, amicissimum habebat)

Sobieslai  
præclara  
opera.

Corona Wissehraden-  
sis.



bebat) *Wladislaum* ex fratre nepotem ita conciliavit, ut Cæsar promitteret, nullum se post *Sobieslai* mortem alium adjuturum, & confirmaturum, quod & fecit. Erat hic *Wladislaus* ad Principatum prorsus factus, qui postea Bohemiæ Rex salutatus est, ut suo loco dicitur; quâ electione *Sobieslaus* plurimum ad Bohemiæ gloriam contulit. Obiit inclytus Princeps DEO, Cæsari, vicinis Principibus, maximè S. Leopoldo Austriæ Marchioni (qui *Wladislao* juveni filiam suam *Gertrudem* despondit, cum vicissim filiam suam *Mariam* Leopoldo V. S. Leopoldi filio *Sobieslaus* despondisset) subditis etiam Populis, omni denique hominum generi charissimus An. 1140. *Pragam* ex *Cujavia* Poloniæ Provincia, quam ditione tenebat, dejectus, & in *Wissebradenſi Ecclesia* apud patrem Regem *Wratislaum* tumulatus.

S. Leopoldus  
Principibus  
nostris  
peramicus.

## NOTÆ in Caput XXV.

**W** *Ladislaus Dux XXIX. & Sobieslaus XXX.* Quod hosce duos Principes, alterum XXIX. alterum XXX. (cùm priores aliquot omiserim) numerârim, causa est: quod hi soli firmiter steterint in gradu, cæteri non item; illorumque Imperium sæpius fuerit interruptum, at hi ad extremum duraverint; nam etsi *Wladislaus*, ut dixi, bis solio dejectus sit, recuperavit nihilominus virtute locum, ejusque beneficio *Sobieslaus* aliquoties Bohemiâ rejectus, tandem felicissimè regnavit. Porro in hoc capite ob rerum gestarum multitudinem indiculum potius quendam, quàm narrationem, aut historiam scripsi, ut Lectores animadvertent.

Lis de numero  
Principum.

*Wladislaus Boleslaviensis Princeps &c.* Sub hoc forrunatissimo, & fortissimo Principe, reperta est statua *B. Virginis Boleslaviensis*, ut in historia illius Divæ narravi, (quidam ejus imaginis inventionem ad tempora *Wladislai Regis* hujus *Wladislai* filij referunt, quod probabilius puto) suspicor eam ob causam pium Principem *Boleslavia* habitasse captum amore *B. Virginis*, & ab illius ara, ad Principis dignitatem ascendisse. Hoc etiam velut bene ominosum Scriptores in Imperatoribus observârunt, qui potius *ab altari, vel inter altaria* occupati, quàm *ab aratro* vocati, felicitatem Imperij cœlitus videbantur accepisse; ut à veteribus Panegyristis observatum legimus. Magna inter DEUM & Principem connexio esse debet, siquidem hic Vicarius illius est, & ea agere illum oportet, quæ omnium Domino non displiceant, bene enim Horatius: *Regum timendorum in proprios greges, Reges in ipsos arbitrium est Fovis*; unde observant sacrarum literarum *Interpretes, Regum Juda* lectulum, & altare Domini uno tantum pariete divisa fuisse, ut unicum refugium *Reges* haberent ad DEUM, illiusque Majestatem sibi, & populo subjecto assidue redderent propitiam.

Inventio  
imaginis  
Boleslaviensis.

Principes  
DEO se se  
conjugant.

2. Reg. c. 9.

*Fundavit Cœnobium Cladrubiense &c.* Nihil memoriam viventium conservat magis, quàm Fundationes sacræ; quoties de familiæ antiquitate, pietate, gloria, disceptatur, ad *Ecclesias & Cœnobia* confugitur, ubi *Nobilitatis* plurimæ solent extare memoriæ; at opera cætera, licet sumtuosis substructionibus clara, Authoris nomen rarò conservant, nisi in publicam utilitatem dirigantur.

*Fraude cujusdam nobilis Ungari &c.* In Aulis Principum levis est annona eorum hominum, qui discordias excitant, & unicè odiis aliorum lætantur; id faciunt mul-

In Aulis odi-  
orum semi-  
natores vi-  
tandi.



tis de causis : facilius, quò moliuntur, perveniunt, cum isti vel illi, sibi mutuo odio obstant ; gratiosiores se futuros sperant, si alij gratiâ excidant ; ab ipsis quos in mutua odia concitârunt, gratiam se inivisse putant, quasi ex amicitia alterius odia prodidissent ; denique, ut alia omittantur, multorum Genius est in turbido piscari. Quàm sint odio habendi Regibus ejusmodi homines, *Plutarchus aureo libro de adulatione* demonstrat. Et libro *de fraterno amore* docet : antiquos summâ Religione, vel potius superstitione observâsse, nè duo simul euntes dividerentur, & neque canem, neque aliud animal inter sese pati solitos, *quantò minùs*, inquit, *tolerare oportet eos, qui amicitias dividunt?*

Ira fugienda

Typ. tom. 2.  
Symb. in Car.  
dinalibus.

*Fratres recepit in gratiam &c.* Summa irarum acerbitas diuturnitate temporis evadit ; nulla in animum inducenda est iracundia, quæ omne vitæ tempus completatur, maximè cum ijs, qui in eodem utero sunt geniti. Pulcherrima est *Sallustij* oratio ex persona *Micipsæ*, quam *Imperator Severus* liberis legendam moriens misit, jam tum prævidens inter fratres futuras discordias. Quibus exemplis filios magni Principes ab odijs dehortati sint, habes apud *Typotium*.

Felicitas excæcat.

*Thucydides*  
l. 3.

*Tacitus* l. 1.  
histor.  
*Memmius* a-  
pud *Sallust.*  
in *Iugurtha*.

*Borziwojus II. nesciebat fortunâ uti &c.* Plures sunt, qui adversam fortunam fortiter ferunt, felicem immoderatè, quia felicitate excæcantur ; quædam illis vertigo oboritur, cum stant in culmine dignitatum ; & hunc maximè morbum acquirunt, qui indigni à fortuna elevantur : non enim se capiunt, & aliunde, quia indigni, facile in præceps aguntur. Solebat *Cleon* dicere : *Facilius propè esse propulsare adversa, quàm tutari secunda*, quia, ut *Tacitus* : *Secunda res acrioribus stimulis animum explorant : miseria tolerantur, felicitate corrumpimur*. Talis fuit *Borziwojus II.* quem adversa non fregerunt, felicitas enervavit, quod sinè turpitudine esse non potuit ; ita olim sensit *C. Memmius* : *majus dedecus, ajebat, est parâ amittere, quàm omnino non parâvisse*.

In initiis  
Principatûs  
quid agen-  
dum.

*Sobieslai initia nihil lati promittebant &c.* Principatûs initia accommodata sunt plerumque novis rebus tentandis, cum adhuc Princeps in throno firmiter non sedet, neque adhuc populo, nec militi, nec Nobilitati placere potuit. Ideoque novo Principi omnia auxilia comparanda sunt, ad præsidium conservandæ novæ dignitatis, dissimulandæ priores inimicitia, spes omnes ostendendæ, amicitia vicinorum Principum quærendæ &c. Donec firmetur in Regno, nam postea utilitate suâ, gloriâ, & dignitate, omnia metietur ; equum generosum & nonnihil contumacem, si conscendere paras, prius blandissimè demulce, atque etiam poppysmis saluta, cum jam conscenderis, age, quod lubet, facile frænatum in officio continebis. Vidi ego fabri ejusdam duodennem puerulum grandi malleo cum Patre ferrum cudentem, quem tamen malleum puer præ gravitate elevare non poterat, sed ubi primùm patris auxilio elevavit, malleo ab incude resiliente, exiguo adhibito conatu patris labores adjuvare poterat ; ita fit in rerum initijs, adjuvari debemus ab alijs, continuare bene cœpta nobis relinquitur, quod difficile ampliùs non erit.

Principis bo-  
ni signû Pa-  
triae felicitas

*Munitam, & florentem Patriam &c.* Hoc Principibus omnibus propositum esse debet, cum Principale objectum virtutis, quam vocant *politice*, & bonæ gubernationis apex apud omnes sapientes habeatur : *Patriam securam, divitem, sanam, Populo florentem, & permunitam efficere* ; hoc cœlesti passu, omnes qui à gubernatione laudantur Principes processere. Qui Patriam vacuum, pauperem, omnibus hostibus patentem, sinè Populo &c. reddit, is alterutrum ex duobus necesse est, habeat : aut nescit regnare, aut Patria non potest fidere. Ut verò fidat, artes omnes bonas placendi Patriæ adhibeat, eamque sui amantem efficiat ; alijs autem viis, & modis, ut timore, & duris Imperijs, nunquam subditorum amorem consequetur. Inspiciantur Regum bonorum exempla.

*Pragam Sobieslaus adificat &c.* Reges boni maximi ædificatores fuere, quod etiam



etiam hodie videmus in privatis domibus, domus ruinosa, perstillantia tecta, fenestras fractas, & januas &c. Segnem Patremfamilias ostendunt; gloriatur hodieque *Wratislavia*, quod delineationem *Caroli IV.* manu factam conservet, quam Senatui misit, cum eorum Urbs incendio conflagrasset; talis fuit *Przemislaus Ottocarus II.* ejus nominis, qui novum *Budvicium* descripsit, & fundavit; item omnes ad *Moravam Arces* & Civitates permunivit, ut *Olomucium*, *Hradistium*, *Stražnicium*, *Hodoninam*, & cæteras, quæ Regno, & ornamento; & præsidio diu fuere.

*Silvæ &c.* Hæc timide scripsi folius *Pulkava* autoritate adductus, nam *Chronologia* foundationi huic à *Sobieslao* factæ repugnare videtur, de qua re in *Canobijs*.

*Orationis causâ Pragæ venit &c.* Antiquorum Scriptorum hæc phrasis est: *Orationis causâ Hierosolymam proficisci, orationis causâ Romam pergere &c.* quod ad limina Apostolorum etiam dicebatur; vide *Annales Baronij*, & miraberis Majorum nostrorum pietatem.

*Sobieslaus S. Leopoldo carissimus &c.* Dedit Sanctus Marchio in conjugem filiam suam *Gertrudem Sobieslai* nepoti, per quod conjugium sanguis *Divi Leopoldi in Domum Habsburgico-Austriacam* derivatus est, quam demonstrationem *Genealogicam Augustissimo Cesari Leopoldo* (quem DEUS servet!) ante aliquot annos obtuli die Natali; quæ eò gratius ab humanissimo Cesare accepta est, quod *Genealogista cætera peritissimi negaverant Sancti Leopoldi sanguinem Babenburgicum in Domum Austriacam deduci posse.*

## CAPUT XXVI.

*Wladislaus II. Bohemiæ Princeps XXXI.*  
*postea etiam Rex.*



*Ladislaus II. Rex Bohemiæ* gloriosissimus & bello inclytus Princeps, de quo in Notis ad ultimam Tabulam stirpis *Przemyslæ* nonnulla dicentur, gubernacula Bohemiæ obtinuit. Hunc *Wladislaum* non fuisse *Wladislai I.* filium, sed *Sobieslai I.* diserte (adversus omnium Scriptorum sententiam) affirmant duo egregii Scriptores; *Jaroslavus Strahoviensis* Religiosus coævus, & *Pulkava* sub *Carolo IV.*

scribens, ut quid tenendum sit, nesciamus. Regnare in Bohemia titulo Principis *Wladislaus* incepit An. 1140. omnes propè reliqui Regii sanguinis Principes in eum insurrexissent scribuntur, quorum Caput *Conradus Princeps Znoimensis* fuerit, cæsusque est ad *Pragam Wladislaus*, *Pragâ* tamen in fide perstante; at denique *Conrado Cesare* affine suo cum exercitu

Wladislai  
Pater quis-  
nam fuerit?



Wladislai  
Principis  
fundatio-  
nes laetæ.

Vide Notas in  
hoc Cap.

Facinora mi-  
litaria Bohe-  
morum ad  
Mediolanū.

ad opem ferendam veniente, rejecti sunt omnes, & in fugam acti, quos ad securitatem Imperij *Wladislaus* pace factâ, omnes sibi conciliavit; pacis beneficio bene usus *Wladislaus* An. 1143. *Cænobium Strahovienſe*, tum etiam *Plassense*, *Gertrudis* verò conjux Virginibus *Sancti Benedicti Parthenonem Teplicensē*, & *Doxanensem* Virginibus *Præmonstratensis* instituti fundavit; An. 1147. cum *Conrado Cæsare* affine suo in *Palæstinam* armatus cum suis profectus est, multisque egregijs editis facinoribus reversus; interea domi res turbabat *Sobieslaus II.* quem (ut aliqui tradunt) *Theobaldus* minimus *Wladislai* frater in prælio manu suâ cepit, & in carcerem retrusit. Bellum etiam *Wladislao* fuit cum *Manuele Constantinopolitano Imperatore* in *Ungaria*, quò exercitum duxerat in auxilium *Ungarorum*, sed brevî compolitâ pace etiam Neptem suam *Helenam Friderici* filiam *Petro Imperatoris* nepoti elocavit. Mortuâ *Gertrude* conjuge An. 1151. 25. Junij, Anno post altero *Juditham Ludovici Landgravi Thuringiæ* filiam duxit. Sub hæc *Conrado Cæsare* mortuo *Fridericus I. Ahenobarbus* successit, quem in bella secutus *Wladislaus*, cum Bohemorum spectatissimo exercitu, præcipuè ad *Mediolanum*, suam, ac suorum virtutem probavit, cum admiratione omnium Germaniæ Principum, quorum interventu, genti Bohemæ album *Leonem* coronatum & bicaudatum in sangvineo campo, multis Illustribus familiis *Equitum* aurotorum titulos, & novos Nobilitatis clypeos, Regibus, ac Regno complura Privilegia à *Cæsare* obtinuit. Cùm verò *Fridericus Cæsar*, Romanam Sedem oppugnaret, ac premeret, Divisque devotus esset, *Wladislaus* reverentiâ *Sedis Apostolicæ*, & filij sui *Alberti Archiepiscopi Salisburgensis* hortatibus, paulatim à *Friderico* sese abalienare cœpit; qui re animadversâ, contemptum & dolorem suum ultus, *Wladislai* filium *Fridericum* Bohemæ Ducem à Patre designatum è folio dejecit, *Sobieslao II.* ex carcere ad Principatum evocato, ut mox dicemus. Ob eam causam *Wladislaus*, cui fortuna post tot felicitates extremum hunc morsum infixit, exul in *Lusatia* in Arce *Meer* mœrore contabuit An. 1174. postquam 35. in Bohemia imperâſſet Annos.

## NOTÆ in Caput XXVI.

Invidia Vir-  
tutis comes.

**O**Mnes propè Regij Sangvinis Principes in *Wladislaum* insurrexisse &c. Cùm longè alios Principes excelleret, necesse fuit, ut invidios & hostes pateretur; excellentia enim quosdam commendat, quosdam urit, præcipuè eos, qui se pares existimant, ideo ægrè ferunt alios elevari, se præteriri, & despici. In quadam Urbe Græciæ, in porta Urbis scriptum lego fuisse: *Nemo inter nos excellat*; hoc quibusdam portis hodièque deberet inscribi; sunt, qui non sinunt ullum in aliquo laudis genere excellere, & eminere. Simile quiddam habebant *Athene*,



*Athena*, ubi præstantissimi Civium Urbe pellebantur, idque *Ostracismo* fieri dicebatur. Natura hæc invida, omnis virtutis inimica, utinam è cœtu hominum ipsa proscriberetur, quàm virtutes proscriberet! ejusmodi homines, furacissimæ, & invidæ avi Corvo comparari mihi posse videntur, qui, quidquid ante eum humi infixeris, id omne pati non potest, & extractum ad terram dare omni vi laborat.

*Pragâ in fide perstante &c.* Maxima hæc laus debet haberi, quòd toties *Praga* suam fidem dominantibus approbaverit, semper nisi cogeretur meliores partes secuta; exempla adferemus cùm de *Civitatibus* agemus. *Athenæus* in hunc modum Civitates olim laudavit; aurea *Alexandrinorum* Civitas, pulchra *Antiochia*, ornatissima *Nicomedia*, *Athenæ* splendidissima, *Roma* terra compendium, ego hæc omnia superârim unâ voce *Praga fidelissima*. Itaque ingeniosè *Julius Cæsar Scaliger* ad *Pragam* scripsit:

Linque alijs Populis (ô *Praga*) tantæ munimina Sedis,  
Quæ nequeant armis jura tenere loci;  
Nâmque tuum est, non præsidio turgere locorum,  
Sed loca præsidij, fidere posse tuis!

Cujus dicti veritatem nupera à Septemtrione bella comprobârunt.

*Ad securitatem Imperij &c.* Nihil magis propositum imperantibus esse debet, quàm securitatem sibi & populo parare; sinè securitate nec beatitudo esse potest. Maxima pars beatitudinis etiam æternæ, securitate constat. Hoc viderunt Imperatores Romani, qui in *Nummis* nihil frequentius inscribere sunt soliti, quàm *securitatem publicam*, quam exprimebant sedentem ante ignem, quòd scilicet diu noctûque oculis intentis, ne quid flamma periculi afferret, sollicitè observaret; nulla tamen tanta in Regnis, & in omni felicitate securitas invenitur, quam malitia hominum evertere non possit; dolum adhibent, ubi vim non possunt; hîc mihi venit in mentem *Marci Antonij*, cui omnia metuenti initio belli *Actiaci*, & ob securitatem nullos nisi prægustatos cibos sument, *Cleopatra* egregiè illudit; Nam procedente hilaritate, invitavit *Antonium*, ut coronas biberent, velut solebant amantes, cùmque is decerptam de capite *Regina Coronam* haurire vellet, *Regina* oppositâ manu prohibuit. Tum illa, ego sum, inquit, *Antoni*, quam tu carves & times. Adeò mihi, si sinè te possem vivere, aut ratio, aut occasio, aut ingenium deest! & mox reum è custodia jussit educi, qui epoto, quod *Antonius* bibere parabat poculo, in quo *Corona Regina* natabat, momento in illo vestigio exspiravit, ut commemorat *Plinius*. Ità cincti periculis vivimus, ut omnis securitas intercipi possit nobis nihil scientibus.

*Minimus frater &c.* Juvenes feliciores plerumque senibus fuisse notant Scriptores, unde memorabile *Caroli V.* dictum: *Fortuna juvenum amica*. Porro *Sobieslaus* non captum à *Theobaldo*, sed à *Wladislao Olomucij* oppressum, & iterum in carcerem conjectum, vetera manuscripta fidem faciunt.

*Ad Mediolanum &c.* Non vacat hoc loco bellum duplex *Mediolanense* describere; habes illud descriptum in Epitome. In *Leone* bicaudato ridiculum aliquid accidisse memorant veteres: cùm enim *Fridericus Cæsar* vexillum cum coronato *Leone* daret in manum *Bohemo Vexillifero* (hæreditario jure vexillum Regni in bello præferre solebant *Proceves Berkianæ* stirpis) ac *Leonem* malus pictor brevi caudâ, & humiliter in terram dejectâ pinxisset, *Bohemi milites* unâ voce omnes accipere se id præmiû nolle clamârunt, quòd *Leo* simiæ similis caudam etiam abjectam, & brevè haberet; risit Imperator, & bono pictore adhibito, *Leonem coronatum* pulcherrimum & caudis duabus altè elatis insignem exprimi jussit, & priorem errorem correxit. Laudanda Majorum nostrorum provida virtus! cùm multæ gentes militaria signa

*Pragæ urbis fidelitas.*

*Lib. 1. Diapnos. c. 11.*

*Lib. de Urbibus.*

*Securitas Populi proposita sit Principi.*

*Plutarchus in Antonio.*

*Juvenes Principes plerumque feliciores.*

*Leo Bohemis ob virtutem à Cæsare datur in clypeo.*



ex arbitrio suo sibi delegerint, vel Principes contulerint, Bohemi in præmium fortitudinis militaris, & argumentum virtutis *Leonem* animalium Regem obtinuere, illoque Cæsar universam gentem nobilitavit, honoravitque.

Fortunæ vi-  
ri magni e-  
tiam subje-  
cti

Strada Det.  
l. l. 7.

*Ex carcere evocato &c.* Tales sibi fortuna ludos facit, ac sicut aliquando ex pastoribus, & Ludimagistris Imperatores &c. ita vicissim ex Principibus, aratores, & pastores facit. Exempla innumera à Scriptoribus adferuntur. *Luculentum* exemplum Fortuna in *Albano Duce* ostendit, cujus etiam dictum celebratur, qui cum in carcerem & vincula coniectus, deinde à *Philippo II. Rege* ex carcere liberatus esset, ut *Lusitanos* compesceret, ei nuncio Regio, qui eum ab exilio Regis nomine evocabat ex carcere, dixit: *Admirari se quod ad Regnum Lusitania subigendum opus Regi fuerit Duce catenato.*

## CAPUT XXVII.

*Mira, eaque cruentissima Principum Regij sanguinis certamina: Sobieslaus II. Princeps Bohemiae trigesimus secundus dejicitur; assumitur Fridericus Princeps trigesimus tertius; tum Conradus III. Princeps trigesimus quartus; mox Wenceslaus, Sobieslai minor natu filius, Princeps trigesimus quintus, eo quoque ab Alberto Lusitiae Marchione intercepto, & in vincula coniecto, Brzetislaus Henricus Princeps trigesimus sextus, Episcopus Pragensis constituitur.*

Sobieslai a-  
nimus in-  
quies.



Friderico per iram Friderici Cæsaris dejecto, Sobieslaus II. ex carcere ab eodem Cæsare evocatur ad solium. Princeps erat animi inquietus, qui illud superbum apud se statuerat, aut Rex, aut nihil. Ob id octo annos continuos Præmunda sedit à Wladislao Rege, quod omnium cæterorum Principum quietem sollicitaret, coniectus. Nominabatur primum à Cæsare Ulricus major Sobieslai frater, sed is insigni moderatione fratri cessit.



cessit. *Sobieslaus* igitur ut primùm An. 1175: dignitatem consecutus est, collecto milite *Ducem Austriae Henricum* nihil ab eo læsus armis invadit, *Retzum* in *Austria* capit, omnia insolentissimè pervasit, deinde cum *Henricus* prælium obtulisset, victoriam cruentissimam obtinet; neque alienos tantùm appetijt *Sobieslaus*, sed domesticos quoque vexare aggressus, *Conradum III. Moraviae Marchionem* invadit, sed is fortiter & feliciter vim, vi repulit; & *Znoimensem Provinciam*, quam tenebat, præclare tutatus, *Sobieslaum* usque in *Bohemiæ* rejecit. *Sobieslaus* impotente animo offensi Proceres & Populus *Bohemiæ* consurgunt, eique abrogant Principis dignitatem evocato ab exilio *Friderico*; nihil eâ re tarritus *Sobieslaus*, qui omnem spem in armis repositam habebat, *Fridericum Regni Principatûs* rivalem, qui Germanorum & Procerum *Bohemorum* auxiliis frētus, *Pragam* veniebat, semel iterumque profligavit, & novo exemplo cataphractum Tribunum ex Germanis, velut trophaum quoddam, totius exercitûs sui manibus terrâ aggestâ obruit, ut collis iustus assurgeret, in quo hodie ædicula sacra cernitur, honori SS. *Adalberti & Georgij Martyrum*, excitata. Hucusque *Sobieslaum* adurit fortuna; at ubi in auxilium *Friderico Conradus Znoimensis*, & *Otto Brunensis* cum *Moravorum* copiis advenerunt, commisso ad ipsa *Pragæ* mœnia prælio, victus *Sobieslaus* est, quem *Fridericus* fugientem persecutus ense etiam perstrinxit, qui pernecitate equi ablatus, vix periculum effugit, sed ignominiam non ferens, brevè contabuit An. 1180. *Fridericus* igitur Principatum suscepit, Cæsare & Proceribus volentibus; at ea in *Fridericum* Populi benevolentia diuturna non fuit: nam cum nimium exteris ueretur, & *Germano Nobili* (quod grave piaculum eo tempore censebatur) publicum quoddam, & præcipuum *Bohemiæ* munus demandasset, offensi Proceres, *Conradum Znoimensem* ad sceptrum invitant, qui ex improvise *Wissebradum* occupans, *Pragam* post unius & medij mensis obsidionem capit. Jam *Conradus* in principali solio sedebat, cum Imperator, *Friderici* misericordiâ, & *Wladislai* Regis Patris meritis, *Fridericum* adjuvandum sumsit, & *Bavariæ Duce Palatino Ottone Witelsbachio* *Pragam* missum cum mandatis, *Conradum* jussit decedere. Paruit ille ad tempus, sed ut postea patuit, aptius tempus occupandi Principatûs expectandum esse duxit; interea nihil omisit diligentiae, quò sibi amicos reddere Principes Regii sanguinis *Ulricum* & *Wenceslaum*, & reliquos posset; tum adversus *Fridericum* bellum movit, comitantibus iisdem Principibus, qui semel cæsi & fugati, etiam *Conradum* inferiorem *Friderico* effecerunt. Collectis tamen denuo copiis, quas ex *Austria* & *Ungaria* magno pretio conscripserat, adjuvantibus præcipuè *Wladimiro* & *Brzetislao Olomucensibus*

Prælium ad  
mœnia Pra-  
gæ.

Conradi co-  
natus ad  
Principatûs



Mortes Prin-  
cipum inex-  
spectata.

sibus Principibus, & Wenceslao & Udalrico, bellum renovavit: commissum est cruentissimum praelium ad pagum *Ludomiriensem* An. 1185. victoria diu nutante, donec *Ratiborius Comes Wrssowicensis* suis segregatis, circuitu facto in *Conradi* aciem transversim incurrit, ordinisque turbavit; quibus turbatis hostes jam fugam spectantes facile victoriam *Przemyslao* (qui *Friderici* fratris loco exercitum ducebat) concesserunt. *Conradus* desperatis rebus, cum aliud superesset nihil, nuncij habitu simulato, ad *Fridericum* venit, & culpam humiliter deprecatus, à *Friderico* humanissimo Principe veniam factorum, & cum ea ditiones omnes recepit. Porro quam humana omnia incerta sint, *Friderici* mors non ita diu post consecuta An. 1190. ostendit, cui successorem non diu quæsiverunt Proceres, cum *Conradum* haberent in oculis, qui nuper cum *Bohemicis* & *Moravici* copiis numero sexcentis, gloriam plenus, ex *Terra sancta* redierat; huic ergo certatim quasi unâ manu detulere Principalem Coronam, sed neque hoc Imperium diuturnum fuit: nam rogatu *Henrici VI. Caesaris in Italiam* cum copiis profectus, postquam sui loco fratrem *Brzetislaum Henricum Episcopum Pragensem* pro Rege constituisset, in obsidione *Neapolis* ex lue quadam inter milites exorta, cum multis aliis *Bohemia* & *Moravia* Principibus decessit, Princeps fortunâ meliore dignus, in quo omnes Regiæ Virtutes relucere, cui nihil præter fortunam defuisse ad omnem gloriam videbatur.

## NOTÆ in Caput XXVII.

Ad iracundiam tardè  
Principes  
moveantur.  
*Seneca lib. 2.  
de ira, c. 14.*

*Plutarchus  
in quest. Ro.  
quest. 82.*

Ambitiosi in  
se ipsos tor-  
menta fe-  
runt.

**P**er iram *Friderici Caesaris* &c. Nihil rectè geritur, ubi ira in consilium admittitur; adeò videmus homines irâ occupari, ut ea sola in actionibus dominetur, abjectâ quodammodo prudentiâ; eleganter, & ingeniosè id omnibus libris de ira & de clementia *Seneca Philosophus* docuit, quem svaideo aliquando in manus sumi, nihil enim ad iram domandam accommodatiùs adferri potest. Ostendit cæteras nationes à Romanis victas eam ferè ob causam, quòd Barbari, ut bellum pugnent, Romani sedatè. *Athleta non, cum ira suadet, feriunt, sed cum occasio. Pyrrhum maximum Præceptorem certaminis gymnici solitum ajunt, his quos exercebat præcipere, nè irascerentur, ira enim perturbat artem, imò omne humanum regimen evertit; ideòque turpe imperantibus ex ira aliquid statuere, cum etiam privati homines à prudentia celebrati, in ira nihil agendum esse præcipiant. Plutarchus sapientissimus Trajani Præceptor disputans, cur Prætores Romani, cæterique majoris notæ Magistratus, secures bacillis involutas, & multis funibus constrictas, & ejusmodi falces ante se gestari à servis publicis in more haberent? respondet id fieri ideò, ut si in quem animadvertere vellet Magistratus, animadversio illa diu traheretur, & dum falces solvuntur, & secures expediuntur, interea Prætoris ira resideret.*

*Aut Rex, aut nihil* &c. Maximum superbis hominibus tormentum est ambitio, præcipuè, si quis in animum inducat, nihil, nè unum quidem pulvisculum, vel atomum, qui in vestem nostram fortè impegerit pati, & aliunde maximos quosque honores



honores sibi deberi existimet, is profecto quemcunque sibi obstare viderit, pro hoste habet, dum ad alta per fas & nefas contendit; sed plerumque (ut hinc *Sobieslaus II.*) contingit ijs, quod Pantheris contingere tradunt rerum naturæ Scriptores: nam manipulum Aconiti, quo fera mirifice oblectatur, in alta pertica suspendunt; ut saltem eum apprehendere non possit; at illa ex aspectu aconiti tantâ cupiditate potius undi inflammatur, ut continuatis in multas horas assultibus, tandem expiret, aut venatoribus supervenientibus resistere non possit, qui eam captam & victam in caveam conjiciunt; pari ratione fortuna ambizioso victoriam, aut præmium aliquod majus viribus proponit, quod is infinito desiderio conatur adipisci, ut succumbat, & in imaginatione gloriæ ignominiosè rumpatur, inimicis & æmulis ridentibus; quod supplicium quàm grave sit, (pascere videlicet felicitate suâ inimicorum oculos) quisque prudens intelligit.

*Ulricus fratri cessit &c.* Fraternali concordia nihil esse pulchrius potest, sed illa admirabilis, cum minores esse volumus, ut fratres majores, & altiores esse possint. Hanc charitatem fraternam consecrârunt Veteres, & in cœlo expressam stellis obtulerunt mundo, in fabula *Cæstoris, & Pollucis*, quorum alter in cœlo locum habere noluit, nisi unâ frater admitteretur in cœlum.

Fraternali amoris documentum.

*Omnes aggreditur Sobieslaus &c.* Maximus hinc error est, nec satis scio, an in prudentem Principem cadat. Cum hostem unum aggreditur Princeps, cum cæteris pacem colat oportet: hoc etiam barbara gens Turcarum hodièque servat, & cum v. g. *Venetos* oppugnat, *Moschos, Polonos* &c. quietos esse sinit, & placidè spebus demulcet; at ubi à *Venetis*, quæ voluit, & desideravit, obtinuit, pacem cum ijs factâ, tum primum alterum hostem oppugnandum assumit. Adde, quod oppugnare omnes violentissimum est, & Principem violentiâ uti demonstrat; at nihil violentum perpetuum, non modò in natura, sed neque in moribus esse potest, & exosum Principem populis facit, qui omnium quietem sollicitat, & frustra subditos bellis fatigat.

Non omnes simul hostes aggrediendi

*Trophæum quoddam Tribuno ex Germanis terra obruto &c.* Novum genus Trophæi invenit *Sobieslaus*: nam alij ex cæsorum capitibus, & ossibus satis barbarè Trophæa struxerunt, *Tamerlanes* captâ urbe *Hispahâ*, in ejus medio ex Civium ossibus turrim excitavit, ut narrat oculatus testis *Schildperger Monacensis Tamerlanis satellites*. Ejusmodi exempla jam attuli Cap. 20. in Notis.

*Cassius ad Ens*  
To. 2. Apot.  
65.  
Lib. de Tamerlane.

*Victus contabuit &c.* Omnes nimij affectus, si ad summum animos occupaverint, lædunt; quosdam etiam ad insaniam, & ad mortem adducunt; nullibi hoc ingeniosius deductum, & exemplis probatum legi, quàm in *Josepho Quercetano Henrici Magni Gallie Regis Medico*, qui in libello aureo, cui titulum fecit *Diateticum Polyhistoricum*, demonstrat; quomodo amor, ambitio, tristitia, alijque affectus ad insaniam deducant; neque nostræ ætatis exempla desunt, accendunt potissimum hos affectus in homine vigiliæ, & noctes insomnes consumptæ in affectu aliquo vehementi, & ut Rhetorum Magistri vocant *Demoniaci*, quod ipse ego notavi, in ijs, qui ob affectus alicujus impotentiam ratione exciderunt; unde peritiores Medici somno profundo eos mergunt, qui eo malo laborare incipiunt, & quod à Doctissimo & Clarissimo viro *Marco Marci* didici, laudatur etiam in Medico, si morbum facere noverit, ut major ille alter & fonticus morbus expellatur. Victoriâ amisisse, vitam amisisse se credidit *Sobieslaus*, qui gloriâ & Principatûm immoderatè concupierat; talis erat *Genij Amilcar Carthaginensium Dux*, qui cæsus cum exercitu, nusquam comparuit, neque eum vivum, aut mortuum ullus agnovit, etsi penè toto orbe terrarum quæreretur à suis.

Insania ex affectibus nimis nascitur.

*Tempus expectandum esse duxit &c.* Sicut verissimum est illud: *semper nocuit differre paratis*, ita & illud: *non paratis nocet aggredi*. Qui tempus habet, vitam habet, N

Tempus observat sapiens.

cum



Ferdinand. I.

cum saepe accidat in puncto, quod non speratur in anno, ut dicebat sapientissimus Imperator; insignis vericulus clarissimi viri circumfertur *Raphaëlis Mnissowsky*, quid ejus effigiei subtribitur: *tempus tempore temperaveritis.*

*Conradus desperatis rebus culpam deprecatur &c.* Prudens consilium! cum vincere viribus non possis, hostem humilitate devincire. *Sigismundus* cum armis *Bohemos* superare non posset, humilitate feliciter superavit, & ab eo tempore habebat in ore illud: *Si sepem saltu superare non datur, inclinato capite subito*; quo dicto silentium ijs imposuit, qui eum culpabant, quod non armis, sed promissis *Regnum Patrium* recuperasset.

Felicitas Ducibus militae uti & Medicis tumē necessaria.

*Conradus fortunā meliore dignus &c.* Et si bene dictum sit, *quisque sua fortuna faber est*, tamen (nisi recurramus ad DEUM omnia à fine usque ad finem svaviter disponentem & regentem) difficile multis videtur explicare: *quid sit felicitas, & unde ea contingat*: Sunt enim quibus omnia feliciter cadunt, alijs contrā et si prudentissimē omnia disponant, infortunatē & infelicitē succedunt. Maximē in duplici hominum genere quaeritur, & invenitur felicitas, in *militia Imperatore*, & in *Medico*: nam quanquam scientia utrosque adjuvet, tamen à fortuna desertos magnos *Duces* saepe legimus & vidimus, & *Medicos* satis imperitos paria doctissimis fecisse in curatione morborum. Hujus nodi dissolutionem, & enodationem invenies in doctissimo Patre *Stengelio*, qui singularem librum de *Fortuna & sortibus* conscripsit.

## CAPUT XXVIII.

*Brzetislaus Henricus Episcopus Pragensis,  
Bohemiae Princeps XXXVI.*



*Conradum III. in Italia extinctū Wenceslaus Sobieslai I. minimus natus filius in Principatu secutus est, Civēsque Pragenses singulari humanitate & benevolentia sibi obnoxios reddens, omnes reliquos ordines Bohemia suos fecit, & Principis XXXV. titulum acquisivit. Trimestris tantum honor ille fuit: namque Przemyslaus seu Hostivitus postea dictus Ottogarus, Friderici Ducis frater collectā apud Misnios, eorūque*

*Ducem Ottonem, cuius filiam in conjugio habebat, non contemnendā militum manu Pragā subito clausit; evasit Wladislaus, & Bambergam ad Henricum VI. profugus, promissā ingenti pecuniā, eò denique Caesarem perpulit, ut sibi Principatum confirmaret. Res acta est in Comitibus Wormatiensibus, ubi etiam Albertus Comes de Bogen, & socius ejus Przemyslaus*

ob



ob vastatam *Bavariam* accusati, & turbatae publicae pacis damnati sunt. *Wenceslaum* ad solium *Bohemiae* properantem infelicitas afflicta, Principatum cui inhiabat, prorsus interceptit, *Alberto Misnio* in itinere insidias struente, in quas infelix *Wenceslaus* incidit, & in *Lusatiam* captivus abductus, in carcere extinctus est; dejecto itaque & *Wenceslao* & *Przemyslo Henricus Episcopus* velut *Primas Regni Proceribus Comitibus* indixit, atque in disertâ oratione *Spitibneum Wenceslai* captivi filium indolis spectatissimae adolescentem Ordinibus commendavit, sed ipse se Authorem commendabilem omnibus reddidit, ut unâ omnium voce *Bohemiae Dux* salutaretur; tædebat jam *Bohemos* cruenta illa consanguineorum Principum certamina spectare, quæ non tantum ipsos, sed etiam Proceres, qui partes sequebantur, absumebant, & totam in discrimen adducebant Rempublicam, itaque in sacro vertice collocatam Principum Coronam quietè fessuram, & ex sacris manibus sceptrum non facile eripi posse sperabant. Approbavit factum *Cæsar Henricus*, quem falsò *Stransky* corruptum pecuniâ ab *Henrico Episcopo* significat, nam hæc fæda nundinatio innocentissimæ, & incorruptæ *Henrici sancti Principis* vitæ, modestiæque plurimum adversatur. Adit igitur Principatum *Henricus Brzetislaus XXXVI. Bohemiae Princeps*, cujus mira fertur in regendis populis dexterritas, fortitudo & felicitas: breve quidem Imperium (nam tertium Principatus annum non explevit) sed ab omnibus laudatum, in quo si ejus facta spectentur ætatem ultra superâsse existimes. Tria præcipuè ejus opera laudantur: primum, quòd *Moravos* secessionem à *Bohemia* (cui multis Imperatorum decretis adjuncta erat) meditantes, compescuit, & Arcibus perduellium captis, earum Dominos vel cedere, vel veniam precari coëgit: alterum quòd cum eâ tempestate *Bohemia* gravis fames premeret *Episcopus Princeps Populi* pereuntis misericordiâ, ingentem frumenti numerum de suo emit, & locis idoneis deposuit, illoque in egenes diviso, multa hominum millia in vita servavit; ultimum illud, quòd ut securitati suorum consuleret, semper instructum aleret exercitum, ut nihil ab hostibus, vel æmulis timeri posset, maximè à *Przemyslao*, qui & nuper *Moravos* adversus *Henricum* concitârat, & latrocinando publicam *Germaniæ* quietem sollicitabat. Ejus etiam opus à veteribus laudatur, *Ecclesia sancti Petri in Wissehrad* magnificè exornata, tum *Domus Episcopalis* in minore *Praga* ad ripam fluminis *Mulda-væ* regium in morem condita, quam postea *Hussitæ* odio Religionis diruere, cum horto pulcherrimo, & peregrinis arboribus & stirpibus consito, quod ipsi *Scriptores Hussitici* ut inhumanum & barbarum facinus detestantur. Sed *Henricus* invaletudine correptus, dum remedium ab aquis *Egræ* quæreretur

Brzetislaus dum alium ad Principatum comendat Princeps efficitur.

Stransky in Rep. Boh.

Brzetislai bona in Patriam merita.



Anno 1196. fatis concessit, & *Doxanam* dejectus penes matrem *Agnetem* tumultatus est.

## NOTÆ in Caput XXVIII.

Primaria  
Provincia  
Civitas reli-  
quas ferè  
possitetra-  
hit.

Vita nostræ  
brevis, cui  
omnia inæ-  
dificantur.  
Durant. in  
Ritibus.

Præfatione in  
LL. natural.  
quæst.

Pecunia la-  
bile solium.

In M-lipsis A.  
365. editis.

**C**ivisque *Pragenfes* obnoxios reddidit &c. Qui subjectis populis placere volunt, & ordinem Civium sibi demereri, præcipuam Provinciam, aut Regni Civitatem impendiò amare se ostendant, nec tamen ceteras contemnere; prærogativam & amorem Civium, totiusque Ordinis, quasi filiarum minores Civitates sequuntur; primaria Civitas Regni & *Metropolis* propè media pars Regni censetur, & periculosum est eam irritasse; *Sobieslaus I.* hæc prærogativam Urbem *Pragensem antiquam* exornavit, ut in Ducum electione hujus Urbis arbitrio staretur, ut in *Sobieslai* vetustis legibus hodièque legimus.

*Trimestris honor ille fuit &c.* Cum vita nostra fundamentum sit, cui honores inædificantur, & vita brevis, necesse est ipsos honores breves esse; legi aliquando in libro *Pontificalium Rituum* recens creato Pontifici stupam accensam ostendi, cum dicto: *Beatissime Pater! sic transit gloria mundi!* Terram habitabilem, & inhabitabilem, ad cælum cujusdam puncti, aut si illud secari & dividi potest, puncti centesimam, millesimam, & si quid minus dari potest, habere *Mathematicorum* sagacitas ostendit, tractavitque hoc argumentum ingeniosè *L. Seneca*: Mihi ita videtur, omne vitæ nostræ tempus, nec punctum æternitatis habere, cum æternitas, quæ aut bona aut mala subsequetur, infinitum tempus includat, finiti autem ad infinitum nulla sit proportio; ac proinde omnes honores æternitati comparati, momentum temporis obtinent: & tamen quàm sollicitè hæc vita brevis præ illa, & honores, præ illis nunquam desituri quærentur! quanquam licet nulla comparatio instituat, brevia sint omnia, quæ mundus offert: *Sardanapalus* etsi propè aliud nihil; quàm memoriam sui fœdam, & maculosam reliquerit, illud unum sapienter cum sepulchro suo mutam quandam vocem jussit incidi: erant digiti duo, qui collisi inter se crepitum edere conabantur, signantes Regna omnia mundi, nec tanti esse, quanti crepitum digitorum.

*Promissâ ingenti pecuniâ emis Principatum &c.* Sæpiissimè *Nummus* agit virtutis opus, & pecunia possessores suos sapientes, formosos, eloquentes, & gratiosos omnibus facit, quod ab orbis initio hodièque perseverat. Sed quàm sæpe spes illa decolat! vidi ingeniosam imaginem, in qua *spei statua* in altissimo pecuniæ sacco collocabatur, non tamen ita firmiter stare poterat in hoc pecunioso folio, quin adstantes casum timerent, protentis manibus spem cadentem excepturi; ita accidere videmus, cum spes in pecunia collocatur, quæ pecunia lubrica est, sibi malè cohærens, & si saccus vel minimo pedis ictu offendatur, universa labitur in præceps. Sed actum est, surdis fabula canitur, qui eum in modum pecuniâ infatuantur, ut eam velut Deam adorent. Novi illustrem virum pecuniosissimum, qui elatus magnitudine pecuniæ, quotidie saccos eâ repletos adibat (ut tristitiam quemadmodum agebat excuteret) & quasi viventes salutabat: *Avete mea spes, & vita mea præsidium & dulce decus? ut valetis? vivitis? bene ut video. Ergo vivite & valet.* Hanc salutationem, & manu & pede cum significatione reverentiæ claudebat, abibatque. Ego istud quondam in juvenilibus meis Epigrammatis expressi, cum *Phaleucium* clausi his duobus versiculis: *Nummus maximus Orbis Imperator, vultus oraque gestat imperantem;* non enim aliud Principis coronata effigies ostendit, quàm Nummum Orbi imperare, & esse Imperatorem.

*Tadebat Bohemos spectare cruenta Ducum certamina &c.* Pauperem populum faciunt



faciunt bella Principum, & Provincias enervant. Unius ob noxam & furias, & pecunia, & sanguis profunditur, Scitum est veterum Bohemorum nostrorum dictum: *Cum pugnant & ludunt Domini, crines illis vellendos concedunt subditi*; quod spectet hoc proverbium quisque sapiens intelligit, cum currus belli, ut ait Græcus Poëta, aureis rotis insistat, pecunia autem à subditis petatur. Athenienses, ut narrat Herodotus, cum egerent pecuniâ Themistoclem ad Andrios subditos misere, ut confestim pecuniam numerarent, & submitterent; habuitque hanc Orationem Themistocles: *Se Deabus magnis comitatum venire, quæ juberent Atheniensibus mitti pecunias; has Deas esse Svalam, & Necessitatem*; responderunt ingeniosè Andrij: meritò Athenas, Urbem potentissimam & opulentam tales Deas apud se habere; at Andrios terram inopem colere, & duas vicissim Deas nunquam illorum Urbem deferere, has esse Paupertatem, & Impossibilitatem, quæ Deæ, cum in illorum Insula habitent, pecuniam dare non possent; nunquam enim Andriorum Impossibilitate validiorem fore Atheniensium potentiam.

Henricus Episcopus Princeps &c. Non errasse Proceres Bohemiæ in conferendo Principatu Episcopo Henrico eventus felix ostendit, cujus merita in Regnum ab omnibus nostris Scriptoribus mirificè celebrantur. Antiquissimarum gentium hoc modo renovatum exemplum est, apud quos primogeniti Sacerdotes, & capita familiæ habebantur, ut Divus Ambrosius multis locis ostendit, & docent sacrarum literarum Interpretes; ipse quoque Tacitus de Judæis loquens: *Apud Judæos, inquit, honor Sacerdotij firmamentum potentia assumitur*; & Romanorum Imperatores ob eandem causam Tribunitiam Potestatem, quæ sacrosancta erat assumerunt; unde quoties Tribunitia Potestas sub annis Imperatorum magnorum invenitur, tot anni Imperij numerantur.

Breve quidem Imperium, sed laudatum &c. Possunt viri Principes vitæ brevitatem redimere, vel publicis operibus ad utilitatem Regnorum constructis, vel lege aliquâ novâ in commodum & utilitatem Regni constitutâ, vel laudabili aliquâ consuetudine inductâ, vel securitate Regni in posterum quoque tempus partâ, vel alijs denique modis, quibus immortalem sui memoriam relinquant; hoc illud est, quod Virgilius laudat: *virtutem extendere factis*; omnes tamen, non modò Principes, omni ope conari oportet, nè vitam silentio transigant, ut ait Salustius, *ut pecora, quæ ventri obedientia, natura finxit*, hoc omnibus libris & Epistolis inculcat Philosophiæ moralis Princeps Seneca, uti & junior Plinius: *effinge aliquid ait, & excude, quod sit perpetuò tuum: nam reliqua rerum tuarum post te, alium atque alium Dominum sortientur; hoc nunquam tuum desinet esse, si semel cæperit*. Alibi: *quatenus nobis denegatur diu vivere, relinquamus aliquid, quod nos vixisse testemur*. Sapiientissimam Philostratus fabulam de Achille commentus est, de quo recens nato Thetis Mater Parcas consuluit, quæ responderunt in fati esse ut Achilles, aut ingloriè sed diu viveret, aut insignis gloriâ celerrimè vitam finiret, quod postremum prudentissimè Dea Mater pro filio elegit. Inter Veteres agitata multum controversia est, cui causam dedit dictum Apollonij Thiamai latenter vivas, aut latenter moriaris, quod Plutarchus insigni libello refutavit, & generi humano perniciosum ostendit, contrà verò in luce vivendum & moriendum acutissimis rationibus demonstravit.

Inhumanum & barbarum facinus &c. Bellandum est non ferarum ritu, sed hominum; feræ enim quidquid in ira apprehenderint, dilacerant, & canes etiam lapides mordent; at qui se in bello homines meminerunt, in adversarios solos impetum faciunt, reliqua, quæ ijs nec nocuerunt, nec nocere potuerunt, servant. Generi humano nocent, qui ea, quæ sunt hostium, stultè corrumpunt: Sic Romani laudantur, qui bella in Regionibus tam pacatè gerebant, ut agricolæ, ceterique innocentes,

Bello exhaust se suosq; Princeps. In Anabologia. L. 8. seu in Vrania.

Sacri homines ferè moderatiores.

L. 5. Hist.

Factis illustribus vita brevis compensatur.

In Conjurat. Catil. int.

L. 1. Epist. 3.  
L. 3. Epist. 7.

Philost. jun. Achilles in Scyro.

Tomo 2. Moral.

Bellum non omnia permittit omnibus.



*Fam. de bello  
Belgico.*

*In libris de  
militia.*

*S. Syn. in L.  
piß.*

*Perversum  
in templis  
munditiæ  
studium, cum  
abolentur  
antiquitates.*

*Plutarch. in  
Theseo.*

*Ricq. Centu-  
ria novâ E-  
pistol. 52.  
Plin. l. 35.  
cap. 4.*

bellum vix sentirent; hanc etiam belli formam in *Belgio* olim servatam scimus, cum agrestes vel per media militum castra innoxie transirent, & sponsas deveharent, ut insigni exemplo ostendit *Famianus Strada*; at hodierna militia nullum hostium & amicorum facit discrimen, proinde timendum est illis effatum *Flavij Vegetij*, quod memini in ejus libris de Militia me aliquando legisse: *Prædator amicorum exercitus ipse præda sit hostium*; congruenter sacris literis licet Ethnicus Scriptor, quæ militibus minantur: *Va qui prædaris, quia & ipse prædaberis!* Describit hancce militum sceleratam licentiam eleganter *S. Synesius*, & ejusmodi milites *Martios Demones* appellat.

*Doxanam devehctus &c.* Quæsi vi sacrum hunc *Henrici Episcopi & Ducis* tumultum *Doxana*, sed nullum ejus vestigium invēni, quod scilicet superfluo munditiæ studio, nescio quis *Præpositorum* omnes sepulchrales lapides, laterculis pavimento constrato contexisset. Fateor me in fermento fuisse, ubi tot Beatorum & Beatarum memoriam omnem abolitam viderem: tantane esse potest alicujus inconsiderantia (ignosci mihi cupio, justus dolor hæc verba expressit) ut credat laterculis magis, quam Beatorum corporibus templa posse ornari? inspiciat, obsecro, Lector quartum meorum *Miscell.* librum, ibique reperiet, quot Reginæ, quot Reginarum filiæ, quot sanctitatis decora, quot Beatorum & Beatarum corpora in *Ecclesia Doxanensi* composita, & tumultata sint! similem admissam incogitantiam (nam mitius appellare non possum) in æde *S. Wenceslai Vetero-Boleslavia*, ubi ante quadraginta & amplius annos, quidam loci *Decanus* ingenti fossâ in cæmitorio præparata omnes sepulchrales in templo lapides elevavit, & in illam fossam extra templum conjecit, simulque fossam obruit; neque eò contentus, ipsum *S. Wenceslai* sanguinem in templi parietibus cum miraculo lucentem, & à tot sæculis honoratum, & osculis peregrinorum pie salutatum erasit (cujus rei oculatus sum testis) ac deinde cum pertinacia sua omnem illam memoriam sacri cruoris exstringere vellet, etiam calce ter, vel quater superinductâ delere omnino conatus est; & delevisset, nisi Deus, qui Sanctis suis glorificatur, mirabiliter per calcem ipsam roseum *S. Wenceslai* sanguinem, ut nulla fraus subeslet, post annos ferè viginti apparere voluisset, ut hodieque videmus. Sapientiores, & antiquitatis suæ diligentiores fuere *Athenienses*, qui cum navim *Thesei* apud se haberent, quâ ille in *Cretam* contra *Minotaurum* navigavit, & salvus rediit, usque ad ultima tempora servaverunt, corruptisque & putrefactis quibusdam in ea tabulis novas semper suffecerunt, quod *Philosophis* ait *Plutarchus*, in disputatione de ijs quæ augentur, dubium præbuit, alijs dicentibus eandem navim manere, alijs negantibus. Simile exemplum diligentiae (si sacris licet profana componere) summi *Ecclesiæ Pastores Romani Pontifices* reliquere, ex quibus *Sixtus V.* cum *Ædis Vaticana* prothyreum aliquâ parte dirueretur, ut pulchrius substitueretur, jussit ut navicula piscatoria *S. Petri* opere musivo antiquitus elaborata acutissimis quibusdam instrumentis summâ arte parietibus excinderetur, & ligneis tabulatis inclusa sine omni vitio, aliud in locum transferretur, ibique in alio muro dexterimè poneretur, quod se præsentem factum narrat *Justus Ricquius*, citatque ex *Plinio* simile exemplum. Hinc discere licet solertiam, & in antiquitate conservanda diligens summorum hominum studium.



TABU-



m  
 it  
 a-  
 d  
 us  
 i-  
 a-  
 o-  
 -  
 -  
 -  
 n  
 a  
 s,  
 -  
 -  
 i-  
 l-  
 -  
 l-  
 a-  
 o-  
 a  
 -  
 is  
 -  
 -  
 s.  
 n  
 -  
 n  
 e  
 s.  
 -  
 t  
 s  
 -  
 -  
 o-



# TABULA IV. Genealogica successione & posteritatis Przemyslæ à Brzetislao I. ejus nominis Principe Bohemiæ, usque ad Przemyslum Ottogarum I. Regem Bohemiæ.

a. Brzetislao I. cognomine Bellicosus, dictus *Achilles Bohemia*, Princeps XXII. Fundator Ecclesiæ collegiatæ Boleslaviensis, & Cœnobij Pivonkani, item Sazavenfis & Reyhradenfis. obiit An. 1055.

b. Judith filia Ottonis Albi Comitis de Schweinfurt, vel de Rheno, fundavit Cœnobium Lucense ad Znoymam. obiit Anno 1058.

c. Spitchnæus II. cogn: Justus, Princeps Bohemiæ XXIII. Dilator Ecclesiæ Pragenfis. obiit An. 1061. 18. Jan.

d. Onoslava.

e. Wratisslaus II. Princ: Boh: XXIV. tandem I. Rex Bohem: 1086. Fund: Ecclesiæ Wissehradenfis. obiit 1093.

1. f. Arabona.

2. Adleta filia Andree Regis Ungariæ.  
3. Swatawa filia Casimiri R. Pol: foror Boleslai R. Pol: ob: 1125. æt. 75.

g. Conradus Marchio Znoymensis, postea Princ: Boh: XXV. obiit 1093. æt. 63.

h. Walpurgis.

i. Otto I. Princeps Znoymenf: postea Olomucensis. ob: 1086. 9. Junij.

k. Euphemia filia Bela I. Ungariæ Regis.

l. Jaromirus Episcopus Pragenfis, aliàs Gebardus dictus. obiit Anno 1090. ætatis 52.

m. Brzetislao II. Princeps Boh: XXVI. obiit An. 1100. ætatis 42.

n. Lucretia Alberti Palatini Rheni filia.

o. Ludmilla uxor Viperi Comitis Croicentis. Maritoniensis Luticæ.

p. Wratisslaus obiit puer Anno 1062.

q. Boleslaus III. Princeps Bohem: natus 1065. obiit Anno 1091.

r. Borzivojus II. Princeps Bohem: XXVII. obiit Anno 1124.

s. Helbirga filia Leopoldi Marchionis Austriæ. ob: 1141. 13. Julij.

t. Wladislaus I. Princeps Bohem: XXIX. Fundator Cœnobij Cladubienfis. obiit 1125.

u. Annabilla Ducissa Wochburgensis.

v. Wladislaus I. Princ: Boh: XXX. obiit An. 1140. ætatis 79.

w. Adleta Bela II. Reg: Ungariæ filia, foror Almuti.

x. Judith uxor Wladislai Principis Poloniæ.

aa. Leopoldus Princ: Znoymenf: obiit 1115. 26. Nov. Fundator nasterij.

bb. Lucia filia Leopoldi Marchionis Austriæ.

cc. Ulrichus II. Princ: Brunenf: ob: An. 1112. 15. Martij.

dd. Swatoplucus I. Princ: Olomucenf: Princeps Bohem: XXVIII. obiit An. 1109.

ee. Hidda filia Dietenci II. Marchionis Misnensis.

ff. Henricus I. Episcopus Olomucenf: obiit An. 1126.

gg. Otto II. Princeps Olomucenf: cogn: Niger, obiit An. 1126.

hh. N. foror uxoris Wladislai I.

ii. Brzetislao senior hunc aliqui faciunt Conradum I. filium, excecatus obiit An. 1148.

kk. Wratisslaus Princeps Boh: 32. obiit 1180.

ll. Wladislaus Princeps Boh: 32. obiit 1180.

mm. Wladislaus Princeps Boh: 32. obiit 1180.

nn. Wladislaus Princeps Boh: 32. obiit 1180.

oo. Wladislaus Princeps Boh: 32. obiit 1180.

pp. Wladislaus Princeps Boh: 32. obiit 1180.

qq. Wladislaus Princeps Boh: 32. obiit 1180.

rr. Wladislaus Princeps Boh: 32. obiit 1180.

ss. Wladislaus Princeps Boh: 32. obiit 1180.

tt. Wladislaus Princeps Boh: 32. obiit 1180.

uu. Wladislaus Princeps Boh: 32. obiit 1180.

vv. Wladislaus Princeps Boh: 32. obiit 1180.

ww. Wladislaus Princeps Boh: 32. obiit 1180.

xx. Wladislaus Princeps Boh: 32. obiit 1180.

yy. Wladislaus Princeps Boh: 32. obiit 1180.

zz. Wladislaus Princeps Boh: 32. obiit 1180.

aaa. Wladislaus Princeps Boh: 32. obiit 1180.

bbb. Wladislaus Princeps Boh: 32. obiit 1180.

ccc. Wladislaus Princeps Boh: 32. obiit 1180.

ddd. Wladislaus Princeps Boh: 32. obiit 1180.

eee. Wladislaus Princeps Boh: 32. obiit 1180.

fff. Wladislaus Princeps Boh: 32. obiit 1180.

ggg. Wladislaus Princeps Boh: 32. obiit 1180.

hhh. Wladislaus Princeps Boh: 32. obiit 1180.

iii. Wladislaus Princeps Boh: 32. obiit 1180.

kkk. Wladislaus Princeps Boh: 32. obiit 1180.

lll. Wladislaus Princeps Boh: 32. obiit 1180.

mmm. Wladislaus Princeps Boh: 32. obiit 1180.

nnn. Wladislaus Princeps Boh: 32. obiit 1180.

ooo. Wladislaus Princeps Boh: 32. obiit 1180.

ppp. Wladislaus Princeps Boh: 32. obiit 1180.

qqq. Wladislaus Princeps Boh: 32. obiit 1180.

rrr. Wladislaus Princeps Boh: 32. obiit 1180.

sss. Wladislaus Princeps Boh: 32. obiit 1180.

ttt. Wladislaus Princeps Boh: 32. obiit 1180.

uuu. Wladislaus Princeps Boh: 32. obiit 1180.

vvv. Wladislaus Princeps Boh: 32. obiit 1180.

www. Wladislaus Princeps Boh: 32. obiit 1180.

xxx. Wladislaus Princeps Boh: 32. obiit 1180.

yyy. Wladislaus Princeps Boh: 32. obiit 1180.

zzz. Wladislaus Princeps Boh: 32. obiit 1180.

aaa. Wladislaus Princeps Boh: 32. obiit 1180.

bbb. Wladislaus Princeps Boh: 32. obiit 1180.

ccc. Wladislaus Princeps Boh: 32. obiit 1180.

ddd. Wladislaus Princeps Boh: 32. obiit 1180.

eee. Wladislaus Princeps Boh: 32. obiit 1180.

fff. Wladislaus Princeps Boh: 32. obiit 1180.

ggg. Wladislaus Princeps Boh: 32. obiit 1180.

hhh. Wladislaus Princeps Boh: 32. obiit 1180.

iii. Wladislaus Princeps Boh: 32. obiit 1180.

kkk. Wladislaus Princeps Boh: 32. obiit 1180.

lll. Wladislaus Princeps Boh: 32. obiit 1180.

mmm. Wladislaus Princeps Boh: 32. obiit 1180.

nnn. Wladislaus Princeps Boh: 32. obiit 1180.

ooo. Wladislaus Princeps Boh: 32. obiit 1180.

ppp. Wladislaus Princeps Boh: 32. obiit 1180.

qqq. Wladislaus Princeps Boh: 32. obiit 1180.

rrr. Wladislaus Princeps Boh: 32. obiit 1180.

sss. Wladislaus Princeps Boh: 32. obiit 1180.

ttt. Wladislaus Princeps Boh: 32. obiit 1180.

uuu. Wladislaus Princeps Boh: 32. obiit 1180.

vvv. Wladislaus Princeps Boh: 32. obiit 1180.

www. Wladislaus Princeps Boh: 32. obiit 1180.

Czerninorum posteritas. Vide Stemmatographiam.

Filia unica Elisabeth uxor Przemyslai Majoris Poloniæ Ducis.





1

a.

cu  
ca  
m  
D  
p  
d

C  
Ch  
in  
eg  
pr  
im  
&

na  
fu

ciu

mo  
nu  
ex  
pa

rije  
Aa  
ta

ta  
ra

lan  
ria

da

Re



## Notæ Historicæ in Tabulam IV. Genealogiæ Principum & Regum Bohemiæ, ex Sangvine Przemyslæo.

a. **B**řetislav ob virtutem militarem *Achilles Bohemia* dictus est; de ejus Regijs virtutibus jam diximus: unâ ætate *Wratislaviam, Cracoviam, Posnaniam, & Gnesnam*, quatuor Urbes maximas cepit, quidquid agat *Cromerus*, quem negantem veteres Scriptores, & penè coævus *Cosmas* convincunt; ejus triumphum cum Sanctorum corporibus, & plurimis aureis tabulis, & campanis, & pretiosis templorum Cimelijs, idem *Cosmas* describit; transtulit etiam magnam *Polonorum* multitudinem, quos in *Provincia Plznenſi*, & alibi collocavit. De Fundatione *Pivonkana*, seu *Stokenſi* pro *Eremitis Gulielmitis* (ubi Ecclesia in prælij loco condita est, & altare super eum truncum stat, in quo sedit Imperator) dicam de *Cænobijs*, obiit A. C. 1055. ad *S. Vitum* sepultus.

Poloni in  
Bohemiâ  
translati.

b. *Fabricius* egregiè lapsus est, cum *Juditham*, ait, Sacerdotem seu *Antistitam* Cænobij fuisse, eumque raptum *Ulrico Duci* attribuit, Patri videlicet, non filio, sed *Chronologia* eum satis refellit. Porro non invita, sed volens & lubens rapta est, ut in *Chronologicis* Indicibus dicemus, valétque *Ovidianum* illud: *Quæ toties* (dicam ego, quæ ex Cænobio tam clauso) *rapta est, præbuit ipsa rapi*: eadem *Judith*, quæ pro marito inter acies duas stans more *Sabinarum* peroravit, eique gratiam à *Cæsare* impetravit, postea à proprio filio *Spitihneo*, *Misogermano Principe Bohemiâ* expulsa, & ipsa secundum conjugem exulem accepit *Petrum Regem Ungariæ*.

L. 2. Orig.  
Sax.

c. Nihil præter ea, quæ suprà attuli, habeo dicere, ad extremum *Princeps* bonæ frugi est redditus. Regnavit annis sex, uxorem non duxit, obiit A. C. 1061. fundavit Collegiatam Ecclesiam *Litomericensem*.

d. *Onoslava* cui in manum venerit, nusquam legi. *Polemir de Budeče Wrſſovecius* eam petebat sibi dari conjugem, sed repulsam tulit.

e. *Wratislaus Heroicus Princeps*, plura leges de eo Capite XXII. de anno ejus mortis non constat inter Scriptores, *Pessina* A. 1092. alij 1091. *Stransky* 1093. ponunt, in die 14. Januarij conveniunt omnes. Quidam tradunt eum in venatione extinctum equo decidisse. Fuit Fundator Ecclesiæ *Willehradensis*, & Cænobij *Opatovicensis*.

f. *Arabonam Principem faminam*. Sed ex quo genere natam, nemo tradit, perijt gravida, cum post maritum in Ungariam fugientem properat. Ex *Adleta* vel *Adelheide* duos filios, & duas filias suscepit, hæc obiit A. 1062. 26. Januarij. *Svatava* fuit *Casimiri Polonia Regis* olim *Monachi* filia, quatuor ei genuit filios.

g. *Conradus* nihil memorabile gessit, præterquam quòd Ecclesiam Collegiatam *S. Petri Brunæ* in Monte fundavit magnificè. Obiit A. 1093. postquam imperâſſet septem mensibus, & septendecim diebus.

h. *Walpurgis* vel *Wirtburg* illustris fæmina, quæ marito gratiam apud *Wratislaum* fratrem eloquentiâ suâ conciliavit. Alij tradunt *Conrado* Conjugem fuisse *Mariam* filiam *Henrici VI.*

i. Hic *Princeps Otto* benignissimis moribus describitur, fuitque primus Fundator Cænobii *Hradistienſis*, obiit 1086. in Julio.

k. Nihil aliud, quàm quod allatum est, scitur.

l. In Ordinatione Episcopali *Gebhardus* dictus, magnas cum fratre *Wratislao Rege* similtates gessit; Joannem *Episcopum Olomucensem* verberibus accepit, Ro-

Pess. in Pro-  
dromo lib. 24  
cap. 1.



nam citatus causam dixit, ut habet *Baronius*. Postea mores correxit, & vitam egit *Præsulibus* invidendam, quam *Lib. 4. Miscell.* descripsi.

m. *Brzetislaus II. Princeps Bohemiae* A. 1093. salutatus post *Conradum* patrum, de eo in *Capite XXIII.*

n. Hoc sine controversia ab omnibus Scriptoribus traditur. Hanc duxit A. 1094. obiit 1141.

o. Hanc *Ludmillam* Deo devotam famulam *Cosmas* appellat, unicè amavit *Brzetislaum* fratrem, pro cuius anima fundavit in *Capella S. Thomæ* in *Ecclesia Pragensi* quotidianam Missam pro defunctis, & porticum seu fornicem (quo alia *Capellæ* carebant) in eo *Sacrario* extruxit. Obiit 1109. aliis 1124. quidam eam *Juditham* appellant, vide *Dresserum* & *Fabricium*. Genuit conjugi suo *Wiprehto Wenceslaum* & *Henricum Comites Sorabi.*

p. Aliud nescitur.

q. Hunc contra omnes alios Scriptores post *Brzetislaum II.* fratrem, *Ducem Bohemiae* fuisse *Silvius* scribit. Obiit *Olomucij.*

r. *Borziwojus II.* quatuor annis regnavit: postea pulsus in *Poloniam* à *Svatopluko I.* patruele A. 1105. iterum post ejus mortem A. 1109. cum in *Bohemia* redisset, à fratre suo *Wladislao* ejectus, denique post varios casus in *Ungaria* vitam clausit, A. 1124. vectus *Pragam* ad *S. Viti* sepultus, cuius *Ecclesiæ* maximus Patronus & amplificator fuit; ejus fortunam deplorat versibus *Cosmas*, aut ejus Continuator.

s. In hoc omnes Scriptores consentiunt. *Helbirga* obiit 1141. 13. Julij, vocatur etiam *Herburgis.*

t. *Wladislaus I.* quintus Regis *Wratislai* filius, post *Svatopluci* mortem A. 1109. *Borziwojum II.* eiecit, ut dixi, *Regem Ungariae Stephanum*, in *Moravia* prælio commisso vicit, & cætera, quæ attuli C. 25. *Cladrubii* tumultus.

u. *Amabilia.* *Pessina* docet eam fuisse *Bela I. Regis Ungariae* filiam, sed in *Sfvihoviorum* antiquis memoriis mihi ab Illustrissimo Domino *Jaroslao Sfvihovsky* communicatis, disertè legitur, *Amabilia Wochburgensis Ducissa*; *Crugerius* nullam nominat, sed ait fuisse *Henrici IV. Caesaris* filiam *Henrici V. sororem.*

x. *Sobieslaus I.* natus minimus *Wratislai* Regis filius, regnavit annis 15. cuius illustria facta habes C. 25. postquam *Lotharium* vicit, *Divo Wenceslao* coronam auri duodecim, argenti octoginta pondo in sepulchro imposuit. Obiit 1140. de loco mortis disputatur: *Pessina* ponit *Cujaviam*, alij *Arnoviam*, seu *Hofstinnam*, ubi Arcem exstruebat adversus *Polonos* parte illâ sæpius in *Bohemia* irrumpentes.

y. *Adleta Bela II. Ungariae* Regis soror, post *Sobieslaum* maritum octavo Mense incertore animi extincta, & in ejus sepulchro in *Wissehrad* tumulata.

z. *Judith Wratislai* Regis filia ex *Adleta*, conjux *Wladislai Hermannii Poloniæ Principis*, eique genuit *Boleslaum* Distortum. Obiit 1085. aliis 1082. mirè eam commendat à virtutibus *Elogiastes Polonus Kochovsky* narrat eam agente *Krobie Comitatum Ecclesiæ Cracoviensi* additum; gravibus exactionibus exemptis populum; fuisse matrem pauperum; decennio sterilem fuisse, postea à *S. Egidio* voto facto prolem impetrâsse.

Aa *Leopoldus Znoimensis* Principatu dejectus à *Brzetislao II.* in *Austriam* sese recepit. Obiit 1115. 26. Septembris, sepultus in *Monast. Trebic.* quod cum fratre *Ulrico* fundavit. *Hagek* ponit utrumque fratrem mortuum sine hæredibus, sed *Dubravius* disertè *Conradum Leopoldi* filium fuisse affirmat; fol. 166. & 171.

bb. *Lucia*, asserunt manuscripta hanc fuisse sororem *Helbirga* uxoris *Borziwoj II.* hinc conjicimus, filiam fuisse *Leopoldi Austriae Ducis.*

cc. *Vlricus Brunensis Princeps*, novas res moliens ab eodem *Brzetislao* captus *Clacj*

*Miechov. l. 3  
hist. Pol. c. 1.*

*Kochov. in  
Hypomne-  
mat. Regi-  
narum Polo.*



Glacij sedit; postea à *Borziwojo II.* circa A. 1101. dimissus est, uxoris nomen ignoratur. Obiit A. 1112. 15. Martij sepultus in Monasterio Trebicensi, quod cum fratre fundavit.

dd. *Svatoplucus I.* ( qui alijs *Conradus* quoque dicitur, ut habet *Weleslavinus* & *Cromerus* ) ex Principe *Olomucensi* Princeps *Bohemia* factus A. 1107. cum *Borziwojum II.* expulisset, in *Vngariam* exercitum ducens, nocte in silvis ab arboris ramo oculum amisit, brevi tamen curatus usque *Nitriam* populando pervenit; in obsidione *Glogoviae* à *Joanne Tista Wrssowecio* transfossus A. 1109. occubuit. *Weleslavinus* eum affirmat fundasse *Cænobium Cladrubense*, quod alijs examinandum relinquo; potuit initium aliquod dedisse, at *Wladislaus Rex* postea manum supremam apposuit.

ee. *Hidda Diterici II. Marchionis Misnia* filia, ut habet *Fabricius*, ex *Mechtilde Eccardi Marchionis Misniae, Thuringiae, & Saxoniae* filia.

ff. *Henricus Zdik Episcopus Olomucensis*, juxta *Weleslavinum Ottonis I. filius*, juxta *Paprocium & Pessinam Wladislai Regis* frater ( mihi certum est *Ottonis I. filium* fuisse ) Antistes rarissimæ sanctimoniae, auxit foundationem *Litomislensis Cænobij* pro *Pramonstratensibus*, quod *Montis Oliveti* dicebatur. Obiit 1150. *Paprocus* mortis annum poluit 1157.

gg. *Otto II. vel Otik* cognomine *Niger*, Princeps *Olomucensis* cecidit in prælio, cum *Lotharium Imperatorem* contra *Bohemos* adduxisset A. 1126. huic *Wenceslaus* & *Ottonem* filios tribuunt. Fatendum est hoc tempore ob multitudinem Regij sanguinis Principum à *Brzetislo* inchoando usque ad *Przemyslum Ottogorum II.* tantum esse chaos, & Genealogia perturbationem, ut nihil ad liquidum adduci possit, quod etiam aperte *Weleslavinus* significat, præclarus alioqui *Genealogistes Bohemicus*.

hh. Nescitur nomen; fuit ut reor *Woburgensis Ducissa*.

ii. Magna de hoc controversia est, quam expedire non possum, sunt etiam qui *Svatopluci I. filium* faciunt. Obiit in exilio.

kk. *Wladislaus*, de ejus posteritate nihil constat; cum trecentis Equitibus *Bohemis* in comitatu *Henrici IV. Imperatoris Romani* accessisse legimus A. 1111. aliud nihil habemus.

ll. Idem quod de *Wladislao* dicendum de hoc Principe.

mm. Hic invenitur nominatus apud *Pessinam* aliud nihil habemus.

nn. *Jaronirus*, hic etiam cum trecentis Equitibus à *Sobieslao I.* missus *Romani* cum *Cesare Lothario* accessit A. C. 1132. aliud nihil habetur præter mortem, quam subiit 1138. 15. Martij, donavit villam *Girzin* Monasterio *Trebicensi*.

oo. *Wladislaus II.* inter præstantiores Principes *Bohemia* numerandus. Fundavit *Strahoviense Cænobium Pramonstratensibus*, & in monte *Petrzin* ad *Pragam* *Plasense Cisterciensibus*. Obiit 1174. 17. Januarij, ut habet *Mortuarium Doxanense* scriptum A. 1370 *Strahoviense* erectum est ex pecunia multatitia Procerum, qui in eum conjuraverant.

pp. *Gertrudis* prima *Wladislai* conjux, fuit *S. Leopoldi Marchionis Austriae* filia ex *Anete Henrici IV. Imperatoris* filia, eademque matre *Conradi III. Imperatoris*, genuit *Wladislao* complures filios, ut vides in Tabula, sed filias plusculas, quas enumerabo in Tabula sequenti. *Judith* secunda uxor *Wladislai*, aliis etiam vocatur *Cecilia Ludovici III. Landgravi Thuringiae & Hassiae* filia, cujus mater fuit *Hedvigis Casaris Lotharij* filia, quam A. 1153. uxorem duxit. Pontem *Pragensem* ligneum partim, partim lapideum condidit *Judith*. A. 1171.

qq. *Henricus II. Agnetis* Maritus, quæ *Agnes Gertrudis S. Leopoldi filix & Wladislai II. Regis* uxoris consobrina fuit; utraque enim habebat matres *Henrici IV. Imperatoris* filias, illa *Bertam Marquardi Carinthiae Ducis* uxorem, hæc *Agnetem S. Leopoldi*

Crom. I. 1.  
hyst. Pol.

Fabric. L. 1.  
Orig. Saxon.

Weleslav. in  
Genealog.  
Paproc. in E-  
pisc. Olom. 8.  
Pessina in  
Prodromo. 4.  
3. c. 4.



Czerniniorū  
familia cog-  
nata Princi-  
pibus,

conjugem. Ab hujus *Henrici* filio, qui *Merklina* sepultus jacet prodiere filij: *Henricus* IV. cognomine *Czerninus* vel *Czyrminus*, *Brzetislaus*, *Drslaus*, *Boleslaus*, & *Christannus*, ut jam superius dixi, qui titulo Comitum tantum sunt usi, quos Rex *Przemyslus* 1212. omnibus ditionibus exuit, & Regno expulit, cum omnes potentiores *Bohemiae* familias opprimere statuisset, ut sibi & posteris suis securitatem pararet. Porro *Henricus* militavit cum fratre *Wladislao* in *Terra sancta* A. 1146: juvit etiam fratrem adversus *Conradum* III. Principem *Znoimensem* copiis in *Lusatia* collectis. Esse originarium *Czerniniorum*, & *Pessina* & *Crugerius* affirmant, & pridem significavit *Papocius*, quod ipse clypeus *Svihovijs* simillimus & colore tantum linearum differens, tum etiam memoriae vetustissimae in *Ecclesia Chudenicensi*, ac tandem perpetua in Nobilitate traditio, satis ostendunt, nosque alio in loco probabimus. Colligitur ex antiquis *Memoriis* fundasse *Cœnobium Cisterciensium* ad *Zelenam Horam*.

rr. Vide, quæ paulò antè in *Henrico* II. diximus, quod etiam affirmant vetustæ calamo exaratae memoriae *Procerum Svihoviorum*.

Ita Histor.  
M.S. Clatovi-  
ensis Abba-  
tis Radmili.

ss. *Theobaldus* I. *Prorex Bohemia*, cui frater *Rex* donavit *Regionem Prachensem* & *Clatoviensem* (quæ postea *Plsnensis* dicta est) cum ipsa *Clatovia*; ibidem fundavit *Theobaldus* *Cœnobium duplex Benedictinis* Viris & *Virginibus* ad *Ecclesiam S. Laurentij*, quam voverat in bello *Italico*, in qua etiam est humatus. Hic *Theobaldus* (verba *Weleslavinii* recito) reliquit filium itidem *Theobaldum*, à quibus descendit familia *Minorum Theobaldicorum*, seu *Svihoviorum*, qui de *Rizmberg* & *Skala* nominantur. Hæc *Weleslavinus* sub *Rudolfo* II. *Imperatore* scribens; rem veram scripsit, sed in *Genealogia* erravit, ut paulò post ostendam.

tt. *Sibylla* vel *Sidonia* *Ottonis Witsbachij* *Bavariae Ducum* familiâ geniti filia, ut habent memoriae *Svihoviana*; *Crugerius* loco *Sibyllæ* ponit *Mechtildem Wochburgensem Voilandie Principissam*.

uu. *Weleslavinus* ait uxorem fuisse *Friderici Ducis Bavariae*, at *Hagek* eam facit conjugem *Friderici de Chausnik* *Comitis Bohemici* ex familia *Storobuv*, quæ cum *Czecho* huc advenit. Conciliatur hoc, quia prius fuit uxor *Friderici*, postea *Ducis Bav.*

xx. Dixi de ea in *Bohemia sancta* lib. 4.

yy. *Doxana Priorissa* fuit, quam posui autoritate *Martyrologij Doxanensis*, etsi antiqui omnes fileant; de ea egimus in *Bohemia sancta*.

zz. *Spitihnaus*, nihil de eo habetur.

Aaa. *Wladislaus Sobieslai* I. filius (quem alii *Udalricum* appellant) post amotionem *Wladislai Regis Caesaris* favore designabatur *Princeps Bohemiae*, sed is hanc prærogativam fratri *Sobieslao* concessit.

bbb. *Sobieslaus* II. *Rex Bohemia* diu in *Arce Przimda* seu *Fraunberg* captivus sedet, sed *Friderici* I. *Cesaris Imperio* dimissus, *Principatum* tenuit A. 1174. fuit *Princeps* varius, à quibusdam virtutibus laudatissimus; ab iustitia commendatur, à inquieto & irritabili animo vituperatur, ad extremum à *Friderico Wladislai* II. *Regis* filio A. 1177. *Principatu* dejectus, in exilio vitam finivit.

Fabric. I. 5.  
Orig. Sax.

cccc. Fuit *Elisabeth* *Mieczislai Regis Poloniae* filia, qui eodem fato *Principatu Poloniae* deturbatus, exul decessit. *Elisabeth* ad secunda vota transiit, nupta *Conrado Comiti Rochlicensi*.

ddd. *Ulricus Sobieslai* I. filius, secundus frater, infelix bellator, qui milites *Boemos* in *Italiam* ducens pro *Friderico* I. *Cesare*, cum nesciret eos in officio continere, omnibus propè amissis ipse cum octo *Equitibus* domum reversus est. Tenuit ditione *Hradek* super fluvium *Sazavam*, quem accepit à *Wladislao* I. A. 1154. sed altero mox anno, cum omnibus suis in *Poloniam* cedere coactus est.

eee. *Luciana* vel *Lucia*, vel *Sophia* filia *Ottonis Ducis Marchionis Lusatiae* (soror *Adela*,



*Adele*, quam repudiavit *Przemyslaus I. Ottogarus Rex*) ex *Hedvige Alberti Electoris Brandenburgici* filia; ex qua genuit *Agnetem Antistitam Parthenonis Gerbstetenfis*; *Sophia* vel *Luciana* post *Vlrici* mortem nupsit secundò *Burgravio Ratisbonensi*.

*Fabr. l. cit.*  
*in Ottone.*

fff. *Wenceslaus Sobieslai I.* filius *Wladislaum II.* timens, ad *Belam Vngaria Regem* Matris suæ fratrem sese recepit. A. 1191. post *Conradi III.* mortem Principatum *Bohemia* affectavit, & à *Cæsare* obtinuit, Sed captus ab *Alberto Marchione Lusatie*, qui *Przemyslao* favebat, in carcere mortuus est.

ggg. *Maria Sobieslai I.* filia conjugem accepit *Leopoldum V. Marchionem Austria* cognomento *Liberalem* filium *S. Leopoldi*, cum dote quingentarum marcarum argenti. Nuptiæ celebratæ *Olomucj* A. 1138. hæc post mortem *Leopoldi* A. 1142. nupsit *Hermannno Principi Carinthia*.

hhh. *Conradus II. Princeps Znoimensis* ob *Wratislaum* patrualem turbas commovens à *Sobieslao I.* captus sedit in *Wissehrad*; inquietus Princeps. Obiit A. 1150. 13. Decembris, *Trebicij* sepultus. Habuit uxorem, si fides est *Dubravio*, *Belæ Regis Ungariæ* sororem, fol. 101.

iii. *Otto* alter *Leopoldi* filius, *Princeps Olomucensis*, fratrem in consilijs omnibus adjuvit.

kkk. *Wratislaus Princeps Brunensis* captus à *Sobieslao I.* A. 1127. sedit in *Arce Donin*, postea *Jaromirij*; reconciliatus ei *Sobieslaus* restituit Principatum. obiit 1156. 16. Augusti. *Dubravius* cum vocat *Ducem*, fol. 98. *Hagek* Anno 1128. fratrem *Sobieslai*.

lll. *Basilia* vel *Wafilka*, *Jaropolci Kiovia Principis* filia, matrona formosissima.

mmm. *Spitihnaus*, aliud nihil de eo invenio, quàm quod attuli. obiit A. 1151. 26. Martij, *Trebicij* sepultus.

nnn. Hunc *Fundatorem Cænobiij Litomislensis* fuisse cognoscimus ex literis *Henrici Episcopi Olomucensis*, qui eam foundationem auxit. Ipsas literas foundationis in *Marte Moravico Pessina* recitavit.

ooo. Præter ea, quæ attuli nihil habeo.

ppp. Hujus indolem commendant manuscripta, quem ideo *magne spei juvenem* appellavi.

qqq. *Wenceslaus* ex castro suo extruxit *Ecclesiam Episcopalem* sub Titulo *S. Wenceslai*, & sedem *Episcopo*, qui aliàs ad *Ecclesiam SS. Petri & Pauli* in eodem suburbio habitabat in antiquis memoriis appellatur *Pater Clericorum*.

rrr. De *Ottone III.* multis agit *Pessina* in *Marte Moravico*; hic in *Cænobium Hradissiensæ Pramonstratenses* induxit, loco *Benedictinorum*, ibidem humatus. A. 1160.

sss. Hunc *Henricum* ex *Pessina* descripsi. In memoriis *Trebicensibus* vocatur *Conradus*.

ttt. *Fridericus* primogenitus *Wladislai II.* filius Patre adhuc vivente *Bohemiæ* regendam titulo Ducis accepit; à *Cæsare Friderico* (quòd Patri *Wladislao* ob *Sedis Apostolicæ* studium *Cæsar* offensus esset) folio dejectus, *Sobieslao II.* cedere coactus est. Receptus in *Cæsaris* gratiam A. 1176. pulso iterum *Sobieslao* Principatum recepit. Fuit etiam *Friderico* negotium, cum *Conrado II. Znoimensi Duce*, cum quo postea pacem fecit. Plura de eo superiùs dixi, reparavit *Ecclesiam Wissehradensem*.

uuu. *Elisabeth* uxor *Friderici*, filia *Geisa Vngaria Regis*, soror *Hulichæ* conjugis *Svatopluci II.*

xxx. Quæ de hoc *Theobaldo* scribi possunt, propè nulla invenio, excepto quòd in *Terra sancta* sit mortuus cum *Conrado III.* & nè putes *Theobaldi* filium fuisse, disertè *Friderici* Ducis minor natu frater appellatur,

O2 . . . . . yyy. *Svato-*



yyy. *Svatoplucus Dux Bohemiae* conjugem duxit *Hulicham Stephani Regis Vngarie* sororem, atque ita duo fratres, *Fridericus & Svatoplucus* duas sorores in conjugio habuere.

zzz. *Wladislaus III.* de eo capite sequenti.

Aaaa. Vide Tabulam sequentem, seu quintam.

bbbb. Vide literas uuuu. & xxxx.

cccc. *Conradus* bello strenuus Dux, sed subdi *Principibus* non ferens, multa in *Wladislaum III.* aliosque Principes molitus; à *Wladislao* denique subjugatus, Procerum consensu post *Fridericum* Princeps declaratur, bellum quæsit in *Italia*, ubi ad *Neapolim* decessit A. 1190.

*Pulkava ad*  
A. 1182.

dddd. *Mariam Conradi* conjugem fuisse testatur *Pulkava*, *Otonis Witelsbachij* filiam.

eeee. Hunc *Henrico-Brzetislaum* uno nomine veteres appellant: fuit *Henrici II.* filius, non ut *Weleslavinus* docuit *Henrici III.* Post mortem *Conradi Henrico VI.* Imperatore volente Princeps Bohemiae factus A. 1191. quinque annis laudatissime gubernavit Bohemiam, jam ante decennium *Episcopus Pragensis*, obiit *Egra* in cura *Acidularum*, vectus ad sepulchrum *Doxanam* A. 1196. cujus vitam L. 4. Miscellaneorum scripsimus.

*Fabric. l. 5.*  
*Orig. Sax.*

ffff. *Hedvigis* soror *Theobaldi II.* nupta *Friderico Marchioni Misnia*, ut habet *Fabricius*, qui disertè eam filiam *Dipoldi* (id est *Theobaldi*) *Bohemiae Ducis* appellat. *Memoria Svihoviana* veteres (quas mihi exhibuit *Illustriissimus Dominus Jaroslaus Svihovsky*) *Fridericum* non ajunt fuisse *Marchionem*, sed *Brenæ* (comitem, & *Marchionum Misnia* cognatum. Obiit *Hedvigis* A. 1210. fundavit *Parthenonem Brenensem Ordinis Cisterciensis*.

*Svihoviana*  
stirps à Prin-  
cipibus Prze-  
myslæis de-  
scendit.

gggg. *Theobaldus II. Dominus Clatoviensis & Prachensis Provincia*, deinde post patrem Princeps *Znoimensis*. Obiit 1212. in *Syria*, ab hoc aliqui deducunt *Familiam Svihovskianam*, sed erroneè deduci autem debet à *Theobaldo IV.* ut probatum est à me in *Genealogia*, quam eidem *Illustriissimo Domino Jaroslao Floriano* confeci, cujus hic initium dabo, reliquum inveniet Lector in *Stemmatographia*.

NB. Hic lege *Genealogiam* sequentem.

hhhh. Hanc in memorijs *Svihoviensibus*, & in omnibus alijs Scriptoribus invenio *Theobaldi II.* conjugem fuisse.

iiii. Paulò antè ab eo *Familiam Svihovianam* deduxi Lit. priori.

kkkk. Fuit *Misnia Marchionissa*.

llll. *Conradus*, ut affirmat *Pessina* post mortem *Leopoldi & Otonis Prædslaviensis Principis*. Obiit 1227. nullo hærede relicto.

*Pess. l. 3. c. 5.*

mmmm. Id quoque affirmat *Pessina*, & aliud nihil invenio.

*Pess. l. 3. c. 5.*  
*Martis Mora.*

nnnn. Hunc *Spirihneum* conabatur solio imponere, post *Conradum Brzetislaus* seu *Henricus Episcopus Pragensis*, sed actum egit, quem deinde *Przemyslus* prætextu quòd novas res moliretur, oculorum usu privavit, ut idem narrat.

oooo. *Judith*. Id etiam ex *Pessina*.

pppp. Hic ad *Neapolim* in *Italia*, cum turmam *Moravorum* armis, & alio apparatu egregiè instructam, in auxilium *Henrici VI. Cesaris* adduxisset, extinctus est, ita *Dubravius* lib. 14. & alij.

*Pess. l. 3. c. 5.*

qqqq. rrrr. Duo hi fratres *Otonis III.* filij, exuti paterno *Olomucensi Principatu*, ejus loco *Prædslavian* acceperunt, quorum prior caruit liberis; alter (scilicet *Wladimirus*) duos genuit filios *Prædslavienses Principes Leopoldum & Otonem*, qui tamen improles obierunt. *Brzetislaus* aliquibus *Otto Brzetislaus* dicitur; *Dubravius* cum *Wratislaum* vocat.

Genea-



Genealogia Initialis Familiae Szwihovskianae.

Wladislaus I Princeps Bohemiae, Wratislai Regis filius. obiit 1125. + Amabilia Woburgensis Ducissa.

Wladislaus II. Rex Bohemiae. obiit A. 1174. + 2. Judith. Henricus II. Princeps Boh. Znoim. + Agnes Ducissa Carinthiae. Theobaldus I. cogn. Wratissla. Sibylla Wittelsbachia. B. Amabilia Ordinis S. Benedicti.

Przemysl Otto-garus I. Rex Bohem. ut in seq. ana. Henricus Princeps Episcopus Pragae. Theobaldus + Adelheida Ducissa Helicardis Milicie Mar-chionissa. Protiva Episcopus Seg-comitis. Hedwigis uxor Frederici Brene-comitis.

II. Dominus Clatoviae, post Princeps Znoimensis. obiit 1212. Brzestislaus alius Sobieslaus I. obiit An. 1230.

Bruno obiit sine liberis. Theobaldus III. Canonicus Magdeburgensis. Borzivojus in bello Polonico cecidit. Boleslaus ad Lignitum + Maria Coniux Philippus Reg. Gallicus. Nauch. vol. 2. Gener. 20. Adelheida Monialis Trebelli. Theobaldus I. V. bellico-adversus Polonos exstinxit arcem Rizenberg. N. Filia Henrici Silesiae Ducis & S. Hedwigis. Brzestislaus IV. Princeps. Maria Ducissa Ruthiae. Euphemia uxor Helicardis uxor Baronis de Walden-Ha-zumburg. Camerarius Regni Bohemiae.

Ab hoc procedunt Szwihovij semper virili, & decoro descensa. Reliqua in Stemmatographia. Vide Tabulam V, de Henrico Principe Brunensi, & ejus ultima filia Elisabeth. ibid.



ssss. Nihil aliud, quàm quod scripsi, attulerunt Authores.

tttt. Huic *Henrico Marchioni Moraviae Imperator Fridericus II.* donavit A. 1212. *Mocram & Mokny* (de qua re est *Bulla aurea*, quam recitabo in *Fundamentis Regni*) qui paulò post est mortuus.

uuuu. De eo in Tabula sequenti. uti etiam de xxxx.

yyyy. zzzz. Aaaaa. bbbbb. ccccc. Hæc patent ex *Genealogia Czerniniorum*, quam confeci, & cujus hîc initium dabo.

*Brzetislaus Achilles Bohemiae.*

*Wratislaus I. Rex.*

*Wladislaus I. Princeps Boh. XXIX.*

*Henricus II. Dux.*

*Henricus III. Merklina sepultus.*

*Henricus IV.* cognomine *Czerninus* vel *Czirninus*; fratres ejus *Brzetislaus*, *Drslaus*, *Boleslaus*, & *Christannus Comites*, expulsi ex Bohemia, à *Przemyslo Rege Ottogaro* An. 1212. Porro *Wladislaum* quendam *Henrici Episcopi* fratrem, *Henrici Ducis* filium, invenio in literis *Henrici Episcopi* fratris *Henrici II.* quibus confirmat *Testamentum Beati Hrofnate*; de quo tamen nemo Scriptorum unquam fecit mentionem, neque in *Genealogijs* ejus nomen invenitur.

ddddd. Aliud nihil de eo invenitur. Certum est sinè prole obiisse.

ceeee. fffff. ggggg. hhhhh. iiiii. kkkkk. lllll. Hæc quæ attuli, partim ex *Pessina* in *Marte Morav.* partim ex *Weleslavino*, sed maxime ex *MM. SS. Familiae Siwihovianæ* descripti.

hhhhh. iiiii. De hoc *Henrico Principe Brunensi* & ejus conjuge agit *Pessina* in *Marte Moravico*; residebat *Brunæ*, éstque A. 1148. 16. Februarij mortuus. Reliquit ex *Uxore Cunegunda* unicam filiam *Elisabeth.* *Uxorem Przemyslai Ducis* majoris *Poloniæ*, ut habet *Weleslavinus*, & alij.

mmmmm. nnnnn. Facit horum fratrum mentionem *Pessina*, quorum nulla proles invenitur.

ooooo. Hæc, quæ de *Margareta* attuli, ex *historia Danica* sumsi, quæ ad An. 1205. & 1112. de ea adferuntur.

ppppp. qqqqq. De ijs vide litteram rrrr. quædam dilucidius explicabuntur tabula sequenti post Caput XXXIV.

## CAPUT XXIX.

*Wladislaus Princeps Bohemiae XXVII.*  
qui raro modestiæ exemplo fratri Principatum  
cessit; igitur *Przemyslaus Ottogarus* primum  
*Princeps Boh: XXVIII.* mox etiam *Rex*  
cum omnibus Principibus Bohemiae  
successoribus salutatur.

. *Prze-*





**P**rzemyslaum inquietum Principem, qui sibi fortunam fabricare, atque ut *Seneca* loquitur *manusfacere* vellet, eadem fortuna sæpe ad alta hiantem destituit, sæpe etiam abjectum extulit ad summum; res sic gesta est: *Henrico* seu *Brzetislao Episcopo*, ut vixerat sanctissimè, perinde sanctissimè mortuo, *Wladislaus* quartò genitus *Wladis-*

*lai II. Regis* filius, *Bohemiae* Rempubliam Proceribus offerentibus tractandam suscepit, ex carceribus, in quibus propter fratris latrocinia coniectus erat, ad Imperium vocatus. Menses quinque, non amplius imperavit; is namque cum videret fratris *Przemyslai* ingenium, quietem præelicens, seu timore fratris, qui cum exercitu in *Bohemia* venire ferebatur, illustri fraterni amoris documento, fratri dignitatem, & titulum, & ipsam *Bohemia* tradidit, *Moraviam* sibi regendam uni servavit; *Przemyslaus* ubi se insperatè, & sinè certamine Principem vidit, in media populi concione mox *Wladislao Moraviam* confirmavit, id factum diè *S. Nicolai* A. 1199. Porro *Wladislaus* ad mortem usque concordiam cum fratre inviolatam tenuit, charissimus subjectis *Moravis*, qui cum A. 1222. mortuum in *Cænobio Wlebradenfi* (quod in honorem *Dei Matris* opulentissimè fundaverat) cum luctu ingenti & lacrymis condiderunt. *Wladislaus Marchio* ejus filius post patrem biennio superstes Augusto Anni 1224. mortuus, ad corpus patris tumulatur. Interea *Przemyslaus Ottogarus* sinè rivali, & sinè adversario quietè satis regnasset, nisi timidâ ambitione, omnes regij sanguinis Principes ultrò oppugnandos, & ex *Bohemia* exterminandos suæ securitatis gratiâ suscepisset; primus omnium *Spitihneus Wenceslai* filius, quem *Henricus Episcopus* *Przemyslao* inquieto semper infestus imponere *Bohemiae* tentaverat, injuriam sensit, oculisque privatus est; cæteri maturè subduxêre sese, & mortem, & quod morte fortasse crudelius, cæcitatem evaserunt. *Czermnios* omnes è *Bohemia* expulit,

Fratri frater  
cedit Prin-  
cipatu.

Ottogari ri-  
valitas.



Cur dictus  
Ottogarus?

Ottogarus  
coronam si-  
bi & poste-  
ris obrinet.

Ottogari in  
Ecclesiasti-  
cos violen-  
tia.

pulit, denique ea gessit, quæ ij solent, qui ex humili vita Imperium adipiscuntur; quippè *Przemyslaus* ab *Henrico* Episcopo olim pulsus latrocinando & *Provincias*, *Barvariam* præcipuè, & *Sueviam* vastando cum *Alberto* Comite de *Bogen* vitam inhonoratam diu agitaverat, ultimòque eò inopiæ redactus est, ut cum *Ratisbonæ* templum ædificatur, operam suam cum Mercenarijs locaret; ajunt in humili illo labore versantem auditâ *Henrici* Episcopi morte, ultimos tres aureos in flumen jecisse, animo jam ad spes novas erecto. *Imperatricis* deinde intercessione, quæ per eos dies A. 1196. infantem genuerat (qui postea *Fridericus II. Caesar* fuit) ab *Henrico* *Cæsare* receptus in gratiam, in *Barvariam* concessit. Varium *Ottogari* Imperium fuit, multa in hoc Principe laudanda, multa vituperanda inveniuntur. *Saxones*, & eorum *Ducem* *Ottonem*, qui se pro Imperatore ferebat, bis cecidit, & *Bohemiâ* ejecit; *Protivvam* *Theobaldicum*, quem *Imperator Philippus* æmulum illi opposuerat, cum copiis Germanorum advenientem fugavit; denique medius inter *Imperatores* duos *Ottonem IV.* & *Philippum*, utrique parti diversis temporibus magnas clades intulit, alio tempore magnum ad victorias attulit momentû, & cum pro *Ottone* staret, *Ottonianus* totus (hoc enim *Ottogari* germanica vox significat) appellatus est. Ab A. 1206. *Philippo* *Cæsari* adhæsit, ejusque filiam *Cunegundam* filio suo *Wenceslao* infantem infanti despondit. Occiso per summum scelus *Philippo*, & *Ottone IV.* ope *Sedis Apostolicæ* ab Imperio dejecto *Friderico II. Henrici VI. Cæsaris* filio totum sese dedit, ac militaribus obsequiis effecit, ut *Bohemia* Regni titulo, & *Rex* ejusque posterum in omne futurum tempus *Regiâ Coronâ* ornarentur; recitabo *Friderici II.* litteras in *Fundamentis Regni Libris Miscellaneorum*, aliâque auream *Bullam*, in qua *Fridericus II.* plurimas ditiones, & *Arces Regi Bohemiæ* donat, easque Regno conjungit, quæ immortalia beneficia & Privilegia *Ottogaro I.* debet *Bohemia*; *Cœnobia* duo *S. Jacobi*, & *S. Clementis* *Pragæ*, illud pro *Minoribus*, hoc pro *Prædicatoribus* magnificè construxit, & filio absolvenda reliquit. Sed jam ad indigna memoratu convertor: præter vexatos & injuriosè, vel *Bohemiâ* exactos, vel Principatu deturbatos *Regij sanguinis Principes*, ut *Theobaldicos* & *Henricos*, *Clerum* omnem vexandum sibi sumsit *Ottogarus*, tributis contra immunitatem *Ecclesiasticam* gravans, & operibus, & labore servili sic occupans, ut mœnia *Civitatum* ædificarent, valla extruerent, nullo inter sacra & profana facto discrimine, inter alia scholares ex atramento & pennis, *Sacerdotes* ex rasis in *Coronæ* modum crinibus certos nummos dependere cogebat. Erat tum fortitudine animi insignis *Præsul* ex *Stemmata Guttensteiniano Andreas* nomine, qui *Ecclesiasticâ* libertate sæpius monitum *Regem* cum nihil



hil proficeret anathemate perculit, & *Bohemia* posuit sub interdicto; septem annis *Bohemia* caruit sacris unius ob noxam Regis *Ottogari*, qui serò resipuit, & novis decretis editis, priora facta rescidit; literas Regis *Ottogari* ad frugem redeuntis recitavi *Lib. 6. Miscell.* Illud etiam nescio an satis laudabile *Ottogari* factum censeretur, quod filium *Wenceslaum* adhuc infantem in cunis à *Siffrido Moguntino* coronari iusserit, exempla in promptu sunt, *Wenceslai Pigri*, & *Ludo-vici Regis*, aliorumque quibus ostenditur ejusmodi immaturas, & infantiles coronationes, plurimis Regnis insignes calamitates, & ipsam quodammodo infelicitatem attulisse. Sed eam coronationem in infante *Wenceslao* peractam affirmat *Crugerus*, & aliquid *Stransky* insinuat, equidem non admitto, cum de ea temporis illius *Scriptores* silcant, quos diligenter inspexi. An. tandem 1230. Regni ferè 32. octogenario proximus, aut major *Przemyslaus* omnium suorum hostium, etiam aliquando *Cesarum* victor, aureus & victoriosus ab aliis cognominatus, cessit è vita. Cupiebat hic Rex pulcherrimo beneficio exornare *Bohemia*, *Metropolitanâ* sede *Pragæ* erectâ, eâque de re ad *Innocentium III.* literas dederat, at is nescio quibus de causis cunctabatur, *DEO & sanctis Bohemæ Patronis* hanc gloriam *Carolo IV. Patriæ Patri* servantibus; si *Ottogari* gesta bona & mala in duas lances tribuantur, nescias, quæ pars præponderabit; ultima tamen (quæ *DEI* misericordia approbat) meliora & majora fuisse videntur. Uxores duas habuit (de quibus in *Notis ad Tabulam V.*) quidam etiam tertiam addunt, *Margaretam Brandeburgicam*, quod, ut apertè dicam, vix fieri potuit in silentio *Scriptorum* illius ævi, quorum manuscriptos habemus *Annales*.

Corrigit se  
in vitæ fine  
*Ottogarus*.

## NOTÆ in Caput XXIX.

**F**ortunam fabricare & manufacere &c. Propriè hoc *Ottogaro* convenit, qui manuali & servili labore occupatus durum laborem mercenariorum subire coactus est; felicior in Aula *Cæsaris* vixit: Aula enim est officina & fabrile fortunæ; quæ ab Aula *Misilia* sua jacit. Eleganter *L. Seneca* fortunæ imaginem depingit, potius quàm describit: Hanc, inquit, imaginem animo tuo propone, ludos facere fortunam, & in hunc mortalium cætum honores, divitias, gratiam excutere &c. aestuamus miseri, & multas cupimus manus habere, modò in illam respicimus, nimis tardè nobis mitti videntur &c. Hæc in Aulis Principum contingunt, ad quas plerique velut ad aras fortunæ, seu illa *Obsequens*, seu *Aversans*, seu *Inviscata*, seu *Primigenia*, seu *Revertens*, aut quocunque alio nomine appelletur, accurrunt. Hunc modum & fortunæ suæ viam in Aula *Imperatoris Henrici* quæsit, & invenit *Ottogarus*.

Fortuna extollit Regem  
*Ottogarum*.

*L. Seneca* Epist. 79.

*Plat. in Rom.*  
qq. 74. & *L.*  
de fortuna  
*Rom.*

*Charissimus subjectis Moravus &c.* Benevolentia Civium est optima Principis custodia; cordibus muniri est plùs quàm arcis aut adamantinis mœnibus custodiri. *Guilielmum de Rosis Procerum* nostrorum principem Patrum memoriâ gloriari solitum accepimus: Se ità esse subditis carum, ut in sinu singulorum quiescere & semnum capere possit; eam securitatem ut aliis Proceribus probaret, quid egerit narravi *Lib. 3. Miscell.*

Clementia  
optima  
Principum  
custodia.

P admi-



Curt. l. 8.

Synes. lib. de  
providentia  
Sect. 1.Grande sup-  
plicium cæ-  
citatis.In declamat.  
1.Principes  
nati ferè  
melius Prin-  
cipantur.

admirabile est exemplum, quod ibi legitur. Hoc *Guilielmus* noster in re parva, *Re-*  
*ges* magni faciunt in re magna: *Alexandri* sapiens oratio est ad milites, quam refert  
*Curtius*: non est diuturna possessio, in quam gladio inducimur; beneficiorum gratia sempi-  
terna est. Si habere *Asiam* non transire volumus, cum his communicanda est nostra cle-  
mentia: horum fides stabile & æternum facit Imperium. Et hæc vera est inter *Tyran-*  
*num*, & Principem naturalem differentia, quod ille invitis, iste volentibus & aman-  
tibus imperat; talem nobis describit *Osiridem Synesius*, cum ait imperante *Osiride Æ-*  
*gyptijs* nihil lacrymarum, præter nomen relictum esse.

*Oculisque privatus &c.* Nescio quod in vita supplicium tristius esse possit cæci-  
tate: est quædam quasi possessio res videre. Omne ex possessione gaudium cæci-  
tate perit; meritò *Divus Ambrosius* oculum laudans, eum *carneam mentem* appella-  
vit. Cæcitatis miseras eleganter omnino in Declamationibus suis describit, quisquis  
ille Author est, sub nomine *Quintiliani*; at verò solatia cæcitatis Vir doctissimus  
*Puteanus* in auteolo libello de cæcitare.

*Ex humili Imperium adipiscuntur &c.* Nescio quid asperitatis plerumque ad-  
hæreat Principibus ex humili fortuna elevatis, & oraculo verius est illud *Claudiani*:

*Asperius nihil est humili, cum surgit in altum.*

*Cuncta ferit, dum cuncta timet*

Ego solitus sum de hujusmodi temporariis principibus illum *Poëta* versiculum usur-  
pare: *fanum habet in cornu, longè fuge!* quod et si aliorum dictum à Poëta sit, huc  
bellissimè quadrat. Poëtæ carmine & ænigmaticè hanc *Notulam* finio:

*Quondam cornicines, & municipalis arena*

*Perpetui comites, notæque per oppida Buccæ, (id est Tibicines)*

*Munera nunc edunt, & verso pollice vulgi*

*Quemlibet occidunt populariter; inde re-versi*

*Conducunt foricas, & cur non omnia? cum sint*

*Quales ex humili magna ad fastigia rerum*

*Extollit, quoties voluit Fortuna jocari.*

Iuven. sat. 3.

Varius Prin-  
ceps quis sit?Persecutio  
Ecclesiasti-  
corum no-  
xia Principi.

*Varium Ottogari Imperium fuit &c.* Talem Principem jam antè memini me  
descripsisse in superioribus Capitibus. Omne quod est varium ferè maculosum est,  
neque frustra maculavit natura: quid ferius pantheris, quid maculosius venenatis?  
eò magis fugienda sunt, quæ sic adornantur, & præferunt cultum, ut viperæ aliæ-  
que his cognata; at in homine animus varius & instabilis semper timorem pruden-  
tibus facit, cum exiguo interjecto tempore modò amicus, modò capitalis hostis in-  
veniatur, itaque *fide, sed cui, vide.*

*Insignis animi fortitudine Præsul Andreas &c.* Hujus beati Præsulis vitam com-  
pendio retuli Lib. 4. Miscell. Malè suis rebus consulunt Principes, qui sibi Ecclesia-  
sticos viros vexandos proponunt: nullum, multò minùs gloriosum successum hæ-  
bet talis vexatio. Alienat propè omnes subditos, qui reverentiâ illius statûs, qui co-  
gnationibus ipsorum, qui authoritate & consiliis, qui sanctimonix exemplis, qui sa-  
crorum administratione tenentur: itaque DEUS, cælum, homines, his injuriis sa-  
crorum hominum offenduntur, & sociam operam improbi præstant dæmonibus,  
qui hunc ordinem sacrum capitali odio prosequuntur, neque ego memini in histo-  
riis legisse me unquam, Principes, qui hunc ordinem proculcare voluerunt, lætos  
exitus habuisse.

*Si Ottogari gesta in duas lances componantur &c.* Notissimum est veteres sapien-  
tissimè



tissimè *libra* imagine *Considerationem* expressisse, ut enim in *libra* pondera usque ad minutissimos scrupulos examinamus, sic qui prudenter eligere volunt, omnes rerum circumstantias, antequam quod melius est eligant, consilio, & examine perpendunt. Nota est illa præstantis Philosophi *Critolai* *libra* apud *Tullium*, qui in alteram *libra* lancem *Animi bona*, in alteram *corporis & fortuna dona* imponebat, ajebátque tantum propendere & præponderare illam *Boni lancem*, ut terras & maria deprimat. Vidi imaginem *B. Aloysij* nostri, qui in lancem alteram mundum, coronas, sceptrá &c. in altera cælum & circulum æternitatis conferebat, cui imagini sapiens Inventor sententiam subscripsit: *momentaneum, & leve æternum gloria pondus operatur*. Ad hoc exemplum humanissima lex Persarum constituta est, ut narrat *Muretus*: non enim supplicio afficiebant reum si probare potuit, magno aliquo beneficio se Patriam affecisse, & si majus illud beneficium, quàm in suo genere maleficium deprehendebatur à Judicibus, mortem evadebat, & ut *Muretus* loquitur: *diligentissimè in ejus vitam inquirebatur, & ratio inibatur, plurane turpiter & flagitiose, quam bene & laudabiliter gessisset; sin præponderabantur honesta turpibus, damnabantur, si turpibus honesta, absolvebantur*. Idem de vita hujus Regis sentiendum, multò enim plura laudabilia, quàm vituperanda gessit; & quanquam mala superarent, tamen extrema ejus gesta laudatissima fuerunt: quod etiam DEUS clementissimè respicit, & non qui fuerimus antea, sed qui sumus in morte perpendit.

Dux lances  
bonorum &  
malorū sæ-  
pe exami-  
nandæ pru-  
dentibus.  
*Cic. in Tus.*  
99. l. 5.

*Mar. Ant.*  
*Muretus L. 8*  
*var. lect. c.*  
25.

## CAPUT XXX.

*Wenceslaus I. ejus nominis, Rex Bohemie  
quartus, Przemyslai Ottogari I. filius.*



**M**agna inter Scriptores in Regū nostrorum numero & ordine diversitas invenitur, in re tamen omnes conveniunt: quidam *Bohemie Principes*, qui Regium titulum pro se solis, & non pro successoribus adepti sunt, inter Reges numerant; quod si sequamur, *Wenceslaus Rex Bohemie* quartus censebitur, post *Wratislaum*, *Wladislaum*, & *Przemyslaum Ottogarum* Majores suos; quidam eos tantum Reges, qui sibi ac posteris

Regnum paraverunt à *Przemyslao Ottogaro* numerant, & hâc ratione *Wenceslaus Rex* secundus computabitur; quidam à nomine *Wenceslai* Reges inchoant, & sic primus ejus nominis Rex erit *Wenceslaus*, nam *S. Wenceslaus Martyr*, etsi ab *Henrico*, vel *Ottone I.* titulo regio in Comitibus Imperij insignitus fuerit, nunquam tamen sanctissimus Princeps (quæ ejus modestia, & ut Christianè loquar, humilitas fuit) Regium decus admisit, aut Regem se appellari passus est. Has igitur controversias Scripto-

Ordo Regū  
nostrorum.



*Stransky in  
Rep. Boh. c.  
8. n. 25.  
Crug. in ma-  
nuscripto.*

*Wenceslai  
Regis bella.*

*Liberalitas  
Nobilitatis  
Bohemicae  
in sacra.*

rum facile dissolvat, qui hæc memoriâ tenuerit. Mihi quod usitatissimum Scriptoribus video *Wratislaus I. Rex, Wladislaus* ejus nepos II. *Przemyslaus Ottogarus III. Wenceslaus* cujus Regnum nunc aggredimur quartus erit Regum, sed ejus nominis secundus. Hic adhuc Patre vivente cum *Cunegunda* conjugæ *Philippi Imperatoris* filia A. 1228. Pragæ coronatus est. Sunt insignes Scriptores, qui eum ter coronatum affirmant, idque per ambages innuunt, *Stransky & Crugerius*, cum in cunis coronatum, postea A. 1228. aut 29. tandem 1250 nescio quâ Religione tactum coronationem repetiisse solennissimo ritu tradiderunt, de quo veteres Scriptores altum silent. De vita quoque ejusdem Regis magnæ excitantur controversiæ, cum ea, quæ capite superiore illaudata, & indigna diximus, huic *Wenceslao* à quibusdam imputentur, ut illud: voluptatibus deditum fuisse, & loca sola, & sinè arbitris, ut ageret, quod luberet, quæsisse, & alia hujusmodi; ego meam pennam veritati, non suspicioni consecravi, & contestata, & in luce publica gesta adducam. Ubi primùm A. 1228. *Wenceslaus* coronatus est, adversus *Austrios*, qui nuper *Moraviam* vastaverant, exercitum duxit, & vicem *Austrijs* reddidit; bellum protractum est ad A. 1231. Patre *Przemyslao Ottogaro* superiore Anno mortuo, *Friderico II. Imperatore* non modò incitante, sed & jubente, *Viennam* in hoc bello occupavit, nec nisi vicenis aureorum millibus, à *Friderico Austriæ Duce* acceptis dimisit, pace propè *Znoimam* ad *Lucense Cœnobium* A. 1235. conclusâ. Eodem Anno 1. *Novembris Augustam* ad conventum Imperij Principum advenit, magnâ omnium veneratione exceptus, ibique decem millia marcarum argenti dotem uxoris suæ *Cunegundis* pro ea *Sueviæ* parte quæ jure hæreditario ad eam fuerat devoluta, accepit. Nullum sæculum Bohemiæ sanctius illuxisse puto, quàm hoc *Wenceslao* regnante: omnia plena exemplis sanctitatis, imò etiam, quæ comitari sanctitatem solent, miraculis fuere. A. 1226. sanctissimus Ordo Prædicatorum ad *S. Clementis Ecclesiam* (quam illis magnifico opere *Przemyslaus* Pater extruere cœperat) anno deinde 1232. *Minores S. Francisci ad Ecclesiam S. Jacobi* (quam Ecclesiam deamabat *Rex Wenceslaus*) magnâ celebritate inducti sunt. Memorabile illud est, quòd dum utraque Ecclesia construeretur; *Optimates, Proceres*, & quicunque pecuniâ abundarent ultrò, & clam (ut pietas sinè teste tutior esset) in altaria grandes pecuniarum acervos componerent, ut esset quo mercenariis solveretur: pauperes verò & egestate pressi operariis se admiscerent, & cum manupretium divideretur, diffugerent, divinam gloriam pro omni pretio sibi esse existimantes: vidisses etiam maximos *Bohemie Proceres*, quoties templa adirent, sacro aliquo habitu assumpto indutos, cum *Canonicis* aut *Religiosis* viris



viris alternatim DEI laudes concinentes, & ea omnia sumamâ divini Numinis & Majestatis reverentiâ peragentes, quæ sacris ritibus præcipiuntur. Cænobia, centum viginti nonnunquam etiam quadraginta Sacerdotes numerabant, ut de S. Clementis Cænobio suo loco dicemus. Sed hæc ad Regem Wenceslaum pertinere minimè videbuntur ignaris, magna tamen Regum felicitas censetur, si iis regnantibus virtus & pietas efflorescant; adde quòd Rex Wenceslaus subditorum virtutes suas fecit, qui etsi ipse forsitan tam Religiosâ pietate non usquequaque teneretur, omnibus tamen viis sancta promovere & stabilire conabatur, annitente præsertim sanctissimâ Virgine Agnete sorore suâ, quæ per id tempus fratris auxilio A. 1238. Hospitalem domum ad pedem pontis Pragensis in honorem S. Spiritus ditissimè fundatam Crucigeris cum rubea Stella donavit, atque à Pontifice impetravit, ut ea domus in perpetuum sedes esset totius Ordinis Magistri. Ecce autem ingens toti Europæ periculum à Septemtrione nascitur! Tartarorum innumera multitudo (quidam decies centena milia superâsse tradunt) finibus suis egressa, vicinis Regionibus pervastatis pars Poloniam & Silesiam, pars Ungariam ingreditur; neque cælos exercitus Christianorum, neque alias Principum Christianorum Clades recensebo: jam pridem hæc à me in Di-va Wartensi & Typo expressa, & æri incisa obtuli Lectoribus; denique nè longum faciam A. 1241. ad Olomucium nocturno prælio ab Jaroslao de Sternberg cum æterna Sternbergici nominis gloria cæsi sunt, ipsèque Peta Tartarorum Imperator manu Jaroslai obtruncatus; cui ob rem præclarè & cum virtute gestam Rex Wenceslaus & locum prælii, & perpetuam Moraviæ præfecturam donavit, & attribuit, cum Ducis insignibus, pileoque Ducali, uti faxò expressus apud S. Agnetem hodièque vilitur. Regi Wenceslao cum Austriacis post hæc iterum negotium fuit, quorum Marchio Fridericus cum Moraviam deprædari cœpisset A. 1242. Wenceslaus exercitum scripsit, quo Moraviam intrante, verba sunt manuscripti Codicis, ejus temporis, Fridericus ex Moravia magno cum damno & confusus exivit. Sed periculum majus Wenceslao filius Patri contumax (Przemyslaus Ottogarus ejus nominis II.) concivit, qui clam, Proceribus Regni juramento adstrictis, in Patrem exercitum duxit; at Pater ingenio & prudentiâ circumscriptum filium, prius acie per Duces militiæ expertos & senes victum cœpit, deinde in Arce Teirzovv inclusit. Quæ omnia jam pridem in Epitome narraui. Hæc gesta sunt 1249. & sequenti, sed brevè in gratiam recepto filio Moraviam dedit. Decessit Wenceslaus Rex A. 1253. 22. Septembris ætatis An. 47. huic Regi fatalis venatio, quâ tamen maximè oblectabatur, fuit: in qua primò alterum oculum amisit (ideò Luscus à Scriptoribus appellatur)

Tartarorum  
in hæc ter-  
ras ingressus

Jaroslans in  
manuscripto.

Patris & filij  
cruentæ dis-  
ensiones.



& iterum dum intempestivè venaretur, morbum ultimum contraxit. cuius mors dum *Przemyslaus II.* è *Moravia* adveniret, multos dies magnâ diligentia occultata fuit, ut in Epitome narratum memini. Fuit Rex liberalissimus, & frequenter illud habebat in ore: *Liberali Principi nihil unquam deesse.*

## NOTÆ in Caput XXX.

Inter Historicos frequenter controversiæ.

**C**ontroversia de Regum numero & Ordine &c. Nihil mirum est ijs, qui historias legerunt, huiusmodi controversias moveri. Ità in Imperatorum catalogo alij *Henricum*, v. g. tertium alij quartum appellant; idem est de *Friderico*, multi *Fridericum Pulchrum* nec in numero *Cesarum* reponunt, quem tamen ex *Ludovici Bavari Diplomate*, *Ludovico* conregnasse, & simul cum eo imperasse clarè demonstrat *Petrus Lambecius V. Cl. Cesareus Bibliothecarius* Amicus meus non ità pridem fato suo functus; unde sequitur *Fridericum Cesarem Maximiliani I.* Patrem, quartum huius nominis appellari oportere, quod tamen à nemine servari video. Eadem controversia est de *Ottonibus*, & de aliis pluribus *Regibus & Principibus*. Pontifices quoque multi incerto numero collocantur, ut videre est in *vitis Pontificum Romanorum*, *Felices*, *Bonifacii*, *Victores*, aliique plures nominantur.

Reges in infantia coronati ferè semper infelices.

*Sunt, qui Wenceslaum in cunis coronatum tradiderunt &c.* Superiore Capite tria commemoravi exempla coronatorum in cunis Regionum puerorum, quibus infelicer commissa fuerint Imperia: *Regem* esse non est tantum hominem esse; est dignitas quæ dari à natura, & à fortuna tolli potest. Cum *Carolus IV. Wenceslaum* puerum A. 1361. *Norimbergæ* natum, postea *Pigri* cognomen adeptum coronare in *Bohemia* *Regem* disposuisset, & Ordines omnes unâ sententiâ consensissent, unus *Arnestus Archiepiscopus Pragensis* *Praeful* sanctissimus diu restitit, & consilio *Cæsaris* adversatus est, cuius orationem in *Vita Arnesti* retuli. Inter alia ait: Regnum non nudam aliquam dignitatem esse, sed onus maximum, cui tota Civium salus incumberet; mala publica omnia, privatæque *Regibus* imputari; à *Regibus Regi Regum DEO*, rationes Imperij esse reddendas, ideoque ut *Pontificiam & Episcopalem* dignitatem non infantibus, sed qui officium scire possint, Coronas offerendas. Sed nimirum suum cuique pulchrum, & filij *Regum* parentibus blandientes & balbutientes, omnia læta in infantia & pueritia promittunt: ipsa poma quæ manibus parvulis in nutricum palliis involuti sustinent, & eripi sibi non patiuntur, in argumentum nunquam eripendi Imperij trahunt; ipsas lacrymas & fletum generosum animum, nec malis cessurum interpretantur &c. Sed quàm parentum judicia corruptissima spes fallant, experti nostri majores fuerunt.

Solitudo aliquando necessaria Principi.

*Loca sola, & sine arbitris quasi visse Regem &c.* Principibus viris sæpe solitudo svadetur, ob quos fines sæpius dixi. Etiam à familiaribus suis sejungi commendatur: cum enim ut ait *Tacitus* *Majestati major è longinquo veneratio sit*, videtur quodammodo Princeps alius fieri, & à suis procul discedere (*longè fugit, qui suos fugit*, vetus est dictum) cumque revertitur quasi novus & cum novis sensibus redire. Vitanda tamen est *Tiberij Cæsaris* solitudo, nam illæ *Capreæ* sanguinem expresserunt.

Sæcula suis vitiis & virtutibus notantur.

*Nullum sæculum sanctius &c.* Qui sæculorum Annales diligenter pervolvant, facile animadvertet sæcula quædam virtutibus, quædam vitiis commendari aut damnari; nullum me nominare sæculum decet. Circulus quidam est rerum humanarum, quæ modò in summum, modò in imum deprimuntur. Observandus politicis est sæculi Genus: alia aliis temporibus placent; quædam sæcula Lulorum fuerunt (atque



(atque utinam hodie non sint) alia *Virorum Martialium*, alia *Doctorum*; observatumque est, ut in *Verisimilibus* scripseram, studia literarum paulatim progredi ad summum, deinde paulatim deficere, & ad paucitatem Doctorum redigi, inde rursus incrementum capere &c. Utinam brevi illa sanctitatis tempora aurea & argentea (luteâ & ferreâ, audeo etiam dicere: plumbeâ ætate proscriptâ) nos aliquando respiciant, & revellant!

*Pietas sine teste tutior &c.* Qui DEI oculum omnia videntem aspicit, oculos hominum contemnit. Qui oculos humanos quærit, suæ virtutis testes, hominibus placere cupit, non DEO, qui testibus non eget, quia intima cordis scrutatur. Videlicet ejus farinæ homines frequentiam in templis quærere, magno ambitu precum, sæpe etiam lacrymis intermixtis DEUM adorare, per Urbem eleemosynas dispensare, in quos illam Servator noster sententiam vibrat: *repperunt mercedem suam*. Congruenter magnitudini ingenij sui *Albertus Magnus* scribit: *Sicut falsis denarijs nihil emitur boni, sic nec Regnum cælorum falsis comparatur virtutibus*.

*Hæc ad Regem pertinere ignavis minimè videbuntur &c.* Imò pertinent maximè, cum Regis auxilio & providentia omnia peragantur in Regno. Audeo dicere: plùs adferre boni Regnis, si Princeps suorum subditorum curam suscipiat, ut justè gubernentur, ut sanctè vivant, ut miseri & pauperes recreentur, aliâq; ejusmodi, quæ Princeps præstare debet, quàm si assidue templa frequentet, suâ se virtute involvens; pulchrè id ostendit *Antonius Guevarra*, cum probat: Regem in sua persona bonum esse aliquando posse, malum in Imperio; & vicissim bonum Imperio, malum sibi. Talium Principum Regna fortunat DEUS; observatum est ipsas metallorum fodinas felicitus affluere sub Principibus, qui terras suas ament, contrà intercipi, & sicari venas sub iis, quibus Patria cordi non sit; probatum id à me pridem est exemplis, cum ostendi tempora præstantissimorum Principum, qui majorem de populis subjectis, quàm de se curam habuerunt, simili plerumque aliquâ felicitate signari; denique perinde ut infelicitas Regnorum adscribitur Principi, æquè felicitas imputatur.

*Sed periculum majus Wenceslao filius &c.* Quo propius & vicinius nobis periculum est, eò majus habetur: filij latus parentis cingunt, quod ijs pater præbet apertum; hostis ex remoto ferire non potest, potest qui adstat. Si domestici in te consurgant, quem alienum fidum inveneris? I licet, peristi! si pietatis imago filium à scelerato consilio non deterret, quæ ratio deterrebit? at hodie *plurimi filiarum patrios inquirunt in annos*, lepidulumque exemplum memini me audisse: puerum octennem cum Patre in eodem equo sedentem quæsisse: *nunquid mi pater, quando vos moriemini, solus ego huic equo insidebo?* sed vicissim stulta est Parentum erga filios, ut ità dicam, avaritia, qui cum decrepiti sint, & filiis adultioribus conjuges dederint, in manum nihil suppeditant, quo familiam alere, conjugem mundo muliebri instruere, amicos sibi comparare possint; itaque coguntur ex vultu parentum in horas pendere, quotidie à sene & avaro plerumque patre, odiosè subsidia pètere, quæ preces defloccato, ut ità dicam, seni pro omni supplicio sunt. Prudentius in re magna *Rex Wenceslaus*, qui id advertens in filio, *Moraviam* eidem cessit, & cupiditatem ejus cum summo alioqui scelere & ingratitude in Patrem erupturam, hoc pacto compescuit.

*Per expertos & senes Duces &c.* Mirum est quantopere differat per lectionem librorum aut ingeniosam cogitationem, aut contrà experiendo prudentè fieri, quod ultimum ætate consequimur. Nescio quid habeat prudentia ætate & observantiâ parata, quod non acquiritur nudâ lectione; hæc rem tantum ipsam præcipit, experientia omnia rerum adjuncta perpendit; non enim omnia in libris in particulari docentur, *applicare regulam ad regulatum*, ut loquuntur, hic labor, hoc opus est; sapien-

Virtutes fictæ non sunt virtutes.

Alb. Mag. in prolog. ad Parad. animæ.

Potest fieri ut Princeps bonus, in regendo sit malus & contra. In Orat. de eligendis Consiliarijs.

In vita Arnef. I.

Pericula à domesticis majora.

Senes militiæ Duces prævalent junioribus.



tissimè monebat Cuevaarra in Epistolis : *Non omnis, inquit, Jurisconsultus aptus ad regendum est : judicia Jurisconsultis committantur, gubernatio prudentibus; Cavete Provincias illis committere, qui nuper primum Salmantica ( Academia est Hispaniae celeberrima ) exierunt.* Et post pauca : *ex multis intelligi potest, quam saepe doctrina ab experientia vincatur.* In vita Cornelij Taciti Scriptoris si quis unquam fuit prudentissimi, sed ut apparet in rebus agendis minùs versati, legimus : eum, qui tanta & tam divina regnandi & gubernandi praecepta dederat, admotum gubernationi *Africa*, si rectè memini ( nam me morbus & senectus locum quærere non sinunt ) nihil ei profuisse tot aurea dicta, quæ Romæ in otio scripserat, nihilque aliud, quàm turbas & seditiones, quas componere non potuerit, excitasse. Ob eam causam magni politices Magistri, nimium ingeniosos à consiliis Principum removent, senes & expertos commendant, ut facit *Gaspar ab Ens* in suo *Principe Consiliario* multis in locis, maximè dum tertium *Machiavelli* axioma refutat, adducitque *Thucydidem* L. 3. histor. *hebetiores, quàm acutiores ut plurimum melius Rempublicam administrant : nam velocia & ignea ingenia* ( qualia juvenum, & inexpertorum sunt ) novandis rebus, quàm gerendis aptiora habentur, in multiplici inventione nutant, nec reperiunt, cui insistant &c. Unde *Julius Frontinus* *Trajano Imperatori* monita militiae scribens, svadet Duces militum omnes *senes constitui*, quod noster *Cicero* sagaciter observat : *Agamemnon* apud *Trojam* *Dux* ille *Græcia* nunquam optat, ut *Ajaxis* decem similes habeat, sed ut *Nestoris* ( quem *Homerus* ter centum annis vixisse fingit ) quod si evenerit, non dubitat, quin *Troja* brevè sit peritura. Optimè igitur *Wenceslaus Rex* de quo hætenus locuti sumus, sibi consuluit, qui adversus filium juvenem, & exercitum Ducibus ferè juvenibus constantem, senes Duces militiae præfecit, qui felicissimè exercitum filij ceciderunt, & ipsummet rebellem filium captivârunt in acie.

*Fatalis venatio Wenceslao fuit &c.* Innumeris exemplis patet, certa quædam hominibus esse fatalia : quibusdam dies ipsi semper infelices ac fatales fuerunt. Exemplum in promptu habes in *Piccarto*. *Bohemis* fatalis dies *S. Ruffi* semper fuit, scilicet 27. Augusti, occiso Rege *Ottogaro*, *Joanne* Rege Patre *Caroli IV.* item *Ludovico* ; aliis calamitatibus hic signatus dies invenitur, quod quanquam in alias aliâsque causas referri possit, tamen admirationem vulgo movere potest, plurima mala in hunc diem à DEO collata esse.

*Liberali Principi nihil unquam deesse &c.* Hoc velut oraculum haberi debet ; sed cur beneficentia DEI in dantes & liberales provocatur ? an quia Pater misericordiarum DEUS est, & ex ejus beneficentissima natura benefacere didicimus, qui liberalitate, velut propriâ suâ virtute oblectatur ? an quia omnes pro benefico homine DEUM exorare solent, ut ipsis vicissim beneficiat DEUS ? an quia beneficentia innumeros sibi parit amicos, quorum favore, gratiâ, auxiliis, ejus fortuna, & fortunæ nitantur ? quidquid horum sit, fidenter *D. Ambrosius* dixit de Sacerdotibus ( sed idè est de cæteris ) scribens : *Scio plerosque Sacerdotes, quò plùs contulerunt, plùs abundasse.* Mox converso ad omnes Christianos sermone : *Cave nè intra loculos tuos includas salutem inopum, & tanquàm in tumultu sepelias vitam pauperum.* Dignam æternitate, & omni præconio protulit sententiam *Plutarchus*, licèt gentilis quàm nihilego illustrius in ejus libris ( quorum me Lectorem profiteri & gloriari soleo ) legi : disputans enim in *Questionibus Naturalibus*, cur Veteribus Romanis mos fuerit, nunquam omninò inane mensam post cenam relinquere, neque lucernam extinguere, nisi ipsa deficiat ; respondet id fieri ob beneficentiam, ut alij, si velint, eâ utantur ; tum subjicit Christianam prorsus & divinam sententiam : *quippe, si fieri posset, etiam visum atque auditum, imò prudentiam quoque & fortitudinem alijs utendam dare & concedere deberemus, quando sumus dormituri, aut quieturi.* Nihil humanius dici potuit. Orare verò & vota

facere

Tacitus prudentissimus scriptor, malus Rector.

Lib. stragem.

Cic. in Cat. majore seu de senect.

Quædam hominibus fatalia.

Picc. in historico-politicis decade 5. c. 6.

Liberalitas in alios liberalem facit Deum.

S. Ambr. l. 2. de offic. c. 16.

Plut. l. 7. qq. moral. 9. 4.

Aurea Plutarchi sententia.



facere pro liberalibus etiam Ethnicis usitatissimum fuisse invenio: de Gallia liberalissimo homine *Syraculis*, hæc habet *Valerius*, ait cum ipsius liberalitatis præcordia habuisse? quid multa? non mortalem aliquem, sed propitia fortuna benignum fuisse sinum. Ergo quod Gallias possidebat omnium quasi commune patrimonium erat, pro cuius salute & incrementis tum *Agrigentina* Civitas, tum etiam vicine *Regiones* votis excubabant. Ego crediderim Deum naturali huic & humanæ virtuti, naturalia quoque & humana præmia affatim tribuisse, & tribuere.

val. Max. de  
diff. & fact.  
memorab. l.  
4. c. ult.

## CAPUT XXXI.

*Przemyslaus Ottogarus ejus nominis secundus, quintus Bohemæ Rex, Victoriosus cognomento.*



**P**rzemyslaus Ottogarus ejus nominis II. Bohemæ Rex, Marchio Moravia, Austria, Carinthia, & Styria Princeps, Dominus in *Cran*, & *Portu Naonis*, & *Egra*. Regnare cœpit A. 1253. altero mox anno adversus *Prutenos* Idololatrias cruce assumptâ exercitum duxit; sanctum hoc bellum fuit, & *Ottogarus* *Prussorum* Apostoli nomen obtinisset, si armis & victoriis Apostolatus obtineretur: *Prutenos* devictos in duas partes divisos, hos à se *Przemyslaos*, alteram partem à *Marchione Brandeburgico*, *Comite* hujus belli *Sororio suo Ottones*, dum sacris aquis abluerentur, dici voluit; multas ibi Urbes & Arces condidit, ac munivit; quarum dignitate primâ *Regiomontum* seu *Kralovecz*; ad Regis exemplum *Bohemi* *Proceres*, à suis nominibus egregias Urbes & Castra ædificârunt, & *Barbaris*, qui hæctenus ut pecora oberrabant, impleverunt, ut *Brunspurgam* *Bruno* Episcopus *Olomucensis*; *Rosenbergam* *Rosenses*; *Risumburgum* *Comites de Offek*, *Wartenbergam*, *Lembergam*, *Michalovicam*, *Wartenbergici*, *Lembergij*, & *Michalovicij*; *Sebergam* *Sebergij*, *Clingenburgam* *Clingenbergij*; *Berca de Fridland* *Fridlandiam* extruxerunt, & nominârunt; sed Regis major gloriâ, qui *Sambiensem* Episcopatum fundavit, & *Warmiæ* magnificam *S. Wenceslao Bohemæ Duci & Martyri Basilicam* ex fundamentis excitavit. A. 1257. juvenum consilio malè usus Rex, cum exercitu *Austriacorum* & *Bohemorum* *Barvariam* ingressus est, cujus expeditionis non fuit is, quem Rex sperabat, exitus, *Egram* tamen *Duci Barvarie*, jam pridem

Regis Ottogari bellacitas.



pridem *Bohemiae* adjunctam eripuit. Melioribus aliàs consiliis *Belam IV. Ungariae Regem* cum ducentis armatorum millibus venientem, iteratò profligavit tantâ cæde, ut per cadavera hostium in *Morava* flumine submerforum, velut per pontes, *Bohemorum* & *Moravorum* exercitus transirent; descripsi cœlestem hanc victoriam in Epitome (cœlestem appello, quòd *S. Wenceslaus, S. Adalbertus*, & quinque ejus fratres, tum *S. Procopius Abbas* super aciem *Bohemorum* aspectabiles victoriam non favore modò, sed etiam manu, ut de *S. Wenceslao* cœlite constat, adjuverint) & Lib. 6. Miscell. ipsam *Ottogari* ad *Alexandrum Pontificem Maximum* Epistolam recitavi. Post victoriam Rex gratissimus magnis opibus *Monasterium Cisterciensibus Regiæ Coronæ* fundavit, aliud item *Cœnobium* ejusdem *Ordinis Ofsencense* locupletavit, tum ptimùm *Pragæ* magnâ pompâ coronatus, ut non tantùm generi & sanguini sed virtuti corona deferretur. Neminem facilè *Principum* nostrorum invenias, quem aut virtus elevârit magis, aut in extremo fortuna tam tragicè destituerit. Quo jure *Styriam, Austriam, & cæteras Provincias* tenuerit, habes apud *Pessinam*; brevissimè autem, sed nervosissimè apud *Stranskium*, certum est ex *Archivo Regio Carlsteinensi*, à *Richardo Romanorum Imperatore* Electo investituram super eas Provincias accepisse; unde non vanè in longum prospiciens *Carolus IV. Imperator*, *Richardi* ipsas literas confecto novo *Cæsareo* diplomate confirmavit. Recitat idem *Pessina* ex *Originali Ulrici Ducis Carinthiæ & Carniolæ &c.* instrumentum publicum, quo suas omnes Provincias *Ottogaro* donavit. Huic malo obviare *Ottogarus Rex* facilè potuisset, si oblatum ab Electoribus *Imperium Romanum* non rejecisset; sed ab eventu de consiliis malè judicatur: denique adversus *Rudolphum I. Austriacæ gentis conditorem* fortissimè pugnans, proditione suorum, ac præcipuè *Milota de Diedicz* (quem ex *Rosenfi* familia ortum disertè tradit vetus historia *Styriæ*, & *Speculum gloriæ Austriacæ* nuper editum) in acie cecidit A. 1278. 7. Cal. Septembris, sepultus primùm in *Lucensî Cœnobio*, postea *Pragæ* ad *S. Franciscum* filio Rege transferente, tandem in *S. Viti Metropolitana Ecclesia* in tumulo compositus. *Siffridus* narrat *Ottogarum* solennes nuncios ad *Gregorium V. Pontif.* misisse, qui ab eo coronam Imperij peterent, quos *Pontifex* rejecerit; at hæc narratio omnibus aliis Scriptoribus adversatur, nisi Regem mutâsse, serò nimis, dicamus. Raynaldus insignis post *Baronium Ecclesiasticorum Annalium Scriptor*, multis in locis *Ottogarum* mirè commendat (idémque facit eorum temporum Scriptor *Henricus Stero*) ejusque heroica facinora recenset; quæ in hac brevitate mea locum non habent. Is erat *Ottogarus Rex* (ait quodam loco Raynaldus) *magnis decoratus virtutibus Princeps*, quem

*Pess. Lib. 3.  
Mart. Mora.  
cap. 7.*

*Ottogari  
tragica  
mors.*

*Siff. in Epit.  
lib. 2.*

*Odoric. Tomo  
14. Annal.  
max ad An.  
1268.  
H. Stero in  
Annal.*

*Cle-*



*Clemens IV.* (animi indolè nobilis Pontifex) *sæpius extulisse literis reperitur*, cui *subjugandas infidelium terras donavit*; literas *Clementis* retuli Lib. 6. *Miscellaneorum*. De ejus *Conjugibus & prolibus Tabula Genealogica*, quam postea subijciam cum *Notis* consulatur.

## NOTÆ in Caput XXXI.

**P***rzemyslaus Rex, Marchio, Princeps &c.* Congessi hoc loco titulos *Ottogari*, deest tamen adhuc maximus titulus *Apostoli Prussia*; nam hunc titulum ei tribuere meritò possem, (ut dixi capitis initio) qui *Prutenos Ethnicos* ad Christi notitiam, & cultum armis victos adduxerit, hoc unico discrimine, quòd SS. *Apostoli* lingvâ & prædicatione, *Ottogarus* ense & terrore admoto (quod aliquando necessarium est) Religionem Christianam propagarit. Congruenter certè Majorum suorum factis, & gloriæ; ex quibus *Wratisslaus Rex Bohemie* pro Corona Regia à Pontificibus (dum adhuc solum Ducis titulum gereret) *Mitram Episcopalem* ferendam accepit. Ad *Ottogarum* redeamus, qui cælum *Prutenis* aperuit, & cum illud violenti tantum rapiant, Populos devictos violentè compulit ad cælum; mirari sinè dubio cœlites potuerunt tot *Ottogaros* (nam suo, & *Ottonis* nomine omnes appellari in baptismo jussit) ad cælum venire, quos ille præmisit, ut locum sibi pararent; meritis enim bonis bonus paratur in cœlo Regibus locus. Sed neque in cœlo tantum *Ottogari* meritum præconio celebratum est, sed etiam in terris immortalis hoc facto, & fidei Christianæ incremento & propagatione felici gloriam apud homines invénit; testantur id *Epistolæ Pontificum*, quas superioribus libris recitavi. Profectò nemo Regum nostrorum justius gloriari poterat (ut observat in Chronico suo *Franciscus Pragensis*) quàm *Ottogarus*: quòd *dominaretur à mari usque ad mare*, à mari scilicet Adriatico usque ad mare quod *Prussiam* alluit, sed *Przemyslaus* eadem magnanimitate, quâ bellum gessit, bello acquisitas Provincias Sacro Ordini *Crucigerorum* in *Prussia* donavit, sed prius excultas Urbibus, & arcibus permunitas, & omni genere bonorum instructas.

*Multas ibi Urbes condidit &c.* Perpetua hæc est optimorum Principum nota: cum nimirum æternitatem nominis laudabiliter quærant, vident eam in Orbe se assequi non facile posse, nisi ea, quæ cum Populorum utilitate conjuncta sunt, & quæ in longissimum tempus duratura sunt, aggrediantur & perficiant. Peculiariter *Prussia* tum Barbara, Urbibus & locis munitissimis opportunis locis excitatis egebat, si-ve ut humanitatem Christianam in Urbibus disceret, si-ve ut si quid novi moliretur, contineretur in officio. Quare non satis providè eos Principes agere existimant *Polemici Scriptores*, qui Regna suis denudant præsidii: fortuna enim *campi Domina* dicitur, & qui ejus favore campo dominatur, prius immunam Provinciam occupabit, cum totius Provinciæ opibus, Annonâ, ipsoque adeò populo, cujus accessu vires augebit suas, nec nisi campo depulsus, desinet dominari. Hic mihi *Procopii* veteris Historici pulcherrimus locus Lib. 3. de bello *Persico* occurrit, verba ipsa recitabo: *Gensericus* (quem ille semper *Gizericum* vocat) *Vandalorum Rex*, occupatâ *Africâ* omnes Civitates præter *Carthaginem* manibus nudavit, ut neque ipsi *Afri* haberent, quò se reciperent (præter *Carthaginem*) neque *Romani* si ab Imperatore in *Africâ* contra *Vandalos* mitterentur, quidquam præsidii in Civitatibus, & munitis locis relinquerent, & negotium *Vandalis* facerent; quod licet ab initio bene succederet, procedente tamen tempore *Belisarius* loca sic distincta, & immunita, parvo negotio cepit: ex quo *Gensericus* ridi-

*Ottogarus*  
*Prussos ad*  
*Christum*  
*convertit.*

*Ottogari*  
*Imperium*  
*à mari ad*  
*mare.*

*Muniri de-*  
*bet Patria.*



culus est visus, qui consilium quod optimum ei videbatur in damnum suum, stultissimum fuisse vidit. Quibus ego, quod addam, non habeo.

Victoriâ ex-  
litus acce-  
ptâ hono-  
randus De-  
us.

Post victoriam Monasterium Regia Corona adificavit &c. Antiquis Regibus usitatissimum fuit memoriam aliquam in loco victoriæ relinquere; nostrorum Regum innumera habemus exempla: in *Albo Monte* felicitis illius victoriæ monumentum olim stetit, nunc in alios usus conversum; præcipuè laudatur, si DEO victoriarum Authori Ecclesiæ statuantur, multoque magis Cœnobia, in quibus DEI laudes canantur assiduè.

Liber de Re-  
gimine Prin-  
cipum lau-  
datur.

Turn primum Praga Ottogarus coronari voluit &c. Optimè virtus probata coronatur, & debitam gloriam refert; præcipuè in Regibus, quibus omnia militum facinora meritò imputantur. Sunt autem aliæ Regum, aliæ privatorum hominum virtutes, & quod in privato homine vitium foret, in Rege virtutis nomen meretur, & contrà. De Regiis virtutibus multi egregij Scriptores: D. Thomas Sol Theologorum Libro de *Regimine Principum*, & eodem titulo *Aegidius Romanus*; sed qui aptius ad tempora nostra de *Regimine Principum* scripserit, nullum esse puto, quàm ex SS. *Carthusianorum* familia Priorem *Pragensis Monasterij* (*Horti Maria*) *Michaëlem*, quem ego in *vetere Bibliotheca* inter manuscriptos Codices repertum describi feci, & Notis marginalibus illustratum *Dissertatione historicâ* de Authore, & Cœnobiis ejus Ordinis in Bohemia præfixâ, sic, ut ad editionem bellè adornatus videatur, *Celsissimo & Reverendissimo Principi Io: Friderico Archiepiscopo Pragensi* obtuli. Laudatissimus & eruditissimus est liber, qui utinam, quàm primum Typi auxilio lucem aspiciat! *Cardinales* quatuor Regum virtutes explicat pulcherrimè, ad eum librum Lectores meos remitto. Porro vetus est SS. *Patrum*, ac præcipuè D. *Ambrosij*, quatuor *Virtutum Cardinalium* in Regibus commendatio. Vide librum ejus de *Paradiso*, toto Capite tertio, ubi *quatuor flumina Paradisi*, cum his quatuor Regiis virtutibus comparavit, postea ætatibus quatuor mundi singulis distribuens ostendit, tempus à *creatione hominis ad diluvium* fuisse *Prudentia*, *Patriarcharum* tempore regnasse *Temperantiam*; *Judicum* & *Prophetarum* temporibus *Fortitudinem*, *Christianorum* temporibus Regnum esse *Justitia*, quam S. Doctor, utinam in nostro sæculo florentem & regnantem inveniat!

Ex eventu  
non semper  
de consilio  
judicandum

Seneca L. 4.  
de beneficijs  
n. 38.

Ab eventu de consilijs malè judicatur &c. Incerta sunt providentia nostra, & sæpe quod noceat, etiam post iterata consilia malè eligitur, boni specie, & umbratili felicitate occurrente; unde consilia etiam optima, *Tempus*, *Hostis*, *Fortuna*, *Imprudencia*, tum denique *Affectus* evertunt. Sapientis est proinde mutare consilium, vel ex sententia rigidissimi Stoici Seneca: non est, inquit, turpè cum re mutare consilium. Casus sæpe agit virtutis opus, & quod bene consultum putavimus, evertit; unde sapienter dictum esse existimo: *eventus stultorum Magister*, quòd scilicet malè de consilio ex eventu stulti judicant, vel quòd ab eventu, prudentiora consilia in futurum suscipere doceantur.

## CAPUT XXXII.

Wenceslaus II. ejus nominis, cognomento  
Bonus, Rex Bohemia VI.

Inter





**I**Nter exempla Regum Sancto-  
rum ab omnibus Scriptoribus  
ponitur *Wenceslaus*, qui octen-  
nis patrem *Ottogarum* amisit  
in acie, traditus tutelæ *Ottonis Marchionis*  
*Brandenburgici*, qui patris sororem in conju-  
gio habebat *Beatricem* aut *Bozenam* nomi-  
ne, sed *Otto* avarissimus Princeps, qui ad pe-  
cuniam referebât omnia, & Regium pue-  
rum, & *Cunegundam matrem Reginam* velut  
captivos tractabat, & satellitibus suis arma-

tis cinctos, arcibus claudebat, magnum se inde sperans lucrum factu-  
rum. Regina ingeniosa mulier facili captivitatem fugâ evasit, & ad  
fratrem *Nicolaum Ducem Oppaviensem* receptum habuit; puer Regius  
imbellis adhuc prorsus in *Brandenburgiam* deportatus est, ibi quàm gravia  
& perperâ aspera tulerit, eorum temporum Scriptor *Franciscus Canonici*  
*Pragensis* commemorat. Eâdem propè crudelitate, violentiâ, & cru-  
entâ avaritiâ, quâ Regem circumscripserat *Otto*, & Regnum regebat:  
quæ omnia odio tyrannidis percensere nolo, & jam antè narrata sunt in  
Epitome. Redemptus multo auri pondere *Wenceslaus*, cùm prius ipse  
etiam puer ingentem pecuniam (quinque millia marcarum) numera-  
turum se scripto promittere adactus esset (quam pactionem violentam  
suo & omnium Electorum nomine irritam pronunciavit Cæsar *Rudol-*  
*fus*) tandem duodecimo ætatis Anno 24. Maij suis *Bohemis* restitutus est.  
*Rudolfus Imperator* imploratus, non tutorem, sed benignum patrem se  
*Wenceslao* exhibuit, ac primùm *Juditham* filiam suam conjugem *Wen-*  
*ceslao* despondit, quæ 1286. *Pragam* allata est; post hæc non cessavit Im-  
perator generum suum omnibus bonis, & honorum titulis augere: Ele-  
ctoris dignitatem, Vicariatum Imperij in *Misnia*, ipsamque *Misnam Ur-*  
*bem*; *Egram*; in *Bavaria* ditiones non paucas; *Archiepiscopatus* in Imperio  
*munus*; *Wratislaviæ Principatum*; *Lusatiam* quoque aut confirmavit, aut  
contulit. Coronas addidit cælum, & S. Principis Regnum omni & cœle-  
stium & terrestrium bonorum genere fortunatissimum & florentissi-  
mum effecit. *Griffina* matris soror, Regi *Cracoviensem* & *Sandomiri-*  
*sem Provincias* donavit, quas, quia *Poloni* tradere recusabant, Rex sese  
armis in earum possessionem induxit, & *Cracoviam*, *Visliciam*, & *Oble-*  
*cum* expugnavit. Sed hæc posterius & diversis temporibus gesta. Initia  
Regni periculosa & dubia *Wenceslao* fuerunt: *Henricus Wratislaviæ*  
*Dux* Regem veneno tollere constituerat; *Wladislaus III. Ungariæ Rex*

*Wenceslaus*  
II. Rex cir-  
cumscribi-  
tur.

*Epit. l. 3. c.*  
*15. in Notis.*

A Deo & ho-  
minibus de-  
fenditur.



vim & arma parabat; *Zavissius Rosensis* nescio quid sibi juris in Regem arrogabat, fortè quòd *Reginam* matrem suscepto ex ea filio, amore decepterat; nonnulli *Bohemiae Proceres*, sed maximè *Moravi*, qui nuper patrem in acie deseruerant, malè conscij tumultuabantur; hæc omnia gravissima pericula postquam voto solenni *Dei Matrem* honorasset, & ejus honori dives *Cænobium* fundaturum se promississet, feliciter *Wenceslaus* vitavit, ac ferè in Authores, quæ *Regi* inferre moliebantur reciderunt: *Henricus* veneno sublatu, *Wladislaus* à Proceribus suis confossus, *Zavissij* Regnum carcer fuit, ex quo nonnisi superbo capite minutus ad tumultum elatus est; Proceres omnes superati ad officium redierunt. Ad ordinandam deinde *Rempublicam* Rex conversus, primùm omnium *Monetam*, quam pro meliori deteriore substituerat *Brandenburgicus*, correxit; fodinas auri & argenti & cæterorum metallorum jam propè obcæcatas aperuit, & *Jura montium* certis capitibus comprehensâ, conscripsit; Arces oppignoratas à Proceribus redemit; fines Regni adauxit; *Pirnam Urbem* ab *Episcopo Misnensi Bernardo* emit, tumultuantes Polonos, cum copiis *Siradiâ* scalis captâ compescuit, & *Przemyslao Rege Calissensi* à suis trucidato, vocatus à Proceribus, *Rex Poloniae*, salutatus est; *Universitatem* studiorum advocatis magno pretio ex omnibus *Europæ Universitatibus* præstantissimis, clarissimis, & peritissimis viris *Pragæ* instituit; sed hoc opus statim initio Proceres, qui aliquid authoritatis & utilitatis de melle sua in tribunalibus suis nummariis decessurum timebant (*Episcopo Pragensi Tobia*, qui negotium hoc apud Papam & alibi promovebat, mortuo) everterunt. Post hæc tam illustria opera An. 1297. in *Bohemia Regem*, tum primò cum conjuge sua *Juditha* se voluit coronari. Vix aliquid illustrius, ex quo condita est nostra natio *Praga* vidit: centum nonaginta millia equorum hospites adduxerant, quibus omnibus pabulum dabatur à Rege: aderant *Archiepiscopi* duo, *Episcopi* octodecim, *Abbates* & *Praelati* cum infulis centum, *Principes* & *Duces* septem, *Comites* & *Barones* trecenti, præter *Equestrem Nobilitatem* innumerabilem, ut illos *Praga* non caperet, oportueritque novam ex tempore Urbem ligneam sub *Petrino* monte ad *Muldarvæ* ripas *Aulam Regiam* versus exstruere; descripsi hanc gloriosissimam coronationem multis in locis. Absolutâ coronatione, ut ea prosperè eveniret, mirâ in DEUM liberalitate primum lapidem altero die pro *Cænobio Aulæ Regiensi* maximâ celebritate in fundamenta jecit, & ipsi *Cænobio Ecclesiastica* munera advexit: *crucem auream* cum gemmis, mille & quadringentis marcis argenti (quarum quælibet 9. hodiernos imperiales æquabat) æstimatam; item *multas monstrantias* ex auro & argento cum reliquiis Sanctorum; *vestes* sacrificantium pretio-

Gloriosa coronatio Regis.

In Appen. I. ad histor. S. Montis & in Epit. &c.



pretiosissimas; multos argenteos *calices*; ducentas argenti marcas *pro libris* &c. quæ repetere narrando operæ pretium non est. Anno sequenti Polonos suos revisens, nè tantum *Bohemiā* suam amare & augere videretur, *Cracoviam* ex integro mœnibus cinxit, castrumque illius Urbis altis turribus, & arcuatis mœnibus permunivit; cumque antè Poloni pelliculis capitum, & argento nigro mercaturam facerent, argentum purissimum signavit; atque ut firmitus Polonos sibi adjungeret, *Elizabetham* seu *Richsam Przemyslai* nuper occisi filiam (jam enim *Juditha* sex prolibus relictis post septemdecim à coronatione dies Pragæ An. 1297. obierat) unicam Regni hæredem accepit uxorem, cujus jure ad Reges *Bohemos* maxima Poloniæ pars pertinuit, idque Jus pro *Silesia* dimissum est postea, ut cæteris diligentius explicuit *Carolus IV. Imperator* in Vita sua. Jam & *Ungari* gloriā *Wenceslai*, & opibus permoti suam ei coronam obtulere; ille pro se commendavit filium, & vix tredecennem in *Alba Regali* coronari permisit, brevè tamen levitate quorundam Procerum animadversâ *Ungariam* cum exercitu ingressus filium *Wenceslaum* periculo exemit, & cum corona sacra *Ungarorum* (quam postea *Ottoni Bavariæ* Duci tradidit) secum in *Bohemiā* adduxit. Bella quoque feliciter gessit, & *Albertum Casarem*, qui cum multis millibus armatorum fodinas *Cuttenses* nuper sub hoc sancto Rege repertas, suas esse (sed nullo jure) & ad se spectare obtendebat, cum exercitûs ejus clade è *Bohemia* ejecit. Eodem tempore *Sandecz* in *Polonia Civitatē* novam sub monte *Carpatho* contra *Ungariæ* fines ad defendendam, si periculum ab *Ungaris* ingrueret, *Poloniam* condidit. Denique postquam unum ac viginti regnâset annos tabe phthisicâ vel ex propinato ab *Albertinis* hominibus veneno, ætatis quinto & trigesimo Christi 1305. evolavit ad superos. Sanctissima hujus Regis exempla, atque etiam consecuta miracula lib. 4. Miscell. recensui, ut jam nihil supersit, quàm *Wenceslaum* inter cœlites (quod unius Ecclesiæ auctoritate concedi potest) venerari, nam ibi quartam eamque æternam Regi Coronam Divinitas imposuit.

De hac inventione V.  
Epitomen.

Crapak.

## NOTÆ in Caput XXXII.

**O** TTO ad pecuniam referebat omnia &c. Nihil æquè Regiis & Principum virtutibus adversatur, quàm amare pecuniam: *Justitia* Principum virtus propria venditur; *Prudentia* imagine & fulgore metallorum & gemmarum perstricta caligat; sinè utilitate, & pecunia quid præclarum avarus aggreditur? *Fortitudo* igitur locum non habet; ipse pecuniæ in Principe amor Intemperantia est. Quàm multa æternum duratura Imperia pecuniis eversa legimus, & quod omen absit, posterì nostri legent! locus illustris est apud *Tullium* probantis & rationibus firmantis *Apollinis Pythij* oraculum: *Spartam* nullâ aliâ re nisi avaritiâ perituram, inspicatur *Tullius*; sapientissimè id demonstrans. Legi aliquando in *Herodoto*:

Nimius pecuniæ amor  
magnum  
Principis vitium est.

L. 2. de offic.



Herodotus l.  
3. n. 89.

Drogo de Sa-  
cramento Do-  
minica Pass.

Felicitas Prin-  
cipis Typus.

Veneno Prin-  
cipes subla-  
ti; exempla.

Ricciol. in  
Chronico.  
N. ucler. in  
Chron.  
Cuspin. in Ce-  
sar.  
Ctesias in Per-  
ficus n. 8.

Natura ve-  
nenis appe-  
nit remedia.

Pausan. l. 8.  
seu in Arcadi-  
cis, sol. 215.  
Græca edit.

Mathiol. in  
Herbar.  
Cardanus l. 8  
de subtil.  
Forer. in Vi-  
ridar. Diss.  
de plantis.

Improbi cur  
facile tumultu-  
entur.

rodoto: reperiri in *Æthiopia* grandes *formicas* vulpium magnitudine, quæ aurum in cu-  
bilia sua importent; ejusmodi *formicas* aurilegas in Aulis Principum esse dixerim,  
qui quæstui habent Rempublicam, & adorant pecuniam. Ingeniosè istud expref-  
sit Drogo Ostiensis, perpendens, cur Judas in templo projecit pecuniam? vide quàm  
magni nummos ponderabat! non projecit eos in sterquilinio, sed in templo; nimirum tali-  
bus semper Djs templum suum devoverat; avaritia enim simulacrorum servitus est, & ex-  
cacat oculos sapientum. Ecce qualiter excacatus est! denarios templo, se ipsum laqueo addixit  
&c. Pulcherrima, quibus probat avaros loco DEI adorare pecuniam.

Omnibus bonis & honorum titulis auxit &c. Wenceslao DEUS & homines cer-  
tatim humanas felicitates omnes congesserunt, & quasi in unum rete coactas dede-  
runt in manum; referebat Rex Wenceslaus Timothei Cononis filij imaginem, cujus ut  
felicitatem ostenderent Athenienses, pingebant Fortunam per Provincias rete tra-  
hentem, & Vrbes plurimas capientem, captasque & reti inclusas Timotheo traden-  
tem; pari ratione Wenceslao Regi Genij Regnorum & Provinciarum coronas, & Re-  
gna, honores, & titulos, aliâque conferebant. Tanti est pietatem & sanctitatem  
colere, quæ, ut habent sacræ literæ, ad omnia utilis est, & maximè Reges bonos exal-  
tat! præcipuè si præcesserit calamitas, & tristitia fortunæ, qualem in Parentis tragi-  
ca morte, & captivitate sua expertus est Wenceslaus.

Regem veneno tollere &c. Venenis grassari ignobilis vindicta censeretur debet. Ti-  
midi, & suæ virtuti diffidentis animi est amicitiam simulare, & cogitare venenum,  
animosæ gentes (et si utrumque cœlo vetante damnatur) inimicitias profiteri au-  
dent, & inulto tempore secum circumferunt, quales aperto pectore Germani; sed in  
Reges admissum veneno scelus, propè parricidium dixerim: sic sublatos egregios Prin-  
cipes sæcula doluerunt: Henricus VII. Imperator (proh immane sacrilegium!) in Eu-  
tharistia venenum sumsit; ut quidam tradidere. Sic scimus Parysatem matrem, quæ  
Glorem suam Statiram veneno necavit, à quo malo sibi unice cavebat: nam unam  
partem cultelli veneno illinivit, alterâ parte intactâ. Tum aviculam parvam in duas  
partes secuit, sic ut ipsa Parysates dimidiam partem quæ veneno carebat, comede-  
ret; at Statira veneno infectam accipiens, necaretur; idem prorsus repetitum est  
cum Ladislao pomo aureo eadem arte illito, & Regi porrecto. Vilius venenum Ale-  
xandro Magno porrectum, quem aqua stygis sustulerunt inimici in ipso flore virilis æta-  
tis. Est autem aqua stygis fons in Arcadia, guttatim stillans apud Nonacrim, quæ nul-  
lo metallo contineri potest, nisi ungulis in poculi modum efformatis, ut latè descri-  
bit Pausanias. Mirabile est, quod natura plerumque nos venenorum admoneat, vel  
innato nobis horrore, ut in serpentibus, aliisque venenatis insectis, vel etiam fædâ  
earum animantium imagine, vel in herbis & floribus notis quibusdam appictis: vidi  
ego, quem Pharmacopola in horto nostro severat, Napellum (venenatissimum plan-  
tæ genus) crescentem, in cujus floribus capitis humani mortui effigiem mihi ab eo  
ostensam spectavi, quo natura significat hanc plantam esse lethiferam; propè cre-  
scebat Antora, quæ Napelli venenatas vires enervat, aut omnino consumit. Qua de  
re videatur Mathiolus, & Cardanus.

Male conscij tumultuantur &c. In promptu causâ est: timent enim, nè eorum  
facta impia efferantur in lucem; ergo omnia permisceri optant, ut in illa perturba-  
tione Reipublicæ, evadant periculum; sic sepia (piscis genus) cum à piscatore pe-  
riculum est, suum illud atramentum effundit, nè videri & teneri possit, & elabatur,  
unde atramentum scriptorium sepiam appellant Eruditi. Est autem & alia cur impro-  
bi tumultuantur ratio: quod scilicet eorum mens perturbata sit, & assidue ex mala  
conscientia vulneretur, & ut Tullius alicubi loquitur, furiarum tadis ardentibus verbe-  
retur; quod supplicium cum bene agendo vitare, & factis melioribus emendare  
nolint,



nolint, aut vix etiam possint, malè agendo, & novas res moliendo effugere se sperant; stultissimè tormenta malæ conscientia novis sceleribus adaugentes. Ideò Veteres finxere cum sceleribus admissis, quasdam maculas animis hominum imprimi, quæ illos perpetuò torqueant; eleganter floridus Poëta Claudianus:

*Quid demens manifesta negas? en pectus inusta  
Deformant macula*

plura in hanc sententiam Lucianus, imò & sancti Patres apud Brodæum. Optimè magnus dicendi Magister Quintilianus: *nihil est tam occupatum, tam multiforme tot ac tam varijs affectibus concisum atque laceratum, quam mala mens &c.*

Voto solenni DEI Matrem honorasset &c. Hæc maxima post DEUM Regnorum, & Regum Patrona, & tutelarior habetur: mille clypei pendent ex ea, quia, ut ait S. Thomas, mille remedia ex B. Virgine contra pericula pendent: & comparatur Platano, cujus folia omnia formam habent clypeorum. Quoties illa Imperium Constantinopolitanum adversus Barbaros servavit, leges apud Baronium, videantur, qui hæc coelestia ex professo tractanda sumserunt.

Probam monetam Wenceslaus &c. Immortalem proba moneta Principem facit, & toti Orbi commendat; ita hodièque nummi aurei Veterum ex auro fulvo nimis (cum Sacra Scriptura loquor) & optimo pondere, post tot sæcula laudantur Romanorum, Græcorum, Alexandri Macedonis, Lysimachi, & aliorum; disertè Herodotus Darium ait immortalitatis & longæ memoriæ causâ probam monetam cudisse, hæc enim dote boni Principes in orbe quodammodo consecrantur. Vide, quæ diximus in Vita Arnesti. Aurum & argentum apud Sinas erui veratur ob noxias exhalationes, cum vita hominis omni auro pretiosior esse Regibus debeat; aurum ex solis fluminibus colligunt, ait Martinus. DEUS immortalis! si hæc una ratio Sinarum Reges continet, nè in auro effodiendo subditi laborent, quanto id potentiùs svadebitur, cum illas noxias exhalationes, quæ ab auro & argento in animos hominum expirant cogitemus? Italicum est proverbium: pecuniâ manum, si non animum, infici & maculari. Sed frustra hæc scribuntur; occupatis avaritiâ animis quibus pecunia Deus, pecunia demon; quæ vox est eorum, quibus vilescunt & sordent æterna, placent terrena.

Universitatem studiorum everterunt &c. Nullum ego existimo Regnum prospere gubernari, quod Doctorum præsidio non nitatur. Multitudo sapientum est sanitas orbis terrarum; at multi ignari Universitatem vel Academiam, cum nominari audiunt Villam esse putant (qualis olim erat Platonis) & nihil plùs conferre Reipub: quàm rusticanam aliquam arationem, ideòque quantum fieri potest, subiectam sibi plebem à studiis remonent, velut in aliud dominium transiuros; at Abavi nostri quanti studia literarum facerent, satis in frequentissimis Comitibus omnium Ordinum A. 1531. sub Ferdinando I. ostenderunt, in quibus unanimi omnium consensu, in Artium Liberalium honorem statuerunt ac decreverunt, ut nemo Dominorum in Bohemia subditos suos, quicumque sese studiis literarum addixerint, à studiis avellat, abstrahat, aut in ijs impediatur; eaque in re omnes Ordines Bohemia suo ac posterorum suorum nomine libentes, & liberâ mente suo se jure cedere profitentur. ita legimus in articulis Comitiorum 1531. 11. Junij. Accusant multi, quod inutiliter quidam his studiis occupentur, qui scilicet nunquam profecturi sint, & proinde nihil Reipublicæ profuturi; facilis responsio: nondum tam certa probatio inventa est ingeniorum, ut statim puero, aut adolescente viso, hunc ingeniosum, hunc hebetem, pronunciare possimus; neque de equorum hinnulis, deque eorum futura aptitudine & virtute prædicere, nedum de adolescentum ingenijs conjicere licet: quàm sæpe vidimus

Claud. l. 2. in  
Russ. Lucian.  
in Tyranno.  
S. Bapt. homil. in 1j. 6.

B. V. Regno-  
rum Patro-  
na.  
cant. 4.  
S. Thomas opusc. 4.  
Francisc. A-  
rias. Spinel-  
lus.

Bona moneta  
boni Prin-  
cipis signum.

Martinus in  
Atlante Sini-  
co.

Prudens  
Princeps  
bonas li-  
teras amat.

Nota.



Varietas ingeniorum humanorum.

Mercur. Trismegist. in Cratere.

Ex conjugio jus acquiritur.

Gentes diversae à Principe amandae.

Æn. Silv. Epist. 430.  
c. 12.  
Gasp. ab Ens  
adver. Mach.

parvulos studiorum alumnos pro ingeniosissimis habitos, spes magnas de se concitasse, qui adultiore ætate obtusi, quasi expirante ingenio, sunt reperti! contra tardiores & desperatione à Magistris neglectos ad summum gloriæ, & doctrinæ evectos! huic necum sententiæ subscribent, qui pluribus annis juventutem docuerunt, qualem ego me profiteor, qui literarum studiis juventuti tradendis consenui. Nulli, aut perpauci sunt, quos nullâ dote natura ornârit, si modò qua in re excellere possint ipsimet, aut sapiens Præceptor animadvertat. Hujus rei causam cum Veteres reddere non possent, finxere animas antequam uniantur corpori bibere ex quodam magno ingenij cratere, pleno liquore cœlesti, submissumque cœlestem Genium magnâ voce clamare: *age anima, inclina te, & bibe ex hoc cratere quantum potes!* tunc animæ in craterem irruentes ex illo hauriunt, aliæ plus, aliæ minus, quædam nihil. Unde illa admiranda ingeniorum diversitas.

*Elizabetham Przemyslai occisi Regis Polonia filiam accepit uxorem &c.* Si ullus titulus justus, & pacatus est, tum ille censetur, qui conjugio acquiritur; maximè cum liquida Uxoris Jura sunt: etenim subditis maximè placet, non contemni, nec deferi prioris Principis familiam, & satis Patriæ prospectum putant, illo conjugio, quo Patriam novus Princeps honorat. Vident hoc, & sequuntur etiam vilissimi, & de trivio homines, qui conjugii divitiis res suas augere, suosque ac se saginare, ut ita dicam, solent.

*Nè solam Bohemiam amare videretur &c.* Hoc maximè cavendum Principi diversis Populis Imperanti. Mirum quantum, una natio, quæ contemptam se putat, à Principe, cum oderit! periculosa hæc odia, periculosi Regum amores sunt, serpentes toties videmus in imaginibus vetustis & annulis, caudam suam ore tenentes; hoc ego existimo symbolum esse eorum Principum, qui sibi amando vel odiendo nocent (idem enim mali odium præstat quod amor) si caudulam suam nimium exosculentur in ore, vel odiendo mordeant, quid nisi corpori suo damnum inferunt? anima & caput est Rex, cæterum corpus sunt subditi. Cavendum ergò erit Principi ab hoc unius nationis suæ studio, & aperto amore, quod elegantissimâ Epistolâ (quæ ego nihil aptius Regnis nostris, & Provinciis legisse me fateor) docuit *Æneas Silvius* ad *Ladislavum Bohemiae & Ungariae Regem* scribens, quæ Epistola inter ejus opera Typis sæpe edita extat. Maximus Patrum *avo Politicus Gaspar ab Ens* observat prudentissimè adversus *Machiavellum*, & multis nervosissimè & invictis argumentis probat, ex ijs gentibus singulis, quibus imperat Princeps, & ex illa ipsa gente, quantum fieri potest à Consiliis habere, Præfectos, ac Magistratus præficere; rationem addit: *quia omnes, inquit, sua nationis ac Patria sunt amantes, unde certum est, subditis è sua gente (si constet Patriæ amantem, & non osorem Civium suorum esse) cariorem fore Magistratum, quàm quemvis alium.*

## CAPUT XXXIII.

*Wenceslaus ejus nominis tertius, Rex Bohemiae septimus, & ex Przemyslaea gente ultimus.*

*Wences-*





*Wenceslaus* Patre amisso pupil-  
lus, decimum septimum age-  
bat annum, cum tres Coronæ  
*Bohemica, Ungarica, Polonica*

Wenceslai  
III. bona &  
mala indo-  
les.

ejus capiti imminerent; sed *Ungarie* Coro-  
nam postea neglexit. Fuisse adolescentem  
formosissimum, narrat, qui *Regem* parvu-  
lum noverat, *Franciscus Canonicus Pragen-*  
*sit*; omnium subjectorum populorum cal-  
luisse lingvas, velut si in omnibus natus es-  
set, affirmant Scriptores; latine insuper di-

fertissime cum admiratione audientium, quoties res posceret, locutum  
in cœtu Procerum ijdem testantur. Nec mirum: optimis Magistris è *sa-*  
*cra Cisterciensi Familia* in disciplinam à Patre traditus, omnes bonas lite-  
ras perdidit; volupe erat Patri & Proceribus videre puerulum maniculis  
decenter compositis, summâ oculorum modestiâ, sacris altaribus mini-  
strantem, eratque gravior ex tam formoso corpore emicans virtus. Sed  
brevi custodibus remotis in Ungariam ad capeffendam coronam missus,  
mores mutavit, additis puero *Procerum Ungarorum* filiis, à quibus per fa-  
miliaritatem lascivire, & vitulari doctus, in vino etiam noctes insomnes  
ducesse, nihil à Regiis moribus alienum esse putavit, ut *Dubravius*, &  
qui *Regem* noverat, citatus *Franciscus* describunt; timebant, & quem  
res exitum habitura esset, anxij Proceres expectabant, itaque in conjugio  
& adjungendâ illi consorte properabant. Electa est *Fiola Tessenensis Duz-*  
*cis Mlesconis* filia, quindecim aut sexdecim Annorum puella; quod mul-  
tum dignitate impar conjugium Proceres, vel eâ causâ conciliârunt, ut  
Rex non cresceret potentiâ, & Regias ditiones, quas ijdem Proceres mi-  
ris artibus sibi usurpaverant, imbecillitatis suæ conscientiam nunquam au-  
deret repetere. An. 1306. in *Poloniam* cum exercitu proficiscentem, *Olo-*  
*mucij* in domo *Decani* (quæ nunc *Episcoporum domus* est) à meridie quie-  
fcentem, *Sicarius Thuringus* (quem ad hanc eadem pattandam pretio  
inductum esse constabat) tribus vulneribus confodit eodem Anno  
1306. 4. Augusti, ætatis suæ anno 18. Egredientem Regio cubili *Thu-*  
*ringum* cum cruento pugione *Regij Satellites* in frustra conciderunt, &  
canibus devorandum objecerunt. Fama eo tempore ferebatur, de indu-  
stria *Sicarium* non permissum vivere, nè conscij proderentur. In hoc  
itaque *Wenceslao* gloriosissima *Przemysli* stirps, quæ non interruptâ se-  
rie ab Anno Christi 400. circiter, usque ad Annum 1306. in XXXVIII.  
Ducibus & septem Regibus gloriosissime *Bohemiam* rexit, virtutibus

Conjuratio  
in Juvenem  
Principem.



Regiis & gloriâ ad invidiam omnium Regnorum Europæ floruerat, caduco ad extremum flore exaruit.

## NOTÆ in Caput XXXIII.

Quod servare non possumus negligendum, vel potius donandum.

**U**ngaria coronam neglexit &c. Prudentissimum consilium habetur ad auctoritatem Principis, seu acquirendam seu conservandam, ea quæ nisi cum difficultate & periculo obtinere aut tueri non possumus, ultrò aliis vel cedere, vel donare, vel cum aliqua utilitate commutare. Ità *Wenceslaus Coronam Ungaria*, quam ei *Proceres* detulerant, & mutatâ voluntate paulò post alteri Principi cupiebant offerre, *Ottoni Bavaria Duci* tradidit sapienter; easdem finè dubio in regnando difficultates subiturus, quas *Otto* sustinuit, propè eversus, & Regno tantum non expulsus. *Vulpes* in fabulis, cum poma formosissima in arbore videret, desperans ea se per saltum attingere posse, dixit multis aliis feris adstantibus pyra illa immatura esse, & stomachum obledere, simul cum summo arboris contemptu discessit, illud quod cupiebat consecuta, ut quod non poterat, noluisse videretur. Quasdam igitur actiones melius est à Principe non inchoari, quàm imbecillitatem fateri, neque posse pertendere, quod inglorium putatur; sic in obsidione Urbium militare & imperatorium est, vel non obsidere, vel si semel obsideas, obsidionem viribus omnibus collatis perurgere.

Formæ commendatio in Principe.

*Adolescens formosissimus &c.* Pulchritudo corporis (si modò contrà enormis deformitas absit) non magnoperè desideratur in Principe, si tamen in ejus vultu reluceat, mirificè eum populis commendabilem & amabilem facit. Est autem multiplex pulchritudo: alia *feminea*, alia *adulescentibus* & *juvenibus* propria, alia *virilis*, imò & *senilis*; nam etiam formosi anni autumnus & hiems quandam pulchritudinem habent; at verò in Regiis adolescentibus gratia formæ cum voluptate spectatur, cum etiam virtus ex vultu gratiofo; gratiosiores radios emittat, & oculos & animos subditorum captivet; unde *forma Regia* apud vetustos Scriptores *pulchram* significat. Certè *Aristoteles* affirmat: si qui reperirentur eâ corporis venustate, quam in Deorum statuis cernimus, neminem dubitaturum, quin eos aliis omnibus imperare oporteret. Hoc unicum Regibus præstandum, ut si forma absit (quis enim sibi addere eam potest?) nè in vultu affectum aliquem Rege minùs dignum præferant, ut *superbiam* in oculis, *crudelitatem*, *levitatem* in gestibus, ac totius corporis motu; *iram* oculis minantibus, *curiositatem* oculorum in omnibus, quæ ante se, circum se, & post se geruntur, *contemptum aliorum* (qualem *D. Gregorius Nazianzenus* in *Juliano Apostata* notavit, *nasus*, inquit, *contumeliam spirans*) sat formosa erit Principis facies, si paratam omnibus humanitatem præferat, & obvium auxilium miseris promittere videatur: sola enim formæ gratia sinè humanitate, populo ad gratiam Principis hianti, non satisfacit. Cum aliquando *Cræsus* in Regio solio coronâ & innumeris gemmis lucente veste sederet, quæsiit *Rex ex Solone*: an aliquid ornatus vidisset? respondit, gallos, *phasianos*, *pavones*, millies ornatiores esse; hos enim natura ornavit, *Cræsum* affectatio & peregrinitas. Ea de causâ apud *Diogenem Laërtium Philosophi* certant, quibus titulis brevitatem formæ describant. *Aristoteles* formam dicebat esse *Epistolam commendatoriam*, cujus literæ brevi liturâ deleantur; *Socrates*: *modici temporis tyrannidem*; *Plato*: *natura privilegium*. *Theophrastus*: *tacitam deceptionem*. *Theocritus*: *eburneum detrimentum*. *Carneades*: *Regnum solitarium*. Poëta certè breve hoc bonum rebus citò perituris assimilant, ut *violis*, *lilijs*, *papaveri*, *pomo*, *nivibus*, *lacti*, *avis*, & cæteris, quæ tempus auferet.

*Arist. 1. Polit.*

Forma bonum fragile.

*L. 9. de vitis Philof.*

Subje-



*Subjeſtorum populorum calluiſſe linguas &c.* Magna hæc Regis commendatio: quid enim magis deſideret populus, quàm Regi ſuo ſinè interprete loqui? magui fieri gentem ſuam putant, ſi vel errando, & balbutiendo, nullâ ſignificatione contemptus datâ, Princeps aliquando populi pauculas voces uſurpet; quàm id neceſſarium Cæſaribus eſſe perſuſum habuerit *Carolus IV.* videbis in *aurea Bulla*, quæ dum floreret Imperium, totius *Germania*, & gubernationis Imperialis norma fuit, hodiè- que ad eam ſe revocant, etiam ij, qui minimè obſervant. Optabile eſſet *Pij II.* ſa- pientiffimam, & propè divinam *Epistolam* legere, quam ad *Ladislauum Regem* no- ſtrum direxit, quâ omnia regnandi præcepta, & laudatiſſimas tam diverſos populos in officio, amore, & ſtudio, erga Regem continendi rationes complexus eſt. Eam ob cauſſam *Apoſtoliſ donum linguarum* conceſſum docuit eruditiffimus *Lorinus*; & proverbium Italicum adducit *Nigronius*: *eum qui multas linguas callet, totidem homi- nibus adequari.* Sed latinam ignorare, vix non vituperium meretur; hæc enim lin- gua *Europa* jam communis eſt, & omnes nobis populos conjungit, & ſæculorum omnium arcana revelat; hæc enim ſapientum omnium ſenſa, vitæ, & mortes, bel- la & paces; omniâque Orbis Imperia deſcripta leguntur. Vidit hoc ſapientiffimus *Imperator Carolus V.* qui cùm in quadam *Italia* Urbe latinâ oratione à diſertiffimo viro ſalutatus eſſet, neque eam orationem ex toto intelligere potuiſſet, dixit: *dare ſe nunc pœnas puerilis negligentia, idque ſibi prædictum à Magiſtro ſuo Adriano.* Is poſtea, ut hoc obiter dicam, *Cardinalis*, & retento nomine *Pontifex Adrianus* ſextus nuncu- patus eſt.

*Optimis Magiſtris &c.* Nihil magis curandum Principibus, quàm filiis, Magi- ſtros doctos, pios, verſatos in rebus, hiftoriarum & antiquitatis bene peritos appone- re. Semina hortenſium rerum periti ſic attemperare, & quodammodo condire noverunt, ut creſcentes ex ijs fructus, bene odorati, & moſchum, vel ambram, vel aliud gratum redoleant, & lætiſſimo ſapore commendentur. Principum tenello- rum major habenda ratio eſt: qui enim Regem bene educat, is de toto Regno bene meretur; ut in Typo fieri videmus: primâ formâ mundè & ſinè errore poſitâ: omnes reliquæ vitio carebunt. *Ramus*, quem tenerum, & adhuc victum correxe- ris, etiam corroboratus, rectitudinem ſervabit; memorâtque *Pausanias apud Epidau- rios* palmam, quæ *Strepta* dicebatur, quam *Hercules* dum parva eſſet, manu arreptam contorſit; hæc enim ut flexa erat, crevit, in eâque figura conſenuit. Laudatur mul- tùm puerilis *Regum* educatio apud *Veteres Perſas*, quam *Briffonius* deſcribit: quòd ſcilicet cùm Adoleſcens Regius quatuordecim attigiſſet annos, quatuor viris edu- candus committeretur; quorum primus *Magiam* & Regia inſtituta *Regulo* explica- bat, omnia ad *Juſtitiam* dirigendo. Alter *prudentiam & leges & conſuetudines* pa- trias, & quidquid huc ſpectaret, docebat. Tertius *Temperantiam*, & quibus parti- bus ea conſtaret, inſtruebat; uti & quartus *Fortitudinem*. Et hi quatuor nunquam à Regis latere diſcedebant, & ſi quid non ſatis aptè ab Adoleſcente Rege fieret, monen- do corripiebat.

*Sed brevè mores mutavit per filios Procerum &c.* Tranſiliunt maximè in adole- ſcentes ex adoleſcentibus vitia, ac ſicut de *Equis* conſtat, malo oculo infascinantur. Malè agitur cum natura rerum, quæ ſanitatem & cætera bona viſu & tactu non propagat, mala verò facillimè diffundit. Quanquam iniquè queri videmur, cùm virtutes & animi bona ex bonorum ſocietate plantentur, adoleſcant, & capiant in- crementa; feliciùs tamen certum eſt in natura corrupta, vitia quàm virtutes vulga- ri, & communicari faciliùs; unde vera illa veteris Poëtæ apud *Lipſium* ſententia Tro- chaico carmine expreſſa:

R3 Qui

Principem  
multas lin-  
guas callere  
pulcherri-  
mum.

*Æn. Silv. E-  
piſt. 4. 0.*

*Lorin. in c. 2  
Act. Nigron.  
in Reg. 10.*

Educatio  
Principis  
maximi fa-  
cienda.

*Pausan. l. 2:  
ſ. 70. Græc.  
edit.*

Quatuor e-  
ducatores  
parvi Prin-  
cipis apud  
Perſas.

*Barn. Briff. l.  
1. de Regno  
Perſarum.*

Adoleſcen-  
tes ab adole-  
ſcentibus vi-  
tia facillimè  
contrahunt.

*Lipſius Ele-  
ſtor. l. 1. c. 3.*



*Qui mali sunt, non fuere matris ex al-vo mali;  
Sed malos faciunt malorum falsa contubernia.*

Aulicorum  
artes adver-  
sus Principē  
incautum.  
Corn. Agrip.  
in L. de va-  
nit. sciunt.

*Proceres miris artibus &c.* Proceres Regem felicem, vel contrā infelicem facere possunt & solent. Sape etiam inter se, & sibi mutuō Principem vendunt, & cū cultum, timorem & amorem simulēt, in tacito sinu ridēt. Illud unum verissimum vanissimus Author *Cornelius Agripa* scripsit: *Aula*, inquit, *est Collegium Gigantum*, quid illud verbi significet, quisque sapiens intelligit. *Aeneas Silvius* in *Aulae tropicis* educatus *Harpyias* vocat, quas se in *Aulis* omnibus vidisse confirmat. Descripsit malos Regum Ministros, quidam mihi notissimus Author, eorūque placita, sub organi musici maximi imagine, in quo hosce indices fistularum seu mutationes & registra, ut Musici vocant, ponit: *Deglubere. Metuant. Oportet habere. Altum dominum. Hunc audite. Sic placet. Sanguis dosis. Adigantur. Non audent. Non capiunt. Una Cervix. Vos non vobis. Compelle. Ipsi viderint. Interesse. Aurum ē stercore. Amicitia simulatio. Histionum fortuna. Summum Jus. Dissidiorum semina. Vexare columbas. Princeps non habet legem. Ad terram. Reus Majestatis. Exaggeratio. Litium tela. Edant ut vivant. Iamneum regimen. Regina pecunia. Religio pratenso. Divide semper. Potuit, potest. Discordia concors. Ad opes legatio.* Universas penē Aulicorum artes hoc organo expressit ingeniosus Author, unam adhuc, eāque maximē Principibus noxiam mutationem addam ex *Flavio Vopisco*, qui *Diocletiani Imperatoris* admirabilem sententiam refert hisce verbis: *Nihil est difficilius, quam bene imperare. Colligunt se quatuor, aut quinque, atque unum consilium ad capiendum Imperatorem capiunt; dicunt, quid probandum sit; Imperator, qui domiclausus est, vera non novit: cogitur hoc tantum scire, quod illi loquuntur. Facit Iudices, quos non oportet; amovet à Republica, quos deberet obtinere. Quid multa: bonus, cautus, optimus venditur Imperator.* Hæc *Diocletianus*, sinē dubio ejusmodi Ministros expertus. Nescio in Christiana Religione tam scelestum consilium aliquando repertum esse; at reperiri potuisse non nego.

Multæ fami-  
liæ Regiæ in  
Regis repe-  
riuntur, sed  
sinē titulo  
ad Regnum.

*Ad extremum exaruit.* Non universim de *Przemyslae* familia loquor (nam aliquot familiæ genus suum à *Przemyslo* deducere possunt) sed de Regibus & de Regnatrice familia, ut etiam dixi in Notis ad Tabulam secundam. Sic etiam in pluribus *Europæ* Regnis Regiæ Familiæ, imò & Imperatoriæ inveniuntur, quarum jam nulla in successionibus Regum habetur ratio, quia ab immemorabili tempore descensus ille & genus Regum petitur & à Genealogistis probatur; unde nec ipsæ illustres familiæ in tam antiquo & obsoleto titulo quidquam sibi repositum existimant.

## CAPUT XXXIV.

*Regnum, vel potiùs Interregnum duorum  
Principum Rudolphi Austriaci, &  
Henrici Carinthe.*



Necps diu hæsi, utrūne duos hosce Principes Regibus annumerarem? *Rudolfo* obstat armata, & iusto metu cincta Electio, reclamante non parvâ *Procerum* manu, & brevis unius anni vita; sed utriq; quod nullâ coronatione præmissâ  
Regnum



Regnum tenuerint; *Henrico* autem, vel si cætera adfuissent omnia, indignitas factorum, tum in Ordinum omnium conventu *Henrico VII. Imperatore* confirmante exauthoratio, & quòd se professum *Bohemiae* hostem fecerit, titulus Regius ab omnibus Scriptoribus abrogatur, nec *Hagecius*, nec *Dubravius*, nec *Stransky*, nec *Cutenus*, nec *Sylvius*, nec *Crato*, nec *Paprocus*, sed neque *Austriaci* Scriptores inter indubios Reges eos collocant (nam coronati nunquam fuerunt) & qui eorum gesta commendant Inter-Reges, aut Principes dicere malunt; ego hanc quaestionem meam facere nolo. Itaque occiso ultimo *Przemyslae* stirpis adolescente *Wenceslao* Comitum electioni Regiae Pragae ipso anno 1306. indicuntur: in duas partes *Proceres* discessere, alij *Rudolfum*, alij *Henricum* malebant; jamque in eo erat, ut posterior primas auferret; quòd & Pragae coram adesset, & magno ambitu precum & promissorum Ordines teneret, quòdque *Wenceslai II.* filiam natu majorem *Annam* nomine haberet in conjugio; sed ecce omnia casusne Deusne, an potius *Alberti I. Caesaris* prudens celeritas, cui etiam DEUS favet, evertit, duplici exercitu diversâ *Bohemiae* parte, hinc Pater per *Misniam*, *Rudolfus* per *Moraviam* ad Pragam conititerunt, quo metu perterriti Ordines, fugiente *Henrico* Regni æmulo *Rudolfo* Regnum obtulerunt. Mox, *Elizabetham*, seu *Richsam Wenceslai II.* viduam juris sui confirmandi causâ, in conjugem accepit, ut omnes *Proceres* etiam eos, qui *Henrico* studebant, aut metu & armis, aut quoquo modo sibi adjungeret, cum exercitu *Bohemiâ* omnem peragrarè, & ad obsequium compellere, constituit. Primus petitus est *Bavorius de Strakonitz*, cujus Urbem id temporis munitissimam *Horazdio-vicium* obsedit; in longum ducebatur obsidio, Rex juvenis lusibus, vino, sed maximè anni fructibus, & quod disertè adjicitur, *peponum esui* intemperantiùs deditus, contracto alvi profluvio 1307. 3. Julij extinguitur. Si de futuris conjectura capi potest ex præsentibus, ut erat violentè Regno impositus, violentè etiam regnaturum *Franciscus* ejus temporis Scriptor auguratur: multas & graves injurias *Joanni Pragensi Episcopo* intulisse; *Nobilitatem* opprimere cœpisse; odium gentis nostræ dissimulare non potuisse; *Ecclesiam Pragensem* plurimis pretiosis cimelijs, & sacris liptanis armatis, & minacibus precibus adhibitis spoliâsse. Nihil ferè illustriùs actum ab eo legimus, quàm quòd sui memoriam anniversariam magnis censibus in *Ecclesia Pragensi* fundarit, in qua etiam conditus quiescit. Famâ Regis mortui sparsâ, celeritate maximâ (nè libertas Electionis, ut nuper factum meminerant, potentiâ interceptur) Ordines *Bohemiae* ad domum *Primatis Regni Joannis Praesulis* convolant, & post verborum digladiationes, ad cruenta certamina de-

Bellum pro  
Corona Bo-  
hemiae.

Rudolfi Re-  
gis Boh. ge-  
sta & mors.

scen-



Miser status  
Bohemiæ.

scensum est, occisus Tobias Bechinius, ejusque nepos, tum præcipuus Civium Pragensium Hilkmarius, qui Fridericum Rudolphi mortui fratrem Alberti I. Imperatoris alterum filium imponere voluerunt. Prævaluit igitur Henricus, & in Bohemiam à Carinthia evocatus Pragam revertit. Albertum Cæsarem pro Friderico suo multa cum Suevis suis moventem, & totam Germaniam in auxilium pro imperio advocantem occidit nepos ex fratre Joannes Dux Sæviæ A. 1310. I. Maij. Ità sublato æmulo Henricus, cujus mores initio lata omnia Bohemis promittebant, ad ingenium reversus omnia suisque deque vertere cœpit, & Mercatoris potius quàm Regis vitam agere cœpit: justitia & leges jacebant; Cœnobîa armatis complebantur, Clerici, viduæ, Orphani spoliabantur; Henricus interea Cuttnæ ad monetam sedebat, & pecuniam curribus in suam Carinthiam avehebat; Urbes velut devictas & captivas pecuniis innumera bilibus multabat; judicia nulla exercebat; hæc triennio pertulit Bohemia, donec tandem evigilarent Proceres, ac præcipuè Joannes Episcopus Pragensis, & missâ legatione ad Cæsarem Henricum, ejus filium Joannem oblatâ prius in Conjugem Elisabethâ minima natu Wenceslai II. Regis filia, sibi in Regem dari postularent, quod factum A. 1310. ut in sequentibus dicetur. Non possum omittere lepidos versiculos rudis illius sæculi, quibus calamitosus Bohemiæ status sub Henrico describitur:

*Terra Bohemorum fert pondera magna malorum,  
Quæ non sensisset, Regem hunc si non habuisset:  
Nam sub eo plures rapiunt, homicidia fiunt,  
Lis crescit, pax decrescit, jus omne tepest;*  
*In tota terra cùm pullulet undique guerra:  
Quando regit malè Rex, errat grex, deficit & lex,  
Inscit hos sex, ingruit his nex, damna manent sex:  
Mors solet hunc rapere, reliquum captivat in ære,  
Liber servare, Seges incipit ampla perire;  
Pupillus flere, de sponso sponsa dolere,  
Et crescunt plura, plerisque gravamina dura.*

## NOTÆ in Caput XXXIV.

Genealogia  
Henrici Carinthiæ Principis.

**R**udolfus & Henricus &c. Rudolphi, Alberti Imperatoris filij, Genealogia adducetur in sequentibus, cùm ad Austriacos Bohemiæ Reges veniemus; Henrici verò quia ejus mentio non recurrit, Genealogiam brevem adducere operæ pretium esse puto.

Tabula



## Tabula Principum Carinthiæ.

*Meinhardus* Comes Tyrolis & Goriciæ ex veteri stirpe Ducum Meraniæ, Princeps Carinthiæ à Cæsare *Rudolfo I.* in Comitibus Norimbergenſibus creatus.

*Agnes* Filia *Henrici* Ducis Austriæ.

*Ludovicus* Princ: Carinthiæ. His duobus Pater Carinthiam cessit, contentus Comitatu Tyrolis.

*Otto* Dux Carinthiæ.

*Henricus* Comes Tyrolis & Goriciæ, post fratres mortuos Princ: Carinth: electus Rex Bohemiæ, expulsus à Rege *Joanne*. obiit An. 1331. alij dicunt 1334.

1. *Anna* Filia *Wenceslai* II. obiit sine prole.

2. *N. Ducis* *Brunswicensis*.

*Elisabeth Alberti I* Cæsaris *Rudolfi I* filij uxor, quæ egenuit 21. liberos ex quibus sex filij, & quinq; filiæ ad ætatem maturam pervenêre.

*Margaretha* ob deformitatem oris *Maultaßin* nominata, nupsit primò *Jonni Henrico*, *Joannis Regis Bohemiæ* filio, quem postea à se expulit, & accepit secundum *Maritum Ludovicum* Marchionem *Brandenburgicum*, *Ludovici IV. Cæsaris* & *Bavariæ Ducis* filium, cui genuit

*Meinhardum* Principem superioris *Bavariæ* & *Carinthiæ*, Comitem *Tyrolis*, qui obiit sine prole.

Tertium maritum accepit *Rudolfum IV. Ducem Austriæ*, & *Domui Austriacæ* attulit *Carinthiam*, *Tyrolim*, & cætera, de quo postea.

*Armata & metu cincta Regum Electio &c.* Nemo libenter cogitur, & necessitatem sibi inferri patitur; minimè omnium, qui libertatem habere se putant. Hâc nihil pretiosius, unde aurea dicitur. Illam eo tempore *Bohemi* habere se gloriabantur. Noxia tamen libertas est, quæ legitimos Reges oppugnat, ut factum Patrum memoriâ vidimus; nunc verè cum *Augustino* possumus dicere: *felix necessitas, quæ ad meliora compellit!* quanquam ante tria sæcula tunc excusari poterant Ordines, quibus pridem *Fridericus I. & II. Cæsares*, si tota stirps Regia deficeret eligendi sibi Regis potestatem fecerunt, quod etiam postea aurea Bulla confirmavit *Carolus IV. Imperator*, quam Bullam recitavit *Goldastus*. *Albertus* cerè *I. Imperator* hoc ipsum tacitè approbâsse videtur, cum filium *Rudolfum Bohemis* commendavit; injustus enim fuisset, imponendo filium, cum adhuc tres *Wenceslai II. filia* viverent, & jus ad Regnum habere viderentur.

*Professum Bohemiæ hostem &c.* Pater, & hostis simul componi non possunt, Princeps autem pater est Populi; eo ipso facto, quod consilia ad interitum Patriæ suscepit Princeps, si id constet omnibus, Pater esse desinit, aut saltè ut desinat, metetur; quod tamen Populus de Principe judicare nunquam debet.

*Primas tulit, quod Praga coram adesset &c.* Urget presentia *Turni* ait *Virgilius* non vanè: incredibile est, quantum commendationis adjiciat prudenti, & suarum rerum satagenti Principi! leviter movemur absentibus. Ac sine dubio *Henricus* discessisset superior, nisi præsentia *Rudolfi* Procures permovisset. Memini me legere in quodam ingenioso & prudenti scripto *Joachimi Andreae Comitiss Slikij* (quod edidit,

S

&amp; li-

Necessitas  
sæpe fit vir-  
tus.

Regna gratè  
& gratanter  
acceptanda.



& libris suis adjecit *Goldastus hereditarium Bohemiae Regnum* esse demonstrans) refertur in eo, cum quidam *Princeps Regnum Bohemiae* ab Ordinibus absens peteret, dixisse *Bohuslaum à Lobkovicz* magnam togam & sago inter *Proceres Virum: Regnum Bohemiae* hoc saltem mereri, ut qui id postularent, postulationem suam praesentes, & non absentes proponerent.

Consiliorum  
ala prudentia,  
& celeritas.

*Arist. l. 6.*

*Eth. c. 7.*

*Or. 9.*

*Tacitus l. 4.*

*Annal.*

*Liv. l. 23.*

*Prudens Alberti Caesaris celeritas &c.* Prudentia si celeritatem illi addideris, vix unquam sine suo excidet; at plerumque fit, ut etiam felicissima consilia dum differuntur, quodammodo expirent, & exitus laetos non habeant, unde *Aristoteles: cito agenda sunt, quae consultaveris, tarde vero ac diu consultabis*; quod si bene consultatum est, alas addet consilio celeritas, recteque dixit *Tacitus: subiti consilij, eventus felices*; contra vero *Livius: nihil magni discriminis consilij tam inimicum quam celeritas*; quae conciliari facile possunt, iste enim de celeritate inconsulta, alij de praevisa, & perspectis ante rerum momentis loquuntur.

Pepones aliquot Principes sultulerunt.

*In speculo*

*Domus Austriacae.*

Ex parvis

conjectura

de maximis.

*Seneca Ep. 7-*

*c. 53.*

*Anni fructibus intemperantius &c.* Notat *Birken* multis Principibus peponum esum fatalem fuisse, ut in *Rudolfo* nostro, in *Alberto Ladislai Regis* nostri Patre, aliisque maximis Imperatoribus probatur; exempla sunt in propatulo.

*Si de futuris conjectura capi potest &c.* Multa ex moribus Principum de futuris satis probabiliter conjici possunt: *argumentum morum*, ait *Seneca, ex minimis quoque licet capere. Sape & incessus, & manus mota, & unum interdum responsum, & relatus ad caput digitus, & flexus oculorum*, multa in futurum ostendit. Narrat alicubi *Quintilianus Arcopagitas* damnasse puerum, qui avium oculos effodiebat, quasi lignum esset mentis malae futurae, si adolevisset. Vide, quae supra dixi de *Juliano Apostata*.

Timor in officio continet etiam Principes.

*Sublato amulo Henricus ad ingenium reversus est &c.* Timor etiam Principes in officio continet. Ratio in promptu est: cum enim suam summam Beatitudinem in Principatu reponant, merito per aemulos spoliari dignitate timent, maxime si Tyrannidis crimine infamantur. Crudeles enim facta sua ipsi timent, & conscientiam ipsam habent causam timoris: non enim sperare possunt amorem, qui mille odiorum causas dederunt; praecipue si videant quosdam ob virtutem, aliasque dotes a populo amari & aestimari. O quot millia magnorum virorum hic timor sustulit! quot viris maximis exitio fuit? *Nero* quam diu *Britannicum* viventem timuit, tam diu laudatissime & clementissime rexit, ut merito optimus *Imperator Trajanus* dicere solitus sit: *procul distare cunctos Principes a primo quinquennio Neronis!* tanta specimina bonae gubernationis edebat! sed, ut ait *Lipsius* in *Notis ad Senecam, media & finis precipitantur*. Idem animadvertunt Scriptores politici in *Tiberio*, quoad *Drusum*, & *Germanicus* vixerunt.

*Lipsius in l. x. de Clement. Seneca c. 1.*

Mercatoria vita dedecet Principem.

*Henricus Civitates multabat &c.* Mercatoria prorsus fuit hujus Principis vita, quae vivendi ratio summè Principis honestati repugnat; disputant Politici: *an aliquam natio Imperio gerendo inepta habenda sit?* mihi nullam nominare opus est, quanquam apud eos nominatae inveniantur; dicere tamen satis est: eos existimare, qui *Mercaturam* fecerunt pro inutilibus, & minimè ad praefecturas gerendas idoneis haberi, praecipue ubi colligendae & intervertendae pecuniae publicae datur occasio. Fiscum illi augent, sed sui non obliviscuntur; *lucri bonus odor* illos afflat ubique; ejusmodi turpibus lucris, & deprædationibus populi inhiabat *Princeps Henricus*, & Regium fiscum impingvabat, cum odio apud *Cives*, infamiae verò nota apud alienos. Sapienter itaque *Plinius* in illo celebri *Panegyrico ad Trajanum* pronuntiavit: *mala causa fisci nunquam est, nisi sub bono Principe*. Contrarium sine dubio sub malo Principè fieri confectarium est.

TABU-



er.  
di.  
Bo.  
&c

is,  
lif-  
ci-  
ta-  
atu  
as;  
&c

am  
lif.

ris  
que  
us  
in-  
am  
A-

in  
in  
y-  
am  
fo-  
à  
it!  
liu  
ere  
ina  
nis  
&c

a,  
ua  
am  
ca-  
ri,  
am  
odi  
fi-  
n-  
fi


L.



TABULA V. & ultima Genealogica Ducum & Regum Bohemiæ ex stirpe Przemyslæa, à Wladislao II. Rege usque ad Wenceslaum III. suæ stirpis ultimum; priores Duces & Reges in Tabulis quatuor suprà attuli.

a. Wladislaus II. Princeps Bohemiæ XXXI. postea Rex Bohemiæ II. obiit animi mœ-  
rore in Lusatia An. 1174. 17. Januarij, primùm in Cœnobio Ansen tumulatus,  
postmodum in Strahow devecus, quod Cœnobium fundavit.

† I. a. Gertrudis filia S. Leopoldi Marchionis Austriæ. obiit An. Ch. 1151.  
aliqui eam faciunt Matrem Ottogari I. Reg: vide Tab: Geneal:  
II. b. Judith filia Ludovici III. Landgravij Thuringiæ.





a. **W**

*S. Georgii in*  
*cisa ex saxo.*  
*esse filiam l*  
*Weleslavin*

habitum in  
 alij, qui etia

*B. Angela C*  
*mini Caroli d*

*fiam, quæ in*  
*bus fuisse ali*

adferre possi  
 tempore nul

in alio Part  
 fundavit, ibi

\*scriptum D  
 quæ primitia

b. Ju  
*Landgravy*

quam An. 1  
 c. Fria

dejicitur, le  
 1189. vel, u

d. Elip  
 ei tribuit W

1. filio Otton  
 Apparet (c

ho tempore  
 cipue filiaru

tor, quæ in  
 de tribus

d. Saz  
 de illa est.

d. Hich  
 eius & Duon

e. Sa  
 me non po

nam nomin  
 sem, & ex c

1216. finè  
 Bazarra in

f. B.



## Notæ Historicæ in Tabulam V. Genealogicam.

a. **W**ladislaus II. de quo plura Capite XXVI.  
2. Gertrudis S. Leopoldi Marchionis Austria filia ex Agnete Henrici IV. filia. Genuit plures filias, quarum nomina præter Agnetem, Margaretham & Ludmillam in Scriptoribus non satis certa sunt. In Parthenone

S. Georgij in Sacello S. Anna composita est Virgo Regia jam nubilis passis capillis excisa ex saxo, cuius nomen omni conatu legere non potui; id modò, Vladislai Regis esse filiam literæ marginales in saxo loquuntur. Helenam alteram ei tribuit filiam Weleslavinus, ac fortasse hæc illa est Angela dicta, quam in Palestina Carmelitanum habitum induisse, magni omninò & non aspernandi Scriptores (Delrio, Possevinus, & alij, qui etiam ejus opera recensent) tradiderunt. Vide Dissertationem meam de B. Angela Carmelitana Regis Bohemia filia, quam scripsi rogatu Reverendissimi Domini Caroli à S. Teresa Slavata sui SS. Ordinis Generalis. Crediderim etiam S. Ecclesiam, quæ in Hispania colitur, & Regis Bohemia filia à maximis Hispanie Scriptoribus fuisse asseritur, non procul hinc abesse, etsi ultra conjecturam nihil potentius adferre possim. Etsi autem Pragæ in Cœnobio obiisse scribatur B. Angela cum eo tempore nullum Pragæ Cœnobium (Carmelitanum fuerit, potuit apud S. Georgium, vel in alio Parthenone Sacro tumulari. Porro Gertrudis virgineum Cœnobium Doxanæ fundavit, ibidemque est sepulta. An. 1151. 5. Augusti, ut habet Mortuarium manuscriptum Doxanense, his verbis: *Obijt pie recordationis Gertrudis Fundatrix nostra, quæ primitias Ordinis nostri in terram hanc introduxit.*

De S. Angela Carmelitana filia Regis Bohemiae

b. Judith Vladislai secunda conjux (aliis etiam dicta Cæcilia) Ludovici III. Landgravi Thuringia & Hassie filia, cujus mater fuit Hedvigis Cæsaris Lotharij filia, quam An. 1153. duxit; pontem Pragensem extruxit. A. 1171. qui postea corruit.

c. Fridericus primogenitus Vladislai, Bohemia Dux XXXIII. à Cæsare Friderico dejicitur, sed An. 1176. Principatum recuperat, de eo vide Caput 27. obiit An. 1189. vel, ut alij 1190.

d. Elisabeth Regis Geisa filia, soror Hulicha Svatopluci II. uxoris unicam filiam ei tribuit Weleslavinus Helenam; at Fabricius etiam Sophiam, quæ nupta fuerit Alberto I. filio Ottonis Marchionis, & genuit Christinam Hermannii Comitis Lodeburgij uxorem. Apparet (quod etiam sæpe monui) Genealogias Principum, & Regum nostrorum hoc tempore non esse omnibus numeris absolutas, multaque in ijs filiorum, sed præcipuè filiarum nomina desiderari, ut etiam queritur Weleslavinus. Videat, oro, Lector, quæ in Lib. IV. Miscell. attulimus, ex memoriis Parthenonis Doxanensis, & quæ de tribus Agnetibus ibidem disputavimus.

Fabricius l. 5  
Orig. Sax.

Genealogia  
Bohemiae  
perturbata.

d. Sophia Alberti I. Marchionis Misnia Uxor. Ità Fabricius in Misnicis. Jam antè de illa egi.

d. Helena uxor Petri Nepotis Manuelis Imperatoris Constantinopolitani, ut Hagecius & Dubravius narrant. Vide, quæ suprà dixi.

e. Svatoplucus III. Princeps Bohemia. Ingenuè fateor Svatoplucum II. invenire me non potuisse, & cujus ille filius fuerit nullibi invenisse, quem tamen apud Pessinam nominatum invenio, qui addit eum obiisse An. 1211. & fuisse Principem Brunensem, & ex conjuge sua Hulicha reliquisse Henricum Principem Brunensem, qui obiit A. 1216. sine prole. At Weleslavinus ait Svatoplucum III. Bohemiā expulsum, obiisse in Bavaria in exilio apud B. Albertum fratrem suum.

f. B. Albertus Archiepiscopus Salisburgensis, & Præpositus Mielnicensis in Bohemia;



cujus vitam Lib. IV. Miscellaneorum descripsi. Obiit 1200. 6. Idus Aprilis.

g. B. Agnes Benedictina, antè Premonstratensis Doxana, vide Lib. IV. Miscellaneorum.

g. Margareta Priorissa Doxana Ordinis Premonstratensis, de qua etiam Lib. IV. Fuit III. numero Priorissa, ut indicant ejusdem Cœnobij vetustissimæ memoriæ scriptæ. An. 1370.

De Adela  
vel Abdela  
Ottogari uxore.

In histor. Pol.

h. Przemyslaus Ottogarus I. Rex Bohemia III. de eo egimus Capite XXIX. fundavit Cœnobium Sancti Jacobi FF. Minoribus, & Sancti Clementis pro Prædicatoribus. Praga obiit Ottogarus A. 1230. cum prima conjuge Abdela Ottonis divitis Marchionis Misnia filia, divortium fecit Innocentio III. Papæ probante, non ob illius sterilitatem, ut habet Dubravius, sed vel ob cognationem, ut tradunt Cellenses memoriæ, vel ob odium fratris Diterici, ut putat Weleslavinus: seu quod memoriæ Budvicenses referunt, quod antequam nuberet, castitatis voto sese obstrinxisse diceretur, quod etiam habet Dlugossius, licet perperam nepoti id tribuat, quod Avo conveniebat. Obiit Adela vel Abdela in Cœnobio Wasserburgensi ad Albim An. 1211. de ejus filiis ex Fabricio dicam postea. Secunda conjux ei fuit Constantia Bela III. Ungariæ Regis filia, Andrea Regis soror, quæ obiit A. 1242. de hac Mortuarium Doxanense manuscriptum 3. Decemb. obiit inclytæ memoriæ Constantia Regina Bohemia, Fundatrix Cœnobij Portacæli in Austria. Weleslavinus ponit 13. Decem.

Adelx. p. 1.  
Annal. Boic.  
l. 23. n. 12.  
et n. 19.

i. Ludmilla uxor Alberti Comitis de Bogen, ut ex Boicis Scriptoribus affirmat Adelzreiter, eique genuit Leopoldum, Albertum, & Bertholdum, & viduam accepit Ludovicus Bavaria Dux, ex eaque genuit Ottonem hæredem, cujus ortus magna attulit Baviaræ emolumenta. Ingenium hujus Matronæ mirificè laudat, & exemplo mirabili comprobatur idem Scriptor.

k. Wladislaus III. Marchio Moravia acceptâ Moraviâ dignitatem Regiam fratri cessit, charissimus subditis Moravis. Fundavit Cœnobium Welehradense, de conjuge ejus nihil constat. Obiit An. 1222. relicto filio Wladislao, qui obiit sinè prole Anno 1224.

Fabric. l. 1.  
Orig. Sax. in  
Ottone divite

l. Wratislaus, & tres sorores. Fabricius acuratissimus Scriptor tradidit Przemyslaum Ottogarum I. ex Adela prima conjuge genuisse Wratislaum (de quo in historiis nostris, uti & de ejus tribus sororibus altissimè filetur) item tres filias, quarum una nupta fuerit Regi Dania, altera Henrico Comiti Ortenburgio, tertia Abbatisa seu Antistita Gerenrhodensis, quæ inter Divas ibidem fuerit numerata.

m. Abdela ex Abdela genita fuit, licet alij ex Constantia genitam ponant.

m. Bozislava uxor Ulrici Carinthia Principis, quæ genuit Ulricum II. isque postea Carinthiam, Styriam, & Portum Naonis vendidit Przemyslao Ottogaro II. Regi.

m. Anna Henrici Probi uxor, quæ ei genuit Wladislaum Archiepiscopum Salisburgensem, & Henricum, & Boleslaum filios, obiit 1265.

m. S. Agnes Virgo. Ejus vitam scripsi in Lib. IV. Miscell.

n. Wenceslaus I. Rex Bohemia IV. vide Caput XXX. regnare cœpit An. 1228. vivente adhuc patre coronatus cum Cunegunde uxore sua. Bellicosus Princeps Austriam incipiendo à Cremisio usque in Ungariam perpopulatus, Fridericum Austriacum fugavit; Tartaros Moraviâ expulit, filium Przemyslaum Ottogarum II. contumacem domuit, & captivum clausit. Obiit 1253. in Octobri, apud S. Franciscum (quod Virgineum Cœnobium, uti etiam Crucigerorum ad pontem cum Hospitali cum sorore sua sanctissima Agnete fundaverat) humatus.

o. Cunegundis Philippi Caesaris filia. Alij imperitè vocant eam Hildam, filiam Theodorici Comitis de Wettin. obiit 1248.

p. Przemyslaus Princeps Olomucensis & Oppaviensis, natus ex Constantia A. 1208.

ad.



adhæsit *Friderico Duci Austriæ* adversus fratrem. Reiectus in *Ungariam*, Regis *Bela IV.* interventu fratri conciliatus obiit A. 1235. sine prole.

q. *Agnes Przemyslai Ottogari I.* filia, *Wenceslai I. Regis* soror, hanc ego I. *Agnetem* suspicor fuisse, quæ à *Fabricio* ponitur conjux *Henrici Landgravij Thuringia*, & *Marchionis Misnia*, quæ obiit sine prole A. 1267. ut *Fabricius* Lib. 6. *Originum Saxon.* citans pro se *Siffridum Misnensem Presbyterum*, & *Annales Thuringia*.

q. Habuit idem *Ottogarus* filiam *Margaretham*, sed ex quo conjugio ignoratur; id apertè testatur lapis sepulchralis in *Ecclesia Monialium S. Agnetis* ante altare majus, in quo incisa leguntur hæc verba paucula: *Margarita filia Ottogari Bohemia Regis An. Dom. 1277. 9. Calend. Septemb.* item habuit tres filias ejuldem nominis *Agnetes* ( ut probavi Lib. IV. *Miscell. in Bohemia sancta* ) de *S. Agnete Virgine* ad *S. Claram* nemo dubitat; habuit etiam *Agnetem*, quam accepit in uxorem *Henricus I. Saxonia Dux*, quæ obiit 1268. ut habet *Fabricius*. Et tertiam *Agnetem*, quæ obiit ante annum 1247. ut ex publicis Tabulis idem ostendit,

23. Augusti.

Fabr. L. 2. in  
Mjnicis Sup-  
plem. Chron.

r. *Przemyslaus Ottogarus II. Bohemia Rex V.* regnare coepit 1253. *Prutenos* idololatras cruce assumptâ ad *Christum* armis convertit, ibique multas Urbes condidit, & *Prussiam* (*Crucigeris Prutenis* donavit, *Bavariam* vastavit; *Egram Duci Bavaro* eripuit; *Belam IV. Vngariæ Regem* ad *Moravam* flumen superavit; *Posonium* cepit; malo consilio *Imperium Romanum* oblatum rejecit; *Cænobium S. Coronæ* fundavit, item *Offense*. Proditione suorum, ac præcipuè *Milora de Diedic Rosenlis* adversus *Rudolfum I.* fortissimè pugnans cecidit. A. 1278.

s. Uxor I. *Przemyslai Margareta Friderici ultimi, Austriæ Ducis* soror; cum nupsit provectæ ætatis fuit, & vidua *Henrici VI. Regis Romanorum*, ut habet *Bappenheim*, virilis animi mulier, de qua narrat *Silvius*: quod cum ei svaderent Amici, ut vel *Bavarum*, vel *Vngarum* ( qui duo, postquam virilis *Austriæ Ducum* proles defecisset, Provinciam miserè vastabant ) virum acciperet, qui alterius injurias propulsaret, responderit: *Non faciam, neque ulli hosti nubam, sed tertium potius vocabo, qui meo conjugio ditatus, Bavaris & Vngaris vicem reddet*; quod abundè præstitit *Ottogarus*; eam tamen utpote senectute sterilem *Ottogarus* repudiavit, dissolvente matrimonium *Legato Apostolico*, & *Archiepiscopo Moguntino*; sed repudiata non restituit *Austriam*, postea superinduxit *Cunegundem Bulgaram Rosislai Ducis* filiam, *Bela Regis Vngariæ* neptem, cujus proles vide in Tabula Genealogica. Hæc post maritum occisum *Zavissij Rosensis* amore capta, filium ei genuit *Joannem Melitensem in Bohemia Priorem*; sed apertissimè docet *Eberhardus*, duos filios ex ea genuisse *Zavissium*, quos è *Bohemia Rex Wenceslaus* filius ejecerit. Obiit *Cunegundis* A. 1285. sepulta in *Cœnobio S. Francisci*.

Margaretæ  
Austriacæ  
magnanimi-  
tas.

Bappenh. in  
Chronico Au-  
strali.

M. S. Cui-  
nense

Eberhard. in  
Annual.

t. *Wladislaus Przemyslai Regis* frater, primùm *Dux Austriæ*, post etiam *Poloniæ* mirabili morte, cum satis irreligiosè de rebus divinis, quas non intelligebat, loqueretur; muscâ os ejus subeunte, & suffocante sublatu A. 1247. de ejus conjugè *Gertrude* vide *Pessinam* Lib. 3. c. 6. quæ mortuo *Wladislao* duxit *Hermannum* *Marchionem Badensem*, unde *Fridericus* natus, *Neapoli* cum *Conradino* capite plexus A. 1269.

t. *Beatrix* uxor *Ottonis Marchionis Brandenburgici*, filium reliquit itidem *Ottomem*, qui in *Prussia* militavit cum *Ottogaro*, & filiam, quam *Przemyslaus* velut neptem suam *Stephano Regi Ungariæ* dedit in conjugem. A. 1264. *Stero* ait eam datam *Belæ juniiori Regi Ungariæ*.

u. Habuit *Przemyslaus Rex* illegitimas proles, quinque susceptas ex *Austriaca* puella, stirpe *Dominorum de Conring*, cum enim *Przemyslaus Margareta* conjugis sterilitatem, illa vicissim marito impotentiam objectaret, ad certamen ventum est

Ottogari Re-  
gis proles il-  
legitimæ.



Rege Sponsione certante, si sibi puellam ex *Gyneco* traderet, se quotannis prolem ex ea suscepturum; permisit Margareta, & has Przemyslaus proles ex ea suscepit: *Nicolaus Dux Oppavienfis* I. nam pater *Oppaviensem Regionem à Moravia* tum primum divisam cum titulo Ducis ei contulit; qui postea Wenceslao Rege fratre cogente Ducatum illum Coronæ Bohemiæ in perpetuum subjecit. *Gisela Wikardi de Polna* uxor apud Weleslavinum à prudentia & consiliorum promptitudine supra modum commendatur. Aliarum trium, quas desponsavit *Wartenbergico, Strakonicio, Kravario* Proceribus nomina invenire non potui. Notandum: omnibus hisce suis spuriis Nicolao, & filiabus Ottogorum impetrasse Jura natalium ab Alexandro Pontifice, ut ex Alexandri Papæ literis Raynaldus ostendit.

In *Annal.*  
*Eccl.* ad An.  
1260.

W. *Wenceslaus II. Ottogari filius Ottonis Brandeburgici* tutelæ commissus, etiam captivitatem à Tutore pertulit. Rex coronatus cum prudentissimè se gereret, etiam Poloniæ Regnum adeptus est, ibique coronatus, multa castra & Urbes vel condidit, vel munivit. Vide Caput 32. Ungariæ Coronam in filium transtulit, at Procerum fluxâ fide cognitâ filium domum recepit. *Albertum Austriacum Casarem* iniqua postulantem Bohemiâ eiecit. Fuit Rex vitæ prorsus sanctæ, sepultus est in Aula Regia A. 1305. quod Cœnobium amplissimè fundavit. Mirum est, quod de eo tradit *Benessius Canonicus Pragensis nunquam didicisse literas, & ignorasse scripturas.*

*Benef. lib. I.*  
*Chron.*

x. *Judith Wenceslai II. uxor, Rudolphi I. Imperatoris filia*, quæ post mariti Regis, & suam coronationem paucis diebus decessit, A. 1297. relictis sex vivis prolibus, ut vides in Tabula. Altera conjux *Richsa*, de qua *Siffridus: Wenceslaus*, ait duxit filiam Regis de *Kalifs*, sibi que Regnum *Kalifs*, & Regnum *Crocovia* subjugavit; eodem modo loquitur *Benessius* vocans *Elisabeth*, seu *Richsam* Regis *Kalisiensis* filiam. Fuit filia *Przemyslai* Regis Poloniæ, fundavit Monasterium Monialium Regium *Brunæ*, genuit marito unicam filiam *Agnetem*. Secundò nupsit *Rudolfo Austriaco* Regi Bohemiæ, & vidua diu fuit superstes, appellata *Regina Hradecensis*, quod ibi continenter habitavit. Construxit eadem *Elisabeth* duorum Regum relictâ vidua in sacrario Ecclesiæ *Pragensis* (ubi maritus *Rudolfus* conditus est) altare perelegans, & Regis opibus ditavit. Obiit A. 1335. *Brunam* devecta ad *Parthenonem*, quem opulentissimè fundavit.

*Siffrid. l. I.*  
*Epit.*

*Benef. l. I.*  
*Chron.*

y. *Agnes Wenceslai II. soror, Rudolfo II. Duci Suevie filio Rudolphi I. Caesaris* nupta; conjux ejus *Rudolfus* *Pragæ* obiit, & tumulatus est An. 1290. quæ genuit ei *Joannem Ducem Sueviæ*, qui Patruum suum Cæsarem *Albertum I.* nefariè occidit. Fuit mulier cordata, & dominationis avida, obiit A. 1296. 17. Maij, jacet ad *Salvatorem Pragæ* in *Parthenone S. Claræ*, utpotè soror ejusdem instituti, à quatuor Episcopis ad tumulum deportata. ita locus sepulchri.

z. B. *Kunhuta* vel *Cunegundis* cum quatuordecim Virginibus summo genere natis ingressa est Monasterium *S. Claræ*, dictum aliàs *S. Francisci*, vel *S. Salvatoris* A. 1278. post annos duodecim fratre sine dubio Authore, translata ad *S. Georgium* Cœnobio præficitur, vixit sanctissimè, vide *Lib. IV. Miscell.* obiit An. 1231. ut habet *Benessius*.

*Idem l. 2.*

a a. *Przemyslaus Ottogarus Wenceslai II. Regis* filius primogenitus natus est An. 1287. anno nondum expleto die *S. Elisabeth* mortuus. *Weleslavinus* putat eum ad *S. Vitum* sepultum, alij ad *S. Agnetem*, ego superiore anno dum lapides sepulchrales apud *S. Clementem* perlustro, remotis templi sedibus ad murum meridiionalem inveni lapidem, qui apertè testatur *Przemyslaum Ottogorum Wenceslai II. Regis* filium infantem ibi jacere.

b b. *Wenceslaus III. Rex Bohemiæ VII. ex Przemyslæa gente* ultimus 19. ætatis anno incunte Patri successit. Triennio Rex Ungariæ fuit, sed Regno renunciavit; dum



dum adversus *Loktekum* in Poloniam tendit, tribus vulneribus Olomucij confossus est An. 1306. defecit in eo stirps Regia Przemyslæa, quæ Bohemiam laudatissimè rexit, ipsa etiam ex Bohemia. Dissolutissimis moribus juvenem hunc Regium fuisse, habent eorum temporum Scriptores: Franciscus & Benesius. Jacuit sepultus Olomucij longo tempore. Elisabeth sororeum ad sepulchra Regum in Aulam Regiam devexit A. 1326.

c c. *Viola* desponsata *Wenceslao III. Meczislai vel Mezkonis Tiesinensis Ducis* filia, quam duxit 1305. postea nupsit *Domino Petro à Rosis*, & obiit 1317.

d d. *Anna* uxor *Henrici Principis Carinthie*, senior fuit sorore suâ Elisabetha, uti & Margaretâ. obiit absque liberis.

d d. *Margareta* uxor *Boleslai Lignicensis Principis*. obiit *Regino Hradecij* in puerperio A. 1322. duos filios suo conjugii *Bolkoni Duci Lignicensi* genuit, *Wenceslaum*, & *Ludovicum*, sepulta in Aula Regia.

d d. *Agnes* eodem partu cum *Wenceslao III.* genita est, sed ante nuptias extincta, ut dixi.

d d. *Judith* A. 1297. sex hebdomadis post *Judithæ* novercæ mortem & ipsa decessit; vocatur etiam *Guta*. Desponsa fuit *Gentili Vrsino Romano*, quas nuptias conciliavit *Alexius* quidam, *Wenceslai II. Regis* Sacellanus, qui postea Romæ à proprio servo dicitur interfectus. Porro *Judith* jacet sepulta in Ecclesia S. Agnetis ante altare majus, cum hac simplici inscriptione: *Guta* filia *Wenceslai VI. Regis Bohemiæ*.

c c. *Agnes II. Richsa* quod devenerit diu quæsi; inveni tandem in Beneficio eam copulatam *Henrico Duci Jauroviensi*.

\* *Joannes Wolek* (de quo multa in Epitomè nostra) fuit *Præpositus Wissehradensis*, postea *Episcopus Olomucensis*. A. 1333. Fundavit Virgineum Cœnobium in *Pustomirz*, cujus Cœnobij Archivum indicibus comprehensum, quod miro modo in manus meas devenit. alio in loco recitabo. *Papocius* in hoc Cœnobium Virgines S. Dominici primùm inductas esse scripsit, quæ postea permisso sedis Apostolicæ Cisterciense institutum sint amplexæ. Multa hunc Joannem à Rege Joanne pati contigit, quæ *Benessius* & *Fabricius* retulerunt, sicut etiam in *Misniam* Regis iram timens profugere coactus sit; receptus est in gratiam innocentia viri comperit summèque amatus à Rege, & intimus ejus consiliis cum titulo fuit. Præter *Pustomirzense* (quod *Benessius* ait esse Ordinis S. Benedicti) idein tradit fundasse aliud Cœnobium Virginibus Benedictinis Pragæ, dictum ad *Misericordias Domini*, sed Archivum ejus Cœnobij, quod inter manus meas fuit, Fundatorem habet alium, scilicet: *Franciscum Rokiczanerum*. obiit *Wolek* An. 1351. 5. Julij, sepultus *Pustomirz*.

ff. Hac igitur vetustissimâ, & subjectis populis semper amatâ stirpe *Przemyslæa* in masculis omnibus extinctâ Elisabeth *Wenceslai II.* filia, & *Wenceslai III.* soror, *Joanni Lucenburgico*, *Henrici VII. Imperatoris* filio desponsatur,


cique Regnum Bohemiæ affert pro dote, ut in sequentibus dicetur.

*Beness. l. 1. r. Chron.*

*Idem ibidem*

*Cœnobium in Pustomirz*

*Beness. l. 2. ad A. 1322. Fabric. in Misniam*





MISCELLANEORUM  
HISTORICORUM  
DECADIS PRIMÆ  
LIBER VII. SECTIO II.

Reges Bohemiæ ex Familia Lucemburgica.

CAPUT I.

*Joannes Rex Bohemiæ Octavus.*

Joannes Rex  
volaticus.



**E**gimus in Fabulis  
*Inconstantiam* cælo pulsam  
venisse in terras, & cum in  
officinam pictoris intrasset  
effigiem suam pingi jussis-  
se, quod nemo pictorum præstare potuerit,  
cum illa modò gibbosa, modò recta, modò  
crassa, modò tenuis, modò deformis, mo-  
dò venusta appareret, & in horas, & vul-  
tum, & statum corporis, & ipsas, quas in-  
duta erat vestes, mutaret, aliasque deinde

atque alias assumeret; idem profectò vitam Regis Joannis describentibus  
Historicis contigisse videmus: liberalem, parcum, justum, injustum, re-  
ligiosum, æquè irreligiosum, Regnorum suorum amantem, sæpè op-  
pressorem, difficilem, facilem, & tractabilem, commendant perinde ac  
vituperant, atq; exemplis manifestis allatis approbant, ut non existimem  
Regem magis maculosum, ac varium dissimilèmq; sui *Bohemiæ* ha-  
buisse. Sed ordinem temporum tenere satius est, quàm præverti, & po-  
strema primis permiscere & confundere.

Legatio quam Regni *Primas Joannes Episcopus Pragensis*, & primæ  
dignitatis Proceres, (ut paulò antè narraveram *Seç. 1. C. 34.*) adornâ-  
runt, apud *Henricum VII. Cæsarem*, agente potissimùm *Petro Aichspaldio*  
*Moguntino Archiepiscopo*, gratanter suscepta est: *Regia Virgo Elisabeth*  
*Wenceslai II. Regis filia*, filio *Henrici Lucemburgici* octodecennis quatuor-  
decenni

A. 1310.

Spira.



decenni despondetur; missus cum copiis Germanorum Joannes Adolefcens, exercitui Bohemorum, quem ductabat Henricus de Lippa conjungitur; felix Regno auspiciu *Plsnenses* dedere, qui patefactis portis Regem suum primi agnovere; eâ gratiâ Joannes *Plsnensibus* deditissimus, suam effigiem armatam clypeo Urbis adjecit, in urbica porta stantis, ut indicaret se per hanc Urbem ad Regnum Bohemia aditum habuisse; quo beneficio ornata *Plsnensis* Civitas, ab eo tempore semper in fide Regum, vel cum extremi exitij periculo, permansit. Itum longiùs in Bohemiam, & quia Patrij homines Joannem comitabantur, proclivia & aperta nullo repugnante inventa sunt omnia, Praga sola, quam Henricus Carinthus infidebat, timorem faciebat; eam iniquissimo Anni tempore, mediâ hyeme scilicet, oppugnare Joannes non poterat, sed odium tyranni in populo eò usque excreverat, ut omnes ad Joannem Pragam admittendum operam conferre certatim optarent: primi *Laniones* ( unde illis *Leonis* securim vibrantis clypeus ) exsecutis portis, *Civēs* & Senatus signo ex *Curia Temensi* campanâ dato, Henrico Lippæo stricto ense aciem Regis præcedente ( quo merito Lippæis dum ea heroica stirps superesset, ensis ante Regem ferendi, & *Marescalli* collata dignitas ) & pacem inclamante, occurrentibus admissus Pragæ Rex, & Henricus, nî perire mallet, extrusus

A. 1311. Reges Joannes & Elisabeth in Basilica S. Viti à Petro Moguntino maximo apparatu coronantur; trecenta hospitum millia interfuisse coronationi *Tritheimius* scribit; Regium Epulum apud S. Iacobum in Cæno-bio apparatus; aurea seila gemmis pretiosissimis tota collucens, Petro Coronatori donata, quæ avorum adhuc memoria Moguntie monstrabatur, S. Martini appellata: brevi apparuit quò Regem parvulum sua indoles invitaret: ipso Anno coronationis cum exercitu Ioannes Moraviam ingreditur, & in comitatu Ioannis Episcopi exercitum ducentis prædones, quorum ingens apud Moravos erat numerus, qui castris opportunis locis constructis, itinera omnia infesta tenebant, atque etiam oppida & Civitates incautas obruebant, & rebus omnibus exspoliabant, aggressus, nullâ Nobilitatis habitâ ratione, cum ipsi nullam priùs Majorum suorum habuissent, partim capite inulcravit, partim patibulis affixit, partim in exemplum rotis confregit. Ità quies Provinciæ reddita, & nidi latronum dejecti. Ungari etiam cum omnis licentia nullo prohibente, toleraretur, ex Moravia prædas agebant, quos egregiè ultus est Ioannes, cumq; occurrere ausi essent, fugavit. Summam Ioannes à populo inivit gratiam, à facilitate, & ubicunque deprehenderetur, in plateis, in curiis, in portis, iudicium daret, & quod iudicatum erat, protinus exequeretur, sed illud odiosum omnibus, quòd exterorum consiliis & operâ plurimùm tene-

A. 1311.

Plsna &amp; Praga Joannem admittit.

Chron. Aula Regie.

Lanionum clypeus unde?

s. Febr.

Joannes Rex coronatur.

A. 1311. in Majo.

A. 1315.

Franc. in Chronico.

Epit. l. 3 c. 17 Joannis Regis vitia &amp; virtutes.



Joannes Rex  
acerrimè  
tributa exi-  
git.

Fr. L. cit.

A. 1323.

A. 1330.

Joannis Re-  
gis militaris  
vita.

A. 1329.

A. 1335.

Ejus mors.

retur; quod tamen postea monitus omisit; neque minùs illud displice-  
bat, quod Regionibus avarissimos *Præfectos*, & sibi similes imposeret,  
qui nullo juris & æqui discrimine sacra & profana juxta haberent (inter  
eos detestantur ejus ævi Scriptores, & nominant *Vdalricum Phlug*, quē *Bo-  
hemie* præfecerat) fortassè ut deterrimâ comparatione Regis avaritia col-  
lata cum harpyis illis minor & excusatio appareret: nam intolerabilibus  
tributis *Bohemiæ* exfugebat Rex, isque *Bernarum* dedit initium, ut in e-  
jus ævi Scriptoribus legimus, ante Regem Joannem enim *Germanicarum*  
*Provinciarum* more certas summas ex fundis dependebant subditi, &  
glebæ adstricti rustici certa quotannis servitia præstabant Dominis, & ad  
plura eos adigere fas non erat. Primus *Joannes* majores summas ab Or-  
dinibus Regni petere ausus incertam fecit tributorum pensionem: sed il-  
lud prorsus Regem suis exosum & detestabilem reddebat, quod nationis  
*Bohemica* odium profiteretur, quod professum odium *Regina Eliabeth*  
ferre æquo animo non poterat, ideoque sæpius à marito discedens bel-  
lum ei movit, & egregiis Ducibus usâ, sæpius Regis copias profligavit,  
donec denique ætate, & usu rerum odia subditorum poneret, vel cautius  
tegere & dissimulare disceret. Post hæc *Joannes Rex* per Provincias &  
Regna volitare cœpit. Jam in *Gallia* apud Reges, in hastiludiis, & Ave-  
nionem apud Pontifices in consiliis jam in *Italia*, in *Barvaria*, in *Polonia*  
bella gerebat secundissimo Marte, Rex idem & miles nihilque gloriosius  
esse putabat, quàm ubicunque implorabatur accurrere. Circumfereba-  
tur illo ævo de Rege Joanne omnium ore jactatum proverbium: *Sinè Re-  
ge Bohemia nemo potest vivere: Austriacos* sæpenumero cecidit, & captum  
in prælio *Friderici Austriaci* fratrem, *Henricum* nomine, in *Krzi-voklad*  
*Arce* triennio detinuit, donec triginta millia aureorum numeraret, *Znoi-  
mam* Urbem, tum Procerem *Bohemorum* obligationes quasdam (quas hic  
recitare nolo) restitueret. *Prussiam*, per mediam *Poloniam* hostilem  
Provinciam iterum iterumque penetrans, *Prussis* cæsis, tria millia *Ethni-  
corum Christo* nomen dare cœgit. Prælia hujus Regis longum est refer-  
re, in quibus semper victor, & sui similis fuit: id est temeritati proximus,  
quàm diu oculorum usu non caruit, quorum alterum in *Litvania* cælo  
nebuloso & frigido, alterum in hastiludio læsus amisit. A. 1346. 7. Cal.  
Sept. cum *Philippus VI. Galliarum Rex* cum *Anglis* bellum gereret, con-  
festim eò properans ad *Cressiacum* commissio cruentissimo prælio despe-  
ratâ jam victoriâ, ex acie educi se minimè ferens, in medios hostes cæcus,  
& oculis & animo incurrens cecidit. Gloriosissimus Princeps, si Regem  
se esse non privatum meminisset, plura de tanto Principe scribere non va-  
cat: nam *Annales* heroica ejus facta implerent, quæ passim in Scriptoribus

vetu-



vetustis commendantur & leguntur, nos quoque in Epitome lectiora attulimus: Regnum *Bohemia* auxit, *Lusatia* superiore armis, *Silesia* magnâ parte contractibus pacatis adjunctâ, quæ tamen omnia merita ob-ruerentur, nisi *Patrem Patriæ Carolum IV.* genuisset. Illud præclarum & immortale penè præterieram *Joannis Regis* opus: quod ad finiendas litium telas & firmandas Dominorum possessiones *Tabularium Regni Bohemia* primus confici jussit, in quo ejus Præfecti omnes emtiones, & alienationes bonorum fide publicâ annotarent, quo labore nihil esse præstabilius, hodièque experitur *Bohemia*, gratulanturque possessores securè & tutè ditionibus suis se gaudere. Idem Rex supremo *Burgravo Pragensi*, ut munus illud ornaret, certas quasdam villas, & Civitates attribuit, quibus etiamnum *Burgravi* fruuntur. Religioni & in sacris splendori, etsi non multum tribueret (unde statuas Apostolorum argenteas hominis magnitudine à *Carolo* filio *Pragensi Ecclesiæ* datas ad sese domum attraxit) tamen Fidei Catholicæ puritatem & sinceritatem colebat, promovebat, summòque studio tuebatur, constat *Dulcimianos* hæreticos, qui ex *Germania* advenerant A 1318. quatuordecim viros & fæminas in publico foro *Pragæ* novo ad eam diem *Bohemis* spectaculo (qui nullam hactenus hæresim noverant) concremâsse, sed *Wratislavia* (ut dixi in Epitome) illam in sacris diligentiam non ostendit, ac parum aberat, nè nova exoreretur hæresis, quæ Ecclesiasticum ordinem bonis omnibus everti posse, & impunè spoliari doceret. Regnavit annis 36. vixit annis 50.

Privilegia  
Regi Bob.

A. 1337.

Joannis Regis in Bohemiam merita.

## Notæ in Caput I.

**A**Nte omnia quæret Lector: quid sit, quod *Joannem* numero *Octavum Regem* posuerim, quibusdam *decimum* ponentibus; hunc nodum jam superiori *Sectione*, Capite ultimo dissolvi: nam qui *Regem Joannem X.* ponunt, numerant VIII. & IX. *Reges Rudolphum* cognomento *Muem*, & *Henricum Carinthum*, quos plerique rejiciant, quod neuter coronatus, alter tantum non intrusus, alter autoritate Cæsareâ jure suo, si quod habuerat, privatus, nunquam ab omnibus *Bohemia* Ordinibus (quod tum requirebatur) approbati & acceptati fuere; sed istud ego pro levissimo duco, per me *Joannes Rex X.* aut VIII. appelletur licet: de re constat inter omnes, de nomine & numero quæstio cum explicatur, evanescit.

Chronologia Regum nostrorum partialis.

*Inconstantem vitam Joannis describere &c.* Quod hic de *Inconstantia* imagine memoraveram, idem de *Luna*, à matre sua vestes sibi congruas postulante *Plutarchus* commemorat. Hæc morum *Inconstantia* omnem quidem hominum statum, sed maximè Regum dedecet, Reges enim supremum mundi *Rectorem & Regem*, quoad licet imitatione exprimant, oportet, qui nunquam mutatur, ac verissimè in sacris literis gloriatur, *ego Dominus & non mutor*, cujus promissa æterna sunt, & omnes voces oracula; unde etiam veteri Bohemorum & sapienti proverbio dicimus: *Skalovsta stova negdau naspateť*; id est: *verba Regum nullum fallunt*. Rex mutans,

Plut. Lib. de Conviv. 7. Sapient.

In Regē suū vituperatur de cretorum in constantia.



tans, quod constituerat, aut ostendit se antea rerum momenta non pervidisse, aut difficultate aliquâ non posse ad executionem consilij sui pertendere, aut se ab aliis dependere; quorum primum in prudentiam peccatum, alterum impotentiam virium arguit, tertium sui Juris non esse Principem demonstrat, & perit illud, quod uni Principi convenire *Vereres dicebant: quod nunquam cogitur.* Quod si ad *Inconstantiam* volatica Regis vita, qualis *Joannis* Regis fuit, accesserit; tum nullam solidam gloriam ex illis cursibus consequetur, non magis ac venti, quorum perinde ut origo, ita furiosa progressio, & finis ignoratur.

Quanam  
sint felicia  
auspicia.

*Regno auspiciam Elsnenses dedere &c.* Quædam auspicia superstitiosè, quædam prudenter in negotiis observantur: stultissima fuit in Romanis, quanquam prudentissima gente, auspiciorum cura: quid enim *aves* in negotiis futuris promittere poterant? quid *exta*, & *viscerum* profectiones, *fibrarum* inspectiones, *fissorum* partitiones? & tamen his ad insaniam deditus fuit ingeniosus *Imperator Julianus*, aliique ante eum longo ordine *Consules*, *Magistratus*, *Imperatores Romani*, hoc igitur damnamus in totum. At illa auspicia, quæ negotij & rei gerendæ principium prosperum ac felix continent, laudantur; quod scilicet negotij partes primæ sint; & felix initium datum, felicem quoque exitum utcumque promittere videatur, unde illud: *dimidium facti, qui bene cepit, habet.* Mihi auspiciam lætum est: ex: gr: felicitis prælij, cum primus in hostem accessus, primusque pedatus prospere cedit; cum in Urbis obsidione ad portas Urbis necquicquam prohibentibus hostibus stationem figimus; cum in consiliorum tractatione prima, quæ obijci ab adversa parte possunt, decutimus, & vana esse ostendimus &c. Hoc auspiciorum genus nunquam contemnendum, & sollicitè à Regibus, eorumque Ministris quærendum est.

Premia factis  
respondere debent.

*Henrico Lippao stricto ense &c.* *Pænis & præmij contineri Rempublicam* scitum est Politicorum; *pæna* quia odiosa sunt, celeriter finiendæ, *præmia* per intervalla distribuenda; jucundissimum est præmij genus, in eo ipso negotio, in quo virtus declarata est, præmiari: ut hic *Henricus*, qui primus stricto ense Pragam ingressus est, strictum ensem ante Regem, quod *Marescalli* munus est, portaret; hoc præmio tota posteritas honoratur, & memoriam virtutis suorum Majorum, & benignitatis Regiæ conservat. Præclare *Joannes* Rex auream sellam *Petro Coronatori* donavit, quid enim à Rege, quàm aurum poterat expectari? dignitatem addere viro non poterat, pecuniâ initio Regni sui non abundabat, ergo tale donum elegit Rex, quod pretium haberet, & si quid pretio deesset, artificij novitas compensaret. Artefacta enim mitum in modum pretia rerum augent, & donis sunt aptissima.

Prudentes  
sæpe divi-  
nant infal-  
libiliter.

*Brevi apparuit, quod Regem parvulum indoles invitaret &c.* Futura ex præsentibus prævident sapientes, & rarò falluntur, cum interim vaticinia & prophetiæ ut nunc dicuntur (quibus nonnulli ad insaniam tenentur hoc sæculo) incertæ sint, cum nesciatur, an à divino spiritu processerint, an omninò dictæ sint aliquando. Ferò certiores sunt prædictiones prudentum, imò & conjecturæ, quæ ex natura & indole singulorum petuntur, ut in *Joanne* Rege apparuit, qui quantus bello futurus esset, vel quatuordecennis indole Regiâ ducente significavit. Ità videmus pueros minimos ad bella natos *Martem* spirare, & ludos sibi ex coætaneis militariter facere, acies parvas ducere, tympana imitari, turmas ordinare &c. Religiosos contrà & divinis rebus addicendos supplicationes adornare, cantare usitato in templis more, sacris operari &c. De his puerorum ominosis lusibus, & quàm iis maximæ res sæpe præsignificentur, plurima congerit exempla *M. Ant. Muretus*, exemplò *Divi Athanasij Synpadas* baptizantis (quem validum fuisse baptismum docuerunt sanctissimi Præsules) *S. Ambrosij*, & cæterorum lusus; & in re militari *Cyri Persarum Monarcha*; *Severi Imperatoris &c.* quas significationes adducit & probat *Possessimus* noster in libro

Pueri dant  
significatio-  
nem futuro-  
rum.

Lib. I 3. var.  
Lect. 6. 9.



libro elegantissimo, quem de *Cultura Ingeniorum* scripsit, adducitque *Andream Vesali-um*, *Anatomia* sæculo priore *Principem Caroli V. Cas.* postea *Medicum*, qui puer etiam-  
num ranas, & quodcunque animalculum nanciscebatur, dissecabat, ut cor, pulmo-  
nes, & cætera vitalia inspicere, atque ita *Anatomia* suæ divinis operibus prælude-  
bat. Ità si parva licet componere magnis, indoles Regia etiam in Adolescente Jo-  
anne significationem præbuit futurorum.

*Latronum nidi dejecti &c.* Boni Principes implacabiliter latronibus irascuntur, cum enim Justitiam in Regnis suis florere desiderent, publica latrocinia justitiæ vim maximam faciunt, & Regem imbellem demonstrant; deinde Regna sua pacata, & minimè nutantia habere votum est Regum, ut securè & sinè timore regnent, po-  
test autem ejusmodi scintilla magnum excitare incendium, si, qui novas res moli-  
untur, paratum à latronibus auxilium habeant, ad motus concitandos, captâ præ-  
cipuè unâ vel alterâ Urbe; hinc seditio Populi, vel etiam rebellio facillè orietur. Mirè deprædicat *Aeneas Silvius in Parallelis Jacobum Marchionem Badensem*, qui ubi latrocinium in sua ditione commissum audiebat, statim vocatis ijs, qui damno affe-  
cti erant, tantum eos ex fisco suo accipere jussit, quanti ea esse quæ amiserant, ju-  
rejurando affirmassent. Exinde latrones insecutus apprehensos in rotam & furcam agebat. *Patris vestigia*, addit Silvius, *Carolus Nobilissimus adolescens sequitur, cui nupta est Catharina soror Friderici Casaris.* Hæc Silvius.

*In portis Rex judicium dabat &c.* Discedunt in diversa Politici: aliqui Regem quodammodo invisibilem esse volunt, juxta illud *Taciti: major ex remoto reverentia*, quod in Turcarum Imperio, atque etiam alibi terrarum servari dicitur. *Sinarum Im-  
peratorem* audientiam dantem describens *Draudius* ait eum Legatorum audiendo-  
rum causâ ingentem serpentem, qui cubiculi ejusdam capacitatem habet, ingre-  
di cum sex Proceribus, in cujus serpentis pectore fenestella est vitro obducta, ut ipse loquentes Legatos videat & audiat, sed à nemine videatur; at meliores Politici do-  
cent ad firmitatem & securitatem Imperij multum interesse, sæpe in anno Principem à suis videri: totus in hoc argumento *S. Synesij ad Arcadium Imperatorem* Liber divinus consumitur. Inter cætera: *ô Reges severior illa gravitas, quæ facit ut Aula clausi paucissima. & audiat, & videatis, facit etiam, ut vitam haud dissimilem Marino Pul-  
moni agatis! & alibi: Solem hætenus nemo despexit, quanquam quid est, quod frequentius videntur? & plura in eam sententiam, præcipuè verò spectabiles se facere Reges oportet, cum aliquod beneficentiæ aut justitiæ administrandæ, & juris dicundi speci-  
men præbent. Mille exemplis probare possum, Reges optimos pro portis Urbium, Curiarum, Templorum, & Operum Publicorum, in viis & compitis jus dixisse, suadetque Justus Lipsius (quantus Vir!) ut hæc exempla vel hodie revocentur in usum. Hinc legimus sæpe equitantes Reges audacter admonitos officij sui, atque ut causam audirent à vilissimis sæpe hominibus, vel cum jurgio & maledicto coac-  
ctos: sic anicula quædam cum sæpe *Philippum Regem Macedonum* rogasset, ut causam audiret suam, isque iter faciens, iterum rogantem rejiceret, & sibi nunc non va-  
care diceret, subjecit vetula: *noli igitur regnare!* quod sæpius audire Reges debuisse inter exempla legimus.*

*Regionibus avarissimos Præfectos imponebat &c.* Unum ex ijs *Udalricum Phlug* nominavi, cujus inexhaustam, & profundissimam avaritiam descripsit *Franciscus*; talis fuit *Andronicus*, quem *S. Synesius* vivis coloribus depingit: *ô quàm multos, inquit, Civis Andronicus tanquam convivio lacrymis excepit, quinam Tauroscytha, quinam Lace-  
dæmonij tanto per verbera sanguine suam Dianam coluerunt? &c.* Hæc crudelitas Præ-  
fectorum in Principem redundat: quippe perinde, quæ à Domesticis perpetrantur, *Patrifamilias* meritò imputari solent, sic in Regno injustitiæ publicæ Principi adscri-

L. I. c. 19.

Cur boni  
Principes la-  
trones inpla-  
cabiliter per-  
sequantur?In vita Al-  
phonfi Mag.  
l. 4. n. 7.Reges spe-  
ctabiles esse  
oportet.Draud. in So-  
lin. in Cento-  
nibus.Lips. in Mo-  
nit. Polit. l.  
2. c. 2. § 9.Plut. Tom. 1.  
Moral. in Li.  
Apophth. ad  
Trajanum.

In Chron.

S. Synes. Epi-  
57.  
Magistratus  
à Principe  
populo im-  
ponendus,  
justitiæ te-  
nax.



buntur: vel enim quæ tam publicè admittuntur Princeps novit, vel non novit; si novit, cur tolerat? si non novit, ergo meritò reprehenderetur, qui in Regno suo, quæ publica sunt scelera nescit; domus enim Regia, Regnum est. Quocirca prudentissimè, & in longum tempus providè *Bato Rex Dalmatarum Tiberio Imperatore* interrogante, cur ita à Romanis *Dalmata* toties deficerent, respondit: *vos Romani in culpa estis, qui ad vestros greges custodiendos non canes aut pastores, sed lupos nobis mittitis.* Ità prudentissimus Scriptor Consul Romanus *Dio*. Sed quid aliud expectari potest à *Nummarijs Magistratibus*? qui enim emerunt, pretium sibi restitui volunt, idque justum esse putant. *credibile omnino non est*, ait *Synesius*, *eos sublato vultu, torvis ac rigidis oculis aurum ex adverso intueri posse, qui oblati pecunijs Magistratum sunt consecuti, & quæ sequuntur; deglubunt non tondent, ut quàm primùm pecuniam pro munere publico datam recipiant; quâ dulcedine inescati omnes reliquos Magistratûs sui annos ad eandem normam rapiendo, decipiendo, plura exigendo, & denique exco-riando consumunt; Ænigmati simile dictum est, sed verissimum:*

Dio L. 55.

Nummarij  
judices.Synes. de Re-  
gno ad Arcad.  
Imp. ex vers.  
Petavij.Juven. in Sa-  
tyr.

Provincia cum te

Rectorem accipiet, misere inopum sociorum,

Ossa vides Regum vacuis exsucta medullis.

Quid illud *exsucta medullis* ad rem facit? alij censeant. At illud, quod dixi antea, forte comparatione sui Ministrorum Regem commendabilem se Populo reddere voluisse, damnable consilium est, quia Regem ostendit non Patriæ Patrem, & qui bene Patriæ in futurum velit, sed vitricum, & qui se suumque Imperium illaudabile esse velit, quomodocunque Patria gubernetur. Ego quidem *Tacitum* admiror, & inter sapientissimos Scriptores computo, illud tamen laudare non possum, quòd suspitionibus suis historicis, etiam clarissimorum Virorum laudationes corrumpat; sic in rem nostram *Augustum Octavium Cæsarem* laudatissimum Principem suspicatur, successorem sibi destinasse *Tiberium*, ut comparatione deterrimâ sui memoriam gloriosiore & gratiosiore efficeret. Grave & atrox in optimum Principem maledictum!

Tac. L. I.  
Annal.Tacitus Scri-  
ptor plenus  
suspicioni-  
bus.Joannis Re-  
gis volatica  
vita.

*Per Provincias & Regna volitare cepit &c.* Non facilè similem Regem *Joanni* inveneris, qui sæpe ex occulto apparebat, & cum comites assequi non possent, ijs relictis unicus ipse ad locum destinatum maximis itineribus diurnis nocturnisque perveniebat. Audivi à *Chimicis* argentum vivum inter metalla tam diu fluctuare, & inquietum moveri, donèc ad aurum pervenerit, ibi primùm aurum complecti, & in sinu ejus desiderato conquirere; hæc erat imago Regis *Joannis*, qui ad pecuniam Bohemicam tanto impetu ferebatur; at ubi eam *Lucenburgum* præmisit, tum rursus ocyor Euro avolabat, negotia Regni componere differens, & se quodammodo Regem oblitus. Non patiuntur autem Regna perfunctoriè administrari: sæpe radices ipsæ odiorum inter ordines evellendæ sunt; sæpe fines odiorum & consiliorum examinandi; sæpe Procerum ambitio sufflaminanda; sæpe conatus etiam in speciem boni evertendi; quòd si in scientiis vetus proverbium verissimum esse invenitur, quod vulgò jactatur: *vagus scholaris non fit Magister*, quantò minùs in gubernatione Reipublicæ, vagus Minister aut Princeps præstabit?

In Chron.  
Prag. l. 2.

*Henricum Friderici fratrem &c.* Rem miram & Annalibus dignam refert *Bernessius de Weitmil*, ejus temporis scriptor, quam ejus verbis recitabo: Cum *Henricus* captivus Castrum *Křivoklad*, & in eo Palatium ingrederetur, ecce *Clenodium*, quod erat ibi depictum multum sumptuosè, & summitatibus Testudinum Clypei Terrarum, quibus olim Rex *Ottogarus* præfuerat positi erant de opere sculpto & sumptuosè; ecce in ipso ingressus sui momento Clypeus *Austriæ* cunctis videntibus ante pedes Principis captivi decidit in terram;

&amp; omni-



& omnino in casu contritus est in partes minutas; verumtamen in summitate Testudinis ejusdem Clypei pars parva in signum tanti miraculi remansit, quæ hæret ibi usque in hodiernum diem. Hoc videns Princeps captivus valde turbatus est. Hucusque Beneficius. Simile quiddam nostro tempore sub Ferdinando III. ante Svecorum in Bohemiam ingressum accidisse memini audisse me narratum ab oculatis testibus Vienna cum Clypeus Bohemia decidit; res omnibus nota fuit eo tempore.

Utinam Rex Joannes Regem se, non privatum meminisset &c. Multorum errorum causam præbet, qui suæ personæ non meminit; hæc res cuidam ingenioso Authori materiam dedit librum scribendi cum titulo: peregrini in Patria errores. Sunt enim & semper fuerunt, qui nullo respectu ad personam suam & alienam habito, hunc Reipublicæ admovent, qui neque pascendis anseribus sufficeret; alium ad militiam mittunt, qui optimè clauistro tectus timori suo mederetur; quos errores vitæ humanæ ridiculo, sed ingenioso carmine alicubi descripsit Franciscus Petrarcha. Ut ad rem nostram redeam, Joannes Rex semper militi, quàm Duci propior fuit, sed extremus vitæ actus ostendit immemorem sui statûs fuisse, cum utroque oculo captus, in medios hostes furens & moriturus incurrit, cum Rege tanto cadente necesse sit exercitum, quem ducit, nutare aut omnino concidere.

Ecclesiasticum Ordinem impunè spoliari &c. Nihil hoc loco exaggeratiùs dicam: quæ huic sacro Ordini donata sunt, DEO donata sunt; proinde DEO rapiuntur. Sunt patrimonium Christi, sunt pretia peccatorum, ut sancti Patres loquuntur. De Bonis eorum, quàm sacrilegè in ea manus injiciantur, abalienentur, rapiantur, integris libris duobus egit Theophilus Raynaudus, & latissimè poenas, Ecclesiasticum statum quæsito quovis colore opprimendum, recenset, quibus ego nihil addere possum, nisi actum agere velim.

Multis erroribus in electione statûs admittuntur.

De immunitate Ecclesiasticarum legendarum Rayna.

Theoph. Rayn. To. 12. Tra. mala è bonis Eccl.

## CAPUT II.

Carolus IV. Imperator Augustus, & Bohemiae Rex, Patriæ Pater.



Carolus IV. Imperatoris ac Regis in Bohemiam tanta sunt merita, ut Patriæ Pater, & quod sæpius dixi, Patriæ Mater debeat appellari; dono quodam providentiæ nobis genitus, qui Bohemiam paulò antè cæde Ottogari prostratam, & veteribus incolis pulsas ab exteris hominibus occupatam, deinde interitu Przemyslæ Regum familiæ animam agentem, ab Joanne Patre ad incitas redactam, primus in pristinum gradum re-

stituit, neque id modò, sed novis gloriæ præsidiiis munivit & sepsit, ut omnes divinæ & humanæ felicitates cum Carolo in Bohemia natæ, cum

Caroli IV. in Bohemiam merita.



Vide vitam  
Arnesti & L.  
3. Miscell.  
init.

Silv. in Hist.  
Bob. init. &  
in Comment.  
de Germania.

Vita Ernesti I.

Ius Provin-  
ciale A. I.  
b. 20.  
Ius Civit. c.  
37. n. 39.  
Vide Funda-  
menta Regni.

Caroli IV.  
beneficentia  
in omnes.

eo educatæ, & cum eo regnante regnâsse viderentur; certè ejus tempore pro omni encomio habebatur Bohemum natum esse; Bohemi primariis in *Aula Imperiali* honoribus & dignitatibus admovebantur, primis in *Germania Episcopatibus* & *Archiepiscopatibus* exornati & honestati, legationes Imperij & Electorum ad *Pontifices* & *Reges* obibant; bellicâ gloriâ, literarum & pietatis laude, opulentia & splendore in sacris juxta ac profanis florebant, ut par cuicunque gentium Bohemorum fortuna ducetur, ut non immeritò *Aeneas Silvius* (qui non fuit aliquis de trivio, sed vir summus, & *Germaniam*, & *Europam* universam sæpius peragraverat, ac postea ad summum Pontificatum doctrinæ & prudentiæ merito ascendit) vicino temporum eorum, hanc vocem veritas expresserit: *Nulum Regnum eâ tempestate inveniebatur, quod Regno Bohemico comparari posset.* Caroli opus est *Universitas Studiorum Pragæ* maximis opibus fundata (de qua singulari tractatione) *Pragensis Ecclesia Cathedralis in Metropolitana* erecta, à *Moguntini Archiepiscopi* subjectione exempta, redditibus & ditionibus tam opulenter locupletata, ut centum millia aureorum quotannis perciperet *Archiepiscopus*; idem ipse *Legati Nati* titulo, & *S. R. Imperij Principis* decoratus, quorum titulorum prior, raram & paucis communem continet dignitatem; quo *Jure legationis* non modò *Regni Bohemæ Provincie, Moravia, Silesia, Lusatia*, sed etiam *Misnia*, & *Saxonia septem Episcopatus* illi subiciebantur; Item *Bambergensis* & *Ratisbonensis Archiepiscopus* *Pragensem* respiciebat, licet hoc postremum morte Caroli interversum sit, Caroli opus est *Ecclesie Pragensis Basilica*, ejusque Regium ædificium, quod ad *Coloniensis Ecclesie* formam descripserat, inchoatum; ipsius opus *Pons Pragensis*, cui firmitate parem alterum vix invenias; ipsius opus *Novæ Civitatis Pragensis*, & publicorum in ea operum, & templorum fundatio, & constructio; omnium mercium *Italicarum, Germanicarum, Maritimarum*, Pragæ primùm devectio, & inde in alias aliâsque terras deportatio; *Constitutionum Regni, Jurium & Legum* nostrarum ordinatio & compositio; *Silesiæ & Lusatiae Coronæ Bohemæ* in perpetuum adjectio; veteris *Marchiæ & Bavarie* ex aliqua parte emptio; tot denique Regibus nostris ac Regno immunitates concessæ, tot libertates, ac Privilegia aureis Bullis munita, ut si vel solæ literæ recitentur, ingens volumen conficiant. Extra Bohemiam verò, tot & tanta à *Carolo IV. Cænobia, Castra, Arces, Opera publica*, & cætera ejusmodi, aut de novo condita & erecta, aut donata & locupletata sunt, ut si fortè *Carolus Magnus* maximorum & ditissimorum *Episcopatum & Archiepiscopatum Fundatorem* excipias, vix alium dare possis Principem, qui *Carolus IV.* in ædificationibus, foundationibus, quodque amplius est in

natio-



nationes omnes benignitate, & beneficiis non dico superârit, sed æquârit: nullum ferè illustrius (ut ex Indice à Reverendo P. Joanne Gamans S. I. transmissò, & post Notas in hoc caput referendo, patebit) in Germania Cœnobium, aut Collegiatam Ecclesiam dederis, cujus foundationem non auxerit, & aliquo suo beneficio non consignaverit, aut novâ confirmatione saltèm non muniverit. Quid unquam simile præstiterunt ij Cæsares, qui Carolum nostrum Vitricum Imperij appellârunt? Bulla Aurea Caroli IV. quâ universa Imperij Oeconomia continetur, tale opus est & tam grande in nationem Germanicam meritum continet, ut per eam hætenus steterit, nè Imperatoris dignitas, Imperij salus & libertas, vi & consiliis, & fraudibus, toties oppugnata convelleretur, & nè ruens Imperium super Imperatorem (ut Panegyristes licèt in alio sensu loquitur) in quoddam informe chaos verteretur; mala omnia certè, quæcunq; hætenus sensit, vel timet, vel timere potest, Imperium ex Bullæ aureæ neglectu & contemptu nascuntur. Publicata verò est aurea Bulla Norimbergæ A. 1356. 4. Id. Jan. Metis verò eodem anno 25. Decembris, si verâscripsit Rôjacinus:

Video me sinè lege, sinè ordine, & sinè delectu rerum in describendo Caroli vita versari, ingenuè fateor me senectutis morbo in certa Capita vitam illius ob rerum gestarum magnitudinem, & multitudinem ordinare non potuisse, quis enim tot Caroli beneficia nisi grandi volumine complectatur & explicet? quis tot virtutes & gratias in omne genus hominû, & quasi colores beneficentiæ depingere speret? perinde ut Jovi in terras descendenti, quocunq; calcâset, novos flores submisit terra (ut idem Panegyristes loquitur) ita quocunque ibat Carolus beneficia nascebantur. Legi apud Philonem hebræorum doctissimum, esse quoddam animal Tarandum nomine (de quo animali nihil usquam apud aliôs Authores, neq; nomen ipsum inveneris) sed Tarandum tam denso & cohærente, tam lævi & polito pilo vestiri à natura, ut in ejus pelle velut in speculo vicina omnia depingantur gratissimo speculo: itaq; quoties per pratum aliquod floridum incedit, tota pellis animalis florida, & mille coloribus ad miraculum variata apparet; ego an historia, an fabula sit, in medio relinquo, sed cùm in Caroli IV. beneficentiam oculos conjicio, videor mihi videre flores formosissimos, colores gratiarum, qui non aliunde, quàm ex ejus animo promanârunt, & vicina omnia omni genere bonorum impleverunt.

### Indiculus Foundationum & Aedificationum, tum etiam Donariorum Caroli IV. Imperatoris.

Carolus IV. ædificat adversus Florentinos propè Lucam Urbem in cacumine montis Oppidum & castellum, quod montem Caroli appellavit.

Arumens  
Comment.  
in Auream  
Bullam.

Besold. in Synops. Histor.

Rôjacin. Orat.  
Panegyri. Vni.  
versæ Carol.

Philo lib. de  
Temulentia;

Benef. l. 4.  
Histor.



Benef. l. 3.

*Carolus IV.* adhuc *Marchio Moraviae* ad ornamentum sepulchri *Sancti Wenceslai* fieri curavit duodecim statuas argenteas *Sanctorum Apostolorum*, ad Viri magnitudinem.

Idem ad An.  
1342.

Anno 1342. fundatur à *Carolo Ecclesia Collegiata Omnium Sanctorum* in Arce *Pragensi*, videlicet: *Præpositus*, *Decanus*, & undecim *Præbendæ Divites*, ac decem *Ministri largè*, ut ait *Beneficius*, *provisi*.

Carol. IV. Im.  
in vita sua  
c. 14.

Item fundantur à *Carolo IV.* nondum *Imperatore Mansionarij*, ut vocabant in *Ecclesia Pragensi*, scilicet: duodecim *Presbyteri*, sex *Diaconi*, & sex *Subdiaconi*, simulque in aurora sacrum de *B. Virgine*.

Sil. in Hist.  
Boh. c. 33.

Similis *Regulæ Mansionarij* ab eodem *Carolo* fundati sunt *Norimbergæ*, & alij ejusdem instituti An. 1355. in *Italia* in *Villa Terentia*, nisi fortè sit eadem *Collegiata Ecclesia B. Virginis Parmensis* agri erecta magnificèque dotata, cujus *Fundatorias* literas *Caroli* se & vidisse & legisse *Æneas Silvius* testatur.

Benef. l. 4.

An. 1347. fundavit & dotavit *Cænobium* pro *Carmelitis Pragæ*, dictum *B. Mariæ ad Nives*.

An. 1348. fundat *Novam Civitatem Pragensem*.

Anno eodem incæpit ædificare *Arcem* sumptuosissimam *Carlsteinensem*.

Anno eodem extruere cæpit *Monasterium S. Hieronymi Slavorum Ordinis S. Benedicti*.

Anno 1351. *Carolus Civitatem Vetero-Boleslaviensem* moenibus cingit.

Brusch. in  
Cent. 1. Mo-  
nast. Germa.  
in Cænob. S.  
v. d. l. c. i.

Eodem anno *Carolus IV.* mittit *Pragâ Augustam* tabulam argenteam inauratam, cui inclusum est, sic *Cæsare* statuente, caput *Sancti Dionysij* primi *Augustanorum Episcopi* cum inscriptione, quam recitat *Bruschius*.

Martyrolog.  
Eccl. Prag.  
M. S. ad 6. Id.  
Maij.  
Benef. l. 4.

Idem *Carolus* sub castro suo *Carlstein* in honorem *S. Martyris Palmatici* fundavit & construxit *Ecclesiam Parochialem*; ejus sacræ *Reliquiæ* ibidem illæ sæ servantur.

An. 1351. fundavit *Missam* quotidie canendam in *Ecclesia Vetero-Boleslaviensi* ad primum sepulchrum *S. Wenceslai*.

Idem.

Circa hæc tempora ædificavit, & censibus Annuis fundavit *Tachoviense Cænobium Patribus Carmelitis*.

Idem.

Item fundavit *Monasterium* in monte *S. Caroli Pragæ* ditissimum, cui etiam omne argentum mensarium die foundationis donavit, pro *Canonicis Regularibus S. Augustini*, quos induxit.

An.



An. 1354. fundavit *Monasterium Ordinis S. Benedicti*, sub titulo *S. Ambrosij* in Nova Civitate Pragensi.

Benef.

An. 1355. fundavit *Monasterium Virginum Ordinis Eremitarum S. Augustini* ad *Ecclesiam S. Catharinæ*, quam extruxit in Nova Civitate Pragensi, donavitque eis de Reliquiis, & oleo quod fuit ex sepulchro ejusdem *S. Virginis Catharinæ*.

Martyrolog.  
M.S. Eccl. Pr.

An. 1358. coepit extruere *Pontem Pragensem* super *Muldavam* flumen, opus mirabile & verè Regium.

Benef. l. 4.

An. 1360. cinxit altissimis & solidissimis mœnibus montem *Petrinum*, *Strahov*, & *Hradczanum* Pragæ.

Id. Benef.

Item in *Ecclesia Pragensi* fundavit *Psalteristas*, qui die & nocte (quando alij sacri cantus & preces cessarent) altâ voce legerent *Davidis Psalterium*.

Eodem anno in *Vigilia Annunciationis* ad *Ecclesiam* ejusdem tituli fundavit *Servos B. Virginis* sub *Wissebrado*.

An. 1366. absoluta est ædificatio *Sacrarij S. Wenceslai*, miri prorsus operis in *Ecclesia Pragensi*, in qua parietes gemmei hodièque visuntur.

Idem.

Eodem anno à *Carolo IV.* amplissimè fundatur *Cœnobium Oïvinense* in *Lusatia* ad *Bohemiæ* fines, *Ordinis S. Petri Cælestini*. Circa hæc tempora *Carolus* erigit *Universitatem Studiorum* Pragæ, impensis maximis & prorsus Regiis.

An. 1367. absolvitur sumtuosissima *Porticus* musivi operis ad *Sacrarium S. Wenceslai* sub *Turri S. Viti*.

An. 1368. nascitur *Carolo IV.* filius *Sigismundus* impetratus à *S. Martyre*; cujus sacrum tumulum ornavit *Imperator* auro & argento, & caput inclusit in auro, cumque filius sacris aquis ablueretur, eo die mille aureos in censum & decem argenti marcas *Capitulo* in portiones dedit. Circa hæc tempora in Nova Urbe Pragensi *Ecclesiam SS. Cosmæ & Damiani* cadentem erexit à fundamentis, & paulò post *Paræciam S. Henrici* cum ipso templo construxit.

An. 1370. à Domino *Wilhelmo de Hazmburg* *Præposito Wissebradensi* emit *Bibliothecam* manuscryptorum codicum pro centum marcis, eandem donavit *Collegio suo Carolino*.

Idem.

Ad *Oppidum Fürstenberg* propè *Frankfurtum* ad *Oderam* firmissimum *Castrum* ad flumen extruxit, & *Pontem* memorabilem ex saxo condidit.

Idem.

Anno eodem construxit *Turres* duas Pragæ in *Arce S. Wenceslai*, formosissimas omnino, & plumbò contextit, quod vero auro illiniit, sic ut Sole lucente ex ponte Pragensi præ fulgore aureæ lucis, vix ullus contrâ tueri eas posset.



Bucholz. in  
Chron.

An. 1374. *Tangermunde* in Marchia Brandenburgica elegantissimam Arcem extruxit.

Carolus in  
Vita sua c. 8.

Longè priùs circa annum 1333. quia Castrum Pragensè præter ruinas à tempore *Przemyslai* nihil habebat, neque posset *Carolus* in Arce habitare, sed in domibus Civium versaretur, cœpit *Carolus* perelegans Palatium in Arce Pragensi adificare maximis sumtibus, opusque illud verè Regium absolvit, ut ipsemet testatur.

Henel. in  
Breslograph.

*Wratislaviam Urbem* cum incendio cœlesti tota conflagrasset, *Carolus* ipsemet Augustâ manu Urbis descriptionem (modellam hodie vocant) Civibus misit, publica quædam opera extruenda in se recepit, Ecclesiam *S. Dorotheæ* Mole maximam, altitudine singularem excitavit, Urbis partem trans Oderam amplificavit.

Münster. in  
Cosmograph.  
l. 3. de Ger-  
mania in Ca-  
rolo IV.

De Cœnobio *Ingelheimensi* audiamus Münsterum: in Palatio *Ingelheimensi*, ubi *Carolus Magnus* fertur natus, Collegium Canoniorum Regularium instituit *Carolus IV.* illudque subjecit Monasterio Pragensi, in quo septem aut octo Canonici in mea pueritia fuerunt; jam verò ablatum est Bohemis, & mortui omnes Canonici, & census redeunt ad Principem terræ.

In Apolog. 2.  
Ord. Boh. in  
Allegatis n.  
121.

In Ecclesia Corporis Christi (quam etiam laceram, & malè materiataam olim in agro Crucigerorum cum *Rubea Stella*, quam gessit in clypeo primus Ordinis Generalis gente *Sternbergius*, sitam) in Nova Civitate Pragensi fundasse *Carolus IV. Missam*, quæ *Requiem* in Sacris dicitur, quolibet die Veneris pro defunctorum animabus habendam, ipsi hæretici Bohemiæ Ordines testantur.

Haecenus ædificationes Caroli, quas in meis Collectaneis annotatas inveni; plures sine dubio diligentiam meam effugerunt, quasdam etiam adducam in Notis. Quid si Provincias, & terras Regno Bohemiæ conjunctas, & priùs ab eodem Carolo emtas, feuda item, & servitutes quasdam enumerare vellem? appareret sine dubio aliquot *Myriades* auri *Carolus* exposuisse ad Regni Bohemiæ gloriam, & augmenta; viderint, qui tam justè emta, detinent; sed qui istorum notitiam habere velit, legat *Literas Publicas Caesarum, Regum, & Electorum Imperij*, quas in Fundamentis Regni recitabimus.

### *Caroli IV. Virtutes, potissimum Justitia.*

Benef. l. 4.

Justitia.

Nullus à me hoc loco vitam Caroli expectet, cum jam pridem Lib. 4. Miscell. ejus pietatem in DEUM, amorem in proximum, cæterasque divinas & humanas virtutes latissimè descripserim, sermonem etiam addiderim, quem in Caroli funere habuit *Joannes Archiepiscopus Pragensis & Cardinalis*, Vir doctissimus, quo *Carolus Imperatorem sanctum* fuisse probavit.



bavit, Omittere tamen non possum, quin justitiæ & pietatis ardentissimum amorem in Carolo, uno alterove postea exemplo confirmem: judicium dabat Carolus, ferebátque sententiam sedens in Urbium & Arcium portis, aut etiam pro Curia in foro, adstantibus viris jura callentibus, præsertim *Lucerna juris Bartolo*, quem habebat ad manum, litem finiebat diu antè in tribunalibus ventilatam, aut in favorem divitum multo tempore protractam. *Latronibus*, qui publicum generis humani commercium morabantur quàm maximè erat infestus; An. 1366 *Cirves Jaromirenses Sacerdotem* quendam, cum quo lis illis erat exceptum insidiis occiderant, etsi vim innumeram pecuniæ offerrent, capite sunt minuti. Rarius est, quod sequitur: Vir Nobilis Sacerdotem excæcaverat, eum Carolus, quantumcunque Proceres Bohemiæ orarent, & ipse omnia promitteret, pœnam *Talionis* subire jussit, excæcatusque Nobilis dolore post triduum est extinctus; licèt *Dubravius*, & qui ex eo historiam descripsit *Abele*, flexum fuisse precibus *Carolus*, significet, sed nimirum *Beneficio* hæc videnti major est habenda fides.

*Benef. ibid.*

*Idem l. 4. Chron.*

*Abele in Metamorph. Te- le judiciarie.*

*Pietatem in DEUM & Ecclesias* tot sacræ foundationes, quas attulimus, satis loquuntur. Eiusdem pietatis hoc quoque in speciem leve, at inter tot Imperij curas mirabile & memorabile indicium: quotidie à prima ætate recitasse horas de *B. Maria*, quod *Officium* appellare solemus, eumque morem ad ultimam usque ætatem perduxisse, quæ una constantia pietatis laudem maximam meretur; tenuit hunc morem *Carolus* ex *Magistri* sui *Petri Abbatis Monasterij Fiscarensis* institutione, qui eundem *Carolus*, verba sunt *Beneficij*: in sacra pagina abundè instruxit. *S. Dionysium Augustæ* pro Christo passum donario argenteo coluisse antè dixi; res modica est, sed magnum documentum pietatis, scribit *Abbas Stengelius*, qui etiam *Caroli* versiculos ei donario insculptos recitat. De *Reliquijs*, & *Sanctorum corporum* à *Carolo* veneratione & amore tractatum integrum habeo in *Bohemia Pia. Carolo IV.* aliquot Religiosorum Prælati debent suæ dignitatis augmentum: paucis notum est, à *Carolo IV.* inter Status & Principes Imperij relatos esse *Abbatem Fuldensem, Weissenburgensem, Campensem, & Murbacensem*, ex quibus *Fuldensis* hæreditarius *Cancellarius* est Imperatricis; idem *Privilegium Principale*, & titulum Principum à *Carolo* id temporis quibusdam *Abbatissis* concessum scribitur, ut *Linda-viensi & Bucha-viensi*, cui postremæ liber & gladius præferri solet in potestatis argumentum.

*Pietas Caroli in Deum.*

*Carolus Imp. in vita sua.*

*Benef. l. 4. Chron.*

*Car. Stengel Abb. in comment. rer. Augustanar. in p. 1. c. 19*

Nec infelix fuit in bello *Carolus*: in Prussia quantum periculum in prælio adierit, equo confosso & cadente, in *Arnesti Vita* narravi; item de *Cressiacensi in Gallia* conflictu, ubi à suis Bohemis nè pugnando periret,

*Bellica virtus.*



ex acie vi raptus est; in Italia die festo *S. Catharinae*, cui deditissimus erat, commisso cum hostibus praelio, octingentos galeatos, & quinque milia militum cecidit, tumque ipse *Carolus*, tum alij ducenti, militari balteo sunt donati, & aurati Equites creati, ob eamque causam Virgini illi gratus *Carolus Parthenonem S. Catharinae Pragae* fundavit.

Visa coelestia.

Coelestia visa oblata *Carolo* saepius, in ejus vita memoravi; memorabile illud de *Hugone Delphino Galliae ab Angelo* in acie exsecuto, & coelitus peremto, in vita *Ernesti* narravi; quam etiam visionem *Benessius Caroli* comes, in pervigilio *Assumptae DEI Genitricis* oblatam tradit, additque *Carolus* emisit domum illam, in qua coeleste spectaculum oblatum erat, ex eaque *Monasterium Canonorum Regularium S. Augustini* statuisse. Servatus est in vita divinitus non semel, & per *Eucharistiam* miraculo ad pedes conjuratorum ab altari turbine devolutam, ut ipsemet in vita sua describit; in quo libro imaginem quandam animi sui expressam veris coloribus posteritati reliquit, primis maximè capitibus, legant hunc libellum Principes, qui iuste & pie regnare, tum etiam ij, qui sensa *Caroli*, atque ejusdem in *DEUM* ac *Coelites* pietatem inspicere desiderant. Porro ejus lucubrationes recensui cum in libro de doctis Bohemiae Viris agerem, verumque esse apparuit in *Carolo*, quod Poeta dixit: *Carmen amat quisquis carmine digna gerit: amantissimus semper Doctorum fuit Carolus: de Bartolo Jurisconsulto vide Jo-vium*, Poetas mirè dilexit: extant ad *Franciscum Petrarcham*, aliquot ab eo & vicissim ad *Carolus* missae Epistolae, item ad *Zenobium Florentinum*, *Joannem Boccacium*, ac ceteros, Proque doctis Italiae Viris *Ticini Academiam* doctrinarum omnium fundavit.

Clandian.

Iov. in Elog.  
Doct. Vir. in  
Bartolo.  
Fabron. in  
Vit. Car. IV.  
Cancellaria  
Caroli IV. ma-  
nuscripta.  
Rosacin. Ora.  
Paneg. Vnt.  
Carol.

### Accusationes quaedam Caroli diluuntur.

Welesl. Pref.  
in Silv. Cu-  
zheni.

Pius II. in  
Europa.

Herman. Fa-  
bron. in Mo-  
narch. Cesar.  
edita 1618.  
Germanice.

Besold. in Sy-  
nopsi hist.

Accusatio gravissima habetur, de ignavo filio & puero *Wenceslao*: quod Electoribus in *Rheno portoria & vestigalia Imperij* condonarit ac donarit, ut filio Imperatoriam emeret dignitatem. Respondet *Weleslavinus*: quanto saepius egere, qui dignitatem Imperatoris vendiderunt? Cur igitur successores, & posteritatem non restitunt? cur (quod *Pius II.* notavit) in capitulationibus Electionum Imperatores obligant, ne redimere possint, aut velint? imò ut *Balens* tradit, etiam tunc temporis *Carolus IV.* coegere, ut promitteret, non se illa *Telonia* amplius redempturum. Non utar illa defensione, quam mihi ultrò in manum porrigunt peritissimi rerum Imperialium Scriptores, *Friderici I.* tempore, *Cesares ex Portorijs Rheni* sedecim auri tonnas annue (ut *Fabronius* loquitur) percepisse quidem, at (ut *Schneidevvinus* apud eundem testatur, & habet *Besoldus* Vir Clarissimus per libertatem improvidè quibusdam Italiae Urbibus



bibus concessam à quodam Imperatore, quem nominare hoc loco nihil attinet, quique longè *Carolus IV.* antecessit) tantum imminuta jam tunc ante *Carolus* fuisse vectigalia, ut eâ pecuniâ neque ripa Rheni defendi, neque ut verbis ejus utar, *postea ali possent*. Ubi igitur sedecim auri tonnæ? nullas fuisse *Carolus* ipse testis est, in disertissima oratione ad Legatos Imperij Pragæ habita (quam recitat *Borek*) in qua ostendit plura se ex Regnis suis, percipere commoda, pluresque pecunias, quàm ex universo Imperio, & *Bohemia* Regnum non ditari ab Imperio, sed Imperium à *Bohemia* potius ditari. Hanc *Caroli* accusationem jam antè in vita *Ernesti* diluimus, autoritate maximorum Scriptorum, & comparatione priorum Imperatorum, quorum aliqui non ut *Carolus* fecit, cesserunt Portoria, sed Provincias integras ad Imperium spectantes acceptâ pecuniâ jure suo vivere jusserunt, tum alios, qui urbes Imperij vendiderunt.

De *Gunthero Schwartzburg*, quem electum ab aliquibus Imperij Principibus contra *Carolus* ipsemet *Carolus* ope Medici veneno sustulerit, ac factum emendare cupiens *Guntheri* liberis, viginti duo millia marcarum argenti numerarit, & quasdam in *Thuringia* ditiones adjecerit, ut *Carrionis Chronicon* narrat, impudens calumnia est à nobis in vita *Ernesti* refutata; quod verò liberos *Guntheri* ditarit, egit istud *Carolus* innatâ suâ beneficiâ, ut sibi velut Imperatori fidelius obsequium præstarent, & alieniore animo à se non essent; etsi Pater eorum *Caroli* in Imperio rivalis fuisset, atque ita omnium præteritorum aboleretur memoria.

Alij accusant, quod cum Electores nonnulli *Fridericum Marchionem Misniae* An. 1348. Imperatorem elegissent, *Fridericus* acceptis à *Carolo* decem argenti talentis, jure suo decesserit. Negant hoc, & pernegant Misnici Scriptores, turpisque *Friderico* potius, quàm *Carolo* ejusmodi nundinatio foret; at *Weleslavinus* ultrò factum fatetur, & defendit; quid enim admissum est indecens, nonne satiùs est bellum pecuniâ, si potes, redimere, quàm sanguine multorum hominum sæpe innocentum finire; adde quod nulla fuerit *Friderici* Electio, cui ipse ob senectam ætatem renunciarit, atque ideo *Carolus* ob hanc renunciationem, & sublatum electionis dubium, ex grati animi significatione pecuniam illam *Friderico* obtulerit.

Denique objiciunt alij *Carolus IV.* adversus legitimum Dominum *Ludovicum Barvarum*, *Pseudovoldemarum* fovisse, eique *Brandenburgiam* adjudicasse. Hoc diffiteri nullatenus possum: at quis Regum est, ad quem dolus accessum non habeat? cui non possit imponi? qui non possit decipi? an Exempla defunt eorum, qui Principum ac Regum personas diu ac feliciter gesserunt? vide *Thesaurum Zwingeri*, item de

Notandum:

*Borek in hist. Boh. fol. 327**Vit. Arn. l. 2. c. 12. & in Notis.**Besold. synop. hist. c. 18.**Sigon de Reg. Ital. l. 22.**Tursel. Epit. histor. l. 9.**Bodin. lib. 6. Method. hist.**in fine. Barclay. in Icone animor. c. 5.**Sprinzenstein in facie nova Ro. Imperij.**Quod æmulos Imperij sustulerit.**Weleslav. in calend. Hist. ad 2. Jan.**De Wolde- maio.*

ficto,



Ricc. in Chro.  
Reform.  
Bunting in hi  
stor. Bruns.  
p. 4.  
Beness. l. 4.  
Chron.

Piafec. in Chr.  
Polon. ad An.  
1604.

fiato, Sebastiano Rege historiam Lusitanam, & Ricciolium de quodam Tile Kolup, qui se pro Friderico II. Cesare venditavit, consule Historiam Brunsvicensem, de hoc ipso Meinike Müller, qui se Woldemarum Marchionem Brandenburgicum mentiebatur, accuratè & diligenter agit eadem Historia Brunsvicensis & Benessius in Aula Caroli educatus; item de quodam Demetrio, qui se Joannis Basilij Moscoviae Ducis filium felicissimè finxerit, vide Piafecium, at non unus Carolus IV. sed plurimi Principes Imperij, imò & Brandenburgiae magna pars, hunc impostorem pro vero Woldemaro agnoverunt; insuper ubi primum se illusum comperit Carolus, quod bonarum mentium est, continuo retractavit errorem, & Ottoni Marchioni, partim per pecuniam, partim per alia multa Castra tradita satisfecit.

Nullus ex Scriptoribus gesta Caroli IV. diligentius descripsit, quàm Vir coævus Benessius nomine Canonicus Ecclesiae Pragensis, qui Libro IV. Chronici sui de his Caroli consiliis & gestis sic loquitur: Woldemarus habitus est Marchio Brandeburgi pro vero usque ad diem mortis suæ, & paulò post: Ludovicus Bavarus verò (post Woldemari mortem) quia erat exosus suis, Marchionatum Brandenburgicum contulit fratri suo Ottoni; ei scilicet, cui Carolus, ut idem Benessius superius narravit, Catharinam filiam suam viduam post Rudolphum Ducem Austriae dedit in Conjugem. Hic Otto non fuit socero suo Carolo fidelis: sæpius enim eum oppugnavit, & ligas cum hostibus Caroli fecit, maximè cum Ludovico Rege Ungariae, ideoque coactus est Carolus eundem Ottonem bello petere, ut Benessius idem ad An. 1371. commemorat. Jam An. 1373, Otto, inquit, Marchio Brandeburgensis Gener Caroli IV. præteritis pueris Domini Imperatoris contra pacta voluit instituire heredem (quia liberis carebat) Fridericum Ducem Bavarie; conscripto exercitu Carolus occupavit plurimas ejus Arces, ita ut adaectus sit venire Pragam; investivit igitur Carolus (petente ipso Ottone) per Banderias filios suos Wenceslaum, Sigismundum, & Joannem, & ijs deficientibus Marchiones Moraviae Dominum Joannem & filios Jodocum, Joannem, & Procopium, & dedit Ottoni pro ea re innumerabilem pecuniam, & Castra Sultzbach, Flos, & alias plures Civitates.

Nota.

Nota.

Silv. in Hist.

car. IV. in  
vita sua c. 7.

Est etiam ab Ænea Silvio obiter conjectum telum in Carolum amatorem alienarum mulierum maximum in prima ætate fuisse, & ab Angelo eapropter correptum Delphini Galliae morte per visum oblata; at Carolus in vita sua negat, abs se aliquid ejusmodi unquam patratum, imò in timore Divini Numinis adolescentiam & juventutem se percurrisse, ad filios scribens gloriatur; ibidem fatetur se à dæmone tentatum, nunquam devictum aut superatum. Sed hæc omnia quæ objiuntur, etsi vera & maledicta forent, Caroli beneficiis immortalibus obruuntur. De



## De Authoribus, qui Caroli IV. Vitam scripsere.

Caroli IV. Vita sæpe edita est, sed indiligenter; expectabatur à Patre Joanne Gamanfio S. I. amico meo præcipuo, cui petenti plurima Carolina Diplomata ex plurimis Cathedralibus & Collegiatis Ecclesijs, & Cœnobijs uno animo, unaque sententiâ submiseramus, R. P. Georgius Crugerius, R. P. Henricus Chlumecky, quorum ego tertius numerum & diligentiam auxi. De quo labore Gamanfij agemus in Notis.

Est etiam Vita Caroli scripta Bohemicè, & Typis edita, sed operæ pretium non est eam legi, quia notissima tantum incertus Author adducit.

Vitam suam Carolus ipse scripsit, & duobus filijs in Thronis sedentibus, videlicet: Wenceslao & Sigismundo inscripsit, quæ passim in Bibliothecis MM. SS. Codicum reperitur, estque etiam Latine & Bohemicè Typis expressa non semel; quia verò Carolus Imperator magnis tantum rebus gerendis imminebat, majora tantum eo libro complexus est, omisit minora; Benessius de Weitmil Vir genere Nobilissimus, idemque doctissimus, postea Ecclesiæ Metropolitane Canonicus, qui in Aula Caroli IV. à puero educatus, omnium propè itinerum ejus comes fuit, tantà in eo argumento diligentia versatus est, ut scribendo vestigia Caroli numerare, ut ita dicam, voluisse videatur in Opere Chronicorum; ad eum omnes remitto, quicunque Caroli gesta avent cognoscere.

Paulus Zidek designatus Litomislensis Episcopus sub Georgio Rege vitam & gesta Caroli IV. Bohemico complexus est idiomate: multa ibi singularia leguntur, pauca tamen, quia quasi argumenti sui oblitus omnem illam lucubrationem suam ad cæteros Reges, qui Carolum secuti sunt describendos convertit; latè nihilominus commemorat Bohemorum Carolo regnante pietatem; Ecclesias quasdam ab eo fundatas recenset; adjicit quasdam de Archiepiscopatu Pragensi feuda quasdam Regni emptia à Carolo adducit, tum nominat Principes, qui à Corona Bohemiæ feudum accipere debeant; delabitur deinde in Pragæ opulentiam regnante Carolo, scribit omnes nationes eo tempore cupivisse Pragæ habitare, ut tum Praga orbis compendium appellaretur: Ethnicos etiam & Barbaros, qui pretiosas damascenas telas, & pannos Babylonico & Persico opere texerent, Carolum Pragæ aluisse, iisque Montem S. Laurentij super Pragam attribuisse, quem illi calulis quibusdam extructis, & magnâ parte tentorijs coloratis gratioso toti Urbis spectaculo impleverint. Hæc Zidek. Quem librum manuscriptum ex Bibliotheca Novodomensi, Prælato magno concessum, doleo hæctenus recuperari non potuisse.

Caroli IV.  
lucubratio  
de vita sua.

Paulus Zidek describit Caroli IV. tempora.



Est etiam Vita Caroli IV. ab Hermanno Fabronio Germanicè scripta, sed ea tam virulenta, ut alibi questus sum, ut nihil aliud quam vituperium contineat, & Authorem prævaricationis reum constituat: nimirum virulentissimo hæretico, omnis Caroli in *Ecclesiam*, præsertim *Romanam*, observantia, pietas, & splendor in Sacris, in Cœlites amor, in eorum *Reliquijs* colligendis diligentia, & veneratio, atque ejusmodi Christianorum Principum virtutes, totidem vitia videbantur.

Carolus IV.  
in sepulchro  
in corruptus

Natus est Carolus Pragæ An. C. 1316. 14. Maij, horâ 1. diei, salutaribus aquis ablatus in Ecclesia Pragensi, die Pentecostes, qui dies incidebat in 30. Maij. Obiit autem An. 1378. Pragæ in Vigilia S. Andreae, horâ 2. noctis, ætatis suæ 63. cujus corpus post annos trecentos, & quod excurrit, se incorruptum vidisse *Welesla-vinus* testatur, idemque à se visum gloriatur *Pessina*.

## NOTÆ in Caput II.

Caroli IV.  
vita hæret.

**D**Ixeram paulò antè de *R. P. Gamansij* labore, res sic habet: cùm antè annos facillè vicos quinos scholis docendis vale fecissem, circumspicere coepi, quod potissimum argumentum assumerem, in quo mea desudaret industria; statueram historiam *Patriam* (cui à puero parvulo deditissimus eram, ut etiam septennis, ter & quater *Hagecij Historiam* pervolverim) illustrare, sed prius proludere quodammodo, & ut Musici vocant *præambulum*, aut præludium facere, & alicujus aut sanctitatis, aut rebus gestis illustribus apud nos Viri Vitam scribere, in qua vires experirer meas, & quid possem in *Historia Patria* aliis demonstrare, *vitam Caroli IV.* primum mihi proposueram, jamque in eam rem, ut in ædificatione fieri amat, materiam comportabam, cùm ecce commercium literarum cum doctissimo Viro *Gamansio* habere coepi; vix ternas, vel quaternas literas commutavimus, cùm ille consilium suum aperit: habere se in animo Vitam *Caroli IV.* vulgare, idque se *Cancellario* Regni *Bohemiae* patefecisse, qui laborem approbavit & laudavit, atque insuper sumptus liberales ab *Augustissimo Cesare Leopoldo* procuraturum promiserit; ergò cùm me præventum esse viderem, omnem cogitationem de *Carolo* abjeci, & *Vitam Arnesti I. Archiepiscopi Pragensis*, qui summus *Caroli* Minister fuit, scribendam assumpsi; deinde quæ de *Carolo* collegeram omnia *Gamansio* misi, & nova etiam ex *Archivis* excerpta communicavi; neque cessavi hominem amicum perurere, ut tandem quod semel susceperat, perficeret; ille causabatur Moguntinos Antistites, quorum gesta ante omnia absolvere prius scribendo cuperet; denique cunctatio illa vel quidquid fuit ad annos viginti protracta est, quibus elapsis, consulti amici ex Rheno indicium fecerunt, bonum senem *Gamansium* nihil ampliùs de *Carolo IV.* cogitare, imò præsenio, vel si velit, non posse, nihilque hætenus præter designationem Vitæ & Capitum confecisse, sed habere documenta innumera, quæ si fortè alicui ingenio communicarentur, rem confectam & Vitam *Caroli IV.* habiturum. Neque tamen documenta remissa sunt, sola operis designatio in manus meas venit. Referam ergo hoc loco descriptionem & designationem illam, ut si quis eadem fortè conari velit, habeat paratissimam Vitæ *Caroli* Oeconomiam, & capita, quæ publicis literis, vel Historiis & Exemplis facillimum erit illustrare. Sic igitur habet divisio doctissimi *Gamansij*.

D. Caroli



# D. Caroli Rom: Imp: IV. Bohemiæ Regis

## Augustissimi Elogium Augustum.

### I.

D. Caroli Imp: Rom: IV. Commentarius Augustalis vitæ suæ, rerumque rectè vel  
secus gestarum Christiano digna Principe relatio. Exemplar est apud me.  
Ex MM. SS. Bibliothecarum Cæsareæ Viennensis, & Metropolitanæ Pragensis.

### II.

S. D. Clementis Papa IV. Sermo Auguralis, ad Legatos D. Caroli Regis Romanor:  
Electi: eum Salomoni Regem parem, nec D. Carolo Magno Imperatorem fore im-  
parem, Ecclesijs fundandis. Ex MM. SS. Bibliothecæ Salsatensis. Exemplar habeo.

### III.

Joannis Card: Arch: Prag: II. Laudatio Funeralis, sive Consecratio D. Caroli  
Imp: IV. quod admirandæ Sanctitatis merito, Salomone Rege major, D. Constanti-  
no Magno vix minor ritu cultuque publico Divis sit accensendus ex MM. SS. Balbi-  
nianis. Exemplar est apud Freherum.

### IV.

Fasti singulares Reliquiarum SS. quas perillustres peregre Pragam D. Carolus  
Imp: IV. attulit gazâ Regiâ excultas. Ex Membranis Ecclesiæ Pragensis. Exemplar  
prostat.

### V.

Litera Divales D. Caroli Imp: IV. allatis Divûm Reliquiis, veritatis testes, ex  
MM. SS. Tabulis Arch. Eccl. Prag. Exemplar est in manibus.

### VI.

Additiones Rerum & Literarum Augustalium D. Caroli Imp: IV. Elogio Augusto  
in fidem ac lucem annotationibus illustratæ. Ex originibus MM. SS. & authenticis  
monumentis.

## Caput I.

### D. Carolus Imperator IV. Di-

vo Carolo Imperatori Magno  
haud impar Ecclesijs copiosè  
fundatis.

#### I. Praga Castro Regio.

- 1342. Collegiæ OO: Sanctorum.
- 1343. Metropolitanæ S. Viti.  
Mansionariorum Deiparæ.
- 1360. Bonifantium diu noctuque psal-  
lentium.

#### 2. Praga, Urbe Novâ.

- 1347. Carmelitarum Mariæ Nivis.
- 1348. Benedictinorum S. Hieronymi  
in Solvan.

- 1355. Eremitarum S. Augustini ad S.  
Catharinam.

- 1361. Servitarum Deiparæ.

- 1364. Canonicorum S. Apollinaris.  
Corporis Christi.

- 1372. SS. Mariæ Magdalenæ, Afræ,  
Mariæ Ægyptiacæ.

#### 3. Wissehradi Arce Regiâ.

- 1351. Canonicorum Regularium S.  
Caroli Imp.

- 1355. Benedictinarum S. Ambrosij.

#### 4. In reliquo Regno Bohemiæ.

- 1348. Capellarum Arcis Carlsteinæ.
- 1351. Collegiæ Veteris Boleslaviæ.
- 1351. Carmelitarum Tachoviæ.
- 1357. Collegiæ Carlsteinensis.



1360. Eremitarum S. August. Sufficij.

1366. Cœlestinorum in Owin.

## 5. In Ducatu Silesia.

1348. Eremitarum S. Augustini Wra-  
tislavia.

## 6. In Comitatu Lucemburgi.

1348. Clarissarum Epternaci.

## 7. In Germania reliqua.

1354. Collegiata S. Victoris Mogun-  
tini.1355. Canonicorum Regularium S. Ca-  
roli Ingelhemij.1355. Capellæ Imperial. B. V. Norim-  
bergæ.Mariæ-Rodæ Cisterc. in Saxonia  
Inferiori.

Riddagshufæ Cisterc. ibidem.

## 8. In Italia Regno.

1331. Canonicorum Regulariū Papiæ.

1355. Collegiata B. V. Tarentij.

## Caput II.

D. Carolus Ecclesiarum uni-  
versalis Benefactor.1. In Bohemia Archiepiscopolis  
Pragensis.1336. XII. Apostolis argenteis humanâ  
staturâ datis.1347. CCC. sexagenis grossorum ei-  
dem à quovis Rege coronato af-  
signatis.1358. Foundationibus Ecclesiarum, Ca-  
pellarum, altarium omnium, per  
Bohemiâ in Acta digestis.1368. C. argenti marcis Metropolita-  
næ Pragensi assignatis.

## 2. Episcopolis Litomislenfis.

## 3. - - Olomucensis.

## 4. - - Wratislaviensis.

In Germania Archiepiscopolis  
Moguntia.Episcopolis Curienfis.  
Constantienfis.

Spirensis.

Wormacienfis.

Herbipolensis.

Augustanensis.

Eystettenfis.

Halberstadiensis.

Hildesienfis.

Verdenfis.

Paderbornensis.

Bambergensis.

Archiepiscopolis Colonienfis

Episcopolis Monasterienfis

Leodienfis

Ultrajectensis

Mindensis

Osnabrugensis.

Archiepiscopolis Trevirenfis,

Episcopolis Metensis

Tullenfis

Virdunenfis.

Archiepiscopolis Magdeburgensis,

Episcopolis Havelbergensis

Brandeburgensis

Lebusienfis

Caminensis

Racemburgensis

Mersburgensis

Mîsnienfis.

Archiepiscopolis Salisburgensis,

Episcopolis Patavienfis

Ratisbonensis

Brixinenfis

Frisingenfis

Tridentinæ

Gurcensis.

Archiepiscopolis Bremensis,

Episcopolis Lubecenfis

Sverinenfis

Raceburgensis

Sleswicensis.

## In Prussia.

Episcopolis Culmenfis

Sambienfis

Varmienfis

Pomezanienfis.

## In Italia.

Ecclesiæ Rom. dominiis confirmatis,  
item



item Juribus in Schismate prog-  
gnatis.

S. Patriarchalis Aquilegensis.  
Archiepiscopalis Mediolanensis.

### Caput III.

*D. Carolus Hierarchicæ Eccle-  
siarum dignitatis assertor Archi-  
episcopatu excitato.*

1343. Pragensi per Clementem VI.  
Eidem Archiepiscopo jure ungen-  
di & coronandi Regis impe-  
trato.

Item Jure Legationis in Ratisbon:  
Bamberg: Miſnenſ: Brande-  
burg:

Item Jure Legati Nati.

Item Jure Crucis præferendæ, u-  
ſuque Rochetti publico Suffra-  
ganeis.

*Episcopatu instituto.*

Lithomisliæ.

Olomucij restituto.

*Prærogati-vis auclis.*

1343. Coronæ Regiæ à Pragensi Me-  
tropolitana custodiendæ.

1365. Mitræ albæ & Rochetti Canoni-  
cis Archiepiscopo ministrantib9.

1389. Etiam à morte Caroli cæteris Ca-  
nonicis omnibus Mitræ Pontifica-  
lis auophrygiatæ concessio.

*Principali dignitate.*

Wissehradenſi Præposito confir-  
matâ.

Simili munere Abbatissæ S. Georgij  
Reginæ coronandæ concessio.

Decanatu vel Præpositurâ Litho-  
mericij erectâ, nunc Cathedrali  
Ecclesiâ.

### Caput IV.

*D. Carolus Apostolici Ecclesia-  
rum muneris Zelator.*

In Regno Bohemix, in toto  
Imperio:

Literatis ac probatis viris ad Archiepi-  
scopales, Episcopales &c. Eccle-  
sias suâ voluntate promotis sin-  
gulatim ordine superioris Cap. 2.  
recensendis.

### Caput V.

*D. Carolus Canonici Ecclesia-  
sticorum Ordinis Magister,*

Evangelio palàm decantato

Explicato:

Sacrâ Scripturâ, Theologiâ, lectâ &  
intellectâ?

Statutis Ernestinis Ecclesiæ Pragen-  
sis aureâ Bulla confirmatis.

Lectiōe ac Lectore S. Scripturæ i-  
bidem per Ernestum Archiepi-  
scopum fundato.

1359. Sæculari Canonicorū habitu pa-  
lâm Moguntix castigato.

1363. Collegio Canonicorum S. Scri-  
pturæ Lectorum, & Auditorum  
dotato.

1365. Nulli Canonico duabus præben-  
dis Urbani V. decreto concessis.

1370. Graduatis solis ad Præbendas,  
ad Parochias admittis.

### Caput VI.

*D. Carolus Ecclesiasticæ Cleri-  
corum immunitatis De-  
fensor.*

1342. Clericos Pragenses operibus ru-  
sticanis eximit.

1348. Wratislavienses nudis pedibus  
ab Episcopo culpam deprecari  
adigit.

1352. Ecclesiæ Pragensi confirmat Ot-  
togari Regis Privilegia.

Boh. pia.

1354. Alia Jura omnia.

Item Regni Privilegia concedit.

Domos Ecclesiæ legandi faculta-  
tes tribuit.

Securitatem Univerſi Cleri toto  
Imperio aureâ Bullâ Carolinâ  
restituit.

X 3

Caput



## Caput VII.

*D. Carolus Imperator IV. Salomon Imperij alter.*

## I. Sapientia.

- Expeditione transmarinâ declinatâ.  
 Captivitatis Venetæ periculo eluso.  
 Alienâ sapientiâ æstimatâ.  
 Imperij ordine Imperialis electionis modo, Electorum munere, Imperatoris dignitate, omnium securitate per auream Bullam constitutâ.  
 Imperio Bohemix Regno uniendo.  
 1354. Wenceslao fratre Lucemburgi Duce creato.  
 1354. Eidem & posteris frâni Imperialis gubernatione à dextro latere.  
 Item incisione ciborum Imperialium commissâ.  
 1357. Controversiâ ensis Imperialis ferendi eundem inter & Rudolphum Saxonix Ducem compositâ.  
 Ducibus Meckelburgi, Julix &c. Marchionibus Barri &c. institutis.

## 2. Scientia.

- A linguarum & literarum etiam sacrarum insigni notitia.  
 A Commentariis Evangeliorum.  
 Item suæ vitæ.  
 Item Passionis S. Wenceslai, suo Marte scriptis,  
 A diplomatis Cæsareis &c. latinissime conditis,  
 A scholis Academicis frequentatis.  
 A literatis palam honoratis, etiam à morte, Mindæ, & eorundem imprimis Studiosorû Pragæ copiâ.  
 A Scriptorum eodem loci & temporis frequentia.

## 3. Justitia.

- Per se plurimis administratâ.  
 Item injuriâ prædonum per se depulsâ,  
 Rebellionem punitâ.  
 Cæde innocentis Parochi vindicatâ,  
 Sacerdotis item alterius compensatâ  
 Proditore deluso.

## 4. Potentiâ.

- Ab auri, argenti, & fodinarum abundantia.  
 Ab expeditione bellica in Prussiam, Russiam, Lithvaniam, Poloniam, Hungariam, Italiam, Galliam, Hispaniam, Germaniam universam.

## 5. Magnificentia.

- Aulici apparatus & comitatus Coronationis Regiæ Cæsareæ.  
 Comitiorum Metis,  
 Norimbergæ.  
 Itinerum Parisios  
 Romam.  
 Francofurtum Oderæ  
 Lubecam, Mindam, Tremoniam.  
 Nuptiarum Cracoviæ,  
 Solennitatum Paschæ &c.

## Caput VIII.

*D. Carolus Imp. IV. Bohemice Regum Augustissimus, Regni Augustus alter.*

## Privilegijs confirmatis.

1348. Electionis literæ.  
 1358. Successionis Regiæ juxta literas Friderici Imperatoris II. etiam in filiabus.  
 1364. Omnium Regni Jurium. Electoratûs Imperialis.  
 Finibus productis:  
 1348. Norimbergam usque, Item post in Bavariam & Voithlandiam adjungendam.  
 1355. Iisdem Regni finibus & possessionibus iterato stabilitis.  
 1368. Silesiâ Bohemix unitâ.  
 Recognitione Wratislaviensis Episcopatus acceptâ.  
 1372. Marchiâ Brandenburgicâ possessione aditâ.

## Fœderibus initis.

- Cum Archiducibus Austriæ.  
 Munimentis exstructis.  
 Wissehradi, Ratzinij, Carlsteinij, Fürstenbergæ. Com-



*Commodis procuratis.*

Thermis Carolinis,  
Vineticis plantatis,  
Vivariis effossis,  
Oeconomia Regni restitutâ.  
*Universitate conditâ.*  
Collegiis ternis eidem adjunctis.  
Civium domibus usui studentium  
aptatis.  
Bibliothecâ adornatâ.

Caput IX.

*D. Carolus Imp. IV. augustis  
structuris per Bohemiam &  
alibi magnificus.*

1. Urbium.

1332. Montis Caroli Oppidi & Arcis in  
Italia.  
1348. Neo-Pragæ.  
Wratisslaviæ instauratæ, ampliata.  
1351. Boleslaviæ circummuratæ.  
1360. Strahovij & Petrzini montis mœ-  
nibus cincti.  
1363. Pragæ Veteris auctæ.

2. Arcium.

Regiæ Pragensis.  
1348. Wissehradensis,  
1348. Carlsteinensis,  
1358. Carlickensis,  
1370. Fürstenbergensis,  
1372. Tangermündensis.

3. Templorum.

Metropolitani Pragensis & aliorum  
suprà recensitorum,  
S. Dorotheæ Wratisslaviæ.

4. Monasteriorum, Collegiorum  
ibidem.

5. Universitatis Carolinæ.

6. Pontium.

1358. Pragensis,  
1370. Fürstenbergensis.

Caput X.

*D. Carolus IV. Imp. D. Con-  
stantinus alter, pietate in Deum  
& Divos.*

1. Dei cultu propagato.

1341. Expeditionibus in Infideles Chri-  
sto subjugandos susceptis.  
1386. Edicto Joan. Archiep. Prag. II.  
Fidei Catholicæ totâ Bohemiâ  
retinendæ nullo hæretico tole-  
rato.

Flagellantium hæresi extinctâ.

2. Divorum Reliquijs Pragæ  
allatis.

E tota Germania, Gallia, Italia,  
Hungaria,

1354. Treviris Crucis Dominicæ, Cin-  
guli, Pepli B. V. Baculi S. Petri.  
1354. Aquilegiâ Evangelij S. Marci.  
Budâ, Mappæ Dominicæ, & itâ  
de cæteris.

1354. S. Florentij solenniter in Alsatia  
elevatum.

1369. Iisdem Pragæ C. millibus homi-  
num ostensis.

3. Templis, Arcibus præsentibus se Deo  
& Divis dedicatis.

Metropolitano.

1366. Monasterio S. Catharinæ.  
Item Capellâ S. Wenceslai.  
1370. Capellâ Archiepiscopalis Aulæ  
1371. Collegiâ S. Ægidij.  
1372. Monasterio S. Hieronymi in Sla-  
wan, & aliorum alibi.

4. Festis institutis.

1355. Lanceæ Domini,  
Reliquiarum Ecclesiæ Pragensis.

5. Officijs ordinatis.

Ejusdem Lanceæ.

It. B. Virginis.

Canonico Officio quotidie recitato  
B. Virginis sæpius à puero; eoque  
demum in singulos dies legendis  
propriis novè distributo ut à Ca-  
nonicis Pragæ, Norimbergæ, Ta-  
rentij fundatis indies decantetur.

Caput XI.

*D. Carolus Imp. IV. Divis Bo-  
hemia Tutelaribus præcipue  
devotus.*

I. S. Pa.



## 1. S. Patronis.

Duodecim Choralibus eorum venerationi divino monitu institutis.

1355. Allatione corporis S. Viti Papiâ Pragâ.

## 2. S. Wenceslao.

1347. Coronâ Regiâ novè fabricatâ,  
Eadem coronandis Regibus destinatâ,

Capellâ propriâ ædificatâ,

1371. Boleslaviâ vetere instauratâ,  
Mîsâ maturâ ibidem fundatâ, &  
ab Ernesto Archiep. firmatâ.

Tumbâ aureâ scutis Baronum S.  
Wenceslai argenteis contectâ.

1363. Ejus nomine filio dato,

1368. Indulgentiis obtentis.

## 3. S. Sigismundo.

1365. Allatione corporis honorificâ,

1368. Impositione nominis Filio.

1371. Pretiosis donis sanitate receptâ,

1375. Regali celebratione festi,  
Imitatione ejusdem laude Dei perpetuâ institutâ.

## Caput XII.

D. Carolus Imp. IV. Deo dilectus & electus.

## 1. à Familia sua,

Lucemburgica & Bohemica, in Avis,  
parentibus, fratribus, propinquis, etiam  
affinibus, ex Domo Austriaca,  
Hungarica, Polonica, Deo ferè id  
temporis dilectis electâ,

## 2. à præsidis divinis.

1331. & seqq. à toxico, proditione, captivitate,  
clade, cæde, &c. ope SS. Hostiæ,  
Deiparæ Virg. S. Catharinæ M. prodigiosè servatus.

## 3. à visis divinis &amp; vaticinijs.

1332. Delphini Franciæ mortui.

1377. Pragæ destruendæ,  
Clementis IV. Papæ eligendi.

## 4. à miraculis ipsius à vo Pragæ factis.

1338. SS. Hostiæ inter ignes Pragæ illæ-

Item propè Kuttenbergam miraculosæ.

1355. S. Nicolai digito sangvineo.

SS. Wenceslai, Sigismundi, & aliorum SS. aliis prodigijs variis.

B. Catharinæ Bononiensis Carolum corpus mortuæ honorantem, apertis subito oculis ardentis, & salutantis.

## Caput XIII.

D. Caroli Imper. IV. Parentes  
Joannes & Elisabetha Reges Ecclesiarum fundatores & benefactores.

## 1. Parvo Pragæ.

1316. Chori Eremitarum & S. Augustini.

1330. Monialium Ordinis Prædicatorum in Augezd.

1341. Carthusianorum ibidem.

## 2. Vetero Pragæ.

1318. Chori Franciscanorum ad S. Jacobum.

1319. Eorundem Triclinij.

## 3. in Regno Bohemia.

1342. Eremitarum S. Augustini, Sufficij,

Waldsaxe Cisterciensium,

Aulæ-Regiæ Avus Wenceslaus.

## 4. in Marchionatu Moravia.

1323. Aulæ-Mariæ Elizabeth Avia secunda Caroli.

1334. Pustomiriæ Monialium Joannes Episcopus Olomucensi Proavunculus Caroli.

## 5. in Comitatu Lucemburgi.

1342. Clarissarum Epternaci, Basilicæ Deiparæ Virginis in Avia.

## 6. in Regno Italia.

1331. Eremitarum S. Augustini Papiæ.

## Caput XIV.

D. Caroli Fratres, Agnati, Filij,  
Ecclesiarum Fundatores.

1. in



I. in Regno Bohemiae & alibi

1348. Cappellæ Arcis Ziebrak, Joannes frater fundator.

Item Carthusianorum Olomucij.

1353. Eremitarum S. Augustini Brunæ.

Carthusianorum propè Brunam.

1350. Capellæ S. Nicolai Pragæ Parvæ.

Caroli Agnatus Dux Burgundiæ.

Nicolaus frater Caroli Patriarcha Aquilegensis.

Wenceslaus filius Metropolitanæ Pragensis.

Clarissarum Epternaci. Item

Ecclesiarum aliarum alibi.

Joannes Caroli ex Joanne filio nepos, Episcopus Litomislensis, Olomucensis, subinde Patriarcha Aquilegensis.

Caput XV.

D. Caroli Familiares Bohemiæ

Antistites Ecclesiarum Fundatores.

1. Joannes IV. Episcopus Pragensis Pragæ.

Sepulchri S. Adalberti argenteâ laminâ contecti in Arce Prag.

Præbendarum Canonicalium in Metropolit.

Altarium S. Silvestri, & S. Mathiæ, ibi.

Collegiata S. Ægidij combustæ.

Canonicorum Regularium Raudnitzij

Hospitalis ibid.

2. Ernestus Archiepiscopus Prag.

Canonicorum Regularium Glacij.

Eorundem in Satzka Hora.

In Jaromir,

In Rokican.

Hospitalis In Broda Bohemica,

In Przibram,

In Liban.

3. Joannes Archiepiscopus Pragensis II.

Hospitalis in Jerusalem Wissehradi.

S. Antonij pro Sacerdotibus & Studiosis agris in Hradczan.

4. Theodoricus Episcopus Mindensis.

1346. Cisterciensium in Skalicz.

5. Joannes Episcopus Litomislensis.

Eremitarum S. Augustini in Litomisl ibidem sepultus.

6. Petrus Episcopus Litomislensis & Olomucensis.

Canonicorum Regularium Landtsconæ ibidem sepultus 1387.

Caput XVI.

D. Caroli exemplo Bohemiæ

Proceres & Civēs Ecclesiarum Fundatores.

1. Pragæ Urbe Veteri.

1340. Monialium S. Spiritus juxta Coenobium S. Crucis Nicolaus Rokicaner, Civis.


1346. Aliorum templorum alij.

2. in Regno Bohemiæ.

1319. Clarissarum Teinitzij D. Plichta ibidem sepultus.

1342. Eremitarum S. Augustini in Marica prope Schwanbergam Boleslaus & Jura Barones.

1366. Canonicorum Regularium in Trzebon Rosenbergici, Altovadi, Crumlovij, &c.





# CAPUT III.

## Wenceslaus ejus nominis IV. Bohemiae Rex, & Romanorum Imperator.

Carolo IV.  
degener cō-  
tigit.



Annal. Nor-  
imberg. ad  
17. Martij.

De Fürsten-  
berg videatur  
Archivum  
Carlsteinense,  
quod alibi re-  
tulimus lite-  
râ &c.

Mala omina  
de Wences-  
lao Caroli  
filio.

In Calend. hi-  
stor. 11. Jul.

Imperium  
Wenceslai  
initio lauda-  
tissimum.



**C**arolus IV. nec in Regno pa-  
terno, nec in Imperio dubium  
successorem reliquit, utroque  
scilicet *Wenceslaum*, ibi coro-  
natum, hinc electum; utinam ut sanguinis  
ita & virtutum suarum hæredem & imita-  
torem reliquisset! sed ut *Carolus*, gestis lau-  
datissimus, & gloriosus, ita filius Princeps  
propè omnibus exosus, vitiis suis describen-  
dis Scriptores fatigavit. Natus est *Norim-  
bergæ* An. 1361. 17. Martij, ex *Anna* filia

*Henrici Ducis Svidnicensis, Fauroviensis, Fürstenbergensis* (quæ *Carolo*  
Patri hos Ducatus attulit) 3. Id. Aprilis in *Parochia S. Sebaldi* de sacro  
fonte levatus; levârunt *Archiepiscopi* tres, *Moguntinus, Coloniensis, & Pra-  
gensis*; *Episcopi* sex, quinque *Abbates*; offeritorium ut vocant, misit *Ca-  
rolus* Pater ad *Divam Aquisgranensem* miraculis claram XVI. marcas au-  
ri, quod tum erat pondus infantis. Narrant optimi Scriptores, aquam  
sacram, dum abluitur, luto infecisse, & paulò antè dum aqua pro baptis-  
mo calefieret *Parœciæ* culinâ igne correptâ, vix domum ipsam ab incen-  
dio defendi potuisse. At quod addit recens nostrâ ætate Scriptor, Ma-  
trem quoque ex partu obiisse, prorsus admitti non potest, cum ex *Vita*  
*Caroli* habeamus *Annam Svidnicensem* *Caroli* conjugem An. 1362. II. Ju-  
lij *Pragæ* decessisse, ut ex *Lupacio* ostendit *Weleslavinus*. *Wenceslaus*  
nondum biennis *Rex Bohemiae* (multum retinente *Ernesto Archiepiscopo*  
*Pragensi*, Viro sancto, qui totus ex cœlo pendebat, & inde rerum futura-  
rum significationes capiebat) in *Altari S. Mauritij in Ecclesia Pragensi* co-  
ronatus est: quod in Baptismo *Norimbergæ*, hoc præstitit in altari, præ-  
terea flendi & singultiendi nullum faciebat finem, & in ipso honore tri-  
stes & sonoræ lacrymæ infantis sisti non poterant, donec quidam *Pistor*  
placentâ in os injectâ lacrymantem componeret, cui ob eam rem dum  
viveret, uni ejusmodi placentas *Pragæ* pinsendi privilegium dedit *Caro-  
lus*. Puer ac postea etiam adolescens magnas de se spes concitabat, &  
*Magistris* optimis in disciplinam traditus, eorum, & præcipuè Patris vo-  
ta superabat: Artes liberales omnes percepit feliciter, & quasi ingenio vel

me-



memoriâ jam antè inclusas exponebat; omnes Europæ lingvas calluisse *M. Emundus* ( qui eum familiariter noverat ) testatur, quod de *Nerone Trajanum Imperatore* dicere solitum accepimus: procul esse omnes bonos Principes à primo quinquennio *Neronis*, idem prorsus de quinquennio *Wenceslai* verissimum invenio; *Patre Carolo*, ut spes est, in cælum recepto negotia omnia Imperij laudatissimè conficiebat; *Schisma* periculosum & difficiie inter tres *Pontifices*, quod universam *Ecclesiam* lacerabat, & scindebat in partes, autoritate suâ, literis, & armorum comminatione extinxit; obibat *Germaniam* maximè: *Coloniae* & *Moguntiae Antislites* consulebat ipse per se, & Principum Imperij consilia audiebat, denique omnes numeros boni Principis explebat. At illo quinquennio exeunte cum ad se homines, ludiones, præstigiatores, helluones, & alius vitiis infames nullo delectu admittere cœpisset, totus à se ipso mutatus, à curis Regnorum abhorre, nihil nisi lætum audire, otari, helluari, & in vino insomnes noctes ducere cœpit, & quia conjux matrona sanctissima *Johanna* hæc minimè probare videbatur, atque ipse, ut nonnulli scribunt, maleficio ligatus erat, in uxorem culpam conferens, mulierum amoribus paulatim irretiebatur; ex quibus vitiis ut fieri solet, in crudelitatem & lanienas hominum innocentium delapsus est, cumque ingenio valeret, suspicionibus occupatus multa dictu horrenda perpetravit; hæc causa mortem attulit *B. Joanni Neopomusceno*, ex quo an Regina præter se alium amaret, elicere precibus, promissis, tormentis tentarat, cumque non proficeret, in profluentem *Mulda-væ* abjecit. Nullus erat in *Wenceslao* sacrorum hominum respectus: *Joannem Suffraganeum Archiepiscopatem* eodem genere mortis damnavit; idem comminatus *Canonicis*; mox sæviit in *Proceres*, primoresque *Civium Pragensium*, quos vel timebat, vel quibus vitam suam non placere suspicabatur, è medio sustulit; carnificem ad latus habebat semper, & *Compatrem* suum per delicias appellabat; jam nihil ille curarum suscipiebat, negligebat Imperium, & tum evigilabat, ubi pecuniæ faciendæ spes oboluisset: *Mediolani Vicariatum Imperij* centum quinquaginta aureorum millibus acceptis *Joanni Galeacio Vicecomiti* vendidit, aliisque multis de causis odium Principum in se concitavit; quarum summam *Joannes Moguntinus Archiepiscopus* nomine omnium *Electorum* literis publicis evulgavit: *Lombardia Fura* abalienasse: *Iustitiam auro* vendidisse; *latronibus liberas habenas laxasse*; in *Sacerdotes* & *honestos viros* sævisse; *monitum non respuisse* &c. Itaque cum electus vivente *Patre* An. 1376. 12. Januarij, & post *Patris* mortem An. 1386. 6. Julij *Aquisgrani Imperator* coronatus esset, omnium Principum suffragijs A. 1400, exauthoratus est; at *Bohemia* longè prius *Wenceslaum*

In Chron. M.  
Belgij.

Wenceslai  
mores in de-  
terius muta-  
ti.

Causæ Wen-  
ceslai Impe-  
rio dejecti.



deseruit: nam cum toties à Proceribus monitum ebriosum & crudelem Regem, nihil rectè acturum, & agere viderent, *Sigismundi Regis Ungariae* fratris, & *Jodoci Moraviae Patru*i consilio captum *Wenceslaum* Anno 1394. in carcerem *Antiquae Urbis Pragensis* includere; evasit ille tamen astutiâ mirabili. Sed iterum A. 1401. ab *Jodoco Marchione, Wolframo Archiepiscopo Pragensi, Marchionibus Misniae, & Proceribus Bohemiae Praga*, Julio Mense obsessus, cum per publicas literas 12. Augusti omnem emendationem promississet, nihilq; præstaret An. sequenti 1402. iterum *Berauna* captus est, ac *Viennam* deportatus, sed iterum incredibili fortunâ evasit, & suis se in *Bohemia* compeditoribus reddidit, denique his moribus, quibus assueverat usque ad Regni finem utens, ætatem perduxit; duo, ejus opera execrabilia in *Annalibus* lego: primum est, suscepta *Hussij hæresiarchæ* defensio, nam cum is *Sophia*, quam secundam conjugem *Wenceslaus* habebat à confessionibus esset, delatus ad sedem *Apostolicam* & de hæresi postulatus, Romamque peremptoriè citatus; patrocinium invenit in uxorio Rege, qui gratiosè impetravit à Papa, ut illud judicium de *Husso Praga* fieret; impetravit quod tanto ambitu petebat, intereaq; *Hussus* annis aliquot, noxios errores disseminavit, & non minimam *Bohemiae* partem corripit, Rege stertente & judicium differente. Alterum factum *Reipublicæ* maxima damna attulit: quod *Rex Civitatem Pragensensem & Academiam Pragensensem* nationum studiis & odiis laborantem, non in tempore ut poterat, composuisset, sed potius accendisset: itaque curiam *Germanis* implevit, at contrâ in *Universitate Carolina Bohemiae* nationi jus omne & prærogativas omnes attribuit, unde indignatæ cæteræ nationes, valedixerunt *Bohemiae*, & unâ omnes sententiâ, uno die *Pragâ* discesserunt, *Universitatem* penè vacuum relinquentes, illi autem in *Bohemia & Regia Urbe Imperium Germanorum* ægerrimè ferentes in omnem turbarum occasionem intenti, adepto tandem insigni & ad res novandas aptissimo Duce *Joanne Ziska* Senatum occiderunt, & rebellionem manifestam excitârunt. Hæc acta sunt An. 1419. quam Populi seditio- nem in *Arce Conradicæ* cum accepisset *Wenceslaus* irâ, cujus erat impotentissimus exæstuans apoplexiâ ictus, maximo rugitu in morte edito An. eodem 16. Augusti expiravit. Maculosa & deses vita *Wenceslai*, titulos ei non satis honorificos in posteritate reliquit; alij ut *Stransky* fecit, ebriosum appellant, plerique ignavum & crudelem; habet tamen Defensores, ut Magistrum *Emundum Belgam*, qui aliquot legationes ad eum à Principibus *Belgarum* obiit, describit is *Wenceslaum* ut sedulum & ingeniosum, & tantum cum vino incaluisse cruentum; cujus *Emundi* testimonium in Epitome recitavi. Defendit etiam *Wenceslaum Welleslavinus*, & ac-

Wenceslaus  
pessimo con-  
silio Univer-  
sitatem Bo-  
hemis im-  
plet, curiam  
Germanis.

Wenceslai  
Regis aliqua  
defensio.

Emundus in  
Chron. Ma-  
gno Belgij.

cusa.



cusationes omnes conatur diluere. Henelij in Breslographia verba sunt: Carolo IV. successit Wenceslaus, non ille quidem à natura prorsus iners ac stolidus, sed qui indulgens cupiditatibus immodicè, luxuriæ præsertim, libidinum & iracundiæ, omnia naturæ bona obruit. Henelij iudicium verum esse ipse ego sæpius omnibus Wenceslai gestis diligenter inspectis deprehendi. Vixit annos 58. nullâ prole relictâ.

## NOTÆ in Caput III.

**D**ubium successorem non reliquit Carolus &c. Prudentissimus Scriptor Tacitus in exemplo Augusti Tiberium sibi adhuc viventi adoptantis istud notavit, & tacite imitandum Regibus proposuit: si enim cum novo Rege Regna turbati contingit, quanto magis dubio & incerto, imò nullo Rege turbabuntur? hinc Interregna Regibus periculosa appellant *Politici*; ut successore certo constituto pravæ spes aliorum coercerentur, & Reges ipsi certum suis fundent principatum; laudabiliter igitur egerunt & agunt Principes, qui filio post se regnaturo (si jam per ætatem id præstare potest) partem curarum concedunt, ut fecit sapientissimus Princeps Octavius Farnesius in filio Rainucio, ob eamque potissimum causam Carolus V. Philippum Regem per omnes suæ Monarchiæ Regionem se vivo duci curavit, ut observat Annibal Scotus. Vix advertitur mutatio in Regno, cum celerrimè alius Princeps supponitur, maximè si prioris similitudinem referat, quales natura filios facit, ut dicere liceat Virgilianum illud: *Sic oculos, sic ille manus, sic ora ferebat*, adderem ego: & mentem similem; quod maximè subditi observant. At ubi successor dubius est, omnia alia fiunt: excitantur seditiosi, spebus novis implentur, leges, & judicia silent, aut differuntur, crescit impunitas, optimèque rursus Tacitus: ex persona Pisonis, *opportuni sunt magnis conatibus transitus rerum*; intelligit, ut arbitror, Tacitus Interregna, in quibus, ut in exemplis patet, multa periculosa regnantibus eveniunt; neque incongruè Rex ille Gallia adhuc Minorennis (qui status proximus Interregno est) cum in cœlo Craterem pinxisset, Symbolo animam addidit: *inter Eclipses exorior*.

Vitijs describendis Scriptores fatigavit &c. In Regibus nihil occultum eorum altissima dignitas esse sinit; sapienter Plinius in illo Imperatorio Panegyrico ad Trajanum, *habet hoc*, inquit, *primum magna fortuna, quod nihil certum, nihil occultum esse patitur*, & quæ sequuntur. Ubi Lipsius Commentator pulcherrimis sententiis Seneca ad Neronem rem totam confirmat. Reges signum, ad metam appellabat Fridericus III. Imperator: quos omnes homines, sed præcipuè subditi acutissimè intuentur. Moment alicubi sacræ Literæ, nè de divitibus malè loquamur, aves enim cœli omnia prodituras, longè citius è diverso Regum dicta & facta Principum, populis produntur, cum sinè auxilio Aulicorum nihil ferè boni & nihil etiam mali Principes agere possint. Quanto silentio Tiberius Imperator maximus alioqui simulator, & dissimulatur, & mille ambagibus tectus, & in se convolutus Capreas suas munivit? omnia tamen Populo Romano patuerunt. Tenuit hunc etiam morem in voluptatibus contegendis maximus avorum ætate Princeps, sub quo etiam scire tacenda periculosum fuit; postea tamen cortinâ Principis remotâ, & sublato Domino tota scena in apertum prodiit, atque etiam domus Prægentes digitis indicabantur, ex quibus ille advocabat delicias. Itaque non mirum in Wenceslao id factum, ut quidquid in occulto gerebat id populi scirent, & Scriptores ad execrationem posteritati commendarent.

Tacit. l. i.  
Annal.

Principes dubium successorem nō relinquāt cum possunt.

Scot. in principijs palit.

Interregna periculosa.

Tacit. histor. lib. i.

Ludov. XII.

In Principibus omnia observantur

Sily. Comment. in Paneg. lib. i. n. 37.



Regina mſi-  
di Mater Dei

In hiſt. S.  
Mont.  
In hiſt. Vart.  
In hiſt. Tur-  
zan.  
In hiſt. Bo-  
leſlav.

Deo Princi-  
pes ſeſe ſub-  
mittant o-  
portet.

Tertul. in  
Apologet.

Gr. Richt. in  
Axiomatis æ-  
conomicis.

Raynaad. To.  
17. in Prato  
ſpir. n. 66.

Significatio-  
nes futuro-  
rum perſæ-  
pè dat Deus.

Deus Arcana  
ſua Amicis  
revelat.

*Offertorium ſedecim auri marcas pondus infantis ad B. Virginem miſit Carolus &c.*  
Religio prima Principum virtus non tantum ſimulanda eſt, ut impiè docuit *Machia-  
vellus*, ſed ritè, & ſanctè colenda ſvadetur, ut auxilia, ſanitas, felicitas, gloria, cæte-  
ràque hominum bona à Deo impetrentur, Maternam operam hac in re præſtat ge-  
neri humano apud Deum *Regina mundi Beatiffima Virgo Maria*, ut nulla propè Re-  
gio reperiri poſſit, ubi templa prodigiis & beneficentiâ ejus non celebrentur, ut ſæ-  
pius probavi; videturque ſi ità dicere licet, artem medicam, aut pharmaceuticam,  
quæ ſalus infirmorum dicitur, profiteri; hinc tot herbarum nomina apud nos ejus  
inſignuntur nominibus. Præcipuè cum muneribus provocatur, quibus, ut ait Sene-  
ca, *etiam Diſ placantur*, non quod munera curent, ſed quod affectus noſtros magni  
æſtiment, & ſive nos paupertatem noſtram, ſive excellentiam & merita Divorum  
agnoscamus, gratum id eſt Deo, qui in Sanctis ſuis, ut ſæpe *Propheta* repetit, lauda-  
tur. Gratiſ autem & glorioſius Deo cenſetur, ſi ſumma orbis capita Matri illius  
ſubmittant vertices, ut in noſtro exemplo ſecit *Carolus Imperator*, ideòque etiam *Eth-  
nicorum* ſæcula eos Reges irriſerunt, qui velut Diis pares pro Diis ſe coli voluerunt,  
eos autem ob moderationem animi ſummo honore proſecuti ſunt, qui Deo ſe mino-  
res, ſequæ Dei cultores ſunt profeſſi, & naturæ illi Divinæ venerationis homagium  
præſtiterunt. Ridiculum eſt Laconum decretum de *Alexandri Magni* falſa divini-  
tate: *quandoquidem Alexander eſſe cupit Deus, eſto Deus*. Sanius illud *Tertulliani*: *ideò  
Imperator magnus eſt, quia cælo minor eſt*. Pulchrè etiam *Athenienſes* inter *Monothica*,  
in advenientis *Pompeij* laudem ſcripta hoc addi juſſerunt:

Εἶς ὁ ὅς ἐστιν ὁ θεὸς ὁ ἀνθρώπων ὁ δίδας ἐν τῷ ὄρει ὁ θεός

Id eſt: quatenus te cenſes hominem, eatenus nobis es Deus.

*Aquam ſacram infeciſſe &c.* Nemo Sapientum hætenus negavit omnia, niſi qui  
providentiam negavit; eſtque in ſacris literis, Deum aliquando dare ſignificationem  
rerum futurarum, ut *fugiant à facie arcus, & liberentur electi*; ominoſa hujusmodi e-  
xempla quàm plurima adducit *Gregorius Richter*, noſque ipſi in Bohemia abundamus  
exemplis, ut *albâ Dominâ* apparente *Novadomi*, ſudantibus ſepulchris *Roczovij*, ali-  
bique, de nolæ tinnitu diximus lib. 3. Miſcell. doctiſſimus quoque *Theophilus Ray-  
naudus* omnia dari confirmat, atque inter alia narrat in *Goffenſi Benedictinarum Parthe-  
none*, æs campanum grande templi per ſe ſonare; cum Antiftitæ mors imminet;  
item aliam eſſe campanam *Vilillæ* in *Diœceſi Caſarauguſtana*, dictam *mirabilem*, vel  
*miraculorum*, quæ ſonat ſi grave aliquod incommodum Reipublicæ Chriſtianæ im-  
mineat; ejuſmodi campanam olim habuit Bohemia, poſt Arcem *Wiſſebradum* in-  
ter vineas in *Eccleſiola S. Pancratij*, quæ ſpontaneo pulſu calamitatem aliquam ven-  
turam Bohemiæ ſignificabat. In re noſtra longè felicius in *Elia* infante omen fuit,  
qui cum lactaretur ab ubere matris lactis loco flammæ trahere & haurire videbatur,  
quod ejus ardentiffimum pro Dei honore zelum indicabat; quid *Wenceslai* infantis  
lutum (liceat propitiis auribus dicere) ſignificârit, & quid lacrymæ coronati por-  
tenderint, maculoſa ejus vita, & lacrymis dignæ calamitates, in quas inertia ſua Re-  
gnum univerſum conjecit, ſatis oſtenderunt. Infinitus eſſem, & tempore abute-  
rer, ſi in hac ætate exempla accumulare vellem: quod notum & clarum eſt, ſi ex-  
plicare ampliùs velis, obſcuratur potiùs, quàm illuſtratur.

*Multum renitente Erneſto infans coronatur &c.* Anima Viri ſancti, ajunt ſacræ Li-  
teræ, *enuntiat aliquando vera, magis quàm ſeptem exploratores ſpeculantes in ſublimi*,  
talis fuit *Erneſtus*, ut in ejus vita probavi, totus cœleſtis, & qui totus penderet è cœ-  
lo, & Deo conjunctus ſpiraret; amicitia autem ſinè arcanorum communicatione  
vix conſiſtit, unde actidit, ut quos *Divina Majeſtas* ex ſervis ſibi facit amicos, iſdem  
conſiliorum ſuorum *Arcana* plerumque manifeſtet; videbat ille ignobilem infantis  
Regij



Regij futuram vitam, aliâque ex illo damna præsentiebat, quod solius divinitatis est, & cui illa voluerit revelare. Sæpe verò accidit, ut ex rebus minimis à Sanctis Viris futura cernantur, alijs quorum mentem non illustravit Deus, nihil sentientibus; qua de re prudentissimè dislerit S. Synesius (quem ego sanctissimum in *Africa Præsulem* sæpe vel ob ejus reconditam, & cum profanis literis conjunctam doctrinam admiror) inter alia, libro de Insonniis hæc habet: *futurorum indicia sunt velut multiplices quedam literæ in tota rerum Universitate, tanquam in libro descriptæ, quarum aliæ Phænissa, aliæ Egyptia, aliæ sunt Assyria, quas solus sapiens, & futura prævidens legere novit*; non minùs aptè S. Ambrosius Prophetas cæli fenestras appellavit, quòd ij, quid in cælo geratur, aut quid de nobis in terra degentibus, decretum sit in cælo, aperiant.

S. Ambr. I.  
de Isaac &  
Anima c. 4.

*Adolescens magnas spes de se concitabat &c.* Nemo ferè Principum omni ætate & omnibus horis desipuit; omnes in principio, medio, aut fine placuerunt. Infelicitas est primùm sapuisse, ac postea desipuisse; magna è contrario felicitas, emendasse errores, & morbum sapientiæ (itè Plinius stultitiam vocavit) deposuisse. Multi bene cœperunt, malè finierunt. Utinam malè cœpissent, quod tolerabile est, sed bene finivissent! hoc ego innui, cùm canerem de Salomone:

Mutabilitas  
Principum.

Lib. 3. Epi-  
grammatum.

*Omnia summa tibi Salomon Rex magne fuerunt:  
Stultitia, ingenium, gloria, divitiæ,  
Es sapiens primùm, tum stultus; tempora muta:  
Et primùm stultus, postea sis sapiens.*

Idem Wenceslao optari poterat; sed nimirum, ut antiqui dicebant: *hominem malum non emendat Imperium.* Honores rarò mores, nisi indeterius, immutant, & cùm tu mihi unum dederis, qui Imperio emendatus sis, ego nomina Principum centum recitabo, quos Imperia corruperunt; in summa fortuna improbis maxima est licentia; amici, qui verum dicere audeant, pauci; adulatorum & qui byssinis verbis utantur ad Principem, ingens multitudo circumstat, quibus maximè prodest Principem malum & injustum esse; inconstantia voluntatis, rigorem virtutis, velut onus quoddam sibi incumbens, ferre non potest: paratæ & obviæ peccandi illecebræ, cum impunitate rerum omnium invitant; juvenus ipsa Regia, qualis in Wenceslao fuit ad illicitas curiositates deducit; denique semel iterùmque errasse & peccasse (quæ summa est naturæ humanæ infelicitas) satis est ad omnem vitam reliquam blandissimis ejusmodi vitis depravandam.

Malos Im-  
perium non  
reddit bo-  
nos.

*Obibat Germaniam Wenceslaus &c.* Itinera Regum ex utilitate Reipublicæ suscepta summè in magnis Principibus commendantur: sæpe enim quod neque literis neque legationibus confici potuit unâ Principis præsentia componitur. Humanitas illa Principis suos adeuntis nescio quid ex Divinitate trahit, & imitatio ejus est, qui ad nos cælo descendit, & naturæ suæ & virtutum securitate fretus, quoddam ut D. Gregorius loquitur, *in orbe saltus dedit.*

Itineta sæpe  
Principus  
laudi dan-  
tur.

*Ludiones, præstigiatores, belluones admisit, in vino noctes ducere &c.* Legialicubi in Codice MM. SS. Regem Angliæ Richardum, qui Wenceslai sororem in conjugio habebat, Annam vel Helenam dictam, horum malorum omnium causam præbuisse, cùm Wenceslao petenti aliquid quo se oblectare & tempus fallere posset, currus plenos ludionum, histrionum, & præstigatorum misit, quibus ille velut infasciatus, plùs quàm curis Reipublicæ sese impendit, ac fortè ex istis aliquis maleficiū illud perpetravit, quod de Wenceslao tradunt, Johanna piissimæ conjugis absentis desiderium, præsentis tedium, ut loquitur Emundus, Wenceslaum ferre non potuisse, idque magicis

Curiosæ ar-  
tes Principi-  
bus noxiæ.

Emund. in  
Chron. ma-  
gno Belgij.



*Zidek in vita  
Caroli IV.  
M. Antonius  
Imp. l. 11. de  
vita sua.*

*Muliereculæ  
Principes  
crudeles  
reddunt.*

*Tyrannica  
ingenia su-  
spiciosa.*

*Crudele Re-  
gnum ab o-  
mnibus da-  
mnatur.*

*Plutarch. in  
lib. de ira co-  
hibenda.*

*Regnare la-  
bor maxi-  
mus.*

magicis artibus perfectum. Hic fuit fructus sceleratæ & dæmoniacæ societatis, cum scilicet Imperator Magos inter sese committeret, eorumque operâ in spectaculis, ac fortè etiam in voluptatibus uteretur. Nemo ajebat Epictetus servorum sapientissimus, nemo latro est voluntatis; negari tamen non potest, humanam voluntatem huiusmodi latronum studiis quodammodo surripi, & furtis & rapinis eorum patere & subduci, ut à se ipso homo præcipuè Juvenis discedat, totusque mutetur.

*Ex muliercularum amoribus in crudelitatem delapsus &c.* Mirum est ex ignavo otio & impuris amoribus nasci in Principibus feritatem, & crudelitatem; hoc ipsum notavit D. Ambrosius, disputans de morte S. Joannis Baptiste, & quaerit quid deliciis cum crudelitate? id tamen fieri omnis ætas videt. An Principes, qui curas Reipublicæ non suscipiunt, & accusationes & defensiones in Judiciis, otio, vino, amore occupati, audire patienter non possunt, ut tamen aliquid fecisse videantur, inauditos damnant, atque ita officio suo se fungi per crudelitatis speciem existimant? an quod voluptas cruenta plerumque sit, & cruorem amet? ita videmus mulierosos, si ira accesserit, in arma ruere, & si amore non potiantur, furere: cognata enim sunt amor & furor, & amante fæminâ nihil esse furiosius existimant Poëtæ? quidquid causæ sit, id fieri videmus, & dolemus. Accedit mulierum amatarum gratia, ut quidquid ipsæ, eorumque cognati exoptent, id Princeps vinosus & ebriosus efficiat, ut hâc ratione amorem approbare mulieribus possit.

*Suspicionibus occupatus horrenda dictu patravit &c.* Omnis Tyrannis necessariò suspiciosa est: cum enim multâ crudelitate grassatum se in homines meminerit, ex conscientia factorum malè timet, & læsos à se vel amicos læsorum insidias capiti suo parare, & vindictam qua situros suspicatur, maximè cum vinum, amor, aut alius affectus mentem occupavit, qui rationem obnubilant, neque sinunt, ut suspensiones inutiles à veris, & fundum & fundamentum habentibus discernant. Principatus enim summum illis videtur bonum, quo exui omnium malorum miserrimum putant; unde pauci inveniuntur Principes, ut ait Annibal Scotus in Tacitum, qui animum suspicacem non habeant.

*Servit in omnes &c.* Crudelitatis Regnum est tristissimum, quod omnibus libris de Clementia Seneca pulcherrimè describit, maximè lib. 1. c. 7. quod si Dii placabiles, inquit, & equi, delicta potentium non statim fulminibus persequuntur, quanto equius est hominem hominibus præpositum miti animo exercere Imperium, & cogitare, utrum mundi status gravior oculis, pulchriorque sit sereno & puro die, an cum fragoribus crebris omnia quatiantur, & ignes hinc atque illinc micant? atqui non alia facies est, quieti moderatiusque Imperij, quàm sereni cæli & nitentis, crudele Regnum, turbidum, tenebrisque obscurum est, inter trementes, & ad repentinum sonitum expavescentes, nec eo quidem, qui omnia turbat, inconcusso & cætera aurea dicta, quæ si legant inclementes & crudeles, non puto durare posse, quin ad clementiam moveantur. Idem præstabit lectio Plutarchi, qui ad cohibendam iracundiam tam raras, tamque divinas rationes attulit, ut nihil in hoc genere legerim illustrius, ad horum libros legendos Lectorem invito.

*Nihil curarum suscipiebat, & negligebat Imperium &c.* Gnaviter & graviter errant ij, qui Populos regere otiosam quandam & gloriosam dignitatem esse putant. Regere sapienter, omnium laborum maximus est labor, ut præclare nescio quis Veterum Regum de suo Regio diademate dixerit: ô si anicula nòsles, quantos labores & curas, quanta pericula & molestias & misérias hoc Diadema secum trahat, etsi temerè ante pedes tuos jaceret, non elevares. Seneca id quoque notavit in consolatione ad Polybium: omnium domos Caesaris vigilia defendit, omnium otium illius labor, omnium delicias illius industria, omnium vacationem illius occupatio. Ex quo se Caesar

orbi



orbi terrarum dedicavit, sibi eripuit, & siderum modo, quæ irrequæta semper cursus suos explicant, nunquam illi licet subsistere &c. Quod hic de Casare Seneca dixit, idem aliquâ proportionem de Rectoribus Populorum asseri potest. Senibus quidem propositum esse debere otium cum dignitate, multis ostendit M. Tullius; at hoc regentibus non permittitur, qui ab otio ferè omni horâ ad laborem vocantur, neque satis est *Apellem* imitari maximum linearum pingendarum artificem, ut nulla dies abeat sine linea, sed ut nulla dies abeat sine cura. Quibus ex officio incumbit aliis imperare, incumbit etiam curas suscipere, alioquin sursum deorsum omnia miscebuntur in Regno, & navis Reipublicæ dormiente Gubernatore naufragij periculo exponitur; recteque & sapienter magnus in *Aula Constantinopolitana* Logotheta scripsit: *Regnum sine Duce* (vel Rege adolescente, vel pigritante Principe) *pejus se habet, quam cum Phaëthon paternum currum per cælum regere conatus est; vel tanquam strenuo & gravi Pedagogo sublato, vel procul absente in schola puerorum omnia sunt confusa.*

*Cic. in Cat. seu de senect.*

*Nicetas in Alex. Manucl.*

*Hussus Sophia Regina à confessionibus &c.* Observatum pridem est ab Eruditis: omnes propemodum Hæresiarchas ad disseminandos errores suos ope mulierum potissimum usos esse; exempla habemus in promptu, quæ accumulare supervacaneum puto, cum in doctissimo *Remundo de origine hæresum*, qui liber omnibus obvius est, legantur; causas multas alij adferunt, ego hanc potissimam esse reor, quod Hæresiarchæ in tutela sint cacodæmonum & malis genijs regantur, qui hujus sexûs potentiâ ad pervertendos mortales plurimum utuntur. Observavit pridem D. Ambrosius hunc dæmonis morem in prima primi hominis tentatione, quem per se ipsum tentare non ausus, per mulierem decepit, hoc ipso demonstrans suas ad tentandum vires muliere imbecilliores esse; eandem consuetudinem tenet hodièque. Regnum muliebre eleganter descripsit ingeniosus Author in Lib. cui titulum fecit *Peregrini in Patria errores*, in quo capite singulari probat infirmiores hunc sexum aliàs, ad salvandum tamen & persuadendum potentissimum esse, ratio in proclivi est: quia amore pugnant, & blanditijs impetrant, quod voluerint; quis autem nesciat & neger verum esse, quod vulgò jactatur: *omnia vincit amor*? Pausanias Author est: navim, Herculis statuem vehentem, nullis viribus aut machinis moveri loco potuisse, donec Phormione Philosopho & Vate funes ex capillis fæminarum confecti, rudentum loco adhibiti essent, quo facto, nullo negotio tracta navis est; symbolum muliebris potentiæ agnoscent Eruditi.

Mulieres sæpe Hæreses promovere.

*S. Ambr. lib. de Parad. c. 13.*

*Pausan. in Achaicis seu l. 7.*

*Wenceslaus nullâ prole relicta &c.* Qui in delicijs generantur & generant, rarò genus propagant, ut observant Interpretes in illud Pauli: *Spuria vitulamina non mittunt radices &c.* vitulamen enim hoc loco putamus esse, quod alij *lupulum* in vitibus, & hujusmodi arbutis appellant, ex quibus nihil nascitur, etsi maximè luxuriant; sed præcipuè crudelitas sterilitate damnatur. Qui hoc argumentum subtilius tractârit, præ *Plutarcho* nullum invenio, disputat is primum, cur pauperes numero prolium graventur, contrâ verò divites semper quodammodo in periculo interitus familiæ versentur? respondet ex natura: pauperes recto ac parabili victu, ut v. g. panis, casei, aquæ, uti; divites delicijs ciborum prorsus inæqualibus & sibi contrariis ali, & hujusmodi sangvinem & vitam trahere; illos naturæ tantum necessitati, & desideriis moderatè servire, nunquam ultra saturitatem in vescendo procedere; hos quotidie plus quam satis est impleri &c. tum ad interiores vires conversus adducit exempla omnium animantium fœcundarum, quæ mansuetissimæ earum fuerint, eas proliis abundare ostendit, contrâ, quæ feræ sint, & aliorum vivant mortibus, sterilescere. Quid mitius & simplicius est oviculis & columbis, quarum fœcunditas commendatur, & sæpe in anno Dominum locupletat; at lupi, accipitres, & hujusmodi sangvinariæ & semper rapto viventes harpyiæ, bene secum actum putant,

Crudelitas & libido plerumque steriles.

*Plut. in quest. Sympos.*

Animantes mitissimæ eadem fœcundissimæ, & cur?



si uno alterove catulo, aut pullo ditentur. Non æquiparo belluis divites, sed ajo, pauperum sanguinem dulciorem esse ex victu tenui & æquali, ideoque generationi aptissimum; contra verò aliorum sanguinem mixturâ tot ciborum & vinorum & universim varij potûs amariorem, & magis indigestum effici, accedente præsertim (quod in crudelitate perpetuum est) bilis inardescentiâ, & cæteris perversis nimio desiderio, vel spe, vel cupiditate, cæterisque vehementibus affectibus, quibus divites & Nobiles homines plerumque, & frequenter inardescunt. Plures adducere causas ab instituto meo alienum puto; illud unicum adjicio: crudeles meritò sterilitatis pœnâ damnari à DEO, nè omnia ijs dare videatur DEUS, sed pauperibus (quos diligit, & in quibus se aspici, se pasci, se vestiri in Evangelio toties affirmat) quædam divitibus invidenda reservasse demonstret. Ingeniosè D. Ambrosius, postquam nomen Chus (quem genuit improbus Cham) significare pulverem in hebræo dixisset, adjecissetque crudeles & improbos corpore & animo infœcundos evadere, subjicit: Quid igitur improbus Cham nisi pulverem generet, ex quo generatio esse non possit? ideoque Propheta pulverem impijs comparavit, dicens: non sic impij, non sic, sed tanquam pulvis, quem projicit ventus à facie terra, eò quòd etiam secundum altiore sensum infœcunda sit impiorum anima, quæ fructus utiles generare non possit. At de justo sic canit Propheta: & erit tanquam lignum, quod plantatum est secus decursus aquarum, quod fructum suum dabit in tempore suo, & folium ejus non defluet.

S. Ambr. l. de  
Noe & Arca  
c. 34.

Gen. 10.  
Psalm. 1.

## CAPUT IV.

### Sigismundus Romanorum Imperator, Ungariae & Bohemiae Rex.

Sigismundus  
Caroli IV.  
filius puer  
ad Coronam  
Ungariae  
destinatur.



Benef. V. 4.  
Chron.

Maria altero post nuptias Anno Christi 1402. improlis, Carolus ejus Pater in hæreditatis vicem Marciam Brandenburgicam Sigismundo dedit, sed hanc is An. 1388. (aut ut aliqui volunt anno antè) fratruelibus suis Jodoco & Procopio oppignoravit, rursusque redemptam à Wilhelmo Misniae Marchione, cui eam Jodocus pro 40. sexagenarum millibus pignori dederat, Friderico Norimbergensi cum feudo concessit, ut in Capite de Bohemia

**S**igismundus ex ultima Caroli IV. conjuge Elisabetha filia Bohuslai Ducis Stetinensis An. 1368. 15. Februarij à S. Sigismundo Martyre impetratus nascitur. Adhuc puer in Regnum Ungariae ad Ludovicum Ungariae Regem cognatum, ut moribus & linguæ Ungaricæ à teneris assuefieret à Patre missus, cum prima conjuge Maria Ludovici Ungariae Regis filia (quæ ei quadrimo Wratislaviae desponsa fuit) Regnum accepit; obiit



hemiae finibus dixisse memini. Ungariam ægrè obtinuit Sigismundus, nam prodicione sæpius appetitus, imò & in custodiam datus, suâ se eloquentiâ & pollicitationibus exemit periculo; id Sigismundi periculum Æneas Silvius eleganter in *Parallelis* describit, recitatque flexanimam ejus ad viduam Matrem Procerum de Gara Orationem, in qua inter aliâ promittit, ducturum se unam ex Hermannii Cilia Comititis filiabus, quod etiam præstitit. Mortuo Jodoco electo Imperatore in ejus locum in Martio anni 1411. electus est, & quia celeritatem in negotiis omnibus, contra quam frater adhibebat anno mox sequenti in Lombardiam ad colloquium Papæ Joannis perrexit; statuerat enim Sigismundus omnem lapidem movere, ut Schisma pestilens trium Pontificum, quod Ecclesiam in summum discrimen adducebat, aboleret, quod summo labore curarum, atque etiam itinerum (quæ per Italiam, Galliam, Aragoniam, Angliam volitans An. 1416. confecit) feliciter sustulit An. 1417. II. Novembris, electo Martino V. Pontifice, in Concilio Constantiensi, cessavitque Schisma, & si Petrus de Luna, ut loquitur Ricciolus, usque ad mortem retinuerit Insignia Papatus. Wenceslao fratre in Bohemia mortuo, summâ usque celeritate auditis Pragensibus tumultibus, nè quod in principio Regni, oleum igni affunderet, Comitibus Anno 1419. Bohemis & Moraviis Proceribus non Pragam ubi fermentum hæresis excrefcebat, sed Brunam indixit: Regia tanti Principis vultus Majestas, experrecta indoles, eloquentia paratissima & ultrò profluens, amabilem, & gratum, simulque venerabilem Sigismundum faciebant, ut jam lætis acclamationibus Proceres, omnesque Bohemiae & Moraviae Ordines obedientiam promittere, eique obsequium & vitam devovere in lucro reponerent; & nescio quæ Nemesis optimis sese consiliis sæpenumero immiscet, eaque evertit: nam cum nescio quo Authore & impulsore positâ innatâ, id est, humanissimâ agendi ratione, Pragensibus Civibus ad se vocatis durius, & minaciùs quædam imperat, neque ijs se veniam daturum spondet, nisi catenas platearum omnes, & repagula auferant, ac dejiciant (addidit plura ut mœnia Urbis ad longissimum spatium diruant, seque ut victorem perfractis ac solo æquatis mœnibus in Urbem admittant) suspicati Pragenses malâ fide secum agi domum redeunt tantum abest, ut quidquam vel in plateis, vel in mœnibus immunitum reliquerint, ut etiam repagulis & catenis novis, & mœnibus reparatis, si quam labem facerent Urbem suam permunierint, præsertim cum Sigismundus acerbissimis literis, & ironicis jam antè à se Bohemiam avertisset, & Wratislavia Civem quendam Pragensem, Krasam nomine, per Urbem equis distrahi jussisset, quod incredibiliter odium Cæsaris apud Bohemos accendit. Communis postea sensus omnium

Silv. l. 30  
n. 44.

Laudatur  
ob sublatum  
schisma.

Ricc. in Chro.  
Ref. 3. Ca-  
sal. 4.

Ricc. in Chro.  
M. ex Altis  
Concil. j. Pla-  
tina, Onuph.

Sigismundi  
error initio  
gubernatio-  
nis.



Serò agno-  
scit errorem

Temolorum  
sacram su-  
pellestem  
in bella ex-  
pendit infe-  
liciter.

Sigismundus  
responso in-  
grato alie-  
nat à se hæ-  
reticorum  
Duces.

prudentium, & qui in rebus Aularum versabantur, fuit : si principio Regni *Sigismundus* dissimulare scisset, nullo negotio Regnum in potestate habiturum fuisse, nunc cum Legatos Regni Bohemiar & Civitatum averfatur, cum acerbis, dubiis, & minaces literas ad Regnum scribit, cum nihil de jure suo decessurum se minatur, omnes in desperationem rerum suarum adducti, necessario consilio sese deterioribus partibus adjunxerunt. Serò tandem *Sigismundus* post annum ab hinc ferè 16. quid peccasset, animadvertit, dicere deinde solitus ( quod in proverbium Bohemis cecit ) cum repagula & obstacula saltu superare non potes, inclinato capite subi & transi. Ut ad rem redeam, centum quadraginta armatorum millibus auxiliis omnium *Germania Principum* collectis Pragam obsedit, & tribus quatuorve locis præsidia Pragensium dejicere tentavit, nullo ad extremum operæ pretio, partibus omnibus ingenti militum damno, & gravi cum ignominia repulsus; ut tamen aliquid egisse videretur in *Arce Regia Praga*, quam in potestate habebat 10. Julij hoc eodem Anno 1420. in *Regem Bohemia* coronari, & inungi se, vel invitis Bohemis procuravit. Illud propè execratione dignum, quod auro argento & gemmis verissimis contecta Divorum sepulchra, præcipuè aureum tumulum, in quo corpus *S. Wenceslai* clauserat Pater, item distincta gemmis *S. Sigismundi* & *S. Adalberti* tegumenta, & capita eorum auro obvoluta, item Sanctorum lipsana magno pretio gemmarum & metallorum exornata, ac cætera Ecclesiarum ex auro & argento elaborata paramenta, imò & Regni thesauros in *Tocznik* & *Carlsheim* elevavit, & Principibus ac Civitatibus Imperij oppignoravit; quod genus cogendæ pecuniæ, ut plurimi Scriptores notant, nunquam Regibus utilitatem aliquam attulit. Rediit deinde in Imperium Cæsar ad novos delectus, neque destitit his omnibus annis Bohemiam tam per Generum suum *Albertum Austriacum*, cui *Mora-viam* donarat, quam per Duces suos & Electores, quam per cruce signatos Bohemiam oppugnare, nihil tamen ad rei summam profectum An. 1431. ferreâ Coronâ *Mediolani*, & *Romæ* anno sequenti ab *Eugenio Pontifice* insignitur, profectus deinde *Basileam*, recipitur pro *Imperatore* à Concilij Patribus An. 1433. cumque tot exercitibus in Bohemiam immisiss nihil profici videret, post tot clades ad Pragam in *Porzicz*, ad *Wissebradum* eodem anno, ad *Teutobrodum*, alibi-que acceptas, serò sapuit, & anno 1428. humanissimas ad Bohemos litteras dedit, quibus penè effectum est, ut universa Nobilitas nutaret, atque adeò ipse hæreticorum antesignanus *Procopius Rasus* datâ publicâ fide ad Cæsarem profectus, universam se Bohemiam in manus daturum *Sigismundo* promitteret; sperabat nimirum, quos olim Patruo suo *Zisca* pro-



promiserat honores Cæsar, si Bohemiam omnem & Pragam redderet (quod is morte præventus præstare non potuit) eosdem sibi *Sigismundum* collaturum; at cum Cæsar pacisci cum subjectis populis suâ dignitate indignum duceret, neque ullam pecuniam (cujus *Procopius*, utpote miles prædis assuetus, sitientissimus erat) neque dignitates ad quas hiebat, neque ullum præmium, ex quo vel utilitatem, vel honorem perciperet, offerret: nimirum hominem irritabilem in furias accendit, nec deinde unquam *Procopius* ullam cum *Sigismundo* pactiorem inire & neque audire sustinuit; qua quidem in re *Sigismundus* imprudentiæ à Scriptoribus accusatur. Misit postea in se reversus mitissimas iterum ad Bohemos literas An. 1432. quibus æstimationem gentis Bohemæ profitetur, juratque nullam in orbe nationem præ Bohemis ob virtutem bellicam, intrepidum eorum pectus, & periculorum omnium contemptum sibi cariorum esse; aliâsq; laudes adjicit, simul jus suum, & Patris in Regnum merita deprædicans, Bohemum se & apud eos natum, per summum nefas arceri Regno queritur, his tantâ humanitate & clementiâ conceptis literis capta tota ab imo *Bohemie Nobilitas* ad arma consurrexit, & quia ut dixi, solus pacatis consiliis obstabat *Procopius* cum suis, indicto ei velut hosti Patriæ aperto bello occurrentem aggreditur: ad *Brodam Bohemicam* in latè patenti planicie acerrimo & cruentissimo prælio dimicatum est; longum foret, quæ toties descripsi repetere, vicit denique bona causa, *Procopius* in acie cecidit; *Taboritæ*, *Orphani*, & sociorum reliqui vel capti, vel fugati; *Sigismundus* ad *Patrium* & avitum Regnum invitatus Pragam omnium Ordinum occursum & lætitiâ A. 1436. 23. Augusti ingressus est. Nihil desideratius & Regi & Populo esse potuit! sedit in foro Urbis Pragensis, audivit, qui audientiam poscebant, benignè; secundum *Compactata*, quæ jam A. 1434. à *Concilio Basileensi* data erant, lites finiebat: neque suæ Religionis oblitus, templa, Cœnobia, quæ nuper vix non manibus laceraverant & diruerant hæretici, reconcinnavat, Religiosas Virgines, & sacratos homines (præcipuè eos, quos vulgus Pragensè minùs oderat) revocabat, ante omnes *Canonicos Ecclesiæ Pragensis*, quibus etiam suas, quas potuit ditiones restituit, atque interim quot hebdomadis, in singula capita aureum Ungaricum numerari jussit, Ministris verò Ecclesiarum medium aureum assignavit; denique nihil eorum omisit, quibus sibi populum demereri, seque probabilem & gratiosum facere posset. Omnibus illud maximè probatum est, quod supremos Regni Senatores, seu Optimates, è statu Dominorum duodecim, & ex Ordine Equestri octo, populo gratiosissimos nominârit, iisque ipsemet publicè juramentum conceptis verbis prælegerit; nomina omnium reci-

Nobilitas  
Bohemica  
delet hære-  
ticorum ex-  
ercitum.

Regnum o-  
ptimè ordi-  
natur à Si-  
gismundo.



tavit *Weleslavinus*; tum *Consilium Camerale*, quod antea non erat, instituit, aliâque publica Regni munia sapientissimè ordinavit; *Compactata* se præsentè, & *Legato Concilij* quatuor lingvis, *Latinâ, Bohemicâ, Ungaricâ, & Germanicâ* publicari & promulgari curavit; *Taborium* Legibus & Privilegiis exornavit, atque inter Urbes Regias recepit; addidit Civibus bona *Cænobij Milo-vicensis Monialium Præmonstratensium*. Jam verò cum contineri Rempublicam præmiis & pœnis nōllet, in eos, qui exemplum totius Regni sequi nollent, nec pacem datam reciperent, severè animadvertit: *Rohacium de Duba* publicis latrociniis infamem cum sociis numero sexaginta Pragam adductis inhonorâ morte furcæ affixit. Interea *Turcæ* per Regis absentiam, *Serviam*, atque *Ungariæ* Provincias ingressi, omnia rapinis & mortibus fœdabant, *Ungaris* serò se ad bellum comparantibus, *Sigismundus* ingentem in Bohemia militum numerum, qui nihil aliud quàm militiam callebant, adversus *Turcas* conscripsit, quorum auxilio ter profligati *Turcæ*, & penè ad internecionem deleti sunt, sapienti consilio, ut inquieti homines ad bella extra Patriam traherentur, & sive vincerent, sive vincerentur, prodesse. Sed jam optimus Princeps tot itineribus exercitus in summa senectute mortem instare sentiebat, accedente præsertim sacro igne ut vocant, qui digitum pedis occupaverat, quem svadentibus Medicis statim jussit abscindi; *Aneas Silvius* tradit cum abscinderetur, *Sigismundum Chirurgi* ferrum tam fortiter inspectâsse & pertulisse, quasi alius scinderetur; at cum nihil Medicorum manus proficeret, visendi Generi sui *Alberti* gratiâ *Austriam* versùs ire perrexit; *Znoimæ* cum esset *Alberto* advolante, quem *Proceribus Bohemis* magnoperè commendârat, ibidem septuagenarius A.C. 1437. 9. Decembris. Imperij Romani 26. Ungarici 51. Bohemici à Coronatione sua A. 17. decessit; *Waradinum* devectus ad tumulum Princeps humanissimus, facilis & maximè in exteris nationes liberalis; proceræ ac insignis staturæ, venustâ etiam in senectute facie, ingenio excellens, multarum lingvarum peritus, facetus idem ac eloquens, de *Ecclesiâ* sublato schismate pestilenti optimè meritus; in eo Scriptores omnes conveniunt, in bellis & conjugio infortunatissimum fuisse; certè pro Patrio Regno annis 16. cum Bohemis per se & Duces bellum gessit, nullam tamen victoriam reportavit; demum sapientiore consilio clementiæ ostentatione, ac fœderibus initis Regale *Bohemiæ* solum conscendit, quod armis ac totius *Germaniæ* viribus obtinere non potuit. Effigiem *Sigismundi* corporis pereleganter describit *Bonfinius*, uti & *Zacharias Theobaldus*, qui etiam veram ejus effigiem æri incidit, cui geminam vivente adhuc *Sigismundo* perfectam in Arce *Carlsteinensi* hodièque videmus.

Cochleus in  
Husit.

Extremus  
eius morbus  
mors & suc-  
cessor.

Silv. in Par.  
L. 4. n. 43.

Infelix fuit  
Princeps,  
sed præcla-  
riss.

Bonfin. Dec.  
3. l. 3.  
Theobald. in  
Husit.



## NOTÆ in Caput III.

**E**x *ultima Caroli IV. Coniuge &c.* Quatuor conjuges *Carolus Imperator* habuit, ex omnibus maximas utilitates consecutus. Id potissimum respiciendum Principibus est, quorum ferè conjugia non ex amore qui ex oculis nascitur, nisi fortè pictorum beneficio, aut famâ Authore ( quorum utrumque fallax est, & gratiæ dari potest ) impellantur ad amorem, sed ex utilitate & dignitate eliguntur. Jam superius dixi, quid viri Principes in coniugiis spectent; at illud summè probabile & laudatum conjugium censeatur, quo bella restinguuntur, quod *Carolus IV. in Matre Sigismundi Elisabetha*, nepte Regum Poloniae, consanguineâ Regum Ungariæ spectavit: nam imminens à Polonis & Ungaris cruentissimum bellum, hoc uno conjugio extinxit, & ex amicis dubiis aut hostibus fraterno sibi amore Reges conjunxit, & Regnis suis pacem & securitatem longissimam procuravit. Quod si fœdera Principibus viris svadentur, quanto potiore titulo conjugia, quæ illos potentiores reddant ineunda sunt: arctius nullum fœdus esse potest, quàm quod conjugio firmatur; sed neque ulla Principum domus tam potens, tam pollens viribus, tam secura & procul à periculis inveniri potest, quæ firmamenti non eget, maximè cum conjugia imbecillitatem Principis, ut alia fœdera non indicent; sed amore & benevolentia invitante suscipi videantur. Quod verò quadrino adhuc *Sigismundo Maria Ungara* desponsata sit à Patre, id etiâ *Caroli* prudentiam arguit, qui non modò sponsam filio impetravit, sed Regnum Ungariæ cum Regina desponsavit, & filium ad sponsæ Patrem *Ludovicum Regem* mittendo, fortunam filij summopere stabilivit. Alioquin infantum conjugia, ut exemplis probari potest, non multum sapientibus ob incertitudinem probantur, & si alterutra pars in adulta ætate voluntatem mutet, certissimum bellum, aut gravis alienatio animorum sequatur; sed necessitas imminens belli, quod vitare volumus, legem non habet. Utinam hodie, ut olim, coniugiis bella finiantur!

*Sua se eloquentiâ periculo Sigismundus exemit &c.* Periculum omnes animi facultates acuit, sed maximè eloquentiam; hinc militares conciones ante prælium, aut quæ in periculo & dimicatione capitis habitæ sunt, longè vivaciores, affectibus pleniores, argumentis nervosiores in Scriptoribus leguntur; quàm eæ, quæ in otio, & umbris scholarum conscribuntur, adeò ut orationem scholasticam & umbratilem nescio quis *Philosophus* legens, in qua ardor militum præliantium describatur, iuraverit, longè magis aquam in cacabo fervere, quàm milites apud eum in acie fremere. *Quintilianus* vel quisquis est ille, qui de *claris Oratoribus dialogum* vulgavit, summopere commendat militarium concionum lectionem, ijs qui ad ingentem characterem eloquentiæ aspirant: nescio, inquit, an venerint in manus vestras (discipulos affatur) *quæ vetera &c. quæ nunc maximè à Muciano contrahuntur &c. ex his colligi potest Cn. Pompejum, & Marcum Crassum non viribus modò & armis, sed oratione quoque & ingenio valuisse &c.* Adducit cæteros belli Imperatores, qui eloquentiâ claruerunt, quorum orationes etiam si brevissimæ ob imminens vitæ periculum nervum habent, quo dicta ipsa quodammodo inuruntur & inardescunt. Vidi artificem metallarium, qui in auro argento, cæterisque metallis liquefaciendis laborabat, tubulis quibusdam ventum excitare solitum, qui perpetuo flatu flammam in metallum vibraret, quæ adverso illo vento intendebatur, atque ita fiebat ut metallum facilius liqueceret, quàm si in accensa fornacula clausum ureretur. Symbolum hoc esse potest ingeniorum, qui cum adversis conflictantur, his enim vires animi & corporis accenduntur intensius, & ut ita loquar, horrificantur.

Quid spectandum in coniugiis Principum.

Militares conciones plerumque magno eloquentiæ caractere dicuntur.



Multa diffi-  
mulanda  
Principi.

*Si principio Regni dissimulare scisset &c.* Omnia tempus habent, quod si principio non observetur, perit humana prudentia; simulare plerumque vitio non caret, dissimulare virtus habetur; illud fraudulentum, hoc verò prudentis est. Maxime principio gubernationis dissimulatio necessaria, quia nondum, qui gubernaturus est, ordinavit Rempublicam, neque omnia simul induci nē odiosus fiat, expediet; prima Principatus tempora sacro-sancta sint oportet, & nullius sanguine vel calamitate signentur, quia à principiis gubernationis populus conjecturam facit de futuris. Nemo peritus equitandi, antequam equum conscendat, firmiterque sedeat, pedesque in stapedibus aptè collocet, equum verberat, & calcibus & calcaribus infestat, sibi enim ascensuro impedimentum facit, & equum conturbat. Humanā manu mulcendus est, etiamsi ultionem paret Dominus, differenda in tempus est.

Desperatio  
ultimus af-  
fectus &  
fortis.

Appian. l. 2.  
de Bello Civ.

*Omnes in desperationem adducti &c.* Nihil magis seditiones & tumultus confirmat, quàm desperatio; nihil magis enervat, quàm spes veniæ. Sæpe legimus hostes jam victos, cum conclusi essent, in rabiem actos, quod vitam desperarent, mori prælegisse, vicisse tamen, & victoriam victoribus extorxisse. *Julius Caesar in Pharsalico prælio* prudenter milites suos miro artificio ad desperationem adduxit, ut observat *Appianus*, & ad fortiter dimicandum incitavit. Nam cum prius oratione illos animasset, exituri, ait, *vallum meo jussu convellite, fossas aggeribus complete, ut nihil nobis reliquum faciamus præter victoriam, & hostes videndo nos carere castris, necessario suos nos usuros intelligant, quod ubi Pompejus advertit, intra se ingemuit, quod pugnandum sibi foret cum bestijs.* Militibus scilicet desperatione victoriam quærentibus, quod proprium est furentium belluarum, de quibus *L. Seneca concitatissima in mortem rabies est. Desperatione ultimā in furorem animus impellitur, quadam fera tela omnia commordent, & ad mortis Authorem per vulnera sua ruunt &c. præcipitari, non quod impulit tantum trahunt, sed quod occurrit, & naturali quodam deplorata mortis affectu morientibus gratissimum est commori.* Hoc tunc in Bohemis infelicitè expertus est Imperator, cui desperationi ipsemet causam dedit.

Seneca lib. 9.  
controversiarum 6.

Theophili  
Raynaudi  
sententia.

Theoph. Ray.  
T. 12. Tract.  
mala & bo-  
nis Ecclesiæ.

*Divorum sepulchra auro spoliavit &c.* Excusatione tamen aliquā molliri factum *Sigismundi* potest: quod pro Religione, pro Artibus, & templis defendendis aurum expenderit, sperans, cum vinceret hæreticos omnia se Christo & Ecclesiæ redditurum. De quo argumento difficile est aliquid scribere, & medium tenere. Ad *Theophilum Raynaudum* Lectorem meum remitto, qui integris Libris duobus hoc argumentum tractavit, & quomodo Ecclesiasticorum bona sacrilegè rapiantur, abalienentur, comparentur, explicuit; ibidem recenset exempla pœnarum in eos à DEO statuta, qui ad se Christi patrimonium (nam ita bona Ecclesiastica à SS. Patribus appellantur) traxerunt, maxime L. 1. C. 3. vide eundem Tomo 17. Tract. de malevolis erga Religiosos, ubi *Carolus Martellum* ob invasa Ecclesiastica bona damnatum affirmat, ego consultò nihil adjicio.

Securitas  
Principis ex  
Clementia.

*Tot cladibus eruditus sapuit &c.* Clementiā plus Princeps perficit, quàm omni severitate, hoc omnibus de Clementia Libris *Seneca Neroni* nondum sanguinis humani dulcedine inescato inculcat. Maxime L. 1. C. 8. *Regibus certior est ex mansuetudine securitas: quia frequens vindicta paucorum odium reprimit, omnium irritat &c. Regia crudelitas auget inimicorum numerum tollendo. Parentes enim liberi que eorum, qui interfecti sunt, & propinqui, & amici in locum singulorum succedunt.* C. 19. Principes comparat apum Regi, & apibus quæ aculeos in vulnere relinquunt, & moriuntur; Rex ipse sine aculeo est (*Plinius* tamen hac de re dubitat, *Aristoteles* verò clarè negat) pergit *Seneca: noluit illum natura nec saevum esse, nec ultionem magno* (id est ipsā animā) *constaturam petere, telumque detraxit, & iram ejus inermem reliquit. Exemplar hoc magnis Regibus ingens est &c.* Pudeat ab exiguis animalibus non trahere mores, & quæ sequuntur.

Cum



n-  
ta-  
nè  
tus  
et;  
ni-  
u-  
at,  
n-  
nâ

n-  
us  
nt,  
in  
ut  
ne  
si-  
ef-  
u-  
ti-  
in  
ela  
on  
te-  
rus


m  
x-  
n.  
m  
m  
r,  
u-  
el-  
lis  
r-

ni  
u-  
ce-  
c.  
ui  
es  
;  
-  
â  
r  
x  
m




Tabula Genealogica Stirpis Lucemburgicæ; ex qua quatuor Bohemia Reges habuit  
post Rudolphum Austriacum.

Henricus Comes Lucemburgi occisus à Duce Brabantie An. 1289. † Beatrix Comitissa Hannonia.







non  
rum  
misi  
cupe  
i ite  
excu  
bit p  
bene

Glad  
qual  
ui a  
& ip

dam  
ilij p  
enir  
ueri  
aam  
ppro  
actu  
quod  
miser  
hus;  
uam  
git; r  
unt,

**A**  
b He  
omni  
Script

Joan  
proba  
ronat  
bus M  
accip  
atus  
acpos  
incta  
conju



*Cum subditis pacisci &c.* Necessitas Principem aliquando ad conditiones pacis non satis personæ suæ gloriosas compellit, sed satius est partem amittere, quàm totum, satius est locum tenere, quàm omninò excludi: qui exclusus est, & omnia amisit, jam nihil posse videtur; qui partem retinuit, mutatis rebus fortè totum recuperabit, sed difficilè est *Principi* à se ipso recedere, promittere saltèm *Procopio Duci* itrenuo, & hostium victori, quod petebat, debuit, vel mollioribus verbis repulsam excusare: certè ab homine humanissimo verbis dulcibus data repulsa magis placebit prudenti, quàm si, quod petijt, durè & inhumanè petenti projeceris, quo factò beneficij gratiam omnem corrumpis.

*Sigismundus Chirurgi ferrum pollicem suum abscedentis fortiter inspectavit &c.* Gladiatoria hæc fortitudo in claris viris maximè laudatur, & imitanda omnibus est; qualem in *Mario, Crasso*, inter exempla miramur & laudamus. Porro gladiatorum juramentum erat: *uri, vinciri, ferroque necari*, ad quod nos sæpe numero cogit dolor & ipsa lex Universi, quæ jubet natos dolere, & mori.

*In bellis, & conjugio infortunatissimum &c.* Notari convenit in certis rebus quosdam claros Viros, semper adversam fortunam habuisse, & quæ, quamvis omnia consilijs præcepissent & prævidissent, non sivit eorum consilia ad felicem exitum pervenire. Memorabile est, quod *M. Antonium Triumvirum Sapientes Egyptij* admonuerint, nè is unquam cum *Augusto* in certamen descenderet, *Augusti* enim fortunam & Genium longè fortunatiorem, quàm *Antonij* esse; id quod etiam exemplis approbârunt aliquot gallorum gallinaceorum paribus inter se pugnando commissis, factumque esse, ut omnes *Cæsariani Galli Antonianos* vincerent, ac triumpharent; quod postea re patuit, cum ab *Augusto* devictus est *Antonius*. *Marci Bruti* digna commiseratione mors est, & notatu dignissima vox morientis, quam refert idem *Plutarchus*; & *Dio*: *ô infelix virtus*, exclamavit, *itane cum nihil quàm nomen esses, ego te tanquam rem aliquam exercui, cum tu fortuna serviveris!* simul pugionem in pectus adigit; nimirum: *ludit in humanis divina potentia rebus*, & quæ ei necessario imputanda sunt, ea nos homines ignari divinorum consiliorum, casui, & fortunæ adscribimus.

Melius & satius est pulchrè negare quàm inhumanè concedere.

In dolore fortitudo Ducum laudanda. *Seneca* 5. Epist. 37.

In certis negotijs adversatur quibusdam fortuna, in alijs favet.

Plus. in Antonio. *Appian.* in Parthicis.

## Notæ in Tabulam Genealogicam Stirpis Lucemburgicæ.

**A**Nte omnia notandum est in *Genealogia Lucemburgica* non convenire *Genealogistas*, nam octo *Comites* ante *Henricum VI. Imperatorem* longè alios nominat *Speculum honoris Domus Austriacæ* nuper editum, alios contrà *Ricciolius* ex *Franc. Rosieres*, qui & annis, sæpe numero & nominibus differunt, sed ab *Henrico Patre Henrici VI.* omnes conveniunt; ego, quia hæc ad *Bohemiæ* non omnino spectare videntur, à certissimis rebus, & quæ autoritate impetrabilium Scriptorum firmari possunt, hanc Tabulam auspicabor.

a. *Henricus VI. Lucemburgensis Comes* post *Cæsaris Alberti I.* cædem nefariam à *Joanne* nepote ex fratre, & alijs conjuratis An. 1308. perpetratam, *Francofurti* approbante Pontifice Imperator electus est, & sequenti Januario 1309. *Aquisgrani* coronatus; inde ingressus *Italiam*, & in seditiosos animadvertens excisis aliquot Urbibus *Mediolani* Coronâ ferreâ coronatur 1311. & An. 1312. auream *Roma* Coronam accipit; anno sequenti cum *Florentinis* bello suscepto veneno, ut aliqui putant, sublatus est; vide omninò, quæ de ejus morte cæteris longè credibilius scripsit *Henrici* nepos *Carolus IV. Imperator* in Vita sua. *Margareta Brabantina* ejus uxor *Genua* extincta est longè ante maritum An. 1311. sed alteram sibi mox *Henricus* despondit conjugem *Catharinam* filiam *Alberti I. Cæsaris*, quæ cum in *Italiam* ad nuptias pro-

*Ricc. in Chro. Reform.*



perat, nuncio de mariti morte accepto, præ doloris vehementia propè Amens red-  
dita est; sed tempus, ut ait ille, *optimus est Medicus doloris & amoris*. Nupsit deinde  
*Carolo Calabria Principi, Roberti Regis Sicilia filio*, sed nullam prolem reliquit.

b. *Baldvinus Henrici Imperatoris frater* sæpè à *Carolo IV.* in Vita sua, & in Diplo-  
matis nominatur. Cùm *Archiepiscopus* esset in Palatio *Trevirensi* gesta fratris sui Im-  
peratoris elegantissimo penicillo depingi fecit. De *Walramo* fratre altero, agunt  
Belgici & Gallici Scriptores.

Wesl. in Ca-  
lend. Hist.

Elisabethæ  
Reginæ Bo-  
hemiæ au-  
dax pro in-  
nocentia fa-  
cinus.

Beneff. l. 2.  
Chron.

Bruff. Cent. 1.  
Monaster.  
Germ.

c. *Joannes Rex Bohemia* inquietissimus & bellicosissimus Princeps, de quo ni-  
mis multa forsitan in Epitome diximus, uti & Capite I. hujus Sectionis, accepit in  
conjugem *Elisabetham Wenceslai II.* ex *Przemyslea* gente Regis filiam, Virginem an-  
norum octodecim, ut habet *Weslavinus*, cùm ipse *Joannes* quatuordecim tantum  
Annos explisset, post sex annos natus est ex hoc conjugio *Carolus IV.* 1316. primoge-  
nitus. De *Elisabetha* hujus adhuc tum Virginis audacissimo facinore, cùm in suspi-  
cionem nescio cujus impudiciæ venisset apud *Henricum IV. Casarem* (quod lætâ &  
liberâ facie, corpore etiam habitiore & nonnihil obesiore videretur) vide *Speculum  
Gloriæ Austriacæ* nuper editum, nam me illud commemorare non decet. Fuit he-  
roici prorsus & invicti animi Regina, Bohemorum suorum (quippe ex nostra & in no-  
stra gente edita) amantissima, quos etiam, bello marito Regi indicto, cùm iniquior  
*Bohemis* esset, defendit, nec nisi retractantem, & multa promittentem, multis cla-  
dibus illatis, in amorem conjugalem recepit. Genuit conjugi suo tres filios, & tres  
filias, quos inter *Carolus IV. Patriæ Pater*, quem unicum si genuisset, omnem laudem  
matronarum mereretur. Obijt *Heroïna A.* 1330. in *Aula Regia* sepulta, cujus Cœ-  
nobij fuit vera Mater, ædificatâ insigni basilicâ cum plurimis sacellis magnificentia  
singulari; deplorat ejus mortem multis versiculis pro illa ætate sat vinulis rhythmicè  
*Petrus Abbas Aula Regia*, qui ei à confessionibus sacris fuit. Post *Elisabethæ* mortem  
cùm alterum conjugium inire pararet *Joannes Rex Friderici Pulchri Austriæ Ducis* fili-  
am *Elisabetham* postulavit, sed desponsatam ante nuptias amisit. Terciam conju-  
gem *Beatricem* (vel *Bohemis Bozenam*) *Ludovici II. Borbonij Ducis* filiam sibi conjun-  
xit, quam etiam An. 1337. Reginam Bohemiæ coronavit, ante coronationem fili-  
um ediderat An. 1334. *Wenceslaum* nomine, qui raro felicitatis exemplo utero  
matris excisus est, innocuè tamen, nihilque nec matri, nec filio nocitum scribunt,  
cùm mater plures postea filios genuerit, & filius propè quinquagesimum ætatis an-  
num attigerit. *Joannis Regis* facinora clariora sunt; *Henricum Carinthiæ Ducem* (qui  
uxoris suæ sororem natu majorem *Annam* nomine in conjugio sterili habuit) *Bohe-  
miâ* expulit, cum vicinis & remotis Ducibus ac Regibus prælia feliciter gessit; Re-  
gno *Bohemia Silesiam & Lusatiam superiorem* adjunxit; *Henricum Austriæ Ducem* in  
prælio cepit, & captivum in *Bohemia Krizivoklady* tenuit, quoad *Procerum Bohemo-  
rum* literas, quibus se inconsultè *Austriacis* obligarant, ut habent omnes nostri, ex-  
terique Scriptores, restitueret; imperitiâ Medicorum utrumque oculum amisit, ni-  
mio in *Litvania* frigore pro fide pugnando. In prælio *Cressiacensi* in confertissimos  
hostes jam amisâ victoriâ moriturus irruens, periit, & cum illo triginta Gallorum  
millia humum planxerunt, atque inter eos occisus repertus est *Carolus Valesius*, Regis  
*Galliæ Philippi* frater; id gestum A. 1346. Inchoavit *Joannes Rex A.* 1342. Externaci  
Foundationem *Parthenonis S. Clarae*, quem *Carolus IV. A.* 1348. postea dotavit, tandem  
*Wenceslaus Bohemiæ Rex* vivente adhuc Patre datis literis An. 1368. firmavit, ætatis  
suæ anno 8. sed celebrior est Fundatio *Joannis Regis*, quam numeris omnibus absol-  
vit (ænobij *Pragensis Carthusianorum*, liberalissima, & locupletissima, de qua egimus  
in proœmio ad Librum de *Regimine Principum*, *Michaëlis* istius *Carthusiæ* (quæ *Hor-  
tus Maria* dicta est) *Prioris*.

d. De *Beatrice* vel *Anna*; item de *Maria* uxore *Caroli Pulchri*, & de tertia filia  
(cujus



cujus nomen reperire non potui ) *Rudolfi junioris Palatini* conjuge, nihil aliud quàm quod attuli, invenitur.

e. *Caroli IV. Patrie Patris* infinita in rem nostram publicam merita fuere; de his egimus singulari Capite. Natus est, ut dixi *Pragæ* 14. Maij A. 1316. horâ primâ inatutinâ primogenitus *Regis Joannis*. Prima ejus conjux *Blanca* ( quidam eam *Margaretam* appellant ) filia fuit *Caroli Valesie Ducis*, & germana soror *Philippi Regis Gallicæ*. *Pragam* apportata 1334. genuit *Carolo Catharinam*, quæ nupta *Rudolfo IV. Duci Austria*, & post eum *Ottoni Marchioni Brandenburgico*, nullam prolem genuit, & obiit *Vienna* 1373. in *Ecclesia S. Stephani* tumulata. At *Mater Blanca* obiit *Pragæ* 1342. in *Metropolitana S. Viti* sepulta, nullâ virili prole relicta. 2. *Caroli IV. conjux Anna* vel *Agnes* dicebatur *Rudolfi Palatini* filia, copulata conjugio *Caroli A.* 1349 cum qua *Carolus IV.* accepit *Sultzbach*, aliâque castra complura. Genuit *Carolo* filium *Wenceslaum*, qui altero anno mortuus est, tum filiam *Elisabetham* primam *Alberti III. Austriaci* conjugem, ut habet *Speculum Gloria Austriacæ*, & *Wesleslavinus*. obiit 1352. *Pragæ*, ubi etiam humata est. 3. conjux *Caroli Anna* copulata *Budæ A.* 1354. fuit filia *Bernardi Ducis Svidnicensis* unica *Patris* hæres; in contractu nuptiali conditio scripta est, ut *Duce Bulkone* ( sic enim etiam vocabatur *Bernardus* ) sine hæredibus mortuo, *Provincia* ejus, & *Ducatus* ad coronam *Bohemiæ* devolventur. Ex ea genitus est infelix ille *Wenceslaus*, *Mater* anno sequenti mortua 1362. 4. Conjux *Caroli Elisabeth* filia *Boguslai* vel *Bohuslai Ducis Stetiniensis*, neptis *Regis Polonia*; nuptiæ celebratæ sunt *Cracoviæ* apud *Avum A.* 1363. in *Bacchanalibus*; ex ea genuit *Carolus Sigismundum Casarem*, & *Joannem Gerlicensem Principem*. *Matrona* hæc fuit ad miraculum robusta: *Benefsius* ait se vidisse in *Paschate A.* 1371. cum *Imperatrix Elisabeth* cultros culinarios, quoscumque temere sibi oblatos, velut tenues chartulas digitis convolveret, nuces juglandes digitis fractas aperiret, soleas equinas laceraret &c. ex hac ( præter *Sigismundum* & *Joannem* ) natus est *Carolo* filius *Carolus A.* 1372. 13. Martij, Baptismum suscepit conferente *Legato Papa Joanne Patriarcha Alexandrino*, sed non perrenavit, anno sequenti infans extinctus. *Mater Elisabetha* diu post conjugem *Regino-Hradecij* in dotali sua Urbe A. 1393. vitâ excessit. Porro *Carolus Imperator* ( qui in Baptismo *Wenceslaus* appellatus est, sed ex confirmatione apud *Carolum Gallie Regem* *Caroli* nomen assumpsit ) *Cæsar* electus est 1346. coronatus 26. Novembris ( alij ponunt 25. ) *Bonnæ* ( cum *Aquisgrani* ob multitudinem peregrinorum, & Flagellantium, vel alia de causa excluderetur ) obiit 1378. 29. Novembris, sepultus ad *S. Vitem Pragæ* 14. Decembris.

f. *Ottogarus Przemyslaus Joannis Regis* filius obiit infans A. 1320. in *Aula Regia* sepultus.

*Joannes Henricus Marchio Moravia &c.* natu junior frater *Caroli IV.*, *Pragæ* est natus A. C. 1322. Prima ejus conjux fuit *Margareta Mantaschin*, de qua multa non satis laudabilia leguntur in *Speculo Domûs Austriacæ*, & filia fuit *Henrici Ducis Carinthiæ* ex secunda ejus uxore, sorore *Ducis Brunsvicensis*. De hujus fœminæ nequitia legatur *Carolus IV. Imperator* in *Vita* sua, Cap. 8. & 14. enucleatè omnia recensens. Hæc post annos octo conjugij causata maritum esse sterilem, divortium fecit, accipitque secundum maritum *Ludovicum Bavarium*, *Ludovici Bavarie Imperatoris* filium, cui genuit filium, qui paulò post obiit, atque ipsemet *Ludovicus* morbo fœdissimò quem *Lupum* appellat *Benefsius*, est consumtus, *Authores* quoque divortij miserè perijisse, idem affirmat; eo rursus mortuo *Rudolfum IV. Austria Ducem* accepit in conjugem, eique *Comitatum Tyrolis* attulit pro dote. Falsam fuisse causam divortij ostendit *Joannes Henricus Marchio*, qui primùm ex quadam nobilissima puella *Bohemicae stirpis* ( cujus nomen & stemma rescire non potui ) genuit *Joannem*, qui postea fuit

*Caroli IV.*  
filia.

*Benef. l. 3.*  
*4. Chron.*

*Benef. l. 3.*  
*Chron.*

*Repudium*  
*illaudatum.*

*Benef. l. 3.*  
*Chron.*  
*L. 4. Chron.*



Cancellaria  
Caroli 4. MS.  
Biblioth. Cle-  
ment. n. 70.

Quid hoc ver-  
bi sit nescio.

*Præpositus Wissebradensis.* De hac Margareta Joannes Episcopus Litomislensis Caroli IV. Caesaris Cancellarius ad Archiepiscopum Magdeburgensem (quem vocat Pythagoram Paliatum) Epistolam scribit, quæ extat in M. S. Cancellaria Caroli: Significo inter alia, inquit, Margaretam viduam Ludovici Bavaria; venisse ad Carolum clementiam petitem, quam Caesar dedit, simul filium sui fratris (Joannis scilicet) Marchionis Moravia (quem in Curia manere novistis) ad presentiam dictæ Chrimhula apportari mandavit, non alio fine ut existimo, nisi ut in presentia circumfusa multitudinis ipsa detestanda Braxatrix (ita nominat, quod esset distortissimi vultus, ideoque Maultassia ab alijs dicebatur) agnosceret, falso fratri suo adscripsisse impotentiam coeundi, cum manifestè claret, ostensione tam præclara Sobolis Domini mei Marchionis virilitas, & dictæ meretricis inconstantia pudibunda. Accepit deinde Henricus Marchio uxorem secundam Margaretam aliam Nicolai Ducis Oppaviensis filiam, quæ ei genuit tres filios, & duas filias, Catharinam, quæ nupsit Duci Silesia de Falkenberg, & Elisabetham, quam dedit Misnia Marchioni. De filiis agemus paulò inferiùs; sed quidam secundam conjugem Joannis Henrici faciunt Elisabetham Ruperti Adolphi Electoris Palatini filiam. 3. ejus conjux fuit itidem Margareta Alberti Austria Ducis filia vidua Meinhardi Ducis Bavaria, & fuit sterilis uti & quarta conjux Comitissa de Waldsee; sed hæc postrema mihi incerta videntur.

g. Wenceslaus Joannis Regis filius A. 1338. quarto loco genitus Comes primùm postea Princeps Lucemburgensis & Brabantinus à Carolo IV. creatus A. 1356. etiam Norimbergæ Vicarius Imperij A. 1365. declaratus, conjugem habuit Johannam Alberti Ducis Brabantie filiam, viduam Wilhelmi IV. Comitis Hollandie, quæ ei attulit Brabantiam; vivebat adhuc Johanna 1385. marito Wenceslao defuncto. Ejus filius Joannes Archiepiscopus Moguntinus veneno porrecto, subitò expiravit A. 1373. In Cancellaria Caroli IV. (qui Codex in M. S. Bibliothecis per Bohemiam passim reperitur) extat Caroli IV. Diploma, quo Wenceslaum fratrem suum charissimum Lucemburgi Ducem creat, additque Privilegium, ut quoties Romani Imperatores seu Reges, ad reprimendam Rebellionem superbiam, seu Imperij procurandos honores armatos contigerit incedere, Duces Lucemburgici, qui pro tempore fuerint, frenum Imperialis seu Regalis Dextrarij (Equi) à latere dextro gubernare & prospicere debita fidei diligentia debeatis, & in recubitu Mensæ nostræ Cibos Regios, qui in solennitatibus Curijs nostris administrati fuerint, coram Nobis incidere, ut sic tanquam Princeps, & Fidelis Imperij, Guerrarum & Pacis in tempore, Nostræ curam & custodiam habeatis &c. Item ut recipiant Vexilla cum debita solennitate velut Vasalli S. Rom. Imperij &c. Narratur in Chronico Magno Belgij, dum Wenceslaus in Regem Romanorum Aquisgrani A. 1376. coronaretur, gravem excitatam discordiam inter Wenceslaum Ducem Lucemburgensem & inter Ducem Saxonia Marecallum Imperij, uter Imperatori ensẽ præferret? tum Imperatorem, nè partibus præjudicaret, jussisse Sigismundum filium decennio non majorem, sibi, Ensem Imperialem præferre; quod se audisse ex ore ipsius Sigismundi Emundus affirmat.

\* Nicolaus Aquileiensis Patriarcha illegitimus Joannis Regis filius fuit; profectus scribitur Romam ad coronationem Caroli IV. fratris sui An. 1355. aliud nihil de eo invenio.

h. Margareta Joannis Regis primogenita, nata est A. 1313. novennis copulata est Henrico Bavaria Duci Landshuti, ei que genuit unicum filiolum Joannem, qui non perennavit. Henricus Pater obiit A. 1340. Secundò cogeatur nubere Casimiro Regi Polonia, sed obiit ante nuptias A. 1341. in Aula Regia sepulta. Obiisse mœrore animi hanc Margaretam, quod adversus animi sui sententiam Casimiro nubere cogeretur, disertè Franciscus Canonicus, ejus temporis Scriptor, & Rebdorffius, affirmant; eum mœrorem adferebat propudiosissima & prorsus infamis Casimiri vita, qui hoc ipso anno 1341. 28. Septembris duxit secundam conjugem Adletam Henrici Land-

gravij

Vita Caroli 4.  
Bohemica.  
Benef. l. 3.  
Chron.

Rebdorff. in  
Annal.  
Miechov. l. 4.  
c. 18. hist.  
Polon.



gravij Hassia filiam, quam à concubinis suis excæcatus paulò post dimisit, totus meretricijs amoribus deditus, ut *Decius* & *Kochovius* significant; legi in *M. S. Codice veteri, Casimirum Regem Polonia* A. 1357. duxisse *Uxorem Christinam à Rokyczan Civem Antiqua Urbis Pragensis*, quam etiam *Cracovia* coronari curaverit; sed de coronatione *Poloni Scriptores*, & qui de *Casimiri II.* rebus diligenter scripsit *Miechovius*, nihil habent; his sceleribus offensa divinitas nullam ei masculam prolem concessit, obiitque A. 1370. ultimus *Regum Polonia* ex gente *Piastæa*. Merito igitur hoc præfagiens *Margarita Casimiri* conjugium velut angve calcato refugit.

h. *Judith* altera *Joannis Regis* filia, nata 1314. primùm desponsa fuit *Friderico II. Marchioni Misnia*, ibique educata; deinde cum contemptu in *Bohemia* remissa (ut in *Epitome* narraui) venit in manum *Joanni Regi Franciæ*, primogenito *Philippi Regis Gallia*, eique genuit *Carolus V. Regem Gallia*, *Ludovicum Ducem Andegavensem*, *Joannem Ducem Bituricensem*, & *Philippum Ducem Burgundia*, obiit An. 1349. *Elisabeth* & *Anna* gemellæ natæ die *Paschatis* in *Bavaria* A. 1323. prior anno sequenti 1324. mortua, ac in *Aula Regia* sepulta; *Anna* nupta *Ottoni Duci Austriæ Caesaris Alberti I.* filio, cui pro dote *Rex Joannes* dedit *Znoymam*, quæ postea Regno est restituta. Obijt A. 1340.

i. *Jodocus* seu *Jost* vel *Justus*, cognomento *Barbatus*, *Joannis Henrici Marchionis Moravia* filius, & ipse *Moravia Marchio* & *Brandeburgi*. *Veterem Marchiam* annis 22. tenuit, quam ei oppignoravit *Sigismundus Imperator*: cum ad recuperandum *Ungaria Regnum* pecunijs egeret; at *Jodocus* eam rursus oppignoravit *Wilhelmo II. Misnia Marchioni* pro quadraginta sexagenarum *Bohemicarum* millibus. Electus *Rex Romanorum* A. 1410. post *Rupertum Palatinum* homo jam grandi ætate. Immortuus honori & titulo suo Anno 1411. 6. Mense Imperij sui. *Weslavinus* affirmat *Jodocum* cum in *Imperatorem* eligeretur A. ætatis suæ 89. 20. Martij 1411. obiisse. Cætera vera sunt, unum illud de ætate sustineri omninò non potest: nam si obiit 89. ergo natum esse oportuit A. C. 1322. atqui ejus Pater *Henricus* A. 1322. primò natus est, ut idemmet *Weslavinus* alio in loco testatur, minimum igitur *Jodoco* morienti anni 24. retrahendi sunt, præsertim cum ex secundo conjugio Patris sit genitus. Eadem ratione refutatur *Raynaldus*, cum nonagenarium *Imperatorem* electum fuisse scribit. Reliquit verò *Jodocus* ex conjugē sua *Catharina* filia *Caroli II. Ungariæ Regis* (qui A. 1342. obiit) unicam filiam *Ludmilkam* (quæ in sepulchri inscriptione vocatur *Elisabeth*) & obiit 1400. sepulta in choro *Cathedralis Ecclesiæ Misnensis* nullâ prole relicta.

k. *Procopius Marchio Moravia* *Jodoci* frater, vir eloquens & militaris, *Znoymam* suam adversus *Sigismundum Cæsarem*, *Albertum* & *Ernestum Austriæ Duces* egregie tutatus est. In *Bohemia* ad Arcem *Bezdiezy* *Sigismundi* fratris dolo captus, in *Ungaria* fame aut veneno periisse traditur. Sepultus ad *Brunam* in *Carthusiæ*, quam Pater suus fundarat.

Ioannes (*Sobieslawek* dictus *Bohemiis*) violentè à fratribus in *Episcopatum Olomucensem* ex *Litomislensi* intrusus, reclamantibus *Canonicis*, sed *Urbanus VI.* rem composuit, & *Joanni Patriarchatum Aquilejensem* contulit, *Olomucensibus Nicolaum* quendam *Prutenum* imposuit, qui plurimas *Episcopales* ditiones oppignoravit, de quo *Augustinus Moravus* in catalogo *Episcoporum Olomucensium*.

l. *Carolus IV.* duos filios *Wenceslaos* habuit, ex *Anna Palatina* susceptos, prior natus est A. 1348 qui altero anno statim decessit. Alter fuit *Wenceslaus*, postea *Rex* & *Imperator*; natus A. 1361. anno ætatis 2. *Rex Bohemiæ* coronatus. Electus *Imperator* vivente Patre A. 1376. cujus infelicissimum *Regnum* nuper Capite 3. descripsimus, extinctus est apoplexiâ, cum *Consules Nova Urbis Pragensis* à plebe occisos in *Arce Cundradicz* accepisset A. 1419. 16. Augusti. Cadaver *Wenceslai* post aliquot dies

Stemma Pia-  
li interit in  
Polonia.

*Decius* lib. 1.  
hij. Polon.  
*Kochovsky* in  
*Hypomnem.*  
*Reginar. Polo.*  
*Crom. l. 12.*  
*Miechov. l. 4*  
cap. 21.

*Fabric. l. 6.*  
*Orig. Saxon.*  
in *Frid. III.*

*Beness. l. 2.*  
et 4.

*Jodoci Cæ-*  
*saris Chrono-*  
*logia.*

*Weslavy. in*  
*in Calend. hij.*  
ad 20. Mart.

*Idem in Gene-*  
*alogia Princ.*  
*Boh.*  
*Rayn. ad An.*  
1410.

Sepultura  
*Wenceslai*  
*Cæsaris.*



in arcem *Pragensem* devedum, & in *S. Viti Ecclesia* depositum est; deinde post aliquot hebdomades nocte ad *Aulam Regiam* devedum, & à Conuersis, Pistoribus & Piscatoribus humatum; inde rursus in *Arcem Pragensem* cum per tumultum *Pragensis* populi exhumatum esset, *Sigismundus Imperator* à quodam Piscatore *Musca* nomine redemit, & in *Arce S. Viti* condidit, vixit annis quinquaginta octo. Prima ejus uxor *Johanna* sex annis in conjugio *Wenceslai* vixit *B. Joanne Neopomuceno Christi Martyre* in confessionibus sacris usa. Obijt mœrore animi *Regina* piissima An. 1382. 1. Januarij, cujus absentis desiderium & cum adesset fastidium *Imperator* ferre non poterat, quod ejus sæculi Authores magicis artibus assignant. Porro ad hoc conjugium dispensationem *Papæ* intervenisse *Beneficius* tradit: quod *Johanna* hæc filia fuerit filiae *Ludovici Ducis Lignicensis*; invenio hanc magnam fuisse amatricem & benefactricem *Virginis Cænobi Doxanensis*. Secunda conjux *Sophia* filia *Ioannis Ducis Bavaria Monachiensis*, *Ernesti Ducis* foror admirabili formæ gratiâ commendata, sed *Bohemia* omnium causâ ob hæresim malorum: quippe *Husso* quo in sacris utebatur, nimium addicta, omnia egit, pro defensione pertinacissimi hæresiarchæ, scilicet nè quid in eum *Archiepiscopus*, nè quid *Universitas Carolina*, tum *Catholica* posset, denique etiam *Hussij Romam* citationem & paratam accusationem elusit, judicio in *Bohemia* & ad maritum vinolentum translato; serò post *Hussij* mortem, quò progressa fuisset, vidit, & publicè pœnitens *Posony* A. 1428. piè decessit.

m. *Sigismundus Imperator Caroli IV.* ex *Anna Svidnicensi* filius, natus est 1368. fuit Princeps eruditissimus, sagax, cautus, prudens, laboriosus, sed infelix. Humanitatis, facilitatis, liberalitatis exempla plurima in *Valerio Maximo Bohemia* referre paramus, si Deus vitam concesserit; hîc unum succurrit ex *Stengelio Abbate Anhusano*: cum A. 1418. *Augustani* honorificè *Sigismundum* suscepissent, invitasse quoque ad publicas *Choreas*, nec recusasse *Casarem* (quæ facilitas ejus fuit) & choreis peractis cuilibet *Matronæ*, ac *Virginis*, quatum 50. fuisse memorantur, annulum aureum *Ungarici Auri* pondere donasse, ac ipsummet manu suâ cujusque digito interuisse. Uxor prima *Maria Ludovici Regis Ungaria & Polonia* senior filia, *Ungaria Regnum* illi pro dote attulit. Sed obiit anno sequenti post nuptias 1402. nulla prole relicta. Ex secunda uxore *Barbara* unicam filiam *Elisabetham* (quam duxit *Albertus Imperator*, & cum ea *Regnum Bohemia* accepit) genuit. Hanc *Barbaram Hermannis Comitis Cilie* filiam *Atheam* fuisse, & æquè cœlum ac inferos irridere solitam *Silvius* scribit; imò & *Virgines* pedisequas admonere, nè omnia crederent, quæ in templis dicerentur, præcipuè verò ægerrimè tulisse, quoties turturum castitatem prædicarent *Sacerdotes*, nam esse innumera cæterarum avium exempla, quæ sibi & voluptati indulgerent, præcipuè passerum greges; cur igitur eorum mentionem non facerent? obiit libidinosa mulier *Mielnicij in Bohemia* An. 1451. *Pragam* devedta in *Ecclesia S. Viti* in *Sacello Martiniciorum* condita, quod hodièque in marmore sepulchri legimus.

† *Sigismundo* nothum filium quidam attribuunt *Ioannem Hunniadem* (etli *Bonfinius* gloriæ *Mathie Regis* perstudiosus, nescio quod *Romanum* genus illi affingat) postea *Gubernatorem Ungarie* in *Sigismundi Aula* educatum, & *Patrem Mathie Corvini*, vel *Hunniade Ungarie Regis* multis adversus *Turcas* victorijs inelyti Ducis; hunc *Ioannem* cum *Sigismundus* à *Bajazete Turcarum Imperatore* cæsus, in navicula *Constantinopoli*, inde ad *Venetos*, & tandem in *Ungariam* redisset, captum à *Turcis* ad *Patrem* ob *Regium* genus remissum esse scribit *Hermannus Fabronius*. Veteres hæretici calumniabantur *Sigismundum*, quod permissu Dei, cum furcam fieri pro *Joanne Rohacz*, & socijs ligna pro *Ecclesia B. Virginis in Tein* destinata, & in *Foro Pragensi* jacentia in eam furcam construendam adhiberi jussisset, eadem nocte pedes *Imperatoris* sacrum ignem conceperint, ita tum *Casarem Pragâ* discessisse, & paulò post extinctum; sed

Emund. in  
Chron. M.  
Belgij.  
Zidek in Vita  
Caroli IV.

M. S. Mortu-  
arii Doxan.  
ad 2. Jan.  
Sophia Ba-  
vara Hussio  
stultè dedi-  
ta.

Sigismundi  
Cæf. facili-  
tas.

Stengel. Rev.  
August. p. 2.  
c. 57.

Barbara Cili-  
ensis Athea.  
Silv. in hist.  
Bob.

Hunniades  
an filius Si-  
gismundi.

Fabron. in  
Monarch. Ca-  
sareæ Germ.  
Zalansky in  
Vita Hussi  
Concione 1.



sed hæc fabulosa & ab hæreticis conficta; illa graviolem Authorem habent Raynaldum: obscurasse laudes suas Sigismundum crebris adulterijs, & cum aliquando Imperatricem in eodem flagitio deprehendisset, adulterum adulteræ pepercisse.

n. Joannes Princeps Gerlicensis Uterinus Sigismundi Cæsaris frater anno ætatis 25. veneno sublatuſ est A. 1395. alijs 1396. titulum ferebat: Joannes Princeps Gerlicensis Marchio Brandenburgi & Lusarie. duas habuisse uxores traditur, ex altera earum (nam certum nescitur) Elisabetham suscepit, quæ Viduo Joanni Brabantie, & Limburgi Duci nupsit. A. 1308. post Joannis mortem nupta est Joanni Duci Bavariæ Comiti Hollandiæ, & Seelandiæ, qui ex Administratore Leodiensis Episcopatus An. 1417. bonâ Pontificis veniâ eam duxit, sed nullam prolem suscepit; post ejus mortem Elisabeth Ducatum Lucemburgensem vendidit Philippo Duci Burgundiæ Caroli Audacis Patri. De secunda hujus Joannis Gerlicensis uxore Margareta dubitatur: alij enim Maynhardo Duci Bavariæ nuptam primùm fuisse, & deinde Joanni huic in conjugem datam esse tradunt; alij Margaretam Leopoldi II. Austriaci (qui A. 1386. ab Helvetis victus & occisus est) viduam Maynhardi, non hujus Joannis conjugem, sed Joannis Henrici Caroli IV. fratris Marchionis Moraviæ conjugem fuisse contendunt: non nostrum inter vos tantas componere lites.

o. Caroli IV. filias plurimas invenio, sed eas in ordinem redigere non possum: tum quia quando natæ sint, & ex qua matre (quatuor enim uxores habuit Carolus successive) nullibi rescire potui; quas potero addito matris nomine consignabo. Prima igitur filia Margareta primogenita filiarum ex Blanca A. 1334. 23. Junij, Pragæ nata est, ut disertè Benessius affirmat, & ipse Carolus Imperator. Margareta, ut supra innuebam, conjux fuit Ludovici Regis Ungariæ; obiit sine prole; post eam Ludovicus sibi conjugio junxit Elisabetham Stephani Bosniæ Bani filiam, & ex ea suscepit Mariam Sigismundi Cæsaris primam uxorem & Hedvigem Reginam Poloniæ. Secunda filia Caroli Catharina itidem ex Blanca, nata A. C. 1342. de qua jam antè dixi. Tertia filia Caroli Elisabeth prima nupta Alberto III. Duci Austriæ, fratri Rudolphi, quæ obiit 1373. nullâ prole relictâ. Quarta filia Caroli Elisabeth secunda ejus nominis, conjux fuit Joannis Galeacii Ducis Mediolanensis, Mater Valentini, quam Carolus Gallia Rex in conjugem accepisse dicitur, sed hoc Genealogistæ quidam non admittunt. Quinta Caroli filia Margareta secunda nata A. 1373. ex Anna Svidnicensi soror Uterina Cæsaris Wenceslai conjux fuit Joannis II. Burggravij Norimbergensis; ex qua nata est Elisabeth conjux secunda Eberhardi senioris Comitis Wirtenbergici. Sexta filia Caroli Anna Ottonis IV. Ducis Bavariæ uxor, qui Carolo Cæsari socero suo vendidit Marchionatum Brandenburgi pro ducentis millibus aureorum Ungaricorum, & acceptâ ab eo exiguâ Regione in finibus Bohemiæ & Bavariæ sine prole obiit A. 1379. Septima filia Caroli Agnes tertia conjux Leopoldi III. Ducis Austriæ, quæ sine prole obiit Viennæ An. 1406. Octava filia Helena vel Anna, nata 1366. nupta Richardo II. Regi Angliæ A. 1384. obiit sine prole A. 1394. Nona filia Caroli Margareta tertia hujus nominis, nupta cuidam Marchioni Brandenburgico fuisse dicitur. Ego, quia nec Marchionis nomen in Historijs apparet, neque hujus Margareta unquam sit mentio, eam in dubio relinquo; videantur Brandenburgici Scriptores.

p. Elisabeth Sigismundi Cæsaris unica filia adhuc octennis, desponsatâ Alberto Duci Austriæ fuit, postea An. 1422. Viennæ nuptias celebravit, & marito quasdam Moraviæ Civitates attulit pro dote, post mortem verò Patris Bohemiæ & Ungariæ Regna, qui eodem anno 1438. mirâ felicitate ter coronatus est: in Bohemiæ & in Ungariæ Rex, in Germania Imperator, sed non diu partâ gloriâ frui licuit, anno sequenti 1439. mortuus. Elisabeth relictis duabus filiis Annâ & Elisabethâ, & Ladislao infante posthumio A. 1442. decessit. De ejus marito Cæsare Alberto plura Sectione sequenti.

Rayn. in Ann.  
nat. Ecl. ad  
A. 1437.

De Lucem-  
burgensi  
Ducatu.

De Filiabus  
Caroli IV.

Beness. lib. 2  
Chron. Carol.  
Imp. in vita  
sua.

q. Anna



Borek in hist.  
Bob.  
Chron. Mansf.  
c. 340.  
Geneal. Reuf-  
ner.  
Welesl. in  
Calend. ad  
17. Decemb.  
Hencl. in  
Brestogra-  
phia c. 4.  
Cochl. in Hus-  
sit.  
Welesl. in  
Calend. Hist.  
ad 11. Nov.

Caroli IV.  
fangvinem  
Slavatae par-  
ticipant.

q. Anna Ladislai Regis soror Wilhelmo III. Duci Saxonie nupsit, quo titulo ipse Wilhelmus Ladislao mortuo Regnum Bohemie ad se pertinere existimans ( sed hoc in Bohemiam jus postea Wilhelmus omisit, & Luxemburgi Comitatum quasi Uxoris suæ dotem sibi deberi putavit, & armis & bello obtinere conatus est; sed etiam illo excidit ) Wilhelmus, inquam, nihil non egit, ut obtineret, jamque in eum recipiendum pro Rege A. 1458. Silesiæ Ordines consenserant Lignicij & Wratislaviae 20. Martij habitis Conventibus; sed hæc omnia Georgius Podiebradus Rex coronatus consilio & armis dissipavit. & secuta Georgij cum Saxonie Ducibus fœdera prorsus extinxerunt, cum A. C. 1459. Sidoniam filiam suam novennem Georgius Rex Alberto filio Friderici II. Electoris Saxonie Egre despondit, & in Misniam misit, ac vicissim Wilhelmus III. Friderici frater filiolum suam itidem sexennem Annam, Georgij Regis filio Hinkoni seu Henrico juniori dicto conjugem designavit, quæ statim in Bohemiam est apportata; unde patet Caroli IV. & Sigismundi & Alberti II. Cesarum trium & Saxonia Ducum, & Regis Georgij sangvinem in Proceres Novodomenfes, atque ex ijs in Slavatas, & qui cum eis participant, per fœminas influxisse, ut sequens, breve & rectum Paradigma Genealogicum demonstrat:

Carolus IV. Imperator. ♀ 3. Anna Svidnicensis Ducissa.

Sigismundus Imperator. ♀ Barbara Ciliensis.

Elisabeth Regina Ungariæ & Boh. ♀ Alberti Regis & Imperatoris.

Anna Austriaca. ♀ Wilhelmi III. Ducis Saxonie.

Anna Ducissa Saxonie. ♀ Hinconis Ducis Münsterbergici.

Anna Münsterbergica Ducissa. ♀ Henrici Dynastæ Novodomenfis Supremi Camerarij.

Adamus de Novadomo Supr. Cancellarius. ♀ Anna de Rozmital.

Joachimus de Novadomo Supr. Cancellarius ♀ Anna de Rozmberg.  
Bohemie Eques Aurei Velleris.

Adamus de Novadomo Supr. Cancellarius. ♀ Catharina Comitissa de Montfort.

Lucia de Novadomo. ♀ Guilielmi Slavatae Supr. Cancell. Regni Boh.

Joachimus Udalricus Comes Slavata. ♀ Francisca Comitissa de Meggau.

Ferdinandus, & Joachimus Comites Slavatae.

r. Elisabetham filiam Alberti meri Reges & Casares cingunt, nec facile invenitur, quæ tanto, tamque illustri sanguine Regum genita, sanguinem etiam tot Regibus dederit; filia fuit Casaris Alberti II. & Regina Elisabetha, Neptis Casaris Sigismundi, Proneptis Caroli IV. Casaris; fratrem habuit Ladislaum Regem, maritum Casimirum Regem, filios habuit decem. 1. Vladislaum Regem Ungariae & Bohemiae. 2. Joannem Albertum electum Regem Ungariae, postea Regem Poloniae. 3. Alexandrum Ducem Lithvanie, & postea Regem Poloniae. 4. Sigismundum 1. Polonia Regem, & nè quid felicitati deesset, S. Casimirum natum An. 1458. An. 1483. extinctum; Avia fuit Ludovici Regis Ungariae & Bohemiae, & Anna Regina Ungariae & Bohemiae; item Avia Sigismundi Augusti II. Regis Poloniae. Profecto tot Regia decora in alia Regina vix invenieris. obiit Elisabeth A. 1505. expletis minimùm 66. ætatis suæ annis.

s. De Ladislao posthumo in Tabula Genealogica Austriacæ Domus;

s. De Vladislao verò, & filio ejus Ludovico Jagellonicis Regibus Bohemia peculiari Tabulâ dicemus.

SECTIO.



## SECTIO III.

Extinctâ in Bohemia Regiâ Stirpe Lu-  
cemburgicâ, succedit Augustissima DOMUS AU-  
STRIACA in duobus Regibus Alberto ejus nominis II.  
Cæsare, & ejus Filio Ladislao posthumo.

### CAPUT I.

*Alberti Imperatoris breve Regnum  
in Bohemia.*



**S**igismundus Imperator cum  
videret Stirpem suam Regi-  
am extingvi, & filiam suam  
*Elisabetham* solam se relictu-  
rum, cui potissimum *Princi-*  
*pi* eam offerret in conjugem, cogitabat;  
nullum aptiorem & magis de se & Repu-  
blica meritum, quàm *Albertum*, inveniebat;  
itaque jam Anno 1421. eum Generum sibi,  
& Successorem Regnorum designarat, ac  
nè quid sinè consilio egisse videretur, eodem

Sigismundus  
Cæs. Alber-  
tum Austriâ  
sibi eligit  
Successorē.

Anno 1421. rebus prius ex sententia compositis Legati duo ab *Alberto*  
mittuntur, qui *Elisabetham* Archiduci conjugem postularent; annuit *Si-*  
*gismundus*, quippe hujus consilij Author, & nonnullo interjecto tempo-  
re Publicas, ut firmitatem rebus gerendis adderet, literas *Presburgo* Do-  
*minicâ* ante *S. Michaëlis Archangeli* festum diem edidit, quibus literis cau-  
sas adfert, cur præ omnibus *Albertum* sibi destinet Regnorum Successo-  
rem: esse in Familia Patri suo *Carolo* multum amata & æstimata natum;  
præstitisse *Albertum*, sibi & Regnis tot grata & honorata obsequia, quo-  
rum aliquod præmium mereretur; incipit deinde *Alberti* virtutes, &  
militaria facinora prædicare; denique *Bohemia*, *Ungariam*, & ad has  
Coronas spectantes Provincias, si sinè masculino hærede decedat, *Alberto*  
transcribit; quod si unam adhuc filiam habiturus sit, eidem *Elisabethæ*  
priori filix potestatem facit alterutrum ex Regnis, quæ dixi, eligendi,

Testamentū  
& ultima vo-  
luntas Sigis-  
mundi.



Alberti vir-  
tus bellica.

Ex peponi  
esu Albertus  
R. moritur.

alterum minori sorori relinquendi. Nuptiae, quâ potuit magnificentiâ A. 1422. *Viennæ* celebratae sunt, attulitque *Elisabeth* marito inter cimelia pretiosissimam gemmam, quæ centum millibus florenorum constitisse ferebatur, addidit jam tum *Moraviam Provinciam* Genero suo *Cesar*, cujus possessionem adiret, eamque ab hostibus tutaretur. Et præstitit *Albertus*, impigræque, & magno animo sæpius cum hostibus aliàs ferè semper victoribus confligit; sed primum prælium, cui etiam *Sigismundus*, & alij Imperij Principes interfuere, inprosperè gestum ad *Cuttenbergam* Duce hostium *Ziskâ*, quod alibi descripsimus. Multa denique *Albertus* prælia cû *Hussitis* commisit, inprospera, prospera, ut fortuna belli ferobat, sed illud suis auspicijs A. 1427. anceps & cruentum, cû limites *Austriæ* transgressi *Hussitæ* *Albertum* ad arma exciverunt, quibus cû intrepidè occurrisset, acerrimè quatuor horis dimicavit dubiâ victoriâ, cû utraq; pars victoriâ sibi arrogaret, *Hussitæ* quod *Alberti* castra occupassent, & spoliassent, *Albertus* quod currus hostiû interceptisset; sed litem hanc diremit novus *Taboritarum* exercitus, qui *Albertum* salvis tamen ordinibus campo cedere coegit. Morte *Sigismundi Cæsaris*, qui in patrium Regnum postliminio receptus est, omnia meliora in Regno *Bohemiæ* evaserunt, & Procerum *Bohemorum*, humanitate & felicitate *Sigismundi* conciliatis animis in Regnum ultrò *Albertus* admissus est, etsi non omnibus Proceribus & Urbibus, tamen præcipuis Regem *Albertum* agnoscentibus & sequentibus, tantaque fuit (jam *Sigismundo* 1437. *Znoymæ* mortuo, & ad tumulum *Varadinum* devecto) tanta, inquam, fuit *Alberti* 1438. fælicitas, ut tres coronas año uno suo capiti videret imponi, 1. Jan. *Ungariæ* Rex, Rom: Imperator 20. Martij elect9, 30. Maij coronat9; Rex *Boh.* 5. Maij elect9, 29. Junij coronat9. Post *Bohemicam* coronationem nè quid hostile in Regno haberet, *Taborium*, quod *Ptaczko Dux* adversarum partium permunierat, & *Polonorum* præsidio defendebat, necquidquam obsedit, & cû copiam pugnae hostibus fecisset, neque illos ad certamen ullâ vi extrahere potuisset, in *Silesiam* cû exercitu adversus *Polonos*, eorumque Regem *Wladislaum* descendit; eoque recedente *Alberto* *Brandenburgico* *Achilli* *Germaniæ* bellum prosequendum, & in *Poloniam* transferendum comisit. Jam enim *Amurates Turcarum* Imperator *Senderoviam* obsidebat, quam etiâ belli impetu cepit, neque expectato *Alberto* *Adrianopolim* revolavit. Sed *Albertum*, cujus virtutem militarem tot & tanti hostes timuerant, & pugnantis ardorem & felicitatē nec aspectu ferre poterant; mors longiore vitâ dignum Principem deturbavit è vita: nam alvi profluvio, quæ pestis id temporis regnabat, debilitatus maximè peponum esu (quos dulcissimos protert *Ungaria*) malo exulcerato magnis itineribus ad patrium *Austriæ* cœlum contendens 27. Octobris A. 1439.



A. 1439. in *Insula Scythia* in pago quodam ignobili munitus omnibus ad viam æternitatis ineundam præsidij expiravit, voluntate suâ ultimâ prius adstantibus indicatâ: si conjux *Elisabetha* (quam prægravidam relinquebat) filium pareret, *Ulricus Cilia Comes*, quem nuper minùs sibi fidum senserat, filij parvi Tutor esset, & *Joannes Hunniades* usq; dum puer adolisceret *Ungariæ Regnum* gubernaret; de *Bohemia* statuerat nihil, cujus adhuc res ob hæresim nutabant. 45. ætatis agebat annum, dum extinctus est, sepultus in *Alba Regali*. Fuit *Albertus* magnanimus Princeps periculorum omnium maximè militarium contemptor; ad omnem virtutem, amænitàtem, & civilitatem educatus à puero, jam An. 15. ætatis statu corporis cuique viro suppar; facies lata & exporrecta, oculi hilares, amator maximus Eruditorum Virorum, quorum dum adhuc puer esset, pendebat ab ore; militiæ Duces summo habebat in pretio; in acie non sibi cavebat loco, sed ubi strenuè pugnabatur, gaudebat interessè, & manum commodare; venationem utpotè hæreditarium *Austriacæ Domûs* opificium amabat maximè, choreas oderat, quam esse mulierum voluptatem dicebat; bella non provocabat, sed cum aliter finiri controversiæ non possent, strenuè gerebat; fideles sibi Ministros, omnibus modis ad dignitates evehebat, *Amicos* appellans, extatq; Nobile ejus dictum, quod ex *Græcis* fontibus manasse videtur: *Amicus optima vitæ possessio*; non facile ensẽ deponebat, quem ex aurea catena pendentem tota die lateri affixum gerebat; subjectis populis placere pulchrum existimabat, monuitque aliquando *focerum Sigismundum*, qui suos severitate ad obsequium adducere solebat, *securitatem Principis non aliâ ratione melius parari, quàm Civium amore*. Effigiem ejus ad vivum expressit *Speculum Domûs Austriacæ*; Lib. 4. Cap. 1.

Virtutes Alberti.

## NOTÆ in Caput I.

**S**igismundus cogitabat, filiam solam se relicturum &c. Omnia cogitatione, aut saltẽ potissima præcurrere & prævenire sapientem decet. Tres enim vultus habet prudentia, uno præterita, altero præsentia, & tandem futura considerat. Ex præteritis præsentium pendet ordinatio, & futurorum dispositio. Si autem privatorum sunt hæc cogitationes, quantò magis *Principum*, qui in rebus maximis disponendis versantur, ut de Juribus Regnorum, de pace Provinciarum, securitate populorum, familiæ suæ interitu (quale hinc *Sigismundo* consilium fuit) eaque pro dolor! pereunte cuinam potissimum transcribere possint, quæ dum viverent gloriosè tenuerunt; hæc an satis prudenter constituta sint, univèrsus judicat Orbis; & si bene ac prudenter, laudatores inveniunt, si secus condemnant, & desiderant in Principe prudentiam. *Sigismundus Caesar* nihil prudentius agere potuit, quàm cum suæ familiæ *Lucemburgicæ* pereunti *Austriacam* substituit, quam divinitatis altiore consilio ad Imperium genitam meritò dicere possumus, cum ex ea jam tredecim *Cæsares* peritos esse ad summum *Europa* Imperium videamus. Regnis quoque ac

De Successore gravis est Principi deliberatio.



Provincijs hoc facto optimè consuluit vicino Principe imposito, qui earum vires & potentiam auget, & hostibus formidabilem redderet.

Adoptatio  
publicis li-  
teris firman-  
da.

In subsecivis  
Adversariorū  
L. I. C. 10.

Gemmis pre-  
tium homi-  
num æstima-  
tio confert.

Lib. 5.

Gemma Sma-  
ragdus ubi  
colatur pro  
Deo.

Lipfius in  
Monitis Polit.  
L. I. C. 3. N. 9

In bello for-  
tuna regnat.

Plut. in Apo-  
phtheg.

Cesar de Bello  
Civ.

*Publicas literas addidit &c.* Hoc ad firmitatem negotiorum pertinet; quod enim clām geritur, id quasi non satis tutè gestum, subtrahi hominum notitiæ creditur; at quod apertè fit, id fiduciā justitiæ, quasi *Authore Pratore*, & ex legibus gestum putatur, neque revocatur, cuius testis est Orbis. Sic *Sigismundus* adoptavit *Albertum* & suæ familiæ gloriosos Successores *Austriacos* accepit. Adoptatio humana insitioni mihi persimilis videtur, in qua in effœtæ arboris truncum, ramum vitalem inferimus, ut rectè monet Ovidius: *venerit insitio fac ramum, ramus adoptet*; sed non omnis arbor insitionem recipit, & sunt inter arbores quoque sui amores & odia, ut ostendunt rerum naturalium Scriptores. Porro adoptio multis ac varijs modis fieri solebat, non ut hodie per scripturam; illa gloriosa, quæ armorum traditione conficiebatur, de qua latè disputat *Petrus Pithæus*. Sic in *Annalibus Francorum Guntramus Rex* hastæ traditione nepotem sibi Successorem designat. Per *Cæsariei* incisionem, imò & per barbæ rationem factam adoptionem idem Author probavit, quem de hac militari adoptione curiosus Lector inspiciat.

*Elisabeth attulit pretiosissimam gemmam &c.* Multa sunt in rerum natura, quibus hominum æstimatio pretium dedit, ut aurum, gemmæ &c. quædam gemmæ pulchritudine, quædam virtute ad valetudinem, & si admittimus etiam ad felicitatem, ad amorem conciliandum, vel contrà ad minuendum, aut ad alios miros affectus excitandos valere dicuntur, quædam incantationibus & fascinis obsistere traduntur; sed tamen me quidem Iudice nulla gemma tantam æstimationem obtinet, ut centum millia pretio exsuperet: nec enim sanitatem certam adferunt, & si spectetur sanitas, res quædam obviæ majore gemmis in medicinis potentiā pollent; pulchritudo etiam tanta non est, ut ob eam tot millia, quæ rebus dignioribus, spectabilioribus, longius duraturis, quæ hoc pretio comparari possunt, præcellant. Itaque sola æstimatio hominum gemmis pretium facit, & huic soli auctoritatem suam debent; de gemmis neminem accuratius scripsisse puto quàm *Anselmum Boëtium* libris aliquot de natura gemmarum *Prage* scriptis, & *Rudolfo II. Cæsari* maximo gemmarum amatori dedicatis; post eum *Daniel Sennertus* in *Epitome* naturalis scientiæ brevissimam sed exactissimam tractationem de gemmis adducit, eò usque jam venit in *Principibus* gemmarum amor, ut certum genus ament, aliud insuper habeant, & contemnant; itaque granatos alij laudant, rubinos contemnunt, alij crystallos, alij Sapphiros mirantur &c. In vicinis *Peruvio* locis (in *Provincia Manta*) antequam *Hispani Americanum* Orbem navigationibus aperuissent, gentes illæ Smaragdum ingentem adorabant, & pro vero numine habebant, pulchritudine ejus captæ, quasi viventem, cum vivere eum, qui tantam lucem tamque gratam profunderet, existimarent. De gemmis, quibus Patriam nostram *Bohemiā* dotavit Deus, plura attuli in Lib. I. Miscell.

*Ut fortuna belli ferebat &c.* Nullibi fortuna majus Imperium quàm in bello exercet; unde accommodatissimè belli aleam veteres appellarunt, quod etli omnem diligentiam adhibeas, nihil tibi certi promittere possis. Sæpe parvus error & casus omnem spem & expectationem evertit, irreparabili damno, cum sapientissimè *Lamachus* dixerit apud *Plutarchum*: in bello bis peccare non licet, idèoque *Cicero* fortunam campi (id est belli) *Dominam* vocat. Testatur id maximus belli Imperator *Cajus Julius*: fortuna quæ plurimum potest, cum in reliquis rebus, tum præcipuè in bello, parvis momentis magnas rerum commutationes efficit. Fateor prudentiam militarem sæpe juris fortunæ nihil relinquere, at quis tam providus Dux reperietur, qui aciebus adversis stantibus illud *Virgilianum* dicere possit: *Omnia præcepi, atque animo mecum antè per-*

egi;



egi; sed prudentis Ducis gloriatio satis iusta erit, si dicere possit, plurima percepi; id maximè ij gloriari poterant, qui in omni prælio stratagema aliquod, quod hostibus ignotum esset, adhibuerunt, nunquam sinè ejusmodi invento magni Duces pugnam iniverunt, uti *Julius Cæsar, Annibal, & illis nihilo inferior Ziska cocles, & cæteri.* Exempla pulcherrima leges apud *Frontinum.*

*Albertus intrepidè Hussitis occurrit &c.* Anceps & non satis expedita inter *Pole- micos Scriptores* excitari posset controversia: an in concursu præliorum hostilis im- petus factò vicissim impetu excipiendus sit, an verò sinè procursu Ordinibus arctè servatis expectandus? difficile est eum, qui bella non gessit, de bellis disputare, ti- mendaque esset *Annibalis* de *Phormione Philosopho* censura; sed ego magno Autore & belli Duce *Julio Cæsare* nitari, qui non dissimulavit maximum errorem admissum à *Pompejo*, cum *Cæsaris* militibus ad pugnam procurrentibus; *Pompejus* suos jussit consistere, & quasi imotos *Cæsarianorum* impetus excipere, quod *Cæsar* magnū sibi ad victoriam momentum attulisse existimat. Verba ipsa dabo: *Inter duas acies* (loquitur *Cæsar* de bello *Pharfalico*) *tantum erat relictum spatij, ut satis esset ad con- cursum utriusque exercitus. Sed Pompejus suis prædixerat, neve Cæsaris impetum excipe- rent, neve se loco moverent, aciemque ejus distrahi paterentur; idque admonitu C. Triarii fecisse videbatur, ut primus excursus, visque militum infringeretur, aciesque distenderetur, atque in suis ordinibus dispositi, dispersos adorirentur, leviusque casura pila sperabat in loco retentis militibus, quam si ipsi immissis telis occurrissent. Simul fore ut duplicato cursu Cæsa- ris milites exanimarentur, & lassitudine conficerentur. Quod nobis quidem nulla ratione factum à Pompejo videtur: propterea quod est quadam animi incitatio, atque alacritas na- turaliter innata omnibus, qui studio pugna incenduntur; hanc non reprimere, sed augere Imperatores debent. Neque frustra antiquitus institutum est, ut signa undique concurre- rent, clamoremque universi tollerent, quibus rebus & hostes terreri, & suos incitari existi- maverent; sed nostri milites dato signo cum infestis pilis procurrissent, atque animadvertissent non occurrì à Pompejanis, usu periti, ac superioribus pugnis exercitati, sua sponte cursum re- presserunt, & ad medium ferè spatium constiterunt, ut non consumtis viribus appropinqua- rent, parvòque intermisso temporis spatio, ac rursus renovato cursu pila miserunt, celeritèr- que ut erat præceptum à Cæsare, gladios strinxerunt. Neque verò Pompejani huic rei defue- runt. &c. hæc Cæsar. At hodie alia est facies præliorum, cum tormentis & machi- nis res geritur, cum locus aut declivis, aut arduus captatur &c. cum Sol adversus & ventus, & pulvis vitatur &c. quanquam in his omnibus *Julij Cæsaris* monitum serva- ri commodè potest.*

*Salvis ordinibus campo decessit &c.* Qui salvis ordinibus fugit, non ex toto devi- cтус videtur, sed quodammodo cedere fortunæ tantum, ut meliori tempore & lo- co reddere se, & hosti offerre possit. Magnum & expertum militiæ Ducem hæc res ostendit, ut suos recipere, & cladi subtrahere possit! *Condei* fortissimi & peritifi- simi *Gallorum Ducis* hæc gloria est, ut narrantes magnos Duces audivi, quod etsi ho- stes victoriam obtinerent, nunquam tamen *Condei* copias in confusionem, & in a- pertam fugam adduxerint, semperque ille salvis ordinibus in tutum evaserit.

*Bellum in Poloniam transferendum &c.* Observant *Polemiici Scriptores: Romanos* omni ope bella in hosticum transtulisse. Ea causa fuit, cur intra 500. annos vix sub- jugare *Italiam* potuerint, ut affirmat *Florus*, cum tamen ducentis annis universam *Africam, Asiam & Europam* subiugârint, ut cum *Floro* consentiens *Appianus* testatur. Ego id retulerim, quia extra Patriam bellum gerere, quàm domi facilius est. Hæc enim præcipuè *Romanis* curæ in militia fuerunt, ut plerumque suis incolis Provin- cias oppugnarent (ut *Gallis Galliam, Germanis Germaniam &c.*) perterritis hostibus spatium recolligendi se non darent; hostem plerumque extra finem Imperij excipe- rent

*Front. lib de stratagem.*

In prælio an in hostem in- currendum, an ejus in- cursus expe- ctandus?

Non est vi- ctus, qui sal- vis ordinib9 cedit ex acie

Bellum si fi- eri potest ex- tra Patriam gerendum.

Lib. 2.  
*Appian in Prologo hist.*



rent ( quod non observatum, semper illis malè processit ) vel si id non possent effi-  
cere irruptionibus hostem domum revocarent ; vel denique hostium impetus cun-  
ctando frangerent ; hæc erat *Romanorum* prudentissimâ bellandi ratio.

Mutata cir-  
cumstantiæ  
mutant con-  
silia.

*Cilia Comes infidus nuper, filij parvi Tutor &c.* Miratus sum sapius, cur *Cilia Co-*  
*mitem*, qui nuper *Bohemia* Regnum ( ut observant Historici ) affectaverat, & alio-  
qui inter Procures dubiæ fidei numerabatur, filio suo si fortè natus esset ( nam sexus  
sciri non poterat ) Tutorem *Albertus* constituerit, cum Sapientum sensus sit, qui se-  
mel malus semper præsumitur esse malus ; id quod maximè verum esse solet in ijs,  
qui semel datam & juratam fidem fregerunt : sanctum enim juramenti nomen Deo  
& hominibus testibus & conscijs conceptum & factum summè homines à perjurio  
deterret ; at cum semel violatum est, in reverentia non habetur, ac ferè tantum  
mendacij, quod *Aulicum* esse dicunt, apud foedifragos locum obtinet ; sapissimè  
enim hæc commutantur apud eos, mendacium & perjurium ; unde bene Sapienti  
dicere licuit : *qui mentiri solet, pejerare consuevit.* Hæc *Albertum* permovere pote-  
rant, nè *Ulricum Comitem Tutorem* nominaret ; at mutata jam erat temporum ratio ;  
nam jam tribus coronis ornatus erat *Albertus* ; soror *Barbara* omni autoritate eli-  
gendi sibi maritum carebat ; dabatur illi in manus potestas, cum *Cæsare Friderico* pri-  
mo Tutore futuro communis, ut ad res novas inceptandas astuto *Comiti Ulrico*, nec  
facultas esset, nec voluntas. Imò Sapienti invento acquisitâ tantâ potestate, si eti-  
am consilium res novandi maximè habuisset, non potuisset aperte in infantem cujus  
erat Tutor, consurgere, potuisset autem si nulla ejus ratio, cum esset *Regina Matris*  
frater, habita fuisset.

Venatio Do-  
mii Austria-  
cæ propria.

Maximil. I.  
in L. cui ti-  
tulum fecit  
Teverdanc.  
Spiegelius in  
scholijs sup.  
Æneam Silv.  
in L. 4. n. 25

*Venationem Albertus amabat maximè &c.* Laudatissima hæc est Principum  
occupatio, quam in *Traiano* suo maximè celebrat *Consul Romanus Plinius* in Nobili il-  
lo *Panegyrico*, qui etiam piscationem adjicit, & velut Principe dignam deprædicat.  
*Austriacæ* genti proprium semper fuit venatione teneri ; notum est *Maximiliani I.* in  
*Comitatu Tyrolis* ( quod ipse eleganter describit, & *Albertus Durerus*, quamvis in li-  
gno, artificiosè incidit ) periculum. *Jacobus Spiegelius Domui Austriacæ* à secretis,  
memorat : *Venationem* olim adeò viguisse in *Austriacæ* gente, ut Imperatorum voce  
appellati fuerint *Des Heiligen Röm. Reichs Jägermeister*, quod plerisq; diplo-  
matis, quæ extant, comprobari potest, idque adeò pro probato jure, ut eis venandi  
exercitium per universam *Germaniam* pateat. Unde ait, *Cæsar Maximilianus I.* qui-  
dam Principi, qui valdè ægrè videbat eum aliquando venatum in suam ditionem ex-  
currere, per suos renunciavit ; non mirum id illi esse debere, si jam ut summus *Ger-*  
*mania Princeps* utatur jure, quo etiam privato ipsi solummodo *Austriaco Principi* si  
tantum velit, quantum possit, uti liceat.

Amicis ma-  
ximè eget  
Princeps.

Philost. in vit.  
Apollon. L. 1  
cap. 15.  
Synes. de Re-  
gno ad Ar-  
cad.

*Fideles Ministros ad dignitates evehebat &c.* Princeps in gubernatione Reipubli-  
cæ vix suis oculis & reliquis sensibus uti potest, quippe sæpenumero unâ Regiâ con-  
clusus ; ideò oculis pluribus, pluribus auribus, aliisque sensibus fidelium Ministro-  
rum opus habet : sapientissimè in *Persarum Imperio Consiliarij* quidam Regis oculi  
solebant appellari, ut in *Philostrato* legimus. Ingeniosè *S. Synesius* monet Imperato-  
rem, ut aliquos habeat Amicos. Rex, ait, id exploratum habet, Deum quidem sibi suffi-  
cere, homini verò multis hominibus imperanti, ad universa noscenda propriam naturam  
satè superque non esse. Hunc igitur natura defectum supplens in ejusdem natura commu-  
nionem, asciscit Amicos, suam quodammodo vim multiplicans ; ita fit, ut Princeps omni-  
um oculis videat, & omnium auribus audiat, omniumque animis in unum consentientibus  
consilium capiat. Sed hic labor hoc opus est, ut fideles à falsis Amicis discernantur ;  
illa est una ex præcipuis bonorum Amicorum nota, & character, si in consilijs dan-  
dis Principis animum induant, suam personam exuant, quò fiet, ut Regi utilia, glo-  
riosa,



riosa, & Majestate ejus digna consilia (etiam si sibi, & suis non multum utilia) Principibus suggerant.

*Ensem lateri semper affixum &c.* Hoc in institutis Germania observatum lego, ut neque in mensis gladium deponerent antiqui Nobiles, utpote militares viri, & qui sui opificij insigne semper gestarent: Carolus V. Imperator, qui ense accinctus etiam audientiam dabat, in gladij sui capulo sigillum jussit incidere, eoque facile & commodè literas obsignabat, ut extrahere opus non esset. Interrogatus, cur istud faceret? respondit, ad manum sibi sic semper esse sigillum. & qui huic non obediret, alterum gladij finem, cuspidem scilicet expectandam esse.

Militaris  
consuetudo  
Germanorū.

## CAPUT II.

### Ladislai Regis Bohemiae Regnum, & cita mors.



**L**adislaus tot populis ejus civitatem expectantibus Divinitas ostendit terris, & spe maximā impletis, mox Orbi subtraxit. Natus est Commorini in Ungaria 21. Februarij, quarto post humatum Patrem Albertum mense A. 1440. cum de ejus ortu constitit, Ungaria & Bohemia Regna Comitibus indictis cum sibi Regem delegere; Ungari feliciores Bohemis visi sunt, & longius progressi, ut turpius desere-

Pupilaris ætas  
Ladislai.

rent: eodem anno quatuor mensium infantem coronarunt in Aula Regali. Bohemi quò seriùs fidem suam infanti Regio obligarunt, eò constantius ejus partes postea defenderunt. Nam Ungari eodem anno Regem Wladislaum Polonum advocatum Ladislao infante contempto eadem in urbe Alba regali eodem in templo S. Stephani, ad easdem aras, coronarunt, eique juramentum nupero contrarium præstiterunt. De Corona Regia, quam Regina Elisabeth astutè eis surripuerat, longa est apud Historicos narratio: in summa, cum infans Ladislaus coronaretur, dexterimè verà coronā exemptā substituit aliquid, quod pondus coronæ impleret, at veram coronam cum infante Ladislao Cesari Friderico attulit (quæ commutatio coronæ magnas postea turbas dedit) itaque Wladislaus coronā ex sepulchro S. Regis Stephani acceptā oportuit coronari. Ladislaus à matre ad Fridericum allatus, aliquamdiu in matris sinu educabatur, quā inter summas spes & metus majores (nam ad deteriore partem strenua semper suspicio est) extinctā An. 1442. 24. Septembris in

P. Syrus in  
Mimis.

Aula



Bohemi La-  
dislao Pu-  
pillo confer-  
vant armis  
Hungariam.

Silv. in Hist.  
Boh.

Giskrae Bo-  
hemi Ducis  
oratio ad  
Ladislaum  
puerum.

*Aula Caesaris Friderici* annis 13. bonis literis, & omni genere pietatis, & Regiarum virtutum excultus permansit. *Bohemia* Ordines inter hæc turbatis rebus suis ex priore ab *Hussitis* bello, Rege, qui autoritate & armis partes componeret, opus habebant, & Legatione missâ *Alberto Bavariae Duci*, mox recusante illo *Friderico Casari* Regnum offerebant, hoc etiam totius Orbis censuram metuente (si pupillo infanti Regnum eripuisset) Gubernatores, usque dum adolesceret *Ladislaus*, elegerunt duos: *Meinhardum de Novadomo*, & *Ptaczkonem Lippaum* (cui brevî mortuo *Georgium Podiebradium*, qui postea Rex fuit, suffecerunt, *Cesaris Friderici* consilio) quæ sub his Gubernatoribus gesta sint, nihil ad *Ladislaum* spectare videntur, & in *Epitome* ordine temporum narrata sunt. Hic in laudem nationis nostræ aliquid adjiciam ex optimis Scriptoribus, qui rebus, dum gererentur, interfuere. *Aenea Silvio*, postea *Pio II. Papa*, *Gerardo de Roo*, *Cuspiniano*, *Birgen*, aliisque Scriptoribus: *Bohemos* Regnum *Ungariæ Ladislao* infanti annis facillè 14. militariter conservasse: *Georgius* & *Joannes Giskra* fratres *Brundusij* ad *Aquilam* in *Districtu Bohemiæ Regino-Hradecensi* ex vilissima fortuna, per omnes militiæ gradus ob virtutem, ad summa militiæ decora evecti, deinde *Talafus de Rziczan*, *Witkowecz*, alique plures *Ungariam* superiorem totam in obsequio *Ladislai* contra *Wladislaum Ungariæ Regem* coronatum, & *Joannem Hunniadem* tantum alioqui & tam felicem Ducem sustinuerunt; memorabile, & dignum *Annalibus* Orbis exemplum refert *Aeneas Silvius*: Cum *Bohemi* legationem splendidissimam ad *Casarem Fridericum* ex comitijs misissent, ut *Imperator Ladislaum* puerum in *Bohemia* mitteret, quo veniente universa componeretur *Bohemia*, atque is pueri infantiam excusaret, Legatos tamen petiisse puerum Regem videre; *Imperatorem* nihil cunctatum eduxisse *Ladislaum*; ibi *Georgium Giskram* (qui unus Legatorum fuit) cum prius indolem, mores, quamvis in puero, cultissimos, aciem oculorum intrepidam, & alia animi Regij documenta observasset, accessisse hæc oratione usum: *Regum desideratissime, quantis ego pro tua Majestate periculis caput meum objeci, quantas curas, & labores, pro ijs terris, quæ mihi commisse fuerunt, sustinui! quot vulnera excepi, & adhuc excipere paratus sum! cumque puer irretorto vultu Giskram aspiceret, & arrideret: tua Majestas, pergit Giskra ulterius, hæc per ætatem non intelligit, sed risu prosequitur, ego tamen scire cuperem, quid mihi militi vestro tot stipendiorum præmij paretis? quæ cum Giskra dixisset, Ladislaus circumlatis in adstantes oculis videt, Procuratoris Regij sacculum, moxque accurrens ex eo sex nummulos aureos, quos solos invenerat, extrahit, & Giskrae donat. Quos ille summâ gratiæ significatione acceptos Legatis reliquis monstrando, Regis futuram liberalita-*

ten



tem ominatus, eos aureo torqui insertos in collo in posterum semper circumtulit. Regia indoles latere non potest, ejusque vim insitam Deus & homines miris sæpe modis promovent. An. 1452. *Fridericus Imperator Romam* ad coronationem profectus, *Ladislaum* duodecennem secum deduxit; quâ magnificentiâ & occurſu multorum *Europæ Principum* exceptus sit Imperator, non est instituti mei commemorare; quod ad *Ladislaum* pertinet, habuit ille luculentam orationem ad *Papam*, quam magnâ memoriæ, & audaciæ in puero commendatione memoriter recitavit; illud etiam memorabile, Sacerdotem qui eum & in moribus, & in Studijs literarum erudiebat, nescio an pretio, an precibus alicujus indutum, adornasse fugam ex Urbe, quâ *Ladislaum* raptum suis redderet, sed prodito consilio in custodiam impositus Pædagogus, & à *Ladislao* remotus est. *Friderico Cæsare Româ* redeunte, cum omnia *Austriaci*, *Bohemi*, & *Ungari* moverent An. 1452. 10. Septemb. *Fridericus Ladislaum* restituit suis; *Viennam* primùm petijt, ubi *Elisabetha* soror morabatur, magno omnium Ordinum gaudio, & velut in triumpho receptus. Anno sequenti *Posonium* in *Ungariam* (occiso jam ad *Varnam* à *Turcis Wladislao*) accessit, & *Proceribus Ungaris* ad se venientibus omnem in administrando Regno diligentiam, justitiæ amorem, & quidquid boni à Regibus expectant subditi, promisit. Ordinatis quantum pro temporis brevitate licebat, *Ungaricis* & *Austriacis*, aliarumque Provinciarum negotijs A. 1453. sub initia Mensis Octobris iter versûs *Bohemiâ* suscepit; ad *Iglaviam* tota *Bohemiæ Nobilitas* Regi futuro occurrit, quatuor millia armatorum Equitum fuisse traduntur. *Pragam* ubi attingit deducuntibus *Proceribus* omnia ad coronationem apparata invenit, itaque nihil morati *Bohemiæ Proceres* 28. Octobris *Ladislaum* tredecennem in *Basilica S. Viti* operam præstante *Joanne Olomucensi Episcopo* (errat *Speculum Austriaicum*, cujus *Author* à *Dionysio Cardinali*, & *Archiepiscopo Strigoniensi* coronatum scripsit, quod nullo Juris ordine servato illegitimum fuisset) coronant summâ gloriâ suâ, & populi applausu maximo. Mox *Comitia* initio Anni 1454. habita, ubi admirabili Ordinum concordia multa, quæ ad pacem publicam, & Regni utilitatem spectabant, constituta; Rex approbavit omnia, rebûque ex sententia gestis, per *Zittaviam*, *Wratislaviam*, *Moraviam*, *Viennam* ad suos revertit An. 1455. Anno sequenti *Hunnade* in prælio post Nobilem de *Turcis* partam victoriam paucis diebus extincto, in *Ungariam* descendit, ibi quæ gesta sunt à *Ladislao Corvino*, & cæde *Ulrici Comitis Ciliæ*, atque iterum ob hoc facinus *Ladislao* publicè & indignè manu Carnificis sublato, quia passim in Historijs leguntur, hîc prætereo. Certum est *Ladislaum Regem* turpem nomi-

Ladislaus  
puer Româ  
pergit.

Ladislaus R.  
coronatur  
in Bohemia.

Apparatus  
nuptiarum  
Ladislai R.



mini suo maculam inussisse, cum *Corvino* securitate datâ & juramento firmatâ fidem fefellit, obsecutus hac in re sceleratis adulatorum consilijs, ut notavit *Speculi Austriaci Scriptor*. *Viennam* Rege reverso de nuptijs & nova nupta, tum dedote, de loco nuptiarum, aliisque hujusmodi consultatum est; ut *Pragæ* nuptiæ celebrarentur pervicit *Gubernator Georgius Podiebradius*, venitque *Pragam Ladislaus* A. 1457. die *S. Michaëlis*, constituti sunt ex Regnis & Provincijs omnibus delegati, qui in *Galliam*, ad Regem *Carolus VII.* ejus filiam *Magdalenam Ladislao* devecturi proficiscerentur, legationis hujus splendidissimæ descriptionem Libri hujus angustia non admittit; hoc unum dicendum est, paucis sæculis tantam magnificentiam, tantum apparatus, tantas opes, tam Nobilem comitatum in his terris visum esse, ducenti ex summa Nobilitate trium nationum adjungere sese, quadringentæ Virgines & Matronæ summo loco natæ, in quarum comitatu Sponsa veniret, designatæ, splendorem vestium aliâque nihil commemorare attinet; sed proh dolor! quantum est in rebus inane! dum pro Sponsa ad thalamum deducenda properatur, *Ladislaus* portatur ad tumulum! 22. Novembris Regis valetudo tentari cœpit, cumque stomachum sibi dolere dixisset, in lectum se conjecit, quatuor horis somno dato consurrexit, multa de stomachi dolore iterum conquerens. Vocati Medici statim de morte imminente Regem, hoc ab illis postulantem, admonuerunt. In hoc extremo periculo *Gubernatorem Georgium Podiebradium Ladislaus* accersivit, & ejus fide, quam sibi perspectam esse dicebat, laudatâ duo petijt: primum, ut justitiam in Regno, maximè in causâ pauperum, viduarum, & pupillorum, sinè omni discrimine administraret; tum illud alterum, ut se mortuo, *Comites* suos, & *Aulam Ungaricam*, & *Austriacam* securè ad suos in *Ungariam* & *Austriam* remitteret, & dato abeundi comiteatu, in itineribus omnis injuriæ securos præstaret; tum totum se ad divina convertit: Sacerdotibus advocatis pœnitentiâ animæ negotia componere aggressus, quæcunque gravare conscientiam poterant, magnâ pietate Sacerdotibus aperuit & lacrymis expiavit, cœlestique Viatico refectus est; quidquid vestium regiarum arcæ claudebant, *Ecclesie S. Viti* donavit, insuper & *Cæsariem*, quam auro concolorem habebat adolescens Reginus, ad Christi cruci affixi pedes post suam mortem jusserat abjici, quod Aulici postea neglexerunt; cum jam mortem adesse sentiret, crucifixi signum, quod intuebatur assidue, complexus, dominicam Orationem recitare cœpit, & in ijs vocibus, *sed libera nos à malo*, 23. Novemb. 1457. cum omnium adstantium lacrymis 36. ex quo ægrotare cœperat horâ, placidissimè expiravit. Habetur multis in locis vera *Ladislai* effigies; verissi-

Morbus &  
Mors.

An sit vene-  
no sublatus.



verissima illa esse creditur, quæ in Collegio Societatis Regino-Hradecij asser-  
vatur, quippe eo vivente depicta, & in Procerum diversorum gazis ser-  
vata, tandem nostrâ ætate à *Friderico ab Oppersdorff* Fundatore illi Colle-  
gio donata. Veneno sublatum Regem Scriptores quidam tradiderunt,  
& *Georgium Regem*, ejusque conjugem *Johannam*, aut nescio, quam puel-  
lam Nobilem nominant, quæ pomum veneno infecerit, sed hæc omnia  
incerta sunt; certius illud in Regis sinu duas venenatas fuculas post mor-  
tem apparuisse; regnabat enim tum pestilentia *Pragæ*, & *Ladislaus* in *Ur-  
bis Meditullio*, in *Aula Regia*, quam dicimus, habitabat; utut sit, ad *La-  
dislai* mortem tam immaturam totus penè cohorrui Orbis, & grande  
documentum Regibus datum est, spes magnas æquè ac parvas momen-  
to occidere, & quod proverbio dicimus, verum esse; *fortuna* (imò & vi-  
ta) vitrea est, cum maximè splendet, frangitur.

## NOTÆ in Caput II.

**L**adislaus divinitas terris tantum ostendit &c. Hominum conditio tam infe-  
lix est, ut mala quibus premitur, diuturna sint, contra verò, si quid boni pos-  
sidere incipiat, id momentaneum & breve citò nos deferat, & esse desinat;  
aut quod maximum humanæ infelicitatis est genus, bonum illud dum amit-  
titur, tum primum noscatur. Nemo adeò divinè in hoc argumento, ut jam antè  
dixi, ex profanis Scriptoribus versatus est, quàm *Imperator Antoninus* in Sapientissi-  
mis duodecim libris, quos de *vita sua* conscripsit. Alicubi sic loquitur: *Humana vita  
tempus momentum est; natura fluxa; sensus obscurus; totius corporis temperamentum fa-  
cile putrescit; anima vaga est; fortuna quæ sit, difficile est edicere; fama incerta est; atque  
ut breviter dicam, omnia quæ ad corpus pertinent, fluxu naturam habent; quæ ad ani-  
mam, (in hoc carcere morantem) sunt insomnia & fumi; vita bellum est & peregrinatio;  
fama post mortem oblivio est. Quid ergo est, quod tuto hominem possit deducere? Sapientia.  
& Lib. 6. in hoc flumine temporis, qui res æstimat, perinde agit, ac si quis unum de præter-  
volantibus passerulis diligere incipiat, atque is jam è conspectu ejus ardeat. Istud certè im-  
maturæ & inexpectatæ morti *Ladislai Regis* aptari potest, qui velut passerulus, aut,  
quo maximè delectabatur, & cum quo pingi solet, *Psittacus*, Regnis & Imperijs ere-  
ptus est; sed hoc debitum est naturæ solvendum, & Orbis non viventium, sed mori-  
entium Patria est. *D. Augustinus* ait: non posse hic beatam vitam inveniri, ubi neque vi-  
ta sit. Ajunt in *Creta Insula*, quocunque loco terra moveatur (nisi aliud plantæ ge-  
nus severis) protinus gigni eo loco cupressum; symbolum hoc esse potest nostræ  
mortalitatis: quidquid enim sive in vita hominum, sive in labore, sive in Imperio  
aggredimur, & inceptamus, morti debetur, & nihil immortale manus mortalis fa-  
cit; ac si fata remorari possemus (nam ad quinquennium superstitionis antiquitas  
vitari fata posse stultè docebat) bene cum rebus humanis ageretur, sed inexorabi-  
lis rerum series & fata crudeliùs in magnos Monarchas mundi, quàm in eos, qui spe-  
tabiles non sunt, incumbunt. *Alexandrum Macedonem Bulla*, quæ nihil brevius, præ-  
significatum *Plutarchus* refert: nam ejus Pater *Philippus* pridie nuptiarum *Bullam* in  
somno vidit Leonis effigie signatam, quæ brevi evanuerit; id Vates & Conjectores  
eò sagaciter referebant, quod nasciturus ei esset filius, qui Leonis animos gereret  
quidem, sed quia in *Bulla* spectaretur, brevem ejus vitam fore. Hujus quoque bre-*

Omnia in vi-  
ta humana  
funeribus  
plena.

Ant. l. 2. de  
vita sua.

Ladislaus  
cum Psitta-  
co pingitur.

August. in  
Confess.

Bulla vitæ  
brevis sym-  
bolum.

Plut. in vita  
Alex. M.



Macrob. l. 1.  
Saturnaliū  
Et Saliar. A.  
V. C. 157.

Quæ tardè  
crescunt, diu  
perennant.

Ambros. l. 1.  
de officijs c. 7.

Reyn. 2. 7. in  
Marianis.

Quidam fu-  
ratus est or-  
bem terrarū

Hilar. lib. de  
mundi dura-  
tione.

Panormit. in  
vita Alph. M.

Injusto Prin-  
ceps omni-  
bus sæculis  
fit infamis.

vitatis signum apud Romanos *Bullam* puerilem fuisse existimo, licet *Macrobius* aliam hujus moris originem à *Tarquinio* de Sabinis triumphante adducat.

*Bohemi*, quò seriùs infanti Regi fidem obligarunt, eò constantius &c. Quæ diuturnâ meditatione, & momentis rerum examinatis constituuntur, tenaciùs animis affiguntur; plantæ hortenses, & arbores omnis generis, quò suam citò maturitatem consequuntur, eò celerius moriuntur, indurata tempore, injurias aëris non timent. Elephas animalium omnium vivacissimus decem annis parturire à *Plinio* traditur; res enim magnæ diu tenendæ, & cum tempore proferendæ sunt, ut diu perennent. Ingeniosissimè D. *Ambrosius* notavit, magnum delectum adhibendum in amicicia, quia, inquit, cum judicio eligimus, magnum charitati pondus ad vim diligendi adjungitur; idem accidit in hac electione Regia *Ladislai*: cunctatio enim prudentissima est, & omnes circumstantias rerum examinat, ut nihil novum, & quod electionem removeretur, facilè occurrat, aut quod non superari possit; unde etiam consilia feliciter procedere solent, & minùs nos fallunt; voluntas ipso quodammodo tempore roboratur, & decreta, repetitis sæpe quæ proposuimus, & statuimus, violentiam quandam animo faciunt, ut vir constans in transversum agi non possit.

*Corona Ungariæ commutata* &c. Hoc illiberale aut fraudulentum factum & furtum haberi posset, nisi Regina *Elisabeth* jure optimo nixa *Ladislao* coronato jam & in Regnum assumpto, coronam (velut Regi) servare voluisset, quam rivalis ejus *Wladislaus*, nescio an satis bono jure coronatus, abstulisset. Audax facinus in conspectu Procerum omnium perpetratum! sed audaciùs illud, quod in coronatione *Caroli V.* nefarius quidam homo ausus est, ut narrat *Theophilus* noster, cum enim *Bononia Carolus V.* coronandus esset, & globus Imperij aureus cum corona & sceptro in altari jaceret, quidam Linteatus ingessit se Sacerdotibus, & coram tali & tanto cœtu incredibili audaciâ pomum illud aureum Imperij nullo observante surripuit, neque unquam resciri potuit, quò pomum devenisset; risu etiam antequam furtum innotuisset, inter Imperij Proceres exorto, cum Sacerdotes clamarent orbem terrarum furto esse sublatum, quæ res postea risum in detestationem & iracundiam *Caroli* & Principum vertit. Similia ingeniosa & audacia furta in Adversarijs meis plurima ex historijs omnium sæculorum collegi, sed ijs referendis hic locus non est. De hoc globo Imperatorum, & quàm sæpe in eo fortuna steterit, mirè argutatur vetus Author *Julius Hilarus*. Porro Reges cum corona regia haberi non posset, alijs coronis insignitos inter exempla habemus, ut in præsentī *Wladislaus* ex sepulchro *S. Stephani* Regis coronam mutuatus est, & postea *Mathias Corvinus* cum ex *Arce Carlsteina* coronam petere non posset, Rex *Bohemiæ Bruna* coronatus est, coronâ ex capite *B. Virginis*, quæ in statua sua in Ecclesia *S. Jacobi* ob miracula colebatur, petita; sic etiam *Rudolfum I.* cum nescio quo casu sceptrum Imperatorium subitò inveniri non posset, sceptri loco crucifixi Domini signum arripuisse legimus, quod omni sceptro gloriosius est visum.

*Coronam Bohemiæ oblatam*, & *Albertus Bavaria Dux* & *Fridericus Imperator* recusarunt &c. Nulli bene cessit violenta vel injusta alienæ coronæ occupatio, meritoque censuram totius Orbis timuerunt: nam cum *Regum* cibus sit gloria, ut dicebat *Alphonfus Magnus*, inglorium se reddit Princeps omnibus sæculis, qui se tam injustum fuisse monstravit, ut pupillo & infanti Regnum eriperet. Quòd si in minutis rebus attendimus, nè maculam gloriæ nostræ inuramus apud præsentēs, quantò id justius apud posteros cavendum est, nè cum execratione nomen nostrum legatur, velut tyrannorum. Omnia enim, ut sæpe dixi, notantur in Principe, quæ latent in privatis: si quæ minor stellula in cœlo deliquium lucis patiatur, quis id animadvertit, nisi fortè aliquis sub tecto latens & frigore rigens *Astronomus*; ac cum primæ magni-



magnitudinis sidera obumbrantur, hoc & prædicatur, & à populis observatur, verbis *Seneca* eloquat: *cum aliquid in caelo ex more mutatum est, omnium vultus in caelo est, Sol spectatorem, nisi cum deficit, non habet. Nemo observat lunam, nisi laborantem. Tunc Urbes conclamant, tunc pro se quisque superstitione vanâ trepidat.* Famæ igitur custodia habenda viris est, qui gloriam in vita quæsierunt, nè omnes suas laudes corrumpant; etsi enim fama mendax à *Poëtis* dicatur, non potest tamen mendax esse, ubi eam & populus, & *Scriptores*, qui vitam ipsam inspiciunt, confirmant, ac meo iudicio sapientissimus *Scriptor Tacitus* istud dicere voluit: *non semper, inquit, errat fama, aliquando etiam eligit.*

*Giskra* ex vilissima fortuna per omnes militia gradus ascendit &c. Neminem in arte aliqua perfectum esse crediderim, qui eam artem non tractavit, multò etiam militandi artem, seu scientiam alicui contingere posse, qui militia tyrocinium non potuerit; & tamen mirati sumus aliquos vel nobilitate, vel juventute, & gratiâ adjutos tenuisse locum, & parè factos ijs, qui in militia consenuerunt; satyricè & ingeniosè dictum est à *Juvenali*, de hujusmodi promotionibus: *quàm multos Veneris commendat Epistola Marti*, scilicet eos, quos commendârunt fæminæ, ubi valere *Virgilianum* illud posset: *Dux fæmina facti*. Ridiculum à militibus accepi exemplum (res est antiqua ideo securius adducitur) in pugna *Lipsensi* A. 1642. Ducem cujusdam Legionis, qui solâ nobilitatis commendatione legionem juvenis admodum ducēbat, in prælio opus habuisse milites, ubi sibi standum esset, consulere, at milites legionarios unâ quasi voce conclamasse: *non standum est tibi, sed pugnandum.* Corruptela militaris disciplinæ est, cum non virtutis & experientiæ, sed gratiæ ratio habetur; *Giskra*, de quo loquimur, suâ virtute sibi gradus ad summum Imperij decus paravit, tamque fidos sibi milites, tot armorum documentis habuit, ut nullus unquam militum ejus de fugâ, sed tantum de victoria cogitârît; & cum aliquando à *Joanne Hunniade* Duce incomparabili, *Cavillo* appetitus fuisset, insolitâ duellandi ratione provocavit *Hunniadem*, quocunq; in campo cum decem millibus suorum comparendi, haberet ex parte altera *Hunniades* quot vellet millia; advenit *Hunniades*, commissôq; certamine *Giskra* etiam si numero multis partibus superaretur, non modò *Hunniadem* compulit in fugam, sed ipsa castra cœpit, ut narrat eorum temporum *Scriptor* fide dignissimus *Æneas Silvius*, qui addit nunquâ *Giskram*, nisi victorem ex prælio revertisse, & quamvis severè animadverteret, omnibus suis carissimū fuisse; nimirum in militia educatus, militiae leges sanctissimè servabat. Similia habet *Tacitus* de Imperatore *Rufo*: *ed immitior in bello Imperator Rufus, quia toleraverat.* Notula est in hunc locum *Annibalis Scoti*: *Dux qui antè privatus miles labores & pericula toleravit, servat disciplinam, quia novit quantum jactura inferat corruptio in exercitu, & quæ sequuntur.*

*Aureos nummos in collo circumtulit &c.* Apud militares animos sæpe una aliqua significatio laudis & virtutis pro maximo beneficio accipitur, & bene laborem suum & virtutem se collocasse putat, qui à Principe honoratus etiam minimo præmio afficitur. *Qui beneficium invenit*, ait *Magnus Aristoteles*, *compedes invenit*, quod significare *Giskra* voluit, torque cum numis appenso, ut se Regi parvulo per omnem vitam obnoxium & gratum fore promitteret.

*Puer Ladislaus orationem ad Papam cum singulari commendatione memoria recitavit &c.* Signum certissimum ingentis indolis in puero bonitas, & fidelitas memoriæ esse solet, quod *Magistri ingeniorum Quintilianus* & *Seneca* docuerunt; ideôq; *Græci Mnemosynem*, id est, *Memoriam*, matrem Musarum finxerunt. *Veteris Poëta* *Senarius* est de *Musis*: *has Ufus genuit, mater peperit Memoria.* Illud tamen cavendum exemplo suo Principibus, *M. Antoninus Imperator* monet, nè multum in studiis inutilibus operæ infumant, agitque *Dijs* gratias, quod nimis magnos in *Grammatica*, *Poësi*, *Rhetorica*,

*Seneca l. 7. qq. natur.*

*Tacit. in vita Julij Agric.*

Ad militiae Præfecturas commendatione non ascenditur, sed experientia & factis.

*Giskrae* militaris experientia & de suis militibus certitudo.

*L. 1. Annal.*

Laus Principis summa gratitudo militis.

An expediat summè doctum esse Principem.

*L. 1. de vita sua.*



rica, Musica, & ceteris studijs progressus non fecerit, quæ me, inquit, fortè prorsus detinuis-  
sent, si me feliciter proficere sensissem; nimirum ad Imperij curas, quod felicissimè rexit,  
à Divina providentia Sapientissimus Imperator vocabatur, & de alio Imperatore in e-  
gregio Scriptore legere memini: *parum visum est Djs, si quem Principem Orbis esse*  
*volebant, fecissent Principem Poëtarum.* Non eò tamen id dicitur, quasi Principes illi-  
teratos esse velim, sed ut, cum curæ Regnorum urgent, alia omnia seponant, &  
( quæ similitudo est *Plutarchi* ) multas Urbes obeant, sed in una habitent, id est: noverint  
scientias, sed artem regnandi præ omnibus suam esse putent; in hac Regiam dignita-  
tem, & familiæ suæ gloriam, & conservationem suam esse existiment, interea inge-  
nia viròsque doctos foveant, & honoribus officiisque admoveant, etiamsi ipsi Lau-  
rum Poëticam, vel Doctoralem pileum non affectent. Medio eundem est Princi-  
pibus, ut docuit idem *Traiani* doctissimus Præceptor *Plutarchus*, libro cui titulum  
fecit: *an Principi sit Philosophandum.* Vide etiam hoc argumentum in *Andrea Tira-*  
*quello V. C.* qui catalogum eruditorum Principum additis observationibus prudentis-  
simis contexuit.

*Tiraq. lib. de*  
*Nobilit. c. 5.*

Concordia  
vires auget.

*Plut. l. Præ-*  
*cepta geren-*  
*da Reip.*

*Admirabili Ordinum concordia &c.* Virtus unita fortior aiebat Aristoteles, unum  
ex multis compositum, valentius est multo, quàm illud, quod partes non habet.  
Videor paradoxum adferre, sed præstanti similitudine rem illustrat *Plutarchus*. Sicut  
*manus in digitos divisa nos imbecillos non reddit, sed expeditiores ad agendum* ( quod ma-  
nus in digitos non divisa præstare non posset ) ita Princeps, qui non sibi soli, sed alijs quo-  
que munia Reipublicæ committit, actiones efficit, ob societatem efficaciores, & dexterius,  
ut ita dicam, operatur; auget enim vires suas concors Procerum multitudo.

*S. Synes. de*  
*Regno ad Ar-*  
*cad.*

Adulari Prin-  
cipib9 quàm  
grave scelus

*Strada l. 9. de*  
*Bello Belgico.*

*Vitik. Hist.*  
*Sax.*

*Sceleratis adulatorum consilijs fidem datam fefellit Ladislaus &c.* Nulla pestis no-  
centior in Aulis Principum, quàm adulatio. Olim Domibus Romanorum, qui in  
aditu januas canibus catenatis munebant, adscribebatur: CCC. id est: *carve carve ca-*  
*nem!* multis Principum Aulis meritò tria c. possent adscribi, ut maturè præcavere  
adulationes caninas, & latratus calumniantium discant. Præclare toties à me lau-  
datus *Synesius*: *sola adulatio nec quicquam vigilantibus Satellitibus Imperium depradatur:*  
*nisi enim penitus arceatur, in ima usque conclavia sensim penetrat, Regumque nobilissi-*  
*mam partem, animam scilicet adoritur.* Quamvis verò ubique adulatio execranda sit,  
tamen cum ad corrumpeudum Principem admoveatur, omni execratione digna est,  
quia non in unum aliquem calicem, ut *Plutarchus* loquitur, sed in fontem publicum  
injecit venenum lethale, unde omnes potantur. Maximè autem noxij sunt adula-  
tores, qui, ut fidem datam fallat Princeps, Authores fiunt. Sic ludificatos à *Carolo*  
*VIII. Gallorum Rege Florentinos*, quibus juraverat se *Pisas* quàm primùm redditurum,  
ut narrat *Strada* noster, fidem deinde repetentibus *Florentinis* respondisse: se prius  
*Pisanis jurejurando contrarium promississe.* Sceleratum quendam Scriptorem docuisse  
tradunt: quo loco in homine privato sunt mendacia, eodem in loco Regibus esse  
juramenta. ô hominem *Atheum!* ô doctrinam flammis dignam! nam si privatis non  
licet perjurium, quomodo licebit Regibus, qui Majestatem divinam reverenter con-  
testando jusjurandum præstiterunt? longè alia erat Majorum nostrorum integritas,  
quorum aliqui divinum nomen ex tantæ Majestatis reverentia non adhibebant, san-  
ctissimè tamen juramenta servabant: legi in *Vitikingo Ottonis Magni Caesaris* sanctis-  
simum juramentum fuisse: *per barbam meam!* & tum inexorabilem fuisse si sic juras-  
set; at sæculis nostris juramenta Deo & Sanctis, cœlo & terrâ, omnibus ferè *Europa*  
populis audientibus præstita, Regum Sigillis & subscriptionibus firmata, ob ambi-  
tionem violantur. *Ladislaum Regem* ut perjurum aliquot Scriptores accusant, ma-  
ximèque *Birge*; ego in Regis pueritiam, quod peccatum est, referri oportere exi-  
stimo.

*Moriens*




uis.  
kit,  
e-  
ffe  
lli-  
&  
int  
ra-  
e-  
u-  
i-  
m  
a-  
if-  
  
m  
t.  
ut  
a-  
o-  
s,  
  
o-  
in  
a-  
re  
u-  
r:  
n-  
t,  
t,  
m  
a-  
lo  
n,  
is  
le  
e  
n  
i-  
s,  
n-  
if-  
if-  
s  
i-  
.  
s



# TABULA Genealogica Austriacæ Stirpis Augustissimæ, Habsburgicæ; ex qua complures Bohemia Reges habuit.

*Actum agerem, si hoc loco universam Augustissimæ hujus Domus Genealogiam contexere vellem; quocunque aspicias, invenitur & legitur; omnium accuratissime nuper edita est in Speculo Honoris Domus Austriacæ, sic, ut nihil addi possit; ego ea solum attingam, quæ ad Bohemiam spectabunt, & Regum nostrorum nomina dabo: Sectione ultimâ à Carolo V. & Ferdinando I. descendendum absolutam Genealogiam adducam.*









*Moriens totum se ad divina convertit &c.* Necessarium hoc tempus est salutem suam in tuto reponendi; prout enim Deus nos ultimo articulo invenerit, ita iudicabit. *Carolo V.* sapientissimo Imperatori altè inhæsit *Centurionis* missionem petentis dictum: *inter negotia vitæ, & mortem ipsam aliquid temporis interponendum esse*; hoc ita interpretatus est *Imperator*, ut Imperio, & omnibus vitæ curis vale dicto, ad mortem sese privatus componeret, & Deum sibi propitium & placatum redderet.

Mors docet orare.

*Spes magnas momento occidere &c.* Observatum pridem est ab Historicis & Politicis, *Principes ex hac vita plerumque eripi, cum magna moluntur, sibi que videntur felicissimi.* Verba *Philippi Cominæ* recitavi: accipiter frondibus arborū tectus tum in columbam impetum facit, cum eam videt extentis alis plausum dare, & superbos in volatu gyros facere; at ille rectâ viâ ad uncis ungvis in plaudentem tendit, & ut *Plinius* loquitur, *in ipsa gloria rapit.*

comin. 2.  
parte hist.  
c. 50 de Ca-  
rolo VII.

## Notæ in Tabulam Genealogicam Generalem Austriacæ Domûs.

**A**Nte omnia benevolum Lectorem monitum velim, me in hac Tabula non omnes *Austriacos Duces, Archiduces, Reges, ac Cæsares* percensere voluisse, sed eos tantum, qui aut *Bohemia Reges* fuerunt, aut eos quoquo modo contingunt; alteram dabo Tabulam in fine Sectionis sextæ, quâ *Ferdinandi I.* genus cum nepotibus omnibus & neptibus ad *Leopoldum Augustissimum Imperatorem*, & Regem nostrum deducam. Illud etiam sciri velim, me in Notis hisce non omnia, quæ dici potuerunt allaturum, tum quia antè quædam de ijs dicta sunt, tum etiam quòd ad *Bohemiâ* nostram magnâ parte non pertineant.

a. *Rudolfus I. Habspurgi Comes Landgravius Alsatiæ*, natus est A. 1218. 1. Maij, educatus apud *Cæsarem Fridericû II.* fuit *Przemyslai Ottogari II. Regis Bohemiæ Supremus Aula Præfectus*; cui *Ottogaro* cum electus esset *Imperator Rudolfus*, bellum indixit, & *Austriam*, aliâsque Provincias ademit, Rege in acie cadente. Heroica hujus Cæsaris facta in *Speculo Domûs Austriacæ* nuper edito legi possunt. Electus est *Imperator Francofurti*; coronatus *Aquisgrani* An. 1273. 23. Oct. obiit *Germersheimj* An. 1291. 15. Julij, ætatis suæ 73. sepultus *Spiræ*. Conjux ejus prima *Anna Bernardi Comitis de Hohenberg* filia, mater 7. filiorum & filiarum, quæ obiit A. 1281. Secunda fuit *Agnès* filia *Ottonis Comitis Burgundia*, ex qua nihil genuit.

b. *Gutta* vel *Juditha Rudolphi I.* filia nata An. 1270. nupta *Regi Wenceslao II. A.* 1286. obiit *Praga* 1297. in puerperio.

c. *Albertus I. Rudolphi I.* filius electus à quinque Electoribus, adhuc vivente *Cæsare Adolfo*. (quem postea in bello occidit) Imperium Electoribus, patrato hoc facinore reddidit, sed de novo electus, & *Aquisgrani* coronatus A. 1298. occisus est 1310. à *Joanne Rudolphi* fratris sui filio, qui causam sceleris sui hanc prætexebat, quòd hæreditatem paternam sibi dare cunctaretur. Sed *Imperator* id fecerat, eâ causâ, quòd *Joannem* prodigum & dilapidatorem bonorum esse sciebat. Hic *Joannes* postea *Pis* in *Cænobio Augustinianorum Henrici VII. Cæsaris* jussu reclusus pœnitentiam egit ad mortem; cujus tumulum vidisse se *Pis* testatur *Silvius*. De *Rudolfo II.* & *Agnete* ejus conjuge *Przemyslai Ottogari II.* filia egi in tabulis præcedentibus.

Silv. in Pæ-  
rallois L. 2.  
#. 31.

d. *Rudolfus III.* cognomento *Miris* (*Bohemi* cum vocabant *Kasse*) post obitum *Wenceslai III.* per vim *Bohemiæ* Regno impositus, nunquam tamen coronatus; cessit fratri suo *Friderico Austriam* cum scitu *Alberti I. Patris* sui. Annum non explevit regnando; mortuus in castris, in obsidione *Horaſdovicj* 3. Julij 1307. contracto alvi fluxu

Rex Kasse.



fluxu ex esu peponum. Pragæ decessit ad tumulum, in Ecclesia S. Viti sepultus, penes Rudolphum II. Svervæ Ducem Patrum suum, qui duxerat, ut sæpe dixi, Agnetem Wenceslai II. Regis Bohemiæ sororem. De Rudolphi III. conjugē Elisabeth Przemyslai Regis Polonia filia dixi in Tabulis prioribus, quæ obiit A. 1307.

Beness L. 1.  
Chron.

Albertus II. Austria Dux fuit manibus pedibusque contractus, ideoque Sacerdotio destinatus, & jam Canonicus Passaviensis, & Subdiaconus ritè ordinatus; at cum omnes fratres sui sinè hæredibus obissent, Pontificis auctoritate uxorem duxit, & Austriam multis annis rexit. Obiit 1358. uxor ejus Johanna filia ultimi Comitis de Pfirt Ulrici, qui obiit 1324. Johanna verò hunc Comitatum Austria conjunxit.

Idem L. 3.  
C. 4.

e. Rudolphus IV. Alberti I. filius habuit in conjugio alteram Catharinam Caroli IV. filiam, quam duxit A. 1353. de hoc ait Benessius: nunquam fuit gener iste fidelis socrero suo usque ad mortem, adeò ut A. 1360. adversus Carolum cum Wirtembergicis Ducibus arma sumserit, at Carolus arma armis opponens coëgit Rudolphum ad veniam petendam. De ejusdem Rudolphi machinationibus contra Carolum, luculenta extat Epistola, Joannis Episcopi Litomislensis Caroli Cæsaris Cancellarij Aulici; mortuus est Rudolphus A. 1365. at Catharina obiit 1373. 15. Sept.

Cancellaria  
Caroli IV. MS.  
Coll. Prag. n.  
70.

Albertus III. Archidux Austria summus Astronomiæ amator, qui Universitatem Viennensem amplificavit, & multis censibus auxit. Obiit An. 1395. prima ejus uxor Caroli IV. filia sterilis fuit. Secunda Beatrix genuit ei filium Albertum IV.

f. Leopoldus II. adjunxit Austria Comitatum Hohenberg, & Tergestum, fuit bellicosus Princeps, sed infelix; ejus res gestas, multis commemorat Speculum Domus Austriacæ, occisus in bello A. 1386. ejus uxor Virida Ducis Mediolanensis Barnabonis filia, mater fuit 7. liberorum; quando obierit, nihil invenio.

g. Albertus IV. cognomine Patiens Archidux Austria Alberti III. filius in obsidione Znoymæ veneno sublatus decessit. M.S. Curtense significat Albertum IV. non veneno, sed telo in obsidione Znoymæ periisse. Obiit 1404. 25. Augusti. Uxor Johanna duorum liberorum mater, quando obierint, non annotârunt Annales.

Ernestus Ferreus Leopoldi II. filius Archidux Austria Princeps Carinthiæ & Styriæ pro Casare Ruperto in Italia militavit, ibique à Joanne Galeacio Mediolanensi cæsus, reliquum vitæ domi in otio transegit, sorte suâ contentus. Obiit 1435. uxor ejus prima Margareta Sterinensis Ducis filia, aliquot ei filiolas attulit, quæ in ætate tenera sunt extinctæ. Uxor secunda Cimbarga Zemorviti Masoviae Ducis filia, matrona pia, modesta, viribus cuique viro par, quæ unico digito nuces juglandes frangebatur, & eodem digito clavos muris infigebatur.

h. Albertus V. Archidux Austria, sed ejus nominis II. Imperator Alberti IV. filius, decennis Patrem amisit. Uno eodemque anno 1438. insigni felicitate ter coronatus, Rex Ungariæ & Bohemiæ, & tertio Imperator; de eo Capite singulari superius egimus. Obiit 1439. 27. Octob. itidem ex esu peponum contracto morbo extinctus. Ejus uxor Elisabeth Sigismundi Imperatoris unica filia, genuit conjugi suo Georgium, qui puer obiit; deinde Annam nuptam Wilhelmo III. Ducis Saxoniae, ex qua Wilhelmus suscepit filiam itidem Annam Hinkonis Duci Minsstenbergici conjugem, ex qua Novodomæi & Slavata descendunt. Item Elisabetham Anna sororem, quæ nupsit Casimiro II. Regi Poloniae, de qua dicam in Tabula Stirpis Jagellonicae; fuit enim ipsa felicitatis humanæ miraculum. Obiit Elisabeth mater Anno 1443. hæc autem filia An. 1505.

Sepulchrum  
Friderici III.  
Imper.

i. Fridericus III. (& si Fridericum Pulchrum Austria Archiducem inter Imperatores numeramus, IV.) ejus nominis Imperator, Ernesti Ferrei filius, natus A. 1415. electus Imperator post Alberti II. ejus nominis Imperatoris mortem An. 1440. Romæ à Nicolao V. coronatus; Georgio & Vladislao Regibus Bohemiæ investituram dedit, reclamation.



mantibus Pontificibus; fuit summus quietis amator; per *Duces* aliquot bella confecit feliciter. Obiit *Lincij* ex alvi profluvio comestis octo peponibus, & aquâ desuper largius haustâ 19. Augusti A. 1493. ætatis septuagesimo octavo, regnavit in Imperio annis quinquaginta tribus, sepultus *Viennæ* ad *Sanctum Stephanum*; sepulchram marmoreum perelegans, ingeniosissimi artificis opus, sapius diligenter oculis lustravi, quod multa Stemmata Illustrium Familiarum expressa exhibet. *Eleonora*, vel *Leonora* sexdecim annorum *Friderico* nupsit, & copulata est à *Papa Roma*, pridie coronationis *Cæsareæ* 16. Martij; cum ea *Nèapoli* nuptias celebravit apud *Regem Alphonsum Magnum Sponsæ Patrualem* Anno 1451. interfuit *Rex Bohemæ Ladislaus* duodecennis. *Eleonora* abstemia fuit, & naturâ à vino abhorrebat, sed postea Medicorum svasu vinum gustabat. Obiit Anno 1467. 1. Septembris, sepulta *Neostadij*. Genuit marito quinque liberos, *Christophorum*, *Hele-*  
*nam*, *Joannem* (qui vitales non fuerunt) *Maximilianum I.* & *Cunegundem*, quæ nata Anno 1465. nupsit *Alberto IV. Duci Bavarie*, à qua descendunt omnes *Bavarie Duces* hodierni, genuit quinque filios, & tres filias; postea in *Parthenonem* sacrum secessit *Monachij* A. 1508. ibidem mortua 1520.

k. *Ladislaus* posthumus *Alberti II. Cæsaris* filius, natus *Comorini* 22. Februarij Anno 1440. nondum quatuor vitæ Mensibus expletis *Rex Ungariæ* coronatus, eadem levitate ab iisdem, qui coronari jusserant, rejicitur. Mansit in tutela patris sui *Friderici Cæsaris* usque ad ætatem legitimam; interea *Bohemiæ Georgius Podiebradius*, *Ungariam Joannes Hunniades* gubernabat. Coronatus est *Pragæ* Anno 1453. obiit in flore ætatis nuptias apparans sumptuosissimas cum desponsata sibi *Magdalena Caroli VII. Franciæ Regis* filia, *Ludovici XI.* sorore, quæ antequam allata esset, Sponsum amisit, qui *Pragæ* seu porrecto veneno, seu pestilentia, quæ tum *Pragæ* regnabat, die *Sancti Clementis* Anno 1457. est extinctus. Ejus corpus omnino incorruptum, & in sepulchris Regum penes Proavum *Carolus IV.* tumulatum, spectasse se Anno 1590. *Weleslavinus* testatur. *Ladislaus* sororem habuit *Annam*, quæ *Wilhelmo Saxonie Duci* desponsata est, & ex eo genuit *Annam* itidem, conjugem *Hinkonis Ducis Münsterbergensis*: quæ genuit aliam *Annam*, quam sibi conjugio copulavit *Henricus de Novodomo*; ex qua *Novodomæ* & deinde *Slavata* descendunt, quia verò virili stirpe caruit, nulla ejus ratio habita est post mortem fratris *Ladislai*, sed electus est in *Regem Bohemie Wladislaus*, minoris sororis *Elisabethæ Casimiri Regis Poloniae* filius. Obiit *Anna* die *S. Lamberti* A. 1482.

l. De *Elisabetha* uxore *Casimiri III. Regis Poloniae*, deque ejus Regis liberis dicam in Tabula Jagellonica.

Reliquam Austriacorum Archiducum Genealogiam à *Maximiliano I.*

*Friderici Imperatoris* filio adferam in fine

Sectionis ultimæ.





## SECTIO IV.

De Familia Cunstadæa, ex qua unicum  
Regem Georgium Podiebradium  
habuit Bohemia.

### CAPUT UNICUM. *Georgius Podiebradius Rex Bohemiæ electus & coronatus.*

Georgius ve-  
rus Rex Bo-  
hemiæ.



Georgij Re-  
gis pruden-  
tia.

**I**mperitè satis agere videntur, qui *Georgium Podiebradium* ab universa *Europa*, & *Austriacis Principibus*, quorum maximè intererat, pro Rege legitimo agniti, ex *Albo Regum* nostrorum expungunt; consulatur *Epitome* nostra, in qua ostendimus: omnes Imperatores, omnes *Europa Reges*, omnes *Imperij Electores*, omnes *Bohemia* ex *Domo Austriaca Reges*, qui secuti sunt, *Georgium* disertè inter *Reges antecessores* suos nominasse. *Georgius* ergò *Podiebradius*, *Horazdovicij*, vel ut *Weleslavo* placet, *Horzovicij* Anno 1420. natus, Illustrissimâ *Comitum Imperij de Bernek & Nidda Familia*, quæ in *Bohemiâ*, nescio qua de causâ, ante aliquot sæcula immigravit, ortus est. Adhuc puer à *Victorino* Patre ad arma tractanda magis quàm ad ullum vitæ genus adhiberi cœpit; hâc viâ *Georgius* ad coronam sibi aditum paravit, neque ullus eâ tempestate fuisse memoratur, qui hanc ej gloriâ derogaret, usque adeò, ut cùm postea summus *Christiane Militiæ Dux* in tota *Europa* adversus *Turcas* quæreretur, unanimi *Electorum & Principum* sententiâ, *Georgius* summus in bello *Turcico* *Dux* proponeretur, nisi summi *Pontifices* obstitissent, cùmque *Electores Principes* in solenni *Conventu Egræ* pacem in *Imperio* An. 1461. procurare omnibus consilijs & viribus statuissent, *Georgium Protectorem & Conservatorem* pacis dici voluerunt. Accedebat ingens consiliorum maturitas, & in rebus gerendis mira-



mirabilis dexteritas, & in longum prospectans providentia, ut celerrimè aggredereetur, & finiret omnia, quia diu antè cùm res & tempus posceret, quæ à se agi oporteret, prævidebat. Hæc autoritate partà mortuo *Ptakone* Lippæo duumviro (qui in puerili ætate *Ladislai* ab Ordinibus constituti gubernabant *Bohemia*) successus est *Georgius*, & *Meinhardo de Nozadomo* gubernationis socius datus. Inficiari non possum, cùm acta omnia & consilia *Georgij* penitiùs inspicio (quæ ex grandi *M. S. Codice*, qui apud me est, & omnes ad *Georgium* & vicissim ab *Georgio* datas Literas continet) animadvertere me *Georgium* prudentiæ sæpe *dolum* adjunxisse, & ubi Leonis pelle non satis regeretur, vulpinam assuifse, ut hîc etiam factum observare licet: nam cùm videret unum *Meinhardum* & Nobilitate, & rebus gestis, & autoritate, & ætate sibi ad summa contendenti obstare posse, eum per speciem Religionis, quod *Calixtinus* odisset, in invidiam populi adductum, cepit, ac postea miseris modis *Podiebradij* habitum, veneno etiam, ut scribunt nonnulli, sustulit. Inde cùm jam æmulo amoto parem nullum in Nobilitate *Bohemia* haberet, Annis pluribus gubernationem pro *Ladislao* puero concedentibus omnibus suscepit, & cum laude gessit, negotia Regni maxima pertractans vicinis omnibus *Cæsare Friderico*, *Polonis*, *Ungaris*, *Saxonibus*, *Misniacis*, domi Civitatibus, & totâ Nobilitate fœderibus, conditionibus, auxilijs, beneficijs, promissionibus ad se pellectis, omnium sibi amorem paravit, ut quidquid in *Bohemia* laudabile gereretur, id uni imputaretur *Georgio*. Regem etiam *Ladislauum*, cùm adolevisset, ad coronationem *Bohemicam Pragæ* adduxit, cùm antè coronam ei servâisset; quâ gratiâ Regem totum suum & sibi obnoxium fecit, ut Regis, *Ladislauus* titulum, *Podiebradius* Regis curas atq; inde auctoritatem obtineret. Paulò post *Ladislao*, ut antè narraveram, magno subditorum dolore extincto, Comitia novi Regis creandi causâ ad 2. Martij An. 1458. *Pragæ* in *Veteris Urbis Pragensis Curia* celebranda indicuntur, quæ multum certaminum habitura credebantur, ob maximam dignitatem & studia competitorum, quippe & Imperator, & duo *Austriaci Archiduces*, & Rex *Galliæ* pro filio *Carolo*, & Rex *Poloniæ Casimirus*, & *Saxonie*, *Barvarie Duces*, & *Brandenburgicus*, & *Misniacus Marchiones* inter *Candidatos* censebantur; sed hos omnes ante Comitia dejecit *Rokiczana* eloquentissimus *Hussitarum Sacerdos*, qui potentiâ exterorum Principum, nè hæresis sua expugnaretur, timebat, & *Piaslum*, ut ità loquar, Polonorum exemplo eligi sivebat, turbulentas ejus conciones refert *Cochlaus*; adveniente Comitiorum die electus est *Georgius*, & 7. Maij An. 1458. coronatus ab *Ungaris Episcopis*, cùm sedes *Archiepiscopi Pragensis* vacaret, aderat tamen *Protasius*

Viam sibi  
sternit ad  
Regnum.

Regni Bohemici  
Candidati.

*Cochlaus* in  
*Hussitarum* 12  
ad initium.



Georgij me-  
rita in omnes  
vicinos Prin-  
cipes.

Wratislavia  
R. Georgio  
obedientiam  
recusat.

*Olomucensis*, sed is cum nondum ab Apostolica Sede confirmatus esset, officium coronationis, quod jure ad eum pertinebat, præstare non poterat. Prima Regis *Georgij* cura fuit vicinos Regno *Bohemia* Reges ac Principes sibi demereri: *Mathiam Corvinum Regem Ungariae*, qui captivus à *Ladislao Viennæ* tenebatur, protinus post *Ladislai* mortem *Pragam* adduci jusserat, ac suis *Ungaris* restituerat, insuper filiam ei in conjugem dederat, quo beneficio, si mens non lava fuisset, Ungaros omnes ac Regem præcipuè sibi in omnem vitam obligatum reddere potuisset. Reges *Poloniae* confederatione mutuâ sibi, alios Principes conjugijs filiorum & filiarum (ut ex Tabula Genealogica cuique datur intelligi) arctissimè illigavit, postea etiam *Fridericum Casarem* demereri studens, quem subditi sui *Viennenses* perjuri in *Burgo* cum Imperatrice & parvo filio *Maximiliano* captivos tenebant, exercitu conscripto in libertatem asseruit, qui Regis *Georgij* fidelibus obsequijs captus plurima Regno *Bohemia* privilegia, immunitates & gratias (quas in *Fundamentis Regni* recitabimus) contulit, & ipsius Regis filios *Sac. Rom. Imperij* Principes creavit. Hoc tamen mihi sæpius admirationem movit, plerosque, quos immortalibus beneficijs sibi obstrinxerat *Georgius*, malam illi gratiam retulisse, ego neminem nominabo, sed consulatur *Epitome*. Compositis vicinis Principibus ac Regibus domi tutius, cum à nemine juvari possent, Civitates quasdam, quæ Regi præstare obsequium recusabant, ad officium compellere primò literis, cumque ijs nihil efficeretur, armis aggressus est; ità *Brunam*, *Iglaviam*, *Znoymam*, *Telczium*, pluresque alias imperata facere coëgit. *Lusatia* quoque superior *Georgio* se submisit, inferior armis domita est; *Silesia* restabat, qui cum *Georgium* Regem ex compactatis vivere, & *Utraquistas* velut suos fovere didicissent, Regi juramentum præstare detrectabant, quippe *Casimirum Regem Poloniae*, vel *Wilhelmum Duce* *Saxonie* sororium *Ladislai* Regis, Regem suum esse præ *Georgio* malebant; neuter tamen oblatum à *Silesijs* Imperium prudentissimo consilio acceptavit, nè se inutili bello & maximè dubio involveret. Proclivè erat *Georgio* Regi *Wratislaviam* compescere (nam hæc una Civitas *Georgium* Regem agnoscere nolebat; cætera Nobilitas, Principes ac Civitates faciliè aut benevolentia *Georgij*, aut armorum metu ad obsequium sunt adducti) sed ea Civitas implorato Pontifice armis spiritualibus defensa est. Volebant Pontifices, ut *Georgius* Compactata abjiceret, & se ritibus Ecclesie Romanæ accommodaret, ad hoc à *Georgio* obtinendum allegabant juramentum, quod in coronatione præstitisset; defensurum se Religionem Catholicam, Romano Pontifici obedientem futurum &c. Unde & *Calistus III. Rom. Pontifex* Regem appellasset. Respondebat *Georgius*: *Compactata*



Etata à Concilio Basiliensi Bohemis data; à Pontificibus, nominatim ab Eugenio IV. confirmata; declaratos esse Bohemos Compactatis utentes & Eucharistiam sub utraque suscipientes, veros & legitimos Ecclesiæ filios; iuramentum abs se in coronatione prælitum, non extensum ad compactata fuisse, neque sibi unquam venisse in mentem, ea quæ Pontifices & Concilium semel approbârunt, omninò immutare, & ritum suscipere, quem universum Regnum Bohemiæ probantibus & laudantibus tot Patribus Concilij recepisset. Quæ postea gesta sint, consultò prætereo, quia longâ narratione à Pessina, & à me ipso in Epitome sunt narrata; hoc unum dici potest, quidquid agerent Pontifices, & adversus Georgium statuerent, nunquam Cæsarem, Reges ac Principes ad inferendum Georgio bellum moveri potuisse, imò plerisque eorum potentissimis ad Papam Epistolis, quarum Exempla inter manus meas sunt, Georgium defendisse, ac pro Georgio supplicasse; unus inventus est Mathias Rex Ungariæ, qui Georgio bellum indiceret, & Bohemiæ Coronam ac titulum usurparet, de quo bello & Mathiæ inconstantia, qui jam cum Georgio foedus faciebat, & post aliquot dies bellum indicebat, rursus finiebat, nihil tale metuentem bello petebat, multis agit idem Pessina, qui confederationes istas, ex Actis publicis, quorum Codicem bene magnum pro amicitia, quæ mihi cum eo intercessit mutuam dederam, descripsit. In hoc bello accidit, ut Mathias cum exercitu Bohemiam ingressus loco iniquissimo silvis, uliginibus, vallibus angustis impedito concluderetur à Georgio, cumque evadere non posset, simularet pacem, & conditionibus acceptis emitteretur è faucibus, Rege Georgio omnia pacata, & amica de Mathia cogitante; at is ubi emissus est, Georgij credulitatem irrisit, hostemque se ut antè prodidit, indigno Regibus exemplo. Variâ & ancipiti fortunâ dimicatum est: quoties acie concursus est, vincebat Georgius, at partibus vincebatur, & ejus vires paulatim atterebantur, præcipuè postquam assiduis Pontificum, literis comminationibus, Dirisque omnibus devoverentur, qui Georgij partes tuendas susciperent; aderant Pontificis Legati Rudolphus Episcopus Lavantinus, Hieronymus Cretensis, aliique, quibus impigrè res suas agentibus Moravia & Silesia tota cum propè Univerfa Regionis Nobilitate Georgio ad extremum renunciavit obsequium, nec minùs in Bohemia Georgio Catholici Proceres tum etiam Plsna, Tina, Budvicium faceffivère negotium, præcipuè posteaquam Paulus II. qui Pio II. Pontifici Maximo successerat, Georgium ad causam dicendam Romam citavit, & non comparentem Regno privavit, & ejus subditos à iuramento fidelitatis absolvit, necquicquam Regibus Polonia, Gallie, Duce Venetorum, Electoribus, & cæteris Europæ

Mathias Rex  
Ungariæ bel-  
lum movet  
Georgio.



Georgius in  
morte respi-  
scit.

Principibus, maximè *Bavaria*, & *Saxonia*, & *Silesia* Ducibus pro *Georgio* supplicantibus. Quare coactus *Georgius* cum priùs negasset *Compactata* hæresin continere, & se nunquam hæreticum fuisse frustra præten-  
disset, primò à Pontifice malè informato ad meliùs informandum, de-  
inde ab eodem Pontifice ad Concilium universale, quod ex *Concilij Baz-  
siliensis* sententia nono quoque anno cogendum erat, appellavit. Lon-  
gum & supervacaneum foret Codicem gestorum *Georgij* ingentem, &  
ut ità loquar, decumanum, describere; ad hæc puncta, quæ modò di-  
xi, referri possunt omnia; in his turbis complures exacti sunt Anni:  
*Georgius* ut fera à multis venatoribus petita & furens rabie, vulnera, sed  
plerumque altiora & magis noxia reddebat: cruce signati quos immi-  
ferat Pontifex, sæpius à *Georgianis* concisi, Catholicorum arces expu-  
gnatæ, denique ut semel dicam, *Georgij* arma in *Bohemia* triumphabant,  
in *Mora-via* & *Silesia* variabant. Paulò ante mortem compositâ cum  
*Mathia Rege Ungariae* pace, *Georgius* non tam senio, quàm curis ingen-  
tibus & laboribus militiæ confectus, in morbum incidit, quem hydro-  
pem fuisse plerique consentiunt. Obijt ætatis anno 51. Regni 13. Chri-  
sti 1471. die 22. Martij. à maximis Authoribus traditum est *Georgium* an-  
te mortem, quæ contra Pontifices senserat, egeratque, retractasse; *Ca-  
nonicis Pragensibus* advocatis reverentiam & debitam Sedi Apostolicæ  
obedientiam animo supplici & humili promississe; cùmque inter hæc *Ro-  
kiczana* pessimus ille *Georgij* consultor advenisset, eum protinus è con-  
spectu suo facessere iussisse, *Saxoniae Duces Ernestum* & *Albertum* scriptis  
litteris interpellasse, atque ipsorum intercessione cum Pontifice reconci-  
liari petijisse. Quâ fortasse animi præparatione & pœnitentiæ signifi-  
catione permoti *Canonici Pragenses*, viri doctissimi, & Sacrorum Cano-  
num peritissimi *Georgium Regem* mortuum in *Ecclesia Metropolitana* in-  
ter *Reges Catholicos* humari permiserunt. Fuit *Georgius Princeps* magna-  
nimus, bellorum peritissimus, justus idem & æquus omnibus; amans  
subditorum, commoda Regni sagaciter procurans, quæ unica causa fuit,  
cur monetam deterrimam, quæ ex *Austria* in *Bohemia* infusa erat, nè  
quid detrimenti acciperent subditi, ad se adferri jusserit, & probiorem  
aliam procuderit, in sese damno recepto, quod pati subditi debuissent.  
Optabile fuerat, si *Gregorium Heimburg* & *Rokiczanam* nunquam vidis-  
set, his enim authoribus Pontificum minas, Bullasque contempsit, quod  
ei omnium causa fuit malorum, & bellorum; quanquam in ijs  
talem se præstitit *Georgius*, ut propior victori,  
quàm victo videretur.

NOTÆ



## Notæ in unicum Caput Sectionis IV.

**A**rmorum viâ Georgius ad coronam sibi aditum paravit &c. Cùm militia sit Regum opificium, aptissimum se Regno Princeps facit, qui militiam ultra omnes artes excolit, intellige de Regno, in quo Reges eliguntur, quale olim fuisse Regnum Bohemia, Historici consentiunt: nulla præclarior militaris Regis laudatio esse potest, quàm ea, quæ à Plinio Trajano Imperatori in nobili illo panegyrico adscribitur. Quod in eo maximè Regno valet, quod militare dicitur, & quod propè solis militibus constat, qualis eo tempore Bohemia fuit, & hodie Polonia gloriosissimum Regnum, & ejus inclytus Rex Joannes omni memoriâ & laudatione dignissimus Princeps habetur. Cur autem Reges militares Regnis regendis aptissimi censeantur, ratio est in promptu: quia omnes regnandi artes, in militia in summo florent & exercentur: Regem vigilem esse oportet; At ubi majore vigilantia opus est, quàm ubi durus Magister Hostis nos excitare classico potest, & cogit somnum abrumpere? celeri & præsentis voluntatis decreto velut animâ Reges commendantur (nè lites & causæ cum incomparabili damno Provinciarum in longum trahantur) militares Principum animi in gubernatione Reipublicæ hanc etiam viam tenent. Justitiæ severitatem, quis in militiæ Duce desideret, quam si non servet, militiæ dissolutio consequetur. Verbo: nulla est in Reipublicæ gubernatione virtus, quæ non in militari vita resplendeat; cæteræ virtutes, si adsint, laudantur in Principe, at justitia, fortitudo, prudentia, temperantia requiruntur; ac si pœnis & premiis (quod Sapientum scitum est) Rempublicam contineri fatemur, nullibi quàm in bello præmia & pœnæ sæpius adhibentur. Hanc igitur viam tenuit Georgius Podiebradius, ac nisi suspectæ & sublestæ Religionis dedisset indicia, maximis omni ætate Regibus æquiparari, aut etiam superior haberi potuisset. Sed ut redeam ad Caput, nulli aptiores Principes ad regendum in historiis leguntur, quàm, qui militiam coluerunt: ad hoc indicandum antiqui Reges inter arma salutabantur; impositione scuti, ait Tacitus de Brenone: Dux deligitur, & notavit Petrus Pythæus apud Gallos, Gothos, Francos, Græcos, & ultimis temporibus etiam apud Romanos, hunc ritum in cooptandis Principibus viguisse.

Prudentia sæpe dolum adjunxit Georgius &c. Vetus est, nescio cujus Græci Imperatoris dictum (nisi fallor Leonidæ) ubi Leonis pellis non sufficit, vulpinam adhibendam esse, dolum an virtus quis in hoste requirat? canit Princeps Poëtarum. Et revera multam confertur maxima virtutibus maxima sunt vitia, quodque vitium esse creditur, si adjuncta omnia temporum, locorum examinâris, virtutem fuisse deprehendes; & è contrariò sæpius virtutis nomen, si regulam non Lesbiam, sed rectæ rationis adhibeas, splendidissimum mendacium invenies; turpe tantum est Principi tam decipi, quàm decipere, quorum alterum eum debilem ostendit, qui causæ & viribus diffidat, alterum improvidum & minus circumspectum, ut ex se ludos hostibus fieri sinat: Fistula dulce canit volucrem dum decipit auceps, vetus est versus, & venatores cùm feras capiunt, ut lepusculos, eosdem in cubilibus suis jacentes circum-eunt; ita dolo arripiti Principes fas sibi esse putant, omnes promissionibus, fœderibus &c. decipere; sed ego nullum in jure titulum deceptionis invenio; proinde hujusmodi Principes apud omnes fidem amittunt, conscientiam apud Deum.

Meinhardum sustulit &c. In Interregno periculosissimum est unum omnia posse, præcipuè si is aviditate honorum laboret, habeatque authoritatem, opes, clientelam potentem, aliâque ad Regnum sibi parandum præsidia, ex quibus in spem erigatur, Coronam Regiam satis firmiter in capite suo sedere posse. His machinationibus obitant æqualis potentia Proceres, qui si plures sint, authoritate, aliisque ad

Militaria via  
Georgii gra-  
fatur ad ho-  
mores.

Tac. l. 4. hist.  
Pyth. lib. 11.  
subsecrariū  
cap. 6.

Georgii pru-  
dentia dolum  
sæpe adjun-  
xit.

In Interregno  
periculosum  
est unum ni-  
mis eminare.



Prov. 16.

ad Regnum requisitis dotibus pares, non facile periclitatur Respublica; unde bene dictum est: *invidia sustinet fornicem*. Cum enim suspensio fornicis ex oppositione lapidum conficiatur, quò magis alij alijs sese opponunt, eò fornix firmior evadit, perinde in Regno, Procerum contraria studia non sinunt unum aliquem nimium eminere. At ubi unus tantum aut duo sine controversia ambitiosissimi & potentissimi omnium colliduntur (ut hoc loco *Meinhardus & Podiebradius*) periculosum est Interregnum; nam uno æmulorum sublato, alter incredibiliter suam potentiam augeat, & neminem habet, qui ejus authoritati & potentie obistere, & ad alta tendentis curram sufflamina possit, quod præsentis exemplo *Podiebradij* confirmatum Lector animadvertet.

Beneficentia  
Regia virt. 9.

*Amorem sibi paravit per negotia Regni &c.* Hæc una justissima & probatissima via est ad honores ascendendi; cum enim consentientibus optimis *Politici*, Imperium aliud nihil sit, quam cura aliena salutis, jam ante Regnum Rex est, qui alijs bene vult, & alijs ut bene sit, procurat: hoc populi amorem conciliat, hoc benevolentiam Civium meretur (quæ fidissima est custodia), hoc domi & foris Reges gloriosos, hostibus formidabiles facit! memorabilis est *Plinij* senioris sententia: *DEUS est mortali jurare mortalem, & hæc ad aternam gloriam via, hæc Proceres iere Romani, hæc nunc cælesti passu vadit Maximus omnis ævi Rector Vespasianus Augustus, fessis rebus subveniens; hic est vetustissimus bene meritis gratiam referendi mos, ut tales numinibus ascribantur &c.* quæ sequuntur pulcherrima. Proinde merito eundem *Vespasianum*, laudavit *Philostratus*, qui *Ægyptijs* mirum in modum Præfectorum avaritiâ, aliisque modis afflictis, hæc verba aurea publicè in templo dixit: *ex me perinde, atque ex Nilo vestro, quacunque vultis, haurite!* quâ oratione mirum in modum *Ægyptios* à Præfectis exsuccos recreavit, in spem bonam erexit, in omne tempus obnoxios & Imperio fidos reddidit. Id etiam spectavit *Georgius* beneficijs dum privatus adhuc esset, multoque magis cum negotia Regni tractaret, in omne genus hominum conferendis. Beneficia enim sunt alicuius amoris, & gratia collata, cum eâ maximè egemus veneni quoddam instar habet, quod non mortem sed obsequium in animo liberali parit, ut ejus causâ, à quo præventi sumus, omnia velimus, eique gratitudinem nostram approbemus: *beneficium accipere*, ait *Syrus*, *libertatem vendere est*; præcipuè cum beneficia & munera excæcent sapientes, & quodammodo captivos eorum à quibus beneficia acceperunt, efficiant.

Philostat.  
in vita Apol-  
lonij lib. 5. c.  
10.Syrus in Mi-  
mis.Principes vi-  
cinos conci-  
liare sibi pru-  
dentissimum  
est.

Herodot. l. 5.

*Prima Georgij cura vicinos Principes conciliare &c.* Hoc plerisque Principibus gubernationis initio, non utile tantum, sed necessarium factum est, ut securis regnent, ut in seditione, si oboriatur, subditi à vicinis Principibus non adjuventur, quod sæpissimè desiderant in alieno Regno fieri; ij, qui prætensionem aliquam in Provinciâ habere se jaçant; quo circa statim seditionis assistunt, & cum oppressos & afflictos erigere & adjuvare simulent, sua querunt. Animadvertit hanc Principum artem antiquissimus Scriptor *Herodotus*, qui de *Aristagora* loquens, *auxilij ferendi prætextu*, inquit, *sæpe alienas Regiones invadendi & scrutandi consilium tegitur*. Etiam vel ex hoc capite laudabilis est vicinorum Principum conciliatio, quòd initia Principatus eorum amicitia firmentur; dissimulanda tunc erunt odia, eorumque causæ omnes contegendæ, & quidquid usquam esse potest, quod animos vicinorum à nobis abalienare possit. Plus enim vicinus unus hostis, quam decem remoti nocere solent, quòd apertum latus nostrum habere videantur, eoque facilius vulnus inferre lateri; deinde quod Provinciam vel Regnum nostrum belli aream, quod periculosissimum est efficere conabuntur, cum subditorum nostrorum ruina & extremâ vastitate: Felix est Princeps, cui si bellum gerendum est, illud extra Patriam in alienas terras transferre potest, si domi nihil metuat à suis. Mutandum foras bellum est, si bel-



si bellare velis: *Romani in Italia vix Annibalem sustinuerunt, in Africam missio Scipione ad sua tuenda revocatus est Annibal.* In Patria bellum hostem sustentat, in alieno solo nos sustentabimur. Hæc ergo sit cura Principis, ut quantum fieri potest vicinos Principes, amicos, aut saltem hostes non habeat.

*Ingratitudo Regis Mathie &c.* Sæpe miratus sum in tam heroico Rege ingratitude vitiū hærere potuisse; sed gloriæ cupiditas omnes caritates exsuperat: mirabile dictum est prudentissimi Imperatoris *Friderici III.* *Audivi, inquit, Aeneas Silvius, Imperatorem Fridericum, sæpe dicentem, ex ijs quos extulisset, quam paucissimos gratos fuisse, idque se effecisse honoribus, ut ex fidelibus infideles fierent.* Generosi quidam animi (quanquam perversa hæc videtur generositas) nulli se obligatos, & nulli quidquam se debere ostentant. Sapientissimum est *Taciti* dictum: tanto proclivius est injuria, quam beneficio vicem exsolvere: quia gratia oneri, ultio in questu habetur: si quis igitur nobis injuriam inferat, continuo exardescimus, & vindictam meditamur; si beneficium conferimus, vicem reddere cunctamur, & denique obliviscimur. Inhumanum & inhospitale facinus! ego *M. Aurelium Antonium Imperatorem* sapientissimum audire malo, qui dicere solebat: *ingratum mori vitam esse tam infamem, ut magis infamis à nullo excogitari possit.*

*Conjugijs Principes illigavit &c.* Arcissimum fœderis genus est inter Principes conjugium, quippe sanguinis commixtio vim maximam habet ad animos conciliandos, neque potest arctiori nodo, quam infuso quodam modo proprio sanguine, amicitia constringi; unde optimè Amicos latini *necessarios* dixere, & amicitiam *necessitudinem*. Sed proh dolor, sæpe insana ambitio hunc tam strictum & quasi gordium nodum ense dividit, cujus rei exempla utinam hodierna sæcula non suppeditent!

*Prætextu Religionis bella &c.* Sæpe Principes qui bellis & sanguine suorum & hostium delectantur, bellum prius decernunt, quam *Religionis* veniat in mentem, sed decreto semel bello facile est etiam Religionem prætexere, & orbem simpliciorum decipere.

*Ante mortem Georgius retractavit errorem &c.* Mors aptissima ad id habetur, ut errores admissos videamus; sed sera est, ut ait ille, in fundo parsimonia; huc ego trahere soleo illud *Virgiliani Pastoris*: *nuper me in littore vidi.* In littore seu in fine vitæ multa alijs oculis videntur & vicinitas Divini judicii, & poenarum æternitas occursans animo, conscientiam monente efficit, ut ea nos ipsi damnemus, quæ multo ambitu & magnâ commendatione populorum gesseramus. *Plinius & Virgilius* de apibus scribentes docent, apum exercitus pugnantes, continuo pugnam abrumpere, si pulveris exigui jactu spargantur. O! utinam mortis pulvis hoc in bellis hominum posset, & recordatio, & collatio vitæ præsentis & futuræ sistat brutalem bellantium rabiem cum expectatione & gaudio Orbis universi! hoc sine *Ægyptij* in convivij sceleta circumferebant, ut convivæ mortis admonerentur, & mortuorum festum etiam apud *Romanos* agebatur. Sapientissimus *Plutarchi* liber, quem *Convivium Sapientium* inscripsit, consulendus est, ubi pulcherrima adferuntur, & salutaria ex mortis meditatione documenta ad pacem & concordiam generis humani. Alibi referuntur Philosophorum sententiæ ad corpus mortui *Alexandri Macedonis*.

*Monetam probiorem procudit &c.* Inter clariora indicia, quod bene & justè administretur Respublica omnium Sapientium consensu, est *probitas Monetæ*, quam mali Principes in sua commoda convertunt, & pauperem populum quasi aliud agendo spoliunt, cui maximè nocetur. Querelam hanc habet *Nicolaus de Clamengijs* oratione longissimâ de lapsu & reparatione *Justitiæ*; qui liber etsi meritò detestabilis, & damnatus sit, ob alias causas, diligentissimè & fusiussimè in falsam Monetam inve-

E c

hitur,

Ingratus animus hodiernis sæculis non est in vitio.

*Aeneas Silvius in Comment. super Alphonsi Magni dicta l. 2. n. 35 Taciti l. 4. histor.*

*M. Ant. Imp. in Libris de vita su.*

Conjugia & amicitias firmant.

Multi pro Religione Regionem quarunt.

Mors etiam malos corrigit.

*Plin. l. 11. c. 17. Virg. in Georgicis.*

Moneta bona boni Regis & justissimi.



Ludovicus  
Molina S. I.  
in opusculo de  
Moneta.

hitur, & quàm sit Regnis noxia demonstrat: cum enim adulterina Moneta in Regnum infusa est, pauperes v. g. existimant se decem aut viginti florenos possidere, eoque pretio victum & amictum comparare posse; at ecce subito per devaluationem, quam vocant, damnatur Moneta atque illi ex floreno quartam v. g. pretij partem amittunt. Animadversionem hanc docuit me magnum Hispaniæ lumen, vir seu Theologiam, seu Juris prudentiam spectes undequaque doctissimus, in libello de Moneta sui temporis conscripto, severissimè in hanc fraudem Hispanicorum ministrorum invehens, quem in hoc argumento scribentem inspicere cuperem. Quaidem in re duo nostri Reges Wenceslaus Ottogari filius, & Georgius Podiebradius excelsum, & pecuniæ contemptotem animum satis ostenderunt, ac primum quidem omnem deteriorem Monetam in Regno recipi vetuerunt, mox altero decreto de deteriore Monetam ad Monetarias domos deferri jusserunt, ubi illis pecunia probior numerabatur; ibique deteriorem relinquebant; ita in se damnum, quod habituri erant subditi, optimi isti Principes recipiebant; qui subditorum amor omne præconium meretur. Sapienter Clementissimus Imperator Leopoldus populos suos nè damnum paterentur futuræ devaluationis in tempore, & longè antè admonuit, ut damnum quod percipere poterant, vitarent; eoque pacto paupertati populi optimè consuluit.

## Notæ in Tabulam Genealogicam Regiæ Stirpis Cunstadææ.

Familia Boc-  
konum cur  
ita dicta.

a. **B**oczek I. Hujus Majores in Imperio Romano Comites (ut rectè docet Speculum Gloria Austriacæ nuper editum) de Berneck & Nidda; ab Henrico V. Imperatore circa A. 1127. (nescitur quâ causâ) proscripti, in Bohemiam se recepere, & prorsus in linguam nostram & genus & Nobilitatem transiire. Ex hac Stirpe Boczek I. sic dictus quod ex latere matris esset excisus (ut habet Zidek in libro Instructionum M. S. ad Regem Georgium) Bok enim & diminutivum Boczek latus humanum Bohemis significat, quasi Casarem latinè diceret. Hic Boczek incepit fundare Cænobium Fontis S. Mariae in Zdiar pro Cisterciensibus Religiosis A. 1252. eundem Boczkonem Hagecius nominat Chraštovsky; ejusque Patrem Hebbardum vel Gebhardum facit Paprocus, fundatorem Cænobij (non Boczkonem) & titulum gessisse Burgravij Znomyensis, idque ex Memorij Ecclesiarum probare se posse; cui ego, contra Weleslavinum, subscribo.

Paproc. in  
Speculo Mo-  
ravia C. 30.

In Spec. Mor.  
C. 30. in Ba-  
ronibus &c.  
1. de Equit.

b. De Smilone I. nihil antiquitas reliquit. De Gerardo, quæ dixi, habet etiam, præter Weleslavinum, Paprocus; hujus Smilonis I. neptem fortasse in conjugio habuit Boczek vel Boczko II. Boczkonem II. tres fratres habuisse; Cunonem, Zagimacium & Mikulonem seu Nicolaum ex Memorij Ecclesiæ Olomucensis sub Brunone Episcopo scriptis Paprocus ostendit. Cuno posteros reliquit, qui Cuna vel Cunones de Cunstæt appellabantur; Zagimacz alterius lineæ originarius fuit, qui Zagimacziorum cognomen ferebant. Micolon originarius fuit Equitum de Drnovicz, ab Arce Drnovicz, quam ædificârunt non procul à Cunstæt appellati, & quia eorum Majores Comitum Titulum abjecerant, ipsi (quod Militiam colerent) uno Equitum & militum Titulo (exemplo plurimis alijs Illustrissimis familijs usitato, ut suo loco dicemus) contenti vivere. Eadem erant omnibus his familijs Insignia & Clypei militares.

De Smilone II. quæ attuli, ex iisdem Scriptoribus sumsi.


c. In



e.  
e,  
o-  
tij  
n,  
el-  
m  
la  
x-  
m  
e-  
o-  
3-  
ne  
os  
o-  
e-  
  
f-  
=  
e-  
e  
k  
-  
it  
-  
e  
e  
-  
1  
-  
n  
-  
l-  
e-  
n  
-  
-  
1



# Tabula Genealogica Stirpis Cunstadae, seu de Cunstat; ex qua Regem unum, Georgium Podiebradium cognomine, Bohemia habuit.



Reliqui inveniuntur in Notis.



*[Faint, illegible text across the page, possibly bleed-through from the reverse side.]*

no  
in  
ol  
en  
us  
es  
ul  
ic  
pa  
a.  
at  
es,  
oc  
x  
en  
er  
et  
le  
en  
an  
ic;  
ris  
ac  
er  
cia  
x  
om  
ren  
uo  
vir  
or  
qua  
atq  
Scr  
tri  
ta  
nū  
lic  
Auf



c. In *Boczone* III. hallucinatur *Paprocus*; ait enim eum ad *Austam* A. 1426. interfuisse prælio, & heroica edidisse facinora pugnantem, genuisse verò ex *Anna Lippa* filium *Mauricium*, qui cum *Rege Joanne* A. 1319. adversus *Austriacos* pugnavit; quæ duo cum ratione temporum & Chronologia, ut consideranti patet, componi non possunt.

d. *Boczek* IV. *Assessor* fuit *Judiciorum Regni* A. 1411. estque subscriptus sententijs Judicialibus A. 1402. cum *Wenceslaus Rex* teneretur captivus, & *Sigismundus* ejus loco judicio præfideret.

e. *Victorinus I.* *Sigismundo Casari* semper adversatus inter *Pragensium* ductores à Scriptoribus recensetur; primus *Comitatum Glacensem*, & cum eo Comitatus titulum obtinuit, quod quâ ratione factum sit, in *Comitatus Glacensis* descriptione dicetur.

f. *Boczek V. de Cunst.* Hunc ego existimo fuisse, qui in *Austensi* pugna (ut paulò antè memorabat *Paprocus*) virtutis suæ & fortitudinis tanta edidit documenta. In *M. S. Codice Crumloviensi* lego. *Boczekonem de Podiebrad* An. 1425. *Joannem Patruelem* suum subdolè captum fame enecuisse. Quis *Boczek* hic fuerit, quis *Joannes*, scire non possum.

g. *Joannes Kostka* (quod in nullo prorsus alio Scriptorum unquam legeram) *Boczekonis* IV. filius à *Weleslavino* ponitur; fateor ambigere me an *Kostkarum* familia ex *Cunstadea* profluxerit: movet me autoritas *Weleslavini*, deinde quod ante hæc tempora, nunquam quidquam de gente *Kostkarum* in Scriptoribus legimus, quod certè non omisissent dicere, si ea fuisset antiquior; at contra ab hac sententia deterret; quòd nullus unquam ante *Weleslavinum*, neque post eum istud dixerit; deinde quòd *Kostkarum* gens, ut in eorum annulis & sigillis sæpius vidi, Rastrum horrente non verò lineas. illas *Podiebradiorum* gestarit in Clypeo: suspendo igitur tantisper judicium, dum Nobilitatis nostræ *Origenes* pertractandas suscipiam.

h. *Hinko de Cunst.* Hunc per oscitantiam *Paprocus* fratrem *Regis Georgij* fecit; veriùs *Weleslavinus* patrum, cui favet *Chronologia* nam A. 1420. 25. *Novembriis*, ut ex historijs nostris certum habetur, hunc *Hinkonem* cum *Zittaviensibus* ad *Saczkam* congressum vicisse, & jam tum aciem ductâsse, cum eo primùm anno frater illius *Rex Georgius* 6. Aprilis *Horazdiovicij* natus esset: non ideo attuli, quasi nesciam fratres viginti annis juniores suis fratribus esse posse, sed id & rariùs accidit, & autoritatem *Weleslavini* ac cæterorum Scriptorum validiùs firmat; adde (quod omnia superat) *M. Laurentium* ejus ætatis Scriptorem disertè *Hinkonem* hunc, fratrem *Victorini* nominare.

i. *Elisabeth Georgij Regis* soror juncta est *D. Henrico Berca de Duba & Lipa*; ex quo conjugio natus est *Petrus Berka*. Verbo uno hujus *Elisabethæ* regis sororis sanguinem participarunt per conjuges Comites *Turnij*, *Bezdruzickij de Kolovrat*, *Lobkovicij*, *Krzineczkij de Ronovva*, omnes *Waldsteinij*, & ab his alij *Bohemia Barones* quamplurimi, ut in *Stemmatographia* genealogicè demonstrabo.

k. *Margareta* soror altera *Regis* nupta *Boczekoni Sebergio* in plurimas *Bohemiæ*, atque etiam *Imperij Illustrissimarum* familias sanguinem per filias & neptes infudit.

l. *Georgius* natus *Comes Glacensis*, *Dominus in Podiebrad* (unde *Podiebradius* à Scriptoribus per frequenter appellatur) fuit vir invicti & imperterriti animi, quod satis ex ijs, quæ de eo in Epitome attulimus, & quæ vel in ætate gravi & morbis fracta gessit & pertulit, apparet; quâ viâ & quibus artibus ad Gubernationem primùm *Bohemiæ* (*Ladislao* tum puero) deinde etiam ad Coronam, grassatus sit, explicant eorum temporum *Annales*. Multa bella gessit in *Misnia*, *Moravia*, *Silesia*, *Austria*, & in ipsa *Bohemia*, nunquam acie victus, ut ipse in Epistola ad *Matthiam Cor-*

Georgij gesta quædam,



vinum Regem Ungaria (eum quo ipsi maximum negotium fuit) modeste gloriatur. Fridericum III. Imperatorem à Rebellibus Viennensibus in castro suo obsessum cum conjugē suā Eleonora, & Maximiliano I. tum puerulo periculo exemit, ob eamque causam Imperator Georgij liberos Imperij Principum titulo decoravit. Obijt hydropē ætatis anno 51. Regni 13. Christi 1471. petijt ante mortem à Pontifice absolvi ab excommunicatione, ob id in Ecclesia S. Viti Metropolitana humatus; ubi & secunda ejus Conjux Johanna Mielnico post mortem huc devec̃ta postea sepulta est. M. S. Cuthnense asserit Johannam A. 1475. in Mielnik mortuam & ibidem ab Hinkone filio tumultatam. Quantam Regum gloriæ maculam inurant mali Consultores, Georgij Regnum ostendit; nam ut in bellis gerendis Georgius unum se audiebat, sic in rebus sacris pessimorum duorum hominum consilijs unice regebatur, iisque omnia tribuebat; ij fuere Rokyczana & Gregorius ab Heimbürg, jurati Apostolica Sedis hostes, qui Regem in præcipitia maxima deduxerunt; de Rokyczana alibi egimus, de Gregorio, ut constet, quis fuerit, hæc pauca ex Trithemio & Frehreo annotabimus: Sigismundus Austria Dux cum Nicolaum de Cusa Cardinalem & Episcopum Brixinensem custodiæ mancipasset, Pius II. Pontifex Ducem excommunicavit; habebat Dux à secretis Doctorem quendam juris Gregorium Heimbürg patriā Francum orientalem, is cum esset latinè simul & Teutonicè omnium suā ætate facundissimus, missus Romam Orator, cum absolutionem Duci impetrare non posset, Appellationem à sententia summi Pontificis ad futurum Concilium pro Sigismundo conscripsit, & ad valvas Ecclesiæ Florentinæ publicavit; quare Pontifex & Ducem & Oratorem excommunicavit; qui fugiens in Bohemiam se recepit, & ibi ducta uxore permansit, cum antè Syndici munus Norimbergæ gessisset. Hæc de Gregorio ab Heimbürg, cui summam rerum maximarum æque ac minimarum committebat Georgius, ique Regi auctor fuit, ut excommunicationes Pontificum pro nihilo duceret, & ad futurum Concilium, ut in Epitome nostra Regem fecisse vidimus, appellaret.

m. Boczek VI. de Cunstæt Regis Georgij filius, Principis titulum non gessit; subscripsit literis Vladislai Regis, recens tum electi An. 1471. quas Ordinibus dedit promittens, quibus Conditionibus foret regnaturus. Obijt Boczek VI. sine liberis. Nisi fortè dicamus ejus filiam fuisse Catharinam Podiebradskam de Cunstæt, Georgij Berkæ Supremi Judicis Regni Bohemiarum uxorem, sed de hoc Boczkone, qui Podiebradij manebat, altissimum est inter Historicos silentium.

n. Victorinus II. Comes Glacensis Fridericum III. obsessum Vienna manibus suis sublatum extulit ex Viennensi Burgo; accepit in præmium sub feudo Comitatum Catzenelbogen in Hassia non procul à Majorum Comitatu Niddensi, sed hic Comitatus ad hæredes Victorini non pervenit; postea ab eodem Friderico Münsterbergæ Dux, & Imperij Princeps creatus est. Weleslavinus docet hunc Victorinum ob sua in Casarem privata merita, longè ante fratrem Henricum Imperij Principem scilicet An. 1459. die S. Joannis Baptiste Bruna à Friderico Casare appellatum; fuit Moravia Capitaneus institutus à Patre. Militiam Victorinus præcipuè coluit, & multa feliciter gessit, tandem ad Affinem Henricum Lippaum Crumlovium in Moravia A. 1469. Trebicio profectus, ab Ungaris captus, ampliùs biennio in libera custodia detentus est; dimissus Patre jam mortuo A. 1472. M. S. Codex Carolinus ait centum millia florenorum pro liberatione perfolvere debuisse. Uxor prima Sophia Baronissa, quæ ei filiam genuit, quam Casimiro Tessinensi Principi dedit uxorem, quæ mater fuit Wenceslai Ducis Tessinensis. Uxor secunda Casimiri Tessinensis Ducis soror, quæ Victorino genuit filios duos Bartholomæum & Laurentium. Tertia Uxor Margareta Palaologa ex stirpe Imperatorum Græcorum Paleologorum, quæ ei genuit tres filias, Apolloniam Vestalem in Parthenone Strzelensi in Silesia; Ursulam Vestalem Friburgi in Misnia (quæ Lutheri tempore

Tom. II. Germanic. Script. Parerga Appellat. Sigismundi Duc. Trith. Chron. Hirsaugiense ad A. 1460.

Greg. Heimbürg conatus adversus Papam.

De Victorino II.



unà cum duabus ejusdem ordinis *Virginibus Cænobium* reliquit) & *Annam*, quæ puel-  
lula elata est. *Victorini* tota posteritas in *Bartholomao*, qui à *Casare Maximiliano I.*  
ad *Wladislaum Regem Legatus Viennâ Posonium* descendens An: C. 1515. 2. Aprilis  
nave contractâ demersus est nullâ prole relicta, defecit.

o. *Catharina Mathia* Regi nullam attulit prolem, obiit 1464.

p. *Henricus senior Münsterbergæ & Oelsnæ Princeps, Comes Glacensis.* Huic ex  
Bohemis nonnulli post Patris mortem Coronam offerebant, at is *Wladislao Regi* suf-  
fragium dedit, eumque provexit ad Regnum. Tribus suis filijs (quorum nomina  
mox dabimus) despondit tres filias *Joannis* ultimi Ducis *Saganensis & Glogoviensis*,  
quibus cum *Joannes* pater certam summam in his Ducatibus dotis nomine quæren-  
dam designasset, restitit *Mathias Rex Ungarie*, qui tum *Silesiam* obtinebat, & solum  
60. millia florenorum pro dote assignavit. Bellum exinde secutum, & *Joannes Prin-*  
*ceps à Mathia* suis ditionibus est exutus. Uxor *Henrici Ursula* filia *Alberti Marchionis*  
*& Electoris Brandenburgici* (qui *Achilles Germania* dicebatur) nata A. 1450. Obiit *Hen-*  
*ricus* A. C. 1498. *Glacij* sepultus in *Cænobio Franciscanorum*, quibus *Cænobium & Ec-*  
*clesiam* titulo *S. Georgij* fundaverat; sed cum *Cænobium* hoc *Monachi* deseruissent,  
translata sunt ejus ossa in *Ecclesiam Parochialem Melitensem*, quam hodie, cum eo-  
dem jure, habet *Societas JESU*; Inscriptio quæ hodieque in *Ecclesia Parochiali* visitur  
ex aurichalco laminâ solidissimâ, quam ipse olim descripsi, omnibus his lucem da-  
bit; ea sic habet: *Illustrissimus Princeps ac Dominus Dominus Henricus Senior S. R. I.*  
*Princeps, Dux Münsterbergensis in Silesia Olsnensis, Comes Glacensis, & Serenissimi Bohe-*  
*mia Regis Georgij filius, ex veteri familia Comitum de Berneck & Nidda, nunc Domino-*  
*rum de Cunstadt, & Podiebrath oriundus obiit An. D. 1489. die S. Joannis Baptiste, &*  
*sepultus primum in Monasterio Fratrum Bernardi in Suburbio Glacensi, unâ cum Fratribus*  
*suis, Victorino, Henrico juniore, & Petschkone, & filijs suis Alberto, Joanne & Ludovico,*  
*& filia Zdena, & conjuge Victorini Palaologica, qua fuit ex stirpe Imperatorum Constan-*  
*tinopolitanorum: horum ossa post annos sexaginta, Anno scil. 1558. per Nepotes Joachi-*  
*num & Joannem Illustrissimi Ducis Caroli filios translata sunt, & hic in Domino*  
*condita.*

*Ibidem* jacet *Ursula Principis Alberti Marchionis Brandenburgici Electoris filia, Domi-*  
*ni Henrici Senioris Ducis Münsterbergensis Conjux. Obijt 1508. 25. Novemb. & in Mo-*  
*nasterio Virginum S. Claræ Wratislavia in ambulacro sepulta fuit.*

Haftenus inscriptio. Jacent porrò *Catholici isti Principes, & Conjuges eorum*  
*itidem Catholica* inter summam *Aram Beatissimæ Virginis*, & sepulchrum illud mira-  
culosum *Ernesti I. Archiepiscopi*, quod in ejus vita descripsimus, atque etiam verâ ef-  
figie exprimi curavimus.

Notandum I. *Paprocium* hunc ordinem inter *Regis Georgij* filios ponere: *Hen-*  
*ricus* senior primogenitus, *Victorinus* secundogenitus, *Hinco* (seu *Henricus junior*)  
tertio loco genitus; at *Weleslavinus Victorinum* primogenitum, *Henricum* senio-  
rem secundum, *Henricum* juniorem tertium facit; *Paprocio* suffragatur *Tabula se-*  
*pulchri.*

Nota II. *Petschonem* illum (qui in *Epitaphio* nominatur) per imperitiam Scri-  
ptoris, *Boczkonem* scribi oportuisse, & hic est ille *Boczek VI.* qui ob aliquam corpo-  
ris imbecillitatem & infortitatem ut reor, gerendis rebus abstinuit; *Georgij Regis*  
tamen filius fuit, ut illa *Tabula & Weleslavinus* testantur.

Nota III. Ex *Henrico* seniore omnes *Münsterbergæ Duces*, qui nostrâ memoriâ  
eum tota stirpe sua defecere, descenderunt; nam *Victorini* stirps, ut dixi, in *Bartholo-*  
*mao* periit, *Henricus junior* seu *Hinco*, ut mox dicam, unicam *Annam* filiam reliquit,  
*Boczek* seu *Boczko* seu *Betschko* nullam duxit uxorem.

*Weleslav. in*  
*Calend. 21.*  
*Febr.*

De Henrico  
seniore.

In speculo  
Morav.



Speculū Glo-  
ria Augusti.  
Gentis Austr.

q. *Sidonia* vel *Zdena* Regis *Georgij* filia Maritum habuit *Albertum* Duce-  
*nia*, cognomento *Animosum*; à quo hodierni *Saxonia* Duces Electores r-  
scendunt.

q. De *Barbara Henrici Lippai* conjugē dicam in *Stemmatographia* suo l-  
r. *Hinko* vel *Henricus* junior quartus Regis *Georgij* filius, fuit honorati-  
*Princeps*: attulit ex *Apulia Mathia* Regi *Ungaria* Sponsam An. 1476. Uxor ei-  
*na Catharina Wilhelmi Saxoniae Ducis Landgravijs Thuringiae* filia; sed ex eo co-  
unica tantum filia processit *Anna*, conjugata *Henrico de Novadomo Dynastae* 1-  
mo, Supremo Regni *Bohemiae* Camerario, & postea Supremo *Burgravio*; cujus filii-  
mus de *Novadomo*, Cancellarius Regni, & ejus filius *Jochimus* itidem Cancellar-  
ques aurei *Velleris*, & *Jochimi*, *Adamus*, & ex eo *Lucia de Novadomo Wilhelmi*.  
conjux, profluxit; hunc sanguinem & hoc genus *Slavata* omnes hodierni, eon-  
consanguinei participant, ut suo loco dicitur. Porro *Wilhelmus Saxoniae Du-*  
jugem habuit *Annam* filiam *Alberti II. Imperatoris* ex *Augustissima Austriaca*  
quæ illam *Annam Hinkonis* Conjugem genuit, unde unica illa *Anna* process-  
jux *Henrici de Novadomo*; ponam rem totam sub aspectum, ut omnis tollat  
securitas.

*Wilhelmus III. Dux* ♀ *Anna Austriaca*, filia *Alberti II. Cæsaris* & *E-*  
*Saxoniae.* thæ *Sigismundi Cæsaris* filia.

*Anna Catharina Ducissa Saxoniae.* ♀ *Hinkonis filij Boh. Regis Georgij.*

*Anna unica filia.* ♀ *Henrici de Novadomo Supr. Camer. Regni Boh.*

*Adamus de Novadomo Supremus Cancellarius Regni.* ♀ *Anna Leoniss.*

*Jochimus de Novadomo Cancell. R. B. Eques Aurei Velleris.* ♀ *Anna de*

*Adamus de Novadomo Cancell. Regni Boh.* ♀ *Catharina Comitissa de Mo*

*Lucia de Novadomo ultima suæ gentis.* ♀ *Wilhelmi Slavata Cancell. Reg. l*

s. *Ludmilla Friderici I. Ducis Lignicensis* Conjux fuit, ex qua, ut *Genealog*  
stendunt, processere Duces *Lignicensis* omnes, usque ad postremum suæ stirpi-  
gium *Wilhelmum*, dum *Oppavia* hanc *Genealogiam* conficerem, mortuum  
1675. 21. Novembris.

Nolo, ut antè monui, omnes eos, qui *Münsterbergicorum Ducum* sang-  
participant, recensere (ut sunt *Comites ab Hardeck*, *Principes Anhaltini*, *Brande-*  
*Onspacensis*, Duces *Wirtembergici* &c.) & ex nostris: *Szvihorvij*, *Hasmburgij*, *P-*  
*nij*, *Bozkovicij*, *Bibrsteini*, *Turnij* &c. Servantur ista decora Nobilitati Bohe-  
ptiore loco adducenda.

Bonfin. L. 9.  
Decade 3. in  
fine.

Ex his tamen satis apparet, quantum aberrarit à vero *Bonfinius*, qui Podi-  
um scripsit nullis Majoribus *Stemmatibus* decoratum fuisse.



## SECTIO V.

Duo Reges Bohemiæ; Pater, & Filius,  
ex Familia Jagellonica.

### CAPUT I.

*Wladislaus II. ejus nominis Rex Bohemiæ,  
Casimiri III. Regis Poloniae, ex Elisabetha  
Filia Alberti II. Caesaris & Regis Bohe-  
miæ, Filius.*



**W**ladislaus Comitij in Bohemia  
A. 1471. ad 19. Maij Cutten-  
bergæ habitis, per Legatos Cra-  
coviâ ad Coronam Bohemiæ  
vocatur, etsi plurimi compe-  
titores obstarent, præcipuè Mathias Un-  
gariæ Rex, qui adhuc vivente *Georgio* à parte  
Procerum, ut suo loco narravi, Rex saluta-  
tus, & coronatus in *Moravia* fuerat: *Ma-  
thiæ* causam cum Legatus in Comitij pro-  
poneret, & nescio, quid de bellis prioribus

Mathias Rex  
Ungariæ re-  
pellitur à Co-  
rona Boh.

innuisset, exarsere Ordines, & magnis clamoribus contestati sunt: nunquã  
se eum Regem recepturos, qui tot *Bohemiæ* damna intulisset, & tantum  
sanguinis fudisset in Patria; coronatus itaque est *Wladislaus* hoc eodem  
Anno, 22. Septembris. Etsi autem non ampliùs quàm annos quinde-  
cim explevisset, tamen optimis Procerum Consilij usus, & ipsa regnan-  
di diuturnitate optimi & subditis gratissimi Principis formam expressit:  
ab eo habemus *Supremum Terrestris Judicium* optimè ordinatum, Asses-  
sores illius Judicij ex quo statu, & quo numero esse debeant constitutos;  
eadem est ratio de Judicio Curia; eadem de Judicio Cameratico; de *Ta-  
bulis Regni*; deque alijs ad summam Reipublicæ spectantibus; ut ne-  
minem Regum nostrorum fuisse existimem, qui majorem ordinandi &  
con-



Wladislaus  
in Regno or-  
dinando so-  
lers.

Wratislavia  
obsidio à Po-  
lonis & Bo-  
hemiis.

Wladislaus  
R. Ungariae  
coronatur.

constituendi Regni curam gesserit; certè apud me justus liber est, qui suo loco summam recitabitur, sapientissimarum Constitutionum Regis *Wladislai*, quarum aliquod compendium varijs in locis in Calendario suo recitavit *Weleslavinus*. Ipsemet Rex in Judicio terrestri inter Proceres non semel sedit; Ordinum inter se controversias audivit, præcipuè An. 1502. prudentissimè honores & Officia Regni A. 1497. distribuit; Civitatibus Privilegia sua confirmavit; montium metallicorum *Cuttna*, tum etiam Viniferorum circa Pragam jura & ordinem conscripsit; denique totam ordinavit *Bohemiae* Rempublicam. Nam cum à *Caroli IV.* morte jura & leges, partim ob *Wenceslai* pigritiam & socors regimen, partim ob internecina bella, quibus jugulum Catholicorum appetebat hæresis, partim ex brevitate Regum (exiguo enim tempore post receptionem suam *Sigismundus*, deinde *Albertus* & *Ladislaus* regnârunt, & successisset *Georgius Podiebradus* ad militiam magis quàm ad leges dicendas factus) cum, inquam, inter arma & tot sanguineas lites pacatæ justitiæ locus non esset, nimirum jura & judicia jacebant, divino beneficio factum censebant Proceres, ut Rex naturâ quietissimus & benignissimus Regno præficeretur, qui abolitis omnibus belli reliquijs, quæ fumabant adhuc, pacem optimam legibus, judicijs, & salutaribus Patriæ consilijs fundaret & firmaret. Quamquam Regi pacatissimo bella non defuerunt, & necessitate ad illa pertractus est: primum, cum *Mathia Ungariae* Rege bellum gessit A. 1473. ex quo plurimum ignominiae reportavit: nam cum *Wratislaviam* & in ea *Mathiam* (Silesia enim *Wladislaum* pro Rege non agnoscebat, & *Mathiam* respiciebat) obsedisset, & duplici exercitu Patris ac suo cinxisset, *Wratislavia* toto obsidionis tempore portis apertis hostem irritavit, & *Mathias* nocte & die, *Polonos* & *Bohemos* ita subitis excursionibus fatigavit, ut propè ad desperationem adigerentur, ac denique compositâ pace utrique ad sua infecto negotio redierint: auditus est sapius, cum ex Urbe obsidentium exercitum spectaret, cum fremitu dicere *Mathias*: si hostium exercitum duceret, nullum se in *Europa* hostem formidaturum. Sed nimirum ignoscendum Regi *Wladislao* propè adhuc puero, exercitum (cujus omnis valor & laus in Duce consistit) ducenti, gloriosius reliqua bella confecit, mortuo enim *Mathiâ* An. 1490. cum *Maximilianus I. Rex Romanorum*, nescio quid sibi juris in *Ungariam* arrogaret, neque paucas *Ungariae* Urbes teneret præsidijs, *Wladislaus* conscripto ex *Bohemis* exercitu, primum *Maximiliani* exercitum occurrentem fugavit, mox *Albam Regalem* recuperavit, ibique ab *Ungaris* coronatus, reliquas *Ungariae* Civitates nullo negotio recepit; recruduisset finè dubio bellum, nisi *Imperator Fridericus* pacis amore *Wladislao* ultro

cessisset,



cessisset, & *Viennam* quam nuper *Mathias* ceperat, ac reliquam *Austriam* *Wladislaus* reddente recuperare contentus, quievisset. Ecce autem nova bella unde minimè timebantur in *Wladislaum* consurgunt: *Casimirus* Pater, & frater *Wladislai* *Joannes Albertus* ingentes copias in *Ungariam* ad eripiendum *Wladislaus* Regnum immittunt; nihil eâ re commotus *Wladislaus*, etsi eum Pater minacibus literis terreret, & jure hæreditatis publicis Literis exuisset, in fratrem movit, eumque loco iniquo nactus egit in fugam, ipsumque *Joannem* captivum abduxit, cui tamen fraterni amoris pietate animum subeunte, non modò libertatem dedit postea, sed *Glogo-viensem* & *Oppa-viensem* Ducatum cum titulo Ducis benignè possidendum concessit; neque hîc stetit fratris amor: nam cum esset natu maximus & primogenitus, Patre jam mortuo omne quod habere poterat jus in *Poloniam* suam *Joanni Alberto*, *Alexandro*, *Sigismundo I.* fratribus suis, qui postea ordine in *Polonia* regnârunt, transcripsit, & qui fuit in eo gentis nostræ amor, *Bohemia* satis apertè paterno Regno prætulit, quod, ut dixi, pulcherrimis statutis ad omnem felicitatem, & gubernandi facilitatem munivit ac sepsit; *Silesiam* quoque à *Bohemia* Ordinibus, atque etiam inter se ob varias causas dissidentem An. 1504. composuit, editâ fundamentali Transactiōne quam ab *Alberto de Kolovvrat Cancellario Bohemia*, qui eam scripsit *Kolovvratianam* appellant. A nostris Rex *Wladislaus* ob liberalitatem, benignitatem & studium pacis Rex Bene appellatus est, quòd eam vocem frequentius haberet in ore, & nisi manifestam injustitiam videret, quâ erat facilitate, quod petebatur, approbaret. Urinam rapaces Procerum manus ab invadendis Ecclesiasticis bonis prohibuisset, & malè, non bene rem fieri pronunciâisset! quod postea non factum abs se doluit, & multis decretis alienationes illas frustra revocare conatus est. *Cuttensem Urbem* ob monetâ frequentissimè adibat, & falsebat tempus gaudens regiâ suâ manu monetam excudere, quâ probissimâ proscriptâ deteriore (quæ rursus paulatim ex vicinis Provinciis illata invaluerat) restituens, fuitque hoc ad populum gratiosum & Regi gloriosum, quòd ij grossi vel nummi, quos Rex manu suâ excuderat, separarentur, & pro alijs populo mutarentur, cum pro se quisque monetam gloriaretur Regiâ manu factam domi habere. Omni tamen bonitate evincere non potuit *Wladislaus*, nè improborum hominum insidijs appetere, præcipuè *Picardorum*, quos oderat pessimè & mille decretis confixos extirpare tamen è Regno non potuit, Nobilitate maximè fæmineâ virus *Picarditicum* altè in animo foveute; lacerati & supplicijs cruentissimis è vita sublatis qui conjuraverant Anno 1490. Rex ipse securitatis causâ postea relictâ *Curiâ Tineni* ad *Arcem Sancti Wenceslai* se

Transactio  
Kolovvratia-  
na in Silesias



In Descript.  
Praga.

Viso cœle-  
stis R. Wla-  
dislao oblata

Weleslav. 7.  
Jun. in Ca-  
lend.  
Pess. in Phos-  
phoro.

transtulit, ubi amplissimum Palatium extruxit, *portentoso fornice*, ut lo-  
quitur *Typotius*, visendum. Jam de pietate Regis multa forent comme-  
moranda: in *Ecclesia S. Viti*, quam multis muneribus ex auro, argento,  
gemmis, aliisque cimelijs & pretiosis tapetibus opere phrygio textis ex-  
coluerat, quàmque die & nocte per interiores Aulae vias & ambitus adire  
orationis causâ solebat, gratissimum Regi spectaculum nocte ante diem  
4. Martij (qui est dies Translationi *S. Wenceslai* sacer) An. 1497. obla-  
tum est: vidit sanctos Regni Patronos, & Indigetes ex suis tumulis cœ-  
lesti luce circumfusus ascendere, nominatim *S. Vitum Martyrem*, *S. Sigis-  
mundum Regem*, *S. Præsulem Adalbertum* cum ingenti cœlestium comita-  
tu, pulchro Ordine & singulari Majestate conspicuos ad *S. Wenceslai* tu-  
mulum (cantantes, *Isti sunt Sancti*, quæ est de Martyribus Antiphona)   
procedere, eisque obviam cum maxima honoris significatione prodeun-  
tem *S. Ducem & Martyrem Wenceslaum*; eo viso motus *Wladislaus* An.  
1497. fundavit in *Metropolitana Ecclesia Chorales Ministros* 15. utque ex  
eorum numero tres Sacerdotes, reliqui cantores die & nocte Deo laudes  
dicerent, quotidiebus eandem, quam à Sanctis Rex audierat, cantionem  
iterarent, & supplicationem ad sacrarium *S. Wenceslai*, deducerent; An-  
nuos census cantorum recitant *Weleslavinus* & *Pessina*. Restituit eti-  
am in *Veteri Curia Pragensi* foundationem *Capellani*, qui in sacello ejus Cu-  
riæ certis per Annum diebus ante *Senatum Missam* legeret, & ante Con-  
siliium Senatûs *Hoftiam* incruentam Deo offerret. His meritis & omnium  
Ordinum amore clarus Princeps cum in Ungariam iter suscepisset A. 1516.  
13. Martij ætatis 61. fatis concessit. Regnavit in *Bohemia* annis 45. in  
*Ungaria* annis 26. ex Anna conjuge regiae stirpis *Gallorum*, quam duxit  
*Bude* An. 1502. reliquit filium *Ludovicum*, & filiam *Annam* de quibus  
agemus in Notis. Harum prolium Tutores constituit *Maximilianum I.*  
*Cæsarem*, & fratrem suum *Sigismundum Poloniae Regem*.

## NOTÆ in Caput I.

Crudelitas  
magnum  
impedimen-  
tum ad Re-  
gnum,

**N** Unquam se Regem recepturos, qui tantum sanguinis fudisset in Patria &c. In  
Patria quæ liberè Principem eligit summè exosum Principem populo fa-  
cit in imperando crudelitas. Quis enim tam irritabilem Principem, &  
sangvinarium sibi & suis imponere velit? rectè *Ovidius*: *odimus Accipi-  
trem, quia semper vivit in armis*, talis tum (fortasse innoxie, & falsò) habebatur *Ma-  
thias Corvinus*, inquit ingenij Princeps, qui ideo se Regem factum putabat, ut bella  
gereret. Quidquid de *Matthia* sit, qui ob severitatem à suis etiam ægerrimè sustine-  
batur, omnes Principes crudeles Imperium sibi inquietum reddunt. Ranarum gu-  
bernationi simillimum est Regnum, quod crudelitate fundatur, quæ Regem suum  
tum primùm, cum devorantur, agnoscunt: latè spatiatur in palude *Ciconia*, & noxias  
cum innoxijs deglubit. Quod si ad homicidæ præsentiam cadaver sangvinat (cujus  
rei



rei causas reddere difficile est) cur miremur Rege Mathia nominato, exarsisse Ordines Bohemiae, cum recentia sua & suorum vulnera vivi spectarent, aut recordarentur? est sane belluinum alieno sanguine, quem profuderis, oblectari! verèque reprehendimus Annibalis immanissimam crudelitatem, qui cum videret, post praelium fossam plenam humano sanguine, exclamavit: *o pulchrum & verè regium spectaculum!* quin ipse Deus videtur etiam ab iusta profusione sanguinis abhorre, cum Regem Davidem, cuius arma semper iustissima fuerunt, noluit templum suo honori aedificare, quod David multum sanguinem fudisset. Sed ego talem crudelitatem nullà ratione Mathiae tribuere possum, cuius aliquot mitissimae dominationis exempla Bonfinius adduxit.

Wladislaus etsi puer tamen optimis Procerum consilijs usus &c. Consilia Principem perdunt, aut contra statum ejus conservant; infinita sunt, quae in hanc rem adferri possunt. Praecipuum est, ut consilia non privatum bonum, sed publicum spectent, & qui à consilijs sunt, non sibi, sed Principi consulere se sciant; ideòque personam Principis, dum consultant, induere meminerint; acutè Tertullianus de consilijs inutilibus & noxijs, plus, inquit, Toga laeserunt Rempublicam, quam lorica, & Salustius Oratione ad Caesarem Julium, ruinam & occasum Regnorum malis consilijs imputans; ego, ait, in vita multa audiendo atque legendo ita comperi: omnia Regna, Civitates, Nationes, usque ad prosperum Imperium habuisse, dum apud eos vera consilia valuerunt, ubique gratia, timor, voluptas ea corrumpere (NB.) post paulò imminuta opes, deinde ademptum Imperium, postremo servitus imposita est. Et videmus Regnorum interitum differri aliquando, aliquando Deo segnitie ulciscente, advocari. Credisne tibi dormienti haec confecturos Deos, ait Terentius? in eandem sententiam Themistocles apud Herodotum: quando homines rationi consentanea consilia agitant, succedunt illa plurimum, at cum contra faciunt, nè ipse quidem Deus ad humanas deliberationes vult se accommodare. Itaque observant & politici, & Sacri Scriptores, quoties Regnum aliquod punire ex causis sibi notis vult Deus, ei prius viros prudentes & magni consilij negare, aut subtrahere.

Diuturnitate regnandi optimus Princeps evasit Wladislaus &c. Artes regnandi regnando optimè discuntur; & vetus est, fabricando fabros fieri: cum enim ad summam prudentiam reflexio, quam vocant, requiratur, Princeps relegendo memorià & cognitione retractando, cur hoc vel illud negotium aut bene aut malè processerit & iverit sub manum, facile animadvertet, quibus vijs intentiones suae finem assequantur. Mirus hac in re fuit sanctissimus Fundator noster Ignatius, cuius vita etsi sanctitatis non abundaret exemplis (ut abundavit quàm maximè) tamen inter prudentiores sui saeculi viros haberi posset, & habetur etiam à Religionis nostrae hostibus, ob admirabilem illam in sua omnia cogitata, dicta, & facta inquisitionem, quam horis propè singulis adhibebat; ex qua nimirum proficiscitur, ut ea eligantur in posterum, quorum nos poenitere non possit; & hoc spectasse videntur Sapientes, qui prudentiam experiendo partam longè praestantiorē esse existimant, quàm eam, quae ex sola magnitudine ingenij ortum habet. Si mihi in praesenti opere brevitatis proposita non esset, adducerem pulcherrimum ex Aristotele locum, qui totum hoc, quod modò dixi, confirmat, adferens causam, cur Seniores prudentiores sunt junioribus, etsi illi memorià hebetentur, isti autem plurima discant: quia, inquit, Sicut est manus ita mens: non autem statim manū uti possumus, donec robusti evadamus, ita etiam mens in senectute primum adolescit; & quae sequuntur prorsus divina.

Ipsamet Rex non semel in medio Procerum sedit &c. Gloria summa est Regis in medio Procerum & summatum Regni sui sedere; repraesentat mundi oculum Solem in medio serenissimorum siderum confidentem; hanc similitudinem Regis

Consiliarij  
necessarij  
Principibus.

Herodot. in  
Vrania seu  
l. 7.

Regnando  
acquiritur  
regnandi  
scientia.

Aristot. Sect.  
30. de Pru-  
dencia Probl.  
4.

Rex caput  
Reip. si Rex  
se a corpore  
dividat mor-  
tua evadit  
Respublica.



cum Sole & sideribus agnovisse videntur, qui Reges quasi proprio titulo *Serenissimos* appellârunt. Gloria Regis maxima est Senatum Regni habere congruentem, & tum maximè Caput Regni se esse demonstrat. Cum autem à Regno & Regni commodis separatur Princeps, non videtur Capitis facere discrimen, neque se Caput meminisse. Respublica est corpus, Rex caput; vile membrum separari potest à corpore, caput lethalem ostendit separationem. Bene apud *Tacitum Romanus Senator: unum est Reipublica corpus, & unius mente regendum*. Beata Regna, quæ toto corpore Reipublicæ constant! at si eadem non cohæreant, neque se partem Reipublicæ meminerint, ut Capiti subsit, & ipsum caput, quid sui muneris sit non intelligat, quid nisi quædam paralytis Reipublicæ sequetur, cum scilicet Princeps sibi contraponit Rempublicam cumque eam decretis, aliisque modis deceperit, lætatur, quasi nesciens damna Reipublicæ sua esse damna, & subditorum paupertatem, & omnem calamitatem in suum caput redundare. Sed aspectus Regno nullus esse potest iucundior, quàm bene ordinato Regno publica Regis præsentia, ubi iustitia sempiterna velut in cælo regnat, & suum cuique jus, juxta leges, quæ anima sunt Regni, tribuitur.

*Tacit. l. 1.  
Annal.*

Regum diversa studia  
Reipublicæ  
profunt.  
*Dionysius Halicarnass. l. 1.  
Liv. Flor.  
Iust. l. 43.*

*M. Anton. apud Appian.  
l. 4. de bellis  
Civil.*

Dux militiæ  
æquivalere  
exercitui.

*Mariana l. 3.  
de rebus Hispaniæ c. 19.  
Plutarchus  
L. Apoph. ad  
Trajan. Caf.*

Regis laus  
suos amare.

*Rex naturâ quietissimus & pacis studiosus &c.* Mirum est, quod observat *Bodinus*, Dei beneficio evenire, ut Regna non semper Reges bellicosos, sed etiam pacis studiosos acquirant, ut populi bello afflicti respirent, & spatium habeant ad leges Patrias se recolligendi. Hoc in Republica Romana notârunt eruditi Scriptorum: cum enim esset Monarchia Romana constituenda, singuli Romanorum Reges, quædam factorum, ut ita dicam, industriâ, etsi diversi, peculiare aliquid ad extruendam Rempublicam contulere v. g. *Romulus Urbem Romam* fundavit, & Senatum constituit, *Numa Religionem & Ritus*, *Hostilius Tullus* artem militarem, *Marcus ædificia*, *Tarquinius Priscus* numerum Senatûs auxit, *Servius Tullius* censum & œconomiam ordinavit. In re nostra cum jam propè annis 50. pax è Bohemia exulâset, pacificum Principem Deus imposuit *Wladislaum*, quem etsi, ut dixi, bella principio Regni exceperint, celeri tamen pace optimus Rex ea composuit, secutus illud monitum, quod *Marcus Antonius* triumphum non aliâs prudentiæ laude multum commendatus, unicum propemodum reliquit: *qui sapiunt, bellum absolunt celeriter, pace fruuntur, quàm possunt diutissimè*.

*Exercitus omnis valor & laus in Duce consistit &c.* Ut si quid in exercitu peccatur, Duci imputari solet, perinde laus omnis militiæ Ducibus attribuitur. Tanti valet exercitus, quanti Dux æstimatur. *Sertorij* illa vox fuit: *malle se cervorum exercitum Duce Leone, quàm Leonum Duce cervo*. Obedientiâ enim militia regitur, & cum Milites volentes & voluntarios Dux habeat, malè illorum obedientiâ utitur, qui non instruit, vel minùs instructos & imparatos exponit periculis, & ducit in hostem; mortuo *Alexandro Macedone* nihil esse timendum ejus exercitum *Demades Orator* fidenter dicebat: *Exercitum enim Macedonum sibi videri similem Cyclopi excacato*.

*Fraterni amoris pietas &c.* Scripsit quidem *Ovidius* fratrum esse raram concordiam, sed quàm facilè ij inter se dissident, ita facilè conciliantur, maximè si tertius aliquis oppugnet, recurat pietatis imago, & quædam naturalis in suum sanguinem affectio. Exempla passim in historiis leguntur.

*Rex bene appellatus est &c.* Multis nominibus pro meritis insigniti Reges fuere: habemus Reges cognomine *Crastinos*, alios cognomine *Nihil fecit*, alios *Pultium* cognomine &c. quæ populus indidit, alia cognomina adulatio Scriptorum Regibus dedit, ut *Animosi*, *Sapientes*, *Pulchri*, *Virtuosi*, *Probi* &c. dicerentur. Regi nostro *Wladislao* honorificum in omnem posteritatem erit Regem *Bene & Benignum* appellatum fuisse, quæ maxima Principum laus est, ob eam maximè causam noster *Cicero*

*phi.*



*Philippum Patrem Alexandro filio majorem fuisse censuit, quod filium humanitate & benevolentia superârit. Ajunt quoddam esse Aquilarum genus, quod olim in Plinio legi, quæ nihil ex venatu suo ferarum, avium &c. quam cor edant, eoque cibo delectentur; natura benignissimi Regis Wladislai, corde Civium suorum vescebat; hujus cibi copiam quotidianam faciebat perpetua ejus in subjectos populos benignitas.*

*Fallebat tempus moneta sua manu excudenda &c. Principibus necessum est curas graves Regnorum quiete aliquâ aut ludo interpolare: venatio maximè commendatur, quam Austriacæ genti caram semper fuisse nuper scripsimus; sed serviles etiam artes necessariae voluptatis causâ Principes coluere: picturam Alexander Severus & Adrianus Imperator, idemque postremus etiam statuariam cum laude tractavit; Aurifaber Manfredus Neapolitanus; tormenta fundebat Alphonsus Princeps Ferrariensis; Torneator fuit Sigismundus Polonia Rex, cui similem Principem ætas nostra habuit, cujus labores mihi sæpe ostensi sunt; Jacobus IV. Scotia Rex Chirurgiam callebat penitillimè; si antiqua exempla placent, Ærops Macedonum Rex lucernas & Abacos fabricabat; Rex Attalus suum studium in herbis ponebat, atque ut suo tempore fructus legerentur præsens ipse curabat; Persarum Reges in Telorum cuspidibus acuendis occupari solebant; Demetrius Poliorcetes in machinis &c. plura nè infinitus sim omitto. Wladislaus nescio an non hos omnes superaverit, confectione Monetæ, quæ Regis boni signum est, & à subjectis populis quam maximè desideratur.*

*Picardos confixit decretis &c. Difficile fuit hoc genus hominum è Bohemia pel- lere, causæ præcipuè fuerunt duæ: Hypocrisis seu dulcedo quædam loquendi, & sub hac dulcedine suum virus cum alijs communicandi; alterum, quod totam ferè Bohemiæ Nobilitatem, maximè faminas illustres, in partibus habebant, & istud quidem educationis merito: nam omnes Virgines puellas innocentissimè educare solebant, ut præter unam hæresim nihil esset, quod reprehenderetur: omnis aspectus & colloquium alterius sexus vitabatur, ut multæ virgines ad nuptias venirent, quæ nunquam cum viro locutas se meminerant; at interea execrationes, & alia vitia magno numero regnabant in animis Picardorum, quæ alio loco describam, & jam ante me id præstitit Gulielmus Slavata Regni Cancellarius, qui in ea secta educatus ad A. 20. & amplius ætatis fuit; recitat ille fratrum, ita enim se vocabant, conciones oppidò ridiculas, & dulci veneno illitas, de charitate suorum, præcipuè invectivas in luxum & novitatem vestium, aliâque vitia, & tum omnes solvebantur in fletum; atque hi dicebantur fratres flentes. Quod si post trinam monitionem vitam non emendabant, ex coetu illo proscribebantur, quos illi dicebant in mundum se emit-tere; sacras literas multi tenebant memoriter, quarum sensum se propè callere omnes jactabant, cum interim nihil nisi corticem sinè medulla tangerent; nōvi Apostolicum virum, qui hoc genus hominum tractare peritissimè sciebat, & Cumvaldi ubi ea secta vigeat maximè, & per eam viciniam Anno uno plures mille quingentis ad veram Religionem adduxerat, in eo tamen numero non nisi septem faminas ad Ecclesiam adductas numerâsse, ita illas pertinacia faminea obstinaverat, quod peculiare in hac hæresi fuit: harum autoritate tota secta nitebatur, quæ maritos blanditijs, filias & filios familias imperijs ad sectam suam attrahebant, & pertinaciâ muliebri obfirmabant, ut quicumque nomen inter Picardos profiteretur, jurejurando promitteret Deo, nunquam se hanc sectam deserturum; cujus juramenti sanctitas plurimos à vera fide stultissimè retinebat. Non est faminae conveniens Sacra- rum Literarum interpretatio, eâque docere in templo D. Paulus prohibuit; propria laus earum utinam revocaretur in usum, quam in Epitaphijs matronarum apud Romanos legimus: Domum servavit, lanam fecit, dixi. abei. Sub Wladislao & Ludovico Re-*

*Cicero de officijs L. I.*

*Principem manuales labores non dedecent.*

*Mich. Picardus Observat. Histor. Polit. Dec. I. c. 5. Buchan l. 13. Plut. in vita Demetrii.*

*Picardorum hæresis quibus artibus se commendabilem faciebat.*

*Jacob. Duranti. L. I. variarum cap. 7.*



Bobuslaus  
L. 4. Epist.

Picardorum  
blasphemia  
gravis.

Eorum pro-  
tectio & de-  
fensio à fa-  
mina.

Martha de  
Bozkovicz  
in Moravia.

Wladislai R.  
in Deum  
pietas.

Causinus in  
Aula S. L. 1.

Glossa in Cap.  
38. Isaia &  
2. Reg. 9.

Causinus in  
Aula S. L. 1.  
init.

Iul. Cap. in  
vita Antonij  
Pij.

gibus summa Picarditarum Antistita fuit Nobilis fœmina Martha, ex illustri Bozkoviciorum genere, de qua suo loco. Audiamus interim Bobuslaum Lobcovicum coævum Scriptorem de Picardis loquentem: qui meus amor in Patriam est, non potui non ingemiscere his, quæ ad Reipublicæ nostræ excidium, & ad Religionis ruinam, omnimodumque exterminium manifestissime spectant. Quando enim unquam major blasphemia audita est, quam quem Christum filiumque Dei confitearis, eum adorandum negare? quod venenum huic pesti comparari potest? Horret animus, dum hæc scribo, & impietatem tantam etiam in cogitationes admittere formidat. Neque fœmina deest hujus dementia particeps: cumque Apostolus mulieres tacere in Ecclesia jubeat, hæc & ad Regem scribere, & profanos homines suo patrocinio tueri audet. Sed forsitan ita legibus Satana cavetur, ut nulla penè hæresis, sine hoc sexu, coalescere in Ecclesia Dei possit. Simon magus, cujusdam meretricule auxilio virus diffudit: Nicolaus Antiochenus choros muliebres ductabat: habebat Apelles in comitatu suo Virginem maligno afflatam spiritu: Montanus non tot suâ autoritate, quot Prisca, Maximillaq; ope seduxit: Arrius nisi prius se Principis sorori insinuasset, nunquam totum ferè orbem detestandæ hæresis inficere potuisset. Secuta hæc Martha nostræ, quam tamen melius erat, exemplo veteris Martha, circa frequens ministerium satagere, & colum, lanamque curare, quam virili quâdam imprudentiâ adversus Catholicam fidem debacchari &c.

De pietate Regis multa forent dicenda &c. Wladislaus etiam fratris sui Casimiri, qui inter Divos adscriptus est, sanctimoniam non æquârit, ut facta ostendunt; tamen multum ad eam accessisse, & per intervalla, quantum Regis curæ sinebant, Deo se reddidisse, Regis in sacris pietas, assidua cum Deo sacrisq; hominibus communicatio, & perpetua in Ecclesiis liberalitas demonstrant; proprium hoc sibi fecerat Wladislaus, quod de Regibus Juda, eruditissimus Scriptor Causinus me docuit: probat ille in primis: Aula & Pietati optimè convenire posse; deinde ostendit ex sacris literis, lectum Regum Juda, & altare Domini uno solum pariete divisum fuisse; & alterum addit: Davidem unum è Sanctissimis mundi Monarchis, abditam quandam habuisse portam, quæ è suo conclavi Regio clàm se conferebat in domum Domini, id est in tabernaculum, quod erat unicum asylum afflictionum & armamentarium pugnarum; fertur autem clavem hujus sacræ januæ posteritati suæ tanquam perpetuam hæreditatem, & argumentum virtutis imitandæ reliquisse. Clavis illa pretiosior fuit, quam aurea Romanorum Imperatorum fortuna! hæc Causinus. Fuit verò aurea fortuna in cubilibus Principum fatale Imperij Romanorum pignus, ut votis Principum imploraretur; quæ Principibus morientibus in successorum manus transferebatur, ut ex Julio Capitolino intelligere possumus. Hanc Sejanus dominationis avidus in domum suam transtulit, sed Nero templo instaurato reposuit, ut narrat Plinius. Hanc veræ pietatis imaginem longè fortunatius Rex Wladislaus in se expressit, cum ad salutandum & sibi & Regnis propitiandum Divinum Numen ad Ecclesiam S. Viti, ut narravi, nocturnus properaret.

## CAPUT II.

Ludovicus I. ejus nominis Bohemiae Rex,  
citò terris ereptus.





**T**ot Reges in pueritia aut in  
juventute primâ morte sub-  
latos luxit *Bohemia*, ut pasto-  
ritium illud *Maronis Æni-*  
*gma* aptissimè in *Bohemia*  
quadrare possit: dic quibus in terris inscripti  
nomina Regum nascantur flores? responderi  
enim posset ejusmodi Regios flores in *Bohe-*  
*mia* repèriri. Nam ut taceam *Wenceslaum*  
*VI.* in quo *Przemyslea* domus desijt, *Rudol-*  
*fum* & *Ladislauum Austriacos*, & nostrâ ætate

Nostri Reges  
quidam bre-  
vis ævi.

*Ferdinandum IV.* longævo Patri *Wladislao* brevis ævi Flosculus *Ludo-vi-*  
*cus* successit, in quo immatura omnia, & quasi tantum primis coloribus  
delineata fuisse Scriptores animadvertunt: ante legitimum tempus na-  
tus, & sinè pelle; *Ungariae* & *Bohemiae* Rex infans electus, & coronatus,  
idque cum ominoso fletu; ante tempus loqui cœpit; sapiens supra æta-  
tem puer; ante decennium Rempublicam tractare aggressus est; ante  
legitimum tempus conjugem sibi despondit; decimoquinto ætatis an-  
no eandem sibi duxit; ante tempus mentum barba vestitum ostendit;  
ante annum ætatis vigesimum canuit; ante tempus cum Turca conflixit;  
ante tempus periit. Vivo Patre coronatus triennis *Ludo-vicus A. 1509.*  
eo mortuo Comitibus decennis *A. 1517.* Pragam indixit, ut Ordines *Bo-*  
*hemiae* discordantes & præcipuè Civicum Ordinem, qui se à Nobilitate  
opprimi querebatur, componeret; nihil cum ijs Comitibus ad concordiam  
statutum, sed alteris, quæ in Autumno ipsi sibi Ordines indixere, in qui-  
bus quod sperari non poterat, amicissimè transactum est; hæc est illa ce-  
lebris transactio, quam *S. Wenceslai* (quod proximè ejus festum facta  
sit) conventionem dixere, cujus articulis hodièque regitur *Bohemia*. Quod  
sequitur an ad Patrem, an ad *Ludo-vicum* filium pertineat, non constat;  
ego utriusque Regis felicitati & probitati adscribo; scio enim bonorum  
Principum tempora his felicitatibus consignari: repertæ sunt argenti fo-  
dinæ ditissimæ in *Joachimi valle*, in *Cubitenfi* Provinciola, quæ adhuc  
ad nostra tempora inexhaustæ argento, si cultura & labor accederent,  
perseverant: quantum eæ fodinæ, uti & cæteræ per *Bohemia* auri & ar-  
genti fossionibus ediderint, jam in *Miscellaneorum* primis libris annota-  
tum Lectores invenient. An. 1521. ætatis 15. Rex *Ludo-vicus* nuptias  
cogitare cœpit, & cum *Maria Austriaca Buda* celebravit, quam ei *Wla-*  
*dislaus* jam *A. 1515:* desponderat, in celebri illo Regum Con-ventu *Vien-*  
*nae* habito *Maximiliani I. Imperatoris*, *Wladislai* Regis *Bohemiae* & *Unga-*

Transactio  
S. Wences-  
lai dicta.



Ludovicus  
Rex osor ne-  
gotiorum,  
sed humanus

Pess. in Mar-  
te Morav.

Perit in bello

ria, & Sigismundi Regis Polonia, in quo etiam vicissim Anna Wladislai Regis filia Ferdinando Maximiliani Caesaris nepoti promissa est. Cum nova nupta Ludovicus Pragam advenit, atq; ut coronaretur effecit. Quantum barbarum praesentes anni dederint, ob latrocinia & impunitatem, optimè describit Pessina, quæ annitentibus tam Bohemia quam Ungariae Proceribus, & arma in latrones sumentibus, utcunque composita fuerunt. Hoc maximè in Ludovico dolendum, quod à Georgio Marchione Brandeburgico (qui Patris sororem in conjugio habebat) educatus, nihil ferium tractaret, tantumque odium negotiorum Reipublicæ habere coeperit, ut etiam consultationes de Regnis gravissimas, aliasque ejusmodi Regum curas, alijs committeret, quod fastidium laborum, ingentia Reipublicæ damna, ut experientiâ omnium ætatum constat, solet adferre. Mitissimus alioqui & benignissimus Princeps, aditu facillimus, lætissimâ & paratâ humanitate omnibus occurrens; Ordini Civitatum in Bohemia mirificè satisfecit, cum semel atque iterum in Curia Urbis Pragensis apparatus sibi epulas sumsit, totâ Urbe Pragâ plaudente: non enim opus est multa ad placendum Civibus agere, uno sæpe humanitatis exemplo capiuntur omnes. Alterum universo Regno gratissimum fuit, quod præcipuos Regni Magistratus omnes (nè cui id ad infamiam cederet) mutârît, quod nisi heroicus & magni animi Princeps non auderet, novosq; imposuit, de quorum fide & justitia omnibus constabat; in medio tam prudentis, quam felicitis gubernationis excitato à Turcis bello terris creptus est: veniebat Solimannus ducentis armatorum millibus stipatus, Rex inexpertus rerum militarium, maximè Ungaris urgentibus, & vel invito Rege pugnandum esse clamantibus, non expectatis quæ jam ex Bohemia, Moravia, Silesia, Illyrico, aliisque Provinciis, auxilijs veniebant 29. Mensis Augusti, ipse vix 30. millia in exercitu suo numerans, Turcis copiam pugnae fecit: pugnatum est fortiter, sed Turcæ insidiosa gens virtutem militarem nostrorum structis insidijs interceptit, & cum simulatâ fugâ Christianos in insidias præcipitasset, machinis primùm muralibus à fronte & lateribus excepti, tum recentibus Turcarum copijs in se emissis conterriti multis casis, reliqui fugam dederunt; Ludovicus in palustri & cœnoso rivo inter Mohacium & Celam vicum non præmissis in tanta trepidatione exploratore hæsit, & ut postea apparuit, cum equum urgeret, excussus, & eo cadente in palude infelicitè merfus est: omnium sensus fuit, si Ludovicus Ungariae Proceres in officio tenere, & diem unum vel alterum, dum auxilia, quæ multis millibus constabant, expectare potuisset, certam victoriam obtenturum fuisse; at erat in fati Christianam Remp: armis Turcicis assidue vexari & periclitari; ab hoc enim initio nunquam desinere Turcæ Ungariam fatigare.

NOTÆ



## NOTÆ in Caput II.

**I**nscripti nomina Regum nascantur flores &c. Quid istud Ænigma Virgilianum sibi velit, disputant Eruditi; ego Regibus brevis Imperij accommodari posse puto, quod enim breve & tamen pulchrum est floribus comparare solent Poëtæ, idque convenientius si Regij sint flores, & Regum nomina inscripti. Venustissima est narratio ac verissima tamen *Martini* nostri: esse in Sinis in Provincia *Suchwen* mirabile avicularum genus, quæ rostrum habent rubescens ut minium, maximâ colorum varietate plumis vestiuntur, ipsæ aviculæ, quæ ex flore nascuntur, nomine *Tunghoa*, unde aviculis nomen *Tungoafung*; vivunt tam diu, quam diu flos ipse arboris durat; vivum ac viventem florem credas, ait *Martinius*, adeo & pulchritudine & exigui temporis flore ætata floræ est similis. Huic ego avi, vel flori vivo ac volanti Regum vitam brevem merito comparârim. Deploret hanc immaturam Juvenum mortem in filio suo *Quintilianus*, & memorabili sententiâ concludit: *obser vatum ferè est celerius occidere festinatam maturitatem & esse nescio quam, quæ spes tantas decerpit invidiam, nè videlicet ultra quam homini datum est nostra provehantur*. Videtur natura statuisse, ut quæ formosissima sunt, eadem ubi suam venustatem ostenderint, intereant, & pulchritudine brevitatem compensent; at illa quæ diuturna sunt, & deformia tamen, diuturnitatis merito pulchris æquantur; hoc dicere voluit *Martialis*, qui *Meliorem* solari cupiens ob immaturam mortem *Glauca Liberti* canit: *immodicis (id est excellentibus) brevis est ætas, ac rara Senectus, quidquid amas, cupias non placuisse nimis*. *Ferdinandus II.* augustæ memoriæ Imperator, cum insigni & rarum ex vitro donum, vitream scilicet Arcem (donum *Venetorum*) sibi missam hospitibus quibusdam ostendere vellet, familiaribus timidè affirmantibus fractam esse, hoc unum respondit: *vitrum erat*. Idem de *Ludovici* immatura morte dici poterit: *homo erat*.

*Omnia immatura: sapiens supra ætatem puer &c.* Jam pridem notatum est, ingeniosos & prudentes pueros vitales non esse, notumque est illud ex *Græco Poëta* ad puerum loquaculum: *ô puer ut sis vitalis metuo!* *Catonis* oraculum apud *Plinium* refertur: *Senilis juvenia præmatura mortis signum*; quod *A. Gellius* similitudine illustrat: *quod in pomis est, iridem esse ajunt in ingenijs, quæ dura & acerba nascuntur, post sunt mitia*; at quæ nascuntur vieta, putrescunt &c. Relinquendum ergo ingenijs, quod dies mitificet. Rationem hujus rei reddere conatur in problematis suis prudentissimis *M. Antonius Zimara*, cur, inquit, pueri, qui in pueritia ingenio maximè pollent, postea marcescunt, & nihil sciunt! id maximè pueris melancholica natura contingit; an id accidit ob temperiem? in pueritia enim pueri sunt calidi & humidi, melancholia verò est frigida & sicca. Et idem contingit in *Asellis* & alijs omnibus animalibus, quæ dum parva sunt, gratiosè lussitant &c. unde bene apud *Græcos* dicitur: *esto malus ut vivas? talium namque natura quam brevissima est*; hæc ad verbum *Zimara*. Ingeniosa multa *Ludovici* adhuc pueri dicta recensentur; quale illud, cum disputaretur in *Ungaria*, an *Gubernatorem Regni*, dum *Ludovicus* puer esset, constitui oporteret (quod cum imminutione regis authoritatis futurum erat) & vox illa *Gubernator* sæpius à Consiliariis repeteretur, impatiens *Ludovicus* puer: *quale hoc verbum est*, inquit, *Gubernator? & quid sibi vult?* respondit unus aliquis è Consilio: *qui Regis locum teneat, & loco tui Regnum gubernet*: respondit puer, *nolo ego talem Gubernatorem! unus ego sufficiam*; pueri tam vibrans, & acutum, dictum, omnes in hanc sententiam pertraxit, dixeruntque, *nec nos nobis talem imponi patiemur Gubernatorem*.

*Ominoso fletu &c.* Quæ in coronationibus Regum insperata contingunt, plerumque ominosa sunt. Exempla nonnulla superius adduxi in *Ludovico* fletu, malum

Avis ex flore  
symbolum  
brevis ævi.

Mart. in At-  
lante Sinico  
in Provincia  
Suchwen.

Quint. lib. 6.  
Inst. Orat. in  
Proæmio.

Martial. l. 6.  
Epigram. 29.

Pueri inge-  
niosi non sunt  
vitales.  
Plin. l. 21. c.  
1. hist. nat.

Probl. 44.

Ludovici  
pueri ingenui-  
um.

Coronatio-  
nes Regum  
ominosa.



prælagium adstantes Proceres acceperunt. Anna Ludovici sororcula flens etiam amarissimè, luctum in risum bene ominatum convertit: nam cum rogata esset fleris sui causam, respondit: *se etiam esse Regis filiam, & tamen non coronari*: ergo Rex Pater coronatione peractâ filia parvula coronam joco imposuit, datq; Proceribus signo ab omnibus iussit salutari coronatam puellam; risit illa, & ad Palatium regium coronata reversa est; quod omen fuit, tam infelicitatis in *Lu'ovico*, quàm felicitatis in puella, quæ coronata non semel est cum *Ferdinando I Regi* ac *Cæsari* venit in manum. Omen quoque triste in coronatione sua habuit *Rex Georgius*, cum pulcherrima gemma ex Corona Regni humi decidisset, quod postea multi interpretati sunt, postquam contigit *Silesiam* gemmam pulcherrimam à Regno sese separasse, & *Georgium* pro Rege agnoscere noluisse.

An verum illud: Divide ut imperes?

Besold. Polit. l. 2. c. 6.  
Bodin. de Rep. l. 6. c. 5.  
Tholof. de Rep. pub. c. 5. l. 7.

Herodot. in Vrania seu l. 4.

Plutar. L. de fraterno amore.

Malè educatur Regij pueri in otio,

*Ut Ordines Bohemia discordantes componeret &c.* Omnis ferè discordia Regni Principibus est periculosa, quia in illos discordia sese exonerat; disputant Politici, quibus in discordia Ordinum adungere se Princeps debeat, an debilioribus, an fortioribus? videatur *Scipio Amiratus* *Comment. in Tacitum*, subtiliter eam rem perpendens. Sed divisio in Regno via est præceps ad interitum Regnorum, & hinc non valet illud *Axioma Machiavelli*: *divide ut imperes*; rectius in nostro sensu diceretur: *divide ut non imperes*; consule his de rebus *Bodinum*, *Tholosanum*, *Besoldum*; ideò laudatur ab iisdem Authoribus prudentia *Jacobi Magni Britannia Regis*, qui duo Regna conjungere, quàm duobus filiis ex æquo partiri voluit; quod idem instillavit posteris in *Basilico Doro*. Et notandum est omnia propè Regna divisione periisse, & nunc quòd *Europa* pereat, divisio Principum causâ est: si unica *Europa* conjunctis armis, consilijs & viribus *Asiam* sibi sumeret subjugandam, nostra esset: tanta est militum nostrorum constantia & virtus, tanta Ducum vigilantia & solertia! idem est de alijs *Africa* & *Libia* partibus, idem (si locorum longinquitas non obstaret) de *America* Imperiis, at discordia nos non finit, major est inimicus quò vicinior. *Atheniensium* exemplum in antiquitate laudatur, qui cum possent è suis, Ducem classis præbere, & alioqui dignitate eminent, celsè *Lacedæmonijs*, quia magni faciebant, ut, ait *Herodotus*, *Graciam superesse, quam intelligebant esse perituram, si Graci ipsi de Principatu militiæ contenderent*. Addit memorabilem sententiam laudatus *Herodotus*: *intestina seditio enim tantò deterior est bello, quòd concorditer geritur, quàm bellum de ter'us est pace*. Sapientissimè iidem *Athenienses*, (quos laudat *Plutarchus*) licet contentione *Neptuni* & *Minervæ* absurdè confixerint, correctionem tamen non ineptam addiderunt, ut in anno quolibet unum diem eximerent, quasi atrum, nefastum, & damnatum, quo scilicet illa contentio accidit; hoc ipso significantes exosam omnem discordiam in Republica sua esse debere, & omnem memoriam ejus abolendam.

*Bonorum Principum tempora felicitatibus consignari &c.* Jam pridem in *Arnesti Vita* exemplis comprobatum est; & mirissimum, ut ita dicam, est, Principes qui homines Patrios amârunt, Patriæ bonis ditari. Nolo, nè nimius sim; exempla accumulare; quæ ibidem adduxi, sufficere possunt.

*Malè educatus odium negotiorum habere capit &c.* Cum vita Regis laboriosissima & plena curarum sit, malè educat parvum Principem, qui eum in fastidio curarum educat. Scio aliquid dandum esse ludo ætatis, at nunquam aliquid diligenter velle elaborare, Præfecti negligentiam arguit. Audivi non semel in *Academia Pragensi* adductos propè ex cunis pueros à nutricibus ad rudimentorum scholam, ex quibus cum quærerem: quid ita pueros à matre rubentes & lacte albentes ad scholas ducerent, qui nihil proficere possent? respondebant illæ: *ut sedere discerent*. Res omnibus ridicula visa est ad scholas itare sedendi gratiâ; mihi sufficiens causa semper visa est, pueros assuefieri sedendo; si enim sedendo à teneris non assuescimus,


vio-



n a.  
erius  
ater  
gno  
co-  
is in  
um.  
em-  
am  
pro  
  
gni  
ici,  
for-  
en-  
va-  
vi-  
da-  
gna  
ste-  
unc  
nis,  
am  
alys  
vica  
sum  
ere,  
ait  
pa-  
si-  
s est  
tio-  
ad-  
da-  
nem  
  
vi-  
ho-  
cu-  
  
ffi-  
cu-  
dili-  
ade-  
ho-  
ores  
nt.  
ula  
us,  
io-



# Genealogia Jagellonica, ex qua stirpe duos Reges in Bohemia habuimus: Wladislaum II. & Ludovicum I.





violenti  
confite  
digni  
chore  
ciarum  
&c. ite  
accidit  
Impera

& art  
capiat  
hunc, e  
Imper  
enim i  
datâ c  
mi om  
prande  
ditioni  
egriar  
alinati  
rinâ on  
bat Asi  
exter  
aliquot  
puli ca

mis &  
pugnar  
sequun  
fram f  
unicum  
Asia po  
nullo ju

N

G

tem co  
etiam t  
filij? &  
nullum  
credidi  
cubuit,  
liquit, u



violentum erit adultiori ætati sedere, & ea, quæ sedendo fiunt, aut perpendere aut conscribere. Odium autem negotiorum, qui Regi instillant, omni execratione digni sunt, quòd nimirum (dum Reges venantur, dum Equitationi indulgent, dum choreis & tripudijs, aliisque ejusmodi diverticulis sese oblectant) *Curatores Provinciarum* se constituunt; interim Principes amata à puero venationum, Equitationum &c. studia non deserunt, & nonnisi publica ludibundo oculo transcurrunt; unde accidit illud ridiculum, quod Sapientum omnium confessibus ridetur, *Theodosium Imperatorem conjugem suum Eudoxiam vendere.*

*Uno sæpe humanitatis exemplo capiuntur omnes &c.* Plebs ignara adjunctorum & artium aulicarum in perpetuum obstricta Principibus erit, si semel humanitate capiat: altè inhærent illis, quæ sibi semel impreslerunt, & in bonam partem trahunt, etiam illa, quæ ingeniosi in deteriore partem accipiunt. Maximi Principes Imperium suum commendare possunt, vel si semel populi votis respondeant, cum enim ipsimet subditi nesciant diversum agere & sentire, unâ Principis actione laudatâ capti, jam omnia ita futura sibi persvadent. *Bohemia Reges* antiqui humanissimi omni ætate erga subditos fuerunt: *Caroli IV.* Imperatoris apud Pragenses Cives prandentis multa exempla sunt, aliorum Principum familiaritates, cum mediæ conditionis hominibus multæ in *Valerio Maximo* nostro narrantur. Quòd attinet peregrinam historiam; *Panormitanus* narrat: cum *Rex Alphonsus Magnus* in itinere asinarium invenisset gementem, & auxilium implorantem, quòd Asinus in luto farinâ oneratus cecidisset, equo desiluisse, atque unâ cum Rustico qui caudam trahebat Asinum à pectore sublevâsse, appulsi (ait *Panormitanus* tum præsens) *nos Regem exterpsimus.* Asinarius autem agnito Rege veniam precabatur. *Res parva sed quæ aliquot populos Regi conciliavit.* Scilicet ut dicebam, uno facto humano & liberali populi capiuntur.

Humanitate  
Principis mi-  
rifice capiun-  
tur subditi.

*Turca insidiosa gens &c.* Certum est ex historijs omnibus *Turcos* non magis armis & multitudine populorum, quàm insidijs & fraudibus Christianum nomen oppugnare, non tam illorum exercitus, quàm quæ bellum antecedunt, comitantur & sequuntur, spectanda sunt: mille modis ut omnibus bellis apparuit, militiam nostram fallere noverunt: sæpe paucitatem, sæpe multitudinem mentiuntur, neque unicum bellum dederis, in quo Christianorum exercitum non deceperint. Molles *Asia* populi, quantum fortitudini deest, tantum fraudium assuunt, præcipuè cum nullo jure, nullo ad Deum respectu, nullâ conscientiz curâ teneantur.

*Panormit. l. i  
vita Alphonsi  
n. 25.*

Turcæ non  
magis militi-  
bus quàm  
dolis bella  
gerunt.

## Notæ Historiæ & Genealogicæ in Tabulam Jagellonidarum.

**G** *Georgius Rex* cum malam mentem, malum in se animum *Mathie Corvini Regis Ungariae* tot documentis cognôset, aliquot ante mortem annis ingravescente quotidie valetudine, de Successore suo cogitare cœpit; filios suos non existimabat tantum *Bohemis Proceribus* placere, neque Procerum sortem eorundem opinione egressos virtute, ut speraret eligi ex ijs Regem posse, adeo etiam tentaverat Procerum animos in Comitijs, quid spei post se habituri sui essent filij? & silentium triste Procerum pro responso retulerat; ergo circumlatis oculis nullum Regno quod amabat, aptiorem, & idoneum esse magis invenire se posse credidit, quàm aliquem ex gente fraterna *Polonorum* Principem, totumque in id incubuit, atque etiam ut in *Henrici* schedulis alicubi legisse memini, scriptum filijs reliquit, ut se totos *Polonia Regibus* darent, idque ante omnes præstitit *Henricus Senior*

*Georgius R.  
frustrâ filios  
suos Proceri-  
bus Bohemiz  
commendat.*



filiorum, omni genere regiarum virtutum clarissimus, sic ut etiam oblato sibi à nonnullis Proceribus *Bohemia Regno*, totam illam suam factionem ad *Wladislaum Polonum* traduceret. *Wladislaus* igitur *Casimiri III. Polonia Regis* filius, ut in Historia narravi, *Georgio Regi* suffectus est legitimis Comitibus, cujus *Genealogiam* paulò antè adduximus.

*Gedemin.* hic occidit *Withenum Litvania Principem*, & ejus viduà sibi copulatà factus est Dux *Litvania* A. 1300. *Vilnam* condidit, *Volhiniam* & *Kigoviam* sibi subjecit, occisus in prælio cum *Crucigeris* commisso A. 1308.

In Dissert. de  
Polonia. No-  
rimberge ta-  
cito suo nomi-  
ne vulgata.

*Olgerdus.* de eo nihil habetur. *Kirchmajer* in rebus *Polonicis* diligentissimè versatus, *Bohemus Scriptor* ætate nostrà, *Olgerdi Conjugem Mariam Ducissam de Tverem Christianam* facit, quæ filium *Jagellonem* seu *Wladislaum* ad *Christianam Religionem* occultè informârit.

*Keystud* à *Jagellone* patruo suo captus & occisus 1382.

*Alexandra* uxor *Zemoviti* genuit *Cymburgam Matronam Religiosissimam* & robustissimam, quam conjugio sibi junxit *Ernestus Ferreus Archidux Austria*, ex qua suscepit 4. filias & 5. filios, ex ijs fuit *Fridericus III. Imperator, Maximiliani I. Pater* natus A. 1415.

Miech. L. 4.  
C. 56.

*Korybut* in baptismo dictus *Sigismundus*, à *Pragensibus* vocatus ad spem Regni *Bohemia*. Sed turpiter ab ijs desertus, occisus 1435. in *Litvania*. Hunc *Korybutum Cromerus Vitoldi* fratrem, *Dubravius* affinem, *Hagek* filium, *Ramefs* patruum fuisse, *Genealogia* ut videmus, invitâ dixerunt; *Mechovius* tradit *Korybutum* cum bellum adversus *Sigismundum Magnum Ducem Litvania* movisset, captum & aquis præfocatum esse.

*Skirgello* frater *Jagellonis* & *Korybuti* fuit primùm *Princeps Plocensis*, deinde Dux *Litvania*. veneno sublatus 1395. *Svitrigello* in baptismo dictus *Boleslaus* post *Witoldum* seu *Alexandrum* fratrualem factus Dux *Litvaniz* A. 1430. pulsus alterò anno, & strangulatus postea A. 1452.

*Wigunth* in baptismo dictus *Alexander*, *Princeps Inowuldislaviensis & Bidgostiensis* Conjugem habuit filiam *Wladislai Ducis Oppoliensis*, nihil amplius neque de eo, neque de fratribus ejus septem habetur.

Idem l. 4.  
c. 38.

*Jagello* vel *Jagule Magnus Dux Litvania* post patrem A. 1381. cum ei Regnum *Polonia* ab Ordinibus offerretur, his conditionibus, ut Christianus fieret, *Litvaniam* *Polonia* adjungeret, *Hedvigem Ludovici Regis Ungaria & Polonia* filiam (quæ aliàs in pueritia desponsata fuerat *Wilhelmo Duci Austria*) conjugem duceret, baptizatus in ipsis nuptijs An. 1486. 14. Febr. & *Wladislaus* dictus est, & coronatus 17. Febr. baptizati sunt cum eo fratres *Wigunt*, *Korygallo*, & *Svitrigello*, regnavit 48. annos *Wladislaus*.

Uxor I. *Hedvigis Ludovici Ungaria & Polonia Regis* minor filia (majorem enim filiam *Mariam Sigismundus Caroli IV.* filius duxit, & cum ea Regnum *Ungaria* obtinuit (declarata & coronata A. 1381.) genuit cum *Jagellone* seu *Wladislao II.* unicam filiam A. 1399. 12. Junij, quæ obiit 13. Junij, & Mater secuta 12. Julij. *Hedvigis Praga* in *Universitate* fundavit Collegium quod *Regina* dicitur pro *Litvanis*. Uxor II. *Anna* fuit filia *Wilhelmi Comitis Cilia* ex *Anna Casimiri Magni Polonia Regis* filia, quam accepit A. 1401. coronata 1402. obiit 1416. 21. Aprilis; genuit unicam filiam *Hedvigem* desponsatam *Friderico II. Marchioni Brandeburgico*, obiit ante nuptias A. 1431. Uxor III. *Elisabeth Ottonis Pileczky* in *Pilez Ducis Sandomiriensis* (qui in *Clypeo* gestabat *Luna* quadrantem in cujus medio stella sexangularis visitur, cujus stemmatis multi in *Moravia & Polonia* hodièque censentur) filia formosa & dives Matrona; quæ tres antè maritos habuerat, nominatim in *Moravia*, *Joannem Laczký* (quem



(quem ego *Cravarzia* gentis fuisse suspicor) duxit eam, vel potius, ut habet *Cromerus*, rapuit A. 1436. huic alius eripuit *Moravus* & interfecto priori raptoꝛe in loco iustæ Uxoris habuit; ad extremum *Vincentio Granovio Castellano Naclensi* gente *Taporo* nupserat. obiit sine prole utpote senescens A. 1419. Uxor IV. *Sskonfa* in baptismo dicta *Sophia*, filia *Andrea Joannis Principis Kigoviensis* ex *Maria*, quæ fuit *Keystudi Ducis Litvanie* filia. Hanc duxit A. 1422. & ex ea suscepit quatuor proles. coronata est A. 1424. obiit 1461.

*Cromer. l. 18.*

*Witoldus* in baptismo dictus *Alexander*, captus à fratruele suo *Jagellone*, fugit ad *Crucigeros* in *Prussiam*, & tot damna *Litvanie* intulit, dum Regem adduceret ad secum paciscendum A. 1392. Fuit *Dux Litvanie*, & Regis titulum affectans impetrasse etiam à *Casare Sigismundo* ferebatur A. 1430. Mors abruptit omnia, reliquit filiam *Anastasia* seu *Sophiam*, quam accepit in conjugem *Basilus M. D. Moscovie*.

*Sigismundus Princeps Starodubensis* & postea *Dux Litvanie*; aliud nihil scitur, filius ejus *Michaël*, pulsus est *Litvania*.

*Wladislaus II. Rex Poloniae & Ungariae*. de hujus nativitate non conveniunt Scriptores: *Weleslavinus* ponit Annum 1424. 31. Octobris, & citat *Miechovium*; & baptizatum primò A. 1425. 17. Februarij, alij 1423. natum ponunt 21. Octobr. electus *Rex Poloniae* post Patris mortem A. 1434. & *Ungariae Rex* à quibusdam Proceribus, qui *Ladislauum* posthumum nolebant A. 1439. (alijs 1440.) coronatus in *Ungaria* fuit illi desponsata *Elisabeth Alberti II. Caesaris* vidua, sed ea cum *Ladislao* filio ex se nato, raptâ &. Coronâ fugit ad Imperatorem *Fridericum*.

*Welesla. 31.*  
*Octob. in Calenda.*

*Casimirus* alijs *Andreas* (*Casimirus* natus 30. Novembris 1427. post mortem *Sigismundi* ab aliquibus Proceribus *Bohemiae* postulatus ad Regnum, à pluribus rejectus. *M. D. Litvanie* 1440. post mortem fratris ad Regnum *Poloniae* vocatus & coronatus A. 25. (alijs 26.) Junij A. 1444. (alijs 1447.) fuit Princeps militaris & felix. Uxorem *Elisabetham Alberti II. Caesaris* filiam sibi conjunxit A. 1454. 6. Decembris, quæ obiit 1505. 30. Augusti, at ipse A. 1492. 7. Junij. genuit ex ea proles duodecim.

*Wladislaus* primogenitus *Casimiri* natus 1456. 1. Martij. Electus *Rex Bohemiae* post mortem Regis *Georgij* 1471. 21. Augusti. *Rex Ungariae* post mortem *Mathie* An. 1490. 12. Martij. Princeps à bonitate *Rex Bene* dictus, liberalis, pacificus. obiit *Buda* 1516. 12. Martij (alijs 13.) Uxor ei desponsata adhuc puero tredecenni *Freystadij*, *Barbara* filia *Alberti Brandeburgici*, vidua *Henrici XI. Ducis Glogoviensis & Saganensis*, quam deseruit. Secunda, *Beatrix* filia *Ferdinandi Regis Neapolitani*, vidua *Mathie Regis Ungariae*, quæ eum amabat vivente adhuc *Mathia*, sed hanc etiam, utpote sterilem, destituit. Tertia, Uxor *Anna Joannis Comitis de Candale Ludovici XII. Regis Gallie* consanguinei, filia, quam duxit *Buda* 1502. 6. Martij (alijs 6. Octobris) coronata fuit in *Ungaria* non in *Bohemia*, neque apud nos dotem habuit Reginarum. obiit 1506. 26. Julij in puerperio *Ludovici*, quem genuit eodem anno 1. Maij. *Rex Wladislaus* multo eam tempore luxit, neque pullam vestem deponere voluit, donec *Ungariae* Ordines promississent se *Ludovicum* infantem Regium coronari passuros.

*Hedvigis Wladislai Regis* soror nata A. 1457. 27. Sept. (alijs 21. Sept. alijs 11. Octob.) hanc conjugem sibi dari petijt *Mathias Corvinus*, sed ejus Natales respiciens Mater dare recusavit. *Georgio D. Bavariae Ludovici* filio ditissimo Principi nupta genuit *Ludovicum*, qui ante Patrem obiit, tum *Elisabetham* postea conjugem *Ruperti*, qui fuit secundogenitus filius *Philippi Electoris Palatini*, & cum eo genuit quatuor filios omnes sine hærede extinctos: *Rupertum Georgium*, *Ottonem Henricum Electorem* (qui obiit 1559. cum quo perijt linea antiqua Electorum) & *Philippum*, qui *Calebs* obiit 1548. & filiam *Margaretam*, quæ *Neoburgi* obiit *Monialis*.

*S. Casimirus* obiit *Vilna* 13. Februarij A. 1483. cœlebs, adolescens sanctissimus,



qui Medicis Venerem svadentibus, si vivere vellet, respondit: *Malo mori, quam fe-  
dari*; frater fuit Regis nostri *Wladislai*, quæ est aliqua Regni nostri gloriatio.

*Joannes Albertus* 27. Decembris A. 1459. (alijs 1460.) vivente Patre Dux  
*Glogovia & Sagani*; Rex *Ungaria* electus adversus fratrem suum *Wladislaum Regem  
Bohemia*, à quo pulsus est. Patre *Casimiro* mortuo cedente ultro *Wladislao Rege Bohe-  
mia*, *Polonia Regnum* obtinuit A. 1492. uxorem non duxit. obiit 1501. 17. Junij.

*Alexander* natus 1461. (alijs 1462.) 5. Augusti post Patrem M. D. *Litvania*,  
post fratrem factus Rex *Polonia* 1501. 12. Decembris. *Tartaros* devicit, ac paulò post  
*Vilna* 19. Augusti 1506. defunctus est nullâ prole relictâ. Uxor *Helena* quam duxe-  
rat 1500. obiit 29. Januarij 1513.

*Sophia* soror *Wladislai* Regis nostri nata est 1464. conjux data est *Friderico V.  
Marchioni Brandenburgico*, *Alberti* (*Achillis Germania dicti*) Electoris filio An. 1479.  
*Francofurti ad Oderam*. obiit A. 1513. 4. Octobris & maritus 1536. 4. Aprilis. Sepulti  
uterque *Heilsbrunna* in *Franconia*; genuit *Sophia* filios undecim, & inter eos *Alber-  
tum I. Prussia Ducem*, & quinque filias. Ex hoc conjugio *Marchiones Brandenburgici* in  
*Franconia*, qui *Beriti*, *Culmbachij*, & *Onspachij* habitârunt, processere, & *Marchiones  
Prussia*, quorum posteritas omnis est extincta.

*Elisabeth* nata 1465. 9. (alijs 3.) Maij, obiit infantula.

*Sigismundus* natus 1467. 1. Januarij, accepit Ducatum *Glogoviensem & Saganen-  
sem* à fratre *Joanne Alberto* A. 1500. & post obitum utriusque fratris Rex *Polonia* ele-  
ctus & coronatus 1507. 24. Januarij, vixit annos 81. obiit 1548. 1. Aprilis, Regni 41.  
Uxor prima *Barbara Stephani Cilia Comitis & Ducis Transilvania* filia ex *Hedvige Prze-  
myslai Ducis Tessenensis* filia, quæ obiit 2. Octobris in puerperio A. 1515. relictis dua-  
bus filiabus *Hedvige*, quæ nata est 1513. 24. (alijs 25.) Martij, data postea in conju-  
gem secundam *Joachimo II. Electori Brandenburgico* A. 1535. 1. Sept. cum quo ge-  
nuit unum filium *Marchionem Sigismundum Archiepiscopum Lutheranum Magdeburgi*,  
& tres filias, quarum duæ sinè prole decesserunt, à tertia procedunt hodierni *Duces  
Brunsvicenses in Wolfenbüttel*. Item *Barbara* genuit *Annam* (natam 1515. 29. Junij,  
quæ A. 1520. obiit) in cujus puerperio mater est mortua, ut modò dicebam.

Uxor secunda *Sigismundi Regis* fuit *Bona Sforza Joannis Galeazi Ducis Mediola-  
nensis* filia ex *Isabella Regina Aragonia & Neapolis*, eam duxit A. 1518. (alijs 1517.)  
hæc obiit Bary in Regno *Neapolitano* vidua A. 1559. genuit *Sigismundo* 5. proles. Pri-  
mò *Isabellam* An. 1519. quæ An. 1538. copulata est *Joanni Comiti Scepusensi & Duci  
Transilvania* electo Regi *Ungaria* adversus *Ferdinandum I.* cui genuit filium An. 1540.  
*Joannem Sigismundum Ducem Transilvania*, qui cœlebs obiit A. 1570. & ipsa *Elisabe-  
tha* obiit 1560. Secundò *Bona* genuit *Sigismundum Augustum*, de quo paulò post.  
Tertiò *Sophiam* nuptam *Henrico juniore Duci Brunsvicensi*, cujus fuit secunda conjux  
A. 1556. & obiit sinè prole 1575. (alijs 1560.) 28. Febr. Quartò *Bona* genuit *Sigis-  
mundo I. Catharinam*, quæ à fratre *Sigismundo Augusto* data est in conjugem *Joanni  
Duci Finlandia* (postea Regi *Svecia*) A. 1562. obiit 1583. 17. Sept. (*Joannes Dux Fin-  
landia* natus 1566. 20. Junij, & coronatus 1587.) huic *Joanni Duci Catharina* tres  
proles attulit, *Sigismundum*, qui natus est 1566. 20. Junij. Electus Rex *Polonia* 1587.  
27. Dec. *Elisabetham* 1567. quæ obiit Virgo, uti & *Anna* nata 1568. 8. Maij & obiit  
1625. 17. Jan. Quintò *Bona Sfortia* genuit *Annam*, quæ data est ab Ordinibus *Pol-  
lonis* conjux *Stephano Battorio Duci Transilvania*, coronato Regi *Polonia* A. 1576. qui  
obiit 1586. 13. Dec. ipsa verò *Anna* 1596. ultima suæ stirpis *Jagellonica*; hæredes suos  
esse voluit sororis suæ *Catharinæ* filios *Sigismundum & Annam*. Hactenus de dua-  
bus Uxoribus *Sigismundi I.* Habuit quoque *Sigismundus I.* filium illegitimum nomine  
*Joannem*, qui fuit *Episcopus Vilmensis* A. 1526.

*Sigismund.  
Herbststein.  
in Moscovia.*

*Fride.*



*Fridericus Sigismundi I. frater natus 1468. 27. Aprilis, primum Episcopus Cracoviensis 1480. deinde Archiepiscopus Gnesnensis, tandem Presbyter Cardinalis S. Lucie 1493. obiit 14. Martij 1503.*

*Elisabeth II. Casimiri III. filia nata 1472. 13. Maij, copulata Friderico II. Duci Egnicensi Capiteo Silecie Inferioris 1515. 25. Novembris. Obiit in puerperio filie Hedwigis, quæ unâ cum matre mortua A. 1517.*

*Anna Casimiri III. filia, soror Sigismundi I. nata A. 1476. 12. Martij; copulata Boguslao Duci Pomeraniae Stetinensi A. 1491. 2. Julij. Obiit 1503. 23. Augusti. Ex hoc conjugio profluxere omnes Pomeraniae Duces usque ad Ducem Boguslaum XIV. qui obiit An. 1637.*

*Barbara Casimiri III. filia nata est 1478. 15. Julij, nupta Georgio Duci Saxonie A. 1496. Lipsia, obiit 1534. 17. Januarij. Ejus filij omnes absque liberis extincti, à duabus filiabus verò procedit tota Domus Landgraviorum Hassie, usque ad nostra tempora.*

*Anna Vladislai Bohemica & Ungariae Regis filia (antè Elisabeth appellata idque ipsi nomen in baptismo est datum, at post mortem matris Anna ei nomen pater imposuit) nata est 1503. 23. Julij. De ejus ominoso fletu, tum sexennis pupulæ, cum frater triennis coronaretur Praga, alibi narravimus. Vide Sambucum & Slavaram. Desponsata Ferdinando I. Caroli V. fratri A. 1515. Viennæ, & copulata Lincij 1521. amantissima fuit nationis Bohemicæ; genuit marito quatuor filios, & undecim filias. Obiit in puerperio ultimæ filie Johanne A. 1547. 27. Febr. Pragæ tumultata.*

*Ludovicus Vladislai Regis filius natus 1. Maij 1506. quem Pater Julium maluisset appellari; coronatus Rex Ungariæ biennis A. 1508. Rex Bohemie 1509. 11. Martij, periit ad Mohacz 1526. 29. Augusti. Scripserat ante prælium in Bohemiam, ut sibi succurreretur, quod jam Alban Regalem occupasset Turca: Boleslaviensis Regio militum loco Regi suo pecuniam misit per Regni Cancellarium, Henricus Rosensis aliquot centurias armatorum; Subcamerarius Regni Jacobus Wrzesowecius Regi Zatoenses, Launenses, Cadanenses, Pontenses & Taborienses ante prælium adduxit, qui omnes cum Rege & Duce suo Stephano Slik Bohemo ceciderunt; Pragenses, Pilsnenses, Beraunenses, Slanenses, Litomericenses, Mielnicenses, Austenses tardè progressi de cæde Regis in via antequam pervenirent, nuncium acceperunt. Ludovicus visâ fugâ suorum vitæ consulturus (ut narrat Sambucus) quod alios dilapsos viderat, Cetricium juvenem nobilem & ministrum ante ipsum tranantem insecutus, Equo in tergum freno inverso, palude hauritur. Cujus tandem cadaver, indicio ejusdem cubiculi ministri reperiit & Albæ tumulatum est. Maria Ludovici conjux 31. anno vidua fuit, cum fratre suo Carolo V. in Hispaniam è Belgio discessit, ibique obiit.*

*Historia Prag.  
L. 3. c. 7.*

*In App. rer.  
Vngar.*

*Broderiht. in  
descri. Cladis  
R. Ludovici.*

*Sigismundus II. Augustus Rex Polonia natus 1520. 1. Augusti (alijs 2.) vivente Patre Cracovia coronatus 1530. promissit ei Regnum obedientiam 1537. gessit bellum cum M. Duce Moscovia, obiit 1572. 1. Julij (alijs 23. Julij) ultimus masculinæ stirpis Jagellonica, quæ in Polonia gloriose annis plus 186. regnavit. Uxor I. Elisabeth Ferdinandi I. filia (ex Anna fratris sui filia genita) nata 9. Julij 1526. copulata 1543. obiit 1545. 15. Junij. non sine veneni suspitione, sine prole. Uxor II. Barbara Georgij Radzivil Ducis de Goniada & Shedela Campiductoris Litvania filia, quam viduam post Dynastam Litvanum Gastoldum accepit. obiit 1551. 8. Maij, ætatis suæ 28. an. Uxor III. Catharina secunda filia Ferdinandi I. vidua post Franciscum Gonzagam Ducem Mantue,*

*Elisabeth prioris Uxoris soror, copulata 1553. 5. Julij (alijs 13. Julij) obiit 1572. 28. Febr. sine prole.*

## SECTIO



## SECTIO VI.

Reges Bohemiæ ex Augustissima Do-  
mo Austriaca, quorum Genealogiæ in fine  
hujus Sectionis subjicientur.

### CAPUT I.

*Ferdinandi I. Bohemiæ Regis, ac postea etiam  
Romanorum Imperatoris Regnum bre-  
viter adumbratum.*



Ferdinandi I.  
Patris.

ges suos à *Ferdinando I.* ad *Augustissimum Leopoldum* in Imperio quoque coronatos *Bohemia* viderit. Sed nos *Vitam Ferdinandi* breviter ut hæc-  
nus fecimus, perstringemus. Natus est *Ferdinandus Maximilianus I.* Ne-  
pos *Philippi I. Hispaniarum Regis* filius, *Caroli V.* frater in *Hispaniæ Urbe*  
*Alcala* medij diei itinere *Madriti* Urbe sede Regum, ob cujus Nativita-  
tem Urbs illa in perpetuum à tributis omnibus pendendis immunis est,  
ejusque cunæ hodieque in ea Urbe monstrantur. Ex pacto *Conventus*  
*trium Regum Viennæ* habiti *Ludovici* sororem *Annam* desponsam Anno  
1515. & A. 1521. *Lincij* 26. Maij nuptam, *Bohemiæ & Ungariæ* jure,  
mortuo *Ludovico* postulavit, ea res difficultatibus non caruit, quas *Sla-*  
*vata Regni Cancellarius* sub *Ferdinando II.* diligenter descripsit, nobis tam  
odiosa tractare mens non fuit; prudentiâ Delegatorum (quibus ab  
omnibus

**F**ERDINANDUS felici au-  
spicio per conjugium *Annæ*  
*Wladislai Bohemiæ Regis* fi-  
liæ, *Bohemiæ & Ungariæ* Re-  
gna accepit; hic primus *Au-*  
*striacæ Domui* Jus in *Bohemia* fundavit, &  
tam stabili dominatione permunivit, ut ab  
eo tempore neminem alium pro legitimo  
Rege, quàm ex *Austriacæ* domo agnoverit;  
secuti sunt hanc prærogativam Regni no-  
stri, *Ordines Sacri Imperij*, sicut omnes Re-



omnibus Ordinibus Bohemiae eligendi Regis potestas data est ) factum, ut quod jure fieri oportebat, id liberis votis factum videretur. Magnifica promissa Bohemis initio Regni à *Ferdinando* data omnes devinxere, ut tota propè Nobilitas *Iglaviam* Regi futuro occurreret, in campo *Ferdinandus* juramentum præstitit 30. Januarij Anno salutis 1527. ut loquitur *Lapis*, eo loco ad *Iglaviam* erectus, quem hodièque videmus. Turbata tum erat *Bohemia*, & *Pragæ* potissimum tumultuabatur: obsistebant adhuc scintillæ nuper extincti incendij, & litium inter Nobilitatem & Cives, tum inter ipsas Urbes, *Veterem* & *Novam* (nam unam sibi ex duabus Urbem, ut potentiam Civium augerent, quidam esse volebant, & ex *Curia Antiquæ Urbis* judicia, & *Senatusconsulta* petebantur) quod *Novæ Civitati* displicere & meritò quidem cœperat, qui unionem hanc à Rege discindi, & *Novam Urbem* suæ libertati restitui exoptabant: tertiam eamq; gravissimam causam dissensionum præbebant *Picardi* in utraque Urbe frequentes & inquieti ex natura suæ sectæ homines. Hæc omnia statim à coronatione (quæ A. 1527. 24. Febr. peracta est) componere cœpit *Ferdinandus*, ante omnia quæ extare poterant *Privilegia Civitatibus* confirmavit, deinde Unionem illam Civitatum rescidit, ac tandem *Picardos* Urbibus expulit, & pacem optimam procuravit; scio, non omnia hæc initio Regni perfecta esse, usq; dum Rex ad ipsa discordiarum cubilia penetravit: decennio enim *Novæ Civitas Veterem* respexit, & *Picardi* multis conatibus repressi, excindi tamen usq; ad *Ferdinandi* II. tempora omnino non potuerunt. Regnante *Ferdinando* res magnæ per Comititia constitutæ sunt: quas ex Articulis recitavit *Cancellarius Slavata*: *Vienna à Solimanno* A. 1527. obsessa, tum aliarum gentium, tum etiam duobus *Bohemorum* millibus peditum, ducentis Equitibus strenuè defensa est, quorum periculosa statio contra *Danubium* usq; ad rubram *Portam* fuit, inter præcipuos obsessæ *Viennæ* Duces *Leonardus de Fels*, postea felix in *Ungaria belli Dux* censebatur. An. 1531. 5. Januarij Rex *Romanorum* ab *Electo* *Colonie* declaratus est *Ferdinandus*, & 11. ejusdem Mensis *Aquisgrani* coronatus; quo ipso Anno *Pragæ* Ordines Regni *Bohemie* frequentissima Comititia in Junio celebrârunt: memorabile est, quod in Articulis Comitiorum ad 11. Junij lego. Statuitur ibi in Artium liberalium honorem, ut nemo Dominorum subditos suos, quicunque sese semel studiis literarum addixerint, à studiis avellat, aut ullo pretextu impediatur, quod decretum, tantâ omnium concordia latum est, ut omnes Domini suo se jure decedere libenter publicè profiterentur. His annis militum auxilia assiduè in *Ungariam* mittebantur, & privatim, & publicè *Rosenses* quadringentos cataphractos *Bohemos*, ducentos *Cosaccos* in *Polonia* conscriptos, iterum

*Vienna à Solimanno* obsessa

*Wartenberg:*  
*Memoria T. I.*  
*O. 9.*  
*Welesl. in Calend. hist. ad*  
*18. Junij.*

Hh

qua-



quatuor tormenta bellica, & alios belli apparatus Regi suo miserunt A. 1537. *Kociani* proditione, *Bohemi*, *Silesij*, ac *Tyrolenses à Turcis* internecione sunt deleti, cum mori quàm fugere (exemplo quarundam nationum, quas hîc nominare nolo) maluissent; quâ indignâ cæde egregiorum militum, irritatus inclytus heros *Nicolaus Serinius* ipsum *Koczianum* proditorem aggressus, ense proprio dissecuit. An. 1538. novus *Bohemorum* exercitus rursus in *Ungariam* mittitur Comitiorum decreto, denique nè infinitus sim, quantum auxiliorum, sive Viros, sive pecuniam spectes datum sit, præterire cogor, satis erit, si dixero, omni anno ingentem vim utriusque *Bohemiam* suppeditasse. Alia domi ad commodum Regni vel instigante vel monente Rege, vel approbante, statuta, & saluberrimis consilijs prius inventa fuere: de Monetæ reformatione, de fodinis auri, argenti &c. (quas *Ferdinandus* damno *Bohemiae* irreparabili deferuit, causatus bella *Ungarica* non sinere, ut sumtus, aliò quàm in bella vertantur) de Officiorum Regni institutione aut in melius correctione, & cætera utilissima: edidit Rex *Judicij Cameratici*, cui *Supremus Regni Praefectus* praesset, tum etiam *Judicij Aulici* ordinem pulcherrimum, ut videre est in *Wartenbergicis Memorijs* ad A. 1531. *Instructionem* quæ ipsi institutioni par videri potest. Tantam consiliorum felicitatem tristissima quædam totius Regni calamitas interceptit: primum A. 1541. 2. Junij excitato multis locis ab improbis hominibus incendio, tota *Arx S. Wenceslai*, & dimidium *Urbis Minoris Pragensis* intra trium horarum spatium usquè ad solum conflagravit, arsere etiam *Regni Tabula* ingenti damno, neq; defendi ullâ ratione potuerunt. Alterum non minus calamitosum Regno accidit: cum enim A. 1546. bellum *Smalcaldicum* Protestantium adversus *Carolum Caesarem* exarsisset, & Rex *Ferdinandus Nobilitatem Bohemicam* ad arma consurgere jussisset, illi obtendentes, universam insurrectionem à solo Rege, nisi Comitibus præmissis, indici non posse, Confœderationibus præterea cum *Saxonica* domo se prohiberi vociferantes, paucis admodum millibus Regem suum ad arma in *Saxoniam* secutis, vincente interim *Carolo Imperatore Ferdinandus* furens *Pragam* cum suo & *Caroli* exercitu reversus, contumacibus ad judicium vocatis, aliquot eorum capite punivit, plerosque bonis paternis exuit, Civitates ingentibus pecuniæ summis multavit, magnâ severitate; sed obsisti non potuit, cum à Rege irato, & victore exercitu tota circumscriberetur *Bohemia*. Exultatum est plus pecuniarum, militaris apparatus (quo Regnum exuit) & aliarum rerum & spoliolum *Ferdinandum* in *Bohemia* cepisse, quàm *Carolus V.* omnibus bellis, quæ in *Europa* & *Africa* gessit. Pœnituisse Regem tantæ severitatis dubium esse non potest, & mutata postea in

Incendium  
Arcis Pra-  
gensis.



in melius regendi ratio, maximè cum filium *Maximilianum* commendabilem Ordinibus reddere studeret, & alia indicia satis ostendunt; sed hæc utcumque accipiantur, *Ferdinandi* certè in Regnum *Bohemia* merita, nullâ oblivione obliterari possunt: primus ille dum Regnum *Bohemia* ad Imperij *Circulos* attraheretur, & *Principes Imperij* potentissimè cum *Carolo Cæsare* tentarent in societatem tributorum cum Imperio *Bohemia* illigare, restitit, & luculentâ oratione, quæ in Imperij Constitutionibus recitatur, probavit *Bohemia* ab Imperij oneribus immunem semper fuisse, nihil proinde ei imponi se passurum. Illud verò grande est in ipsa Patria meritum, quòd petentibus Ordinibus in Comitij A. 1545. Archiepiscopatum *Pragensem*, qui centum triginta uno anno vacaverat, *Bohemia* restituit, eumque de suis proprijs proventibus, nè onerosum hoc *Bohemia* beneficium esset, alendum suscepit, quod An. 1562. præstitit. Jam quantum beneficium continet *Appellationis Tribunal*, in *Arce Pragensi* institutum, vetitumque aut *Lipsiâ*, aut *Magdeburgo* responsa petere? sed de hoc toto negotio in Magistratibus agemus postea. Nec illud postremum est *Ferdinandi* in sacros & Ecclesiasticos Viros meritum, cum liberam testandi facultatem *Parochis* fecit in Comitij omnium Ordinum A. 1552. approbatam; nec odiosum futurum existimo, si *Collegium Societatis Jesu Pragensis*, & *Universitatis*, quam *Ferdinandeam* dici voluit, *Fundationem* & *Institutionem* præclaris *Ferdinandi* operibus annumeravero; nolo, nè nostra invidiosè prædicare videar, maximas ex hoc *Collegio* utilitates & commoda in Regnum universum profecta adducere; neque de *Universitate* quidquam hic memorabo, cum alium huic rei locum opportuniorem servare statuerim. Sub hoc Rege quædam etiam Regni commoda inventa sunt, ut illud, quod *Albertus de Guttenstein Comes* magno curarum labore perfecit, ut *Mulda-væ* excisis hinc inde extantibus petris *Crumlovio Budvicium* atque inde *Pragam* navigabilis fieret, quòd sal, frumentum, ligna, aliæque vitæ sustentandæ necessaria levissimo labore in mediam propè *Pragam* invehentur. *Curia* quoque *No-væ Civitatis*, magnificum opus, licèt ab incendijs nonnihil jam deformata surrexit hoc tempore, ac post discissam salutariter illam concordiam, de qua superius locuti sumus, veriùs contemptum suorum Civium, Senatum suum ex suis Civibus lectum vidit imponi. Secuta est A. 1558. 8. Martij, cum jam pridem (Anno scilicet 1555. *Carolus V. Imperator* omni se honore *Principatus* exuisset) *Ferdinandi* in *Imperatorem* assumptio, quæ res diu protracta est Pontifice & quibusdam Electoribus contrà nitentibus. A. 1558. 8. Martij electus, & 12. ejusdem Mensis *Francofurti* *Imperator* est salutatus, & 12. Martij anno sequenti *Pragam* adveniens

Ferdinandi I.  
in Bohemiâ  
merita.

Ferdinandus  
I. fit Imperator.



summâ gloriâ exceptus est: Ordines *Bohemiae* in tribus Equitum millibus obviam *Cæsari* processere, octo millia Civium armatorum steterunt in acie, tum tria millia eorum qui more *Taboriticæ* militiæ armabantur; mille quingenti pueruli in amictu candido occurrere, quos duodecim *Cives Pragenses* barbati, sed pumili, nihil puerulis majores duxere, tum senes cani mille; viduæ octingentæ; Virginum duo millia; omnia hæc agmina perorârunt ad *Cæsarem*; & plerique latine. Arcus triumphales, aliâque triumphorum spectacula omitto, quia jussu *Cæsaris* omnibus propè lingvis vulgata prodierunt in lucem, & sunt in manibus. Annis sequentibus posteritati suæ intentus *Cæsar* ad *Maximilianum* filium subiectis populis commendandum, quem jam *Regem Bohemiae* & *Romanorum Regem* fecerat coronari, totus incubuit, & quia gravis ætas admonebat, optimè ad cœlum comparatus, longè antè prænunciato mortis die A. 1564. 25. Julij, 62. ætatis in *Austria Viennæ* excessit è vita, *Pragam* ad Regum sepulchra devectus, 20. Augusti summo honore tumulatur. *Bulla Aurea* hujus Regis A. 1562. datâ 26. Septembris (quæ in *Metropolitana Ecclesiæ Archiepiscopi* etiamnum servatur) quid annuè *Archiepiscopo Pragensi*, quid *Metropolitana Ecclesiæ*, quid cæteris per *Bohemiâ Ecclesijs* donatum aut legatum velit, continetur; si ea exequi *Maximilianus II.* voluisset, profectò *Ecclesiæ Bohemicæ Caroli IV.* tempora hodie non desiderarent.

## NOTÆ in Caput I.

S. Viti corpus  
fatiale Im-  
perij pignus.

Joan. in Vita  
S. Wenceslai.

Facies Imperij  
Romani An-  
tiqua & No-  
vâ p. 2.

**E**X *Bohemia Regibus Imperatores &c.* Jam altero sæculo hæc felicitas *Bohemi- am* respexit, ut ex Regibus nostris Imperatores eligerentur; hujus rei multæ dari possunt causæ. Cœlestis & divina esse potest hæc: quod, ut animadvertit in *Annalibus Ecclesiasticis Cardinalis Baronius*, oráculo quodam cœlesti *S. Vito Martyri* promissum dicatur: ubicunq; sacri ejus corporis exuviæ honorarentur, ei genti *Romanum Imperium* deferatur, quod luculentis exemplis idem *Cardinalis* demonstrat; novissimè ad nos sub *Carolo IV. S. Vitus* advēnit, ab eoque tempore plerique Imperatores nostri fuerunt, notantque historiæ nostræ periti *S. Viti* brachium magno miraculo signum dedisse *S. Martyri Wenceslao*, ut illud ab *Henrico Aucupe Germaniæ Rege* peteretur, & in *Bohemiâ* asportaretur, ut narrat *Joannes Episcopus Olomucensis*. Causas alias humanas nolo adferre, nè invidiam pro veritate reportem; sed illa certissima, quod *Bohemia Rex* principale sit Imperij membrum, ut in *aurea Bulla Carolus IV.* significat, & secularium Electorum Princeps. Graviter enim hallucinantur, qui Regem *Bohemiæ* in eo solum casu, cum dubia est electio, suffragium ferre scripserunt. Enimverò suffragium, & primum quidem post *Ecclesiasticos Electores* votum tribuit, ut titulo 4. *Bulle aureæ* statuitur. Quæ omnia ad Regem *Bohemiæ* spectantia ex fundamento tractat, & autoritatibus Jurisconsultorum *Bullam auream* explicantium confirmat *Besoldus Maximus* ille Vir, seu historiæ seu jura spectes, & ex eo *Erasmus Pasca F. C.* & *Codici Justiniani* in *Academia Ingolstadiensis Professor*, in Thesibus, quas sub eo gloriosè publicè in *Academia* illa defendit *Illustrissimus Baro de Sprinczenstein*; deinde quis quælibet liberalius necessaria Imperij Germanici officia sus-

tine-



tinebit, aut suppeditebit sumptibus: ob eam maximè causam Goldastus summus Bohemiarum hostis, Bohemiam tamen *dulcem nutriculum* S. R. Imperij appellat. Plura non addo; Harpocrates digitum in os inserit.

*Cuna Ferdinandi in Urbe Alcala monstrantur &c.* Naturæ & rationi conveniens est, ut eum in locum, in quo nati sumus, æstimemus, & amore nostro dignum putemus; at contrà qui Stoico rigore omnia metiuntur, hoc minimè attendendum putant cum forti Viro ubique sit Patria; & multi illud repetant, *Patria est, ubicunque bene est*, sed istud subtilissimis & verissimis rationibus Sapientes pridem refutârunt, imò adeò divinarum legum *Interpretes*, qui gradus Charitatis enumerant, ante Parentes quos diligere & honorare divinâ lege jubemur, Patriam collocant, idque naturâ nobis insitum & inditum videtur; in Servatore humani generis Christo Domino D. Ambrosius Patriæ amorem agnoscit; locus est paulò prolixior: *non otiosè Salvator excusat, quòd nulla in Patria sua miracula virtutis operatus sit, nè fortassis aliquis viliorum Patriæ nobis esse debere putaret affectum.* Neque enim Cives poterat non amare, qui amaret omnes; sed ipsi se charitate Patriæ, dum invident, abdicârunt: charitas enim non amulatur, nec tamen exors beneficiorum Divinorum Patria est. Quod enim majus miraculum, quàm quòd in ea natus est Christus? videte igitur, quid mali invidia adferat? indigna Patria judicatur, in qua Civis operetur propter invidiam, quæ digna fuit, in qua Dei Filius conciperetur. Hæc ideo attuli, non quòd eâ ad Ferdinandum spectare putem, sed quòd cum incivilibus quibusdam mihi controversia sæpè fuit; qui omnem amorem Patriæ exuendum esse vociferabantur; at ego D. Thomam, & omnes sanctos Patres, & illustres Theologos, tum Aristotelem, & Ciceronem, aliòsque Sapientes allegabam, ut obsistere nullo pacto possent. Deus bone, quantum sanguinis pro Patria fufum est, quàm dulce & decorum pro Patria mori, Majores nostri esse putaverunt! si charitas Patriæ tollatur, nulla stabit Respublica, quæ amore Civium suorum potissimum sustentatur, moderatum & justum Patriæ amorem inter virtutes colloco, nimium (præcipuè in Religiosis) damno.

*Absistebant veteres odiorum scintilla &c.* Nescio quomodo, quæ in nos gesta sunt immortaliter animo inculpamus, contrà beneficiorum omnis memoria continuò aboleatur: ita sunt omnes nostri Cives ait Plautus, *si quid bene facias, levior plumâ gratia est; si quid peccatum est, plumbeas iras gerunt*, & licet odiorum omnium immemores nos futuros promittamus, tamen minimâ suspitione commoti odia ipsa resumimus, durâtque etiam in posteros exemplum; indigna profectò res est Majorum odijs nascituros involvi, & simul cum vitæ spiritu, & sanguine insinuari vindictas. Ajunt in Apum quæ ex Bovis cadavere per artem nascuntur; ventriculis, caput bovinum tenuissimis lineolis quasi inustum spectari; idem evenire arbitror hujusmodi familijs; meliora & saniora sapientes consilia tradiderunt, ut si homines esse velimus in totius generis humani venerationem & obsequium genitos nos esse arbitremur, nisi fortè aut Dei, aut Patriæ, aut Religionis amor aliud exposcat.

*Statuitur in amorem artium liberalium &c.* Duæ artes sunt, quæ Reipublicæ maximè prodesse dicuntur, quarum si altera absit, manca videtur Respublica, doctrina videlicet & ars militaris; hæ duæ scientiæ maximos Reges fecerunt, & facient in posterum; his duabus vijs Reges extollere Regna sua possunt, nec tamen velim à literatis arma contemni, nec vicissim à militibus doctrinam vile fieri, cum hæ duæ alæ sint, quibus sustentatur Respublica. Ac mirum est, militares Reges æstimâsse scientias, contrà doctos Reges plurimos militiam contempsisse: videbant scilicet præconium & æternam famam nominis sui (cui avidè inhiabant) ex literis se consecuturos. Carmen amat, canit alicubi (Claudianus, *quisquis carmine digna gerit*, ac si cui optio detur: utrumne Achilles esse velit, an Homerus, sine dubio respondebit Achil-

Patriam amare virtus omnibus necessaria.  
Muretus l. 2. variar. Lection. cap. 3.

S. Ambros. l. 4. Comment. in e. 4. Luca.

Beneficia facile ex memoria avolant; odiorum causæ animis imprimuntur.

Duæ artes bonis Principibus sunt in pretio.



lem esse malle, at praconium *Homeri* desiderare; scilicet sine literis omnis quodammodo virtutis fama moritur, quae omnibus magnis viris proposita esse debet. At aetate nostrâ omnis cura memoriae & gloriae postponitur, & putamus aliquem ex lusu gloriam consecuturum? vituperium potius apud futuras aetates, si innotescat, consequetur, & nihil nisi sibilum, & digitorum crepitum obtinebit. Omnes boni & gloriosi Reges Regnum suum stabilire scientiis conati sunt, & in sagacissima & ingeniosissima gente *Sinarum Nobilitas* in solis literis consistit. Beatissima Respublica est, quae utroque (viris scilicet militariis & doctis) circumfluit! hanc duplici laude merito gloriari poterat Bohemia ejus temporis, nam & Viros doctissimos, & Martiales, ex quibus summi Imperij adversus *Turcas Duces Ferdinandus Imperator* eligebat, in his Comitibus sedisse invenio.

Damnum tabularum irreparabile.

*Tristissima calamitas excitato ab improbis incendio &c.* Improbis & scelus huic incendio causam dedisse, nimis quam probabile est, quod eodem temporis articulo tribus diversis in locis exortum sit. Calamitas haec medium nostri Regni pretium devorasse dicitur, cum omnes Regni memorias, quibus singulorum fortunae conscriptae erant, ignis absumserit; quae una arserunt, multis deplorabant antiqui. Scire namque oportet Bohemiam à *Joanne Rege* & filio ejus *Carolo* sic dispositam fuisse, ut nullus ex Ordinibus Bohemiae nisi *Tabulas Regni* respiceret, & licet domi nihil autentici haberet, jus suum tamen totum in tabulis auctoritate publicâ confectis inscriptum invenire, & probare posset, quod hodieque religiosè servatur. At *Rex Ferdinandus* mirabili invento damnum omne intra decennium correxit, ut suo loco dicemus. Alioquin nihil magis Eruditorum partibus, quam ignis nocuit, qui tot *Bibliothecas*, maxime *Alexandrinam*, quae quadraginta millibus librorum manuscriptorum constabat, absumpsit, ut *Seneca* L. I. de Tranquillitate C. 9. memorat.

Plut. in vita Caesaris, ac Gell. septingenta ponit librorum millia.

Clementia Principi suadet à Seneca.

*Poenituisse Regem tanta severitatis &c.* De Imperio divino Sacrae Literae tradunt: Deum, cum iratus fuerit, misericordiae recordari, hanc quoque divinam rationem regnandi terrestres, ut ita dicam, Dij, id est Principes imitari, ac si fieri posset, exprimere deberent, eoque etiam justius, quod hominibus homines imperent, sibi prorsus similibus, & severissimam rationem Imperij sui Deo sint reddiuri, quod fide divigâ docemur. At etiam Mundi Sapientes, & Philosophi ad diuturnitatem & securitatem Imperij parandam, nimiam severitatem proscribunt, clementiam svadent: egregie in hoc argumento versatus est *Seneca*, in omnibus de *Clementia* libris, maxime lib. I. ab ijs verbis: *Stat in conspectu Clementia humanis erroribus parata &c.* & Cap. 8. *Regibus certior est ex mansuetudine securitas: quia frequens vindicta paucorum odium reprimat, omnium irritat; alioquin quemadmodum praecisa arbores plurimis ramis repullulant, & multa Satorum genera, ut densiora surgant, reciduntur; ita Regia crudelitas auget inimicorum numerum tollendo: parentes enim liberi que eorum, qui interfeciti sunt, & propinqui, & amici in locum singulorum succedunt.* Capite sequenti probat invictis rationibus, plus mansuetudine profici, quam poenis, Augusti exemplo qui dicere solitus est: *non est tanti vita, si ut ego non peream, tam multa perdenda sunt.* *Theodosij Magni* magna vox fuit, reorum aliquem supplicio eximentis: *non tantum absolverem, sed etiam si possem mortuos ad vitam revocarem.* Illustre est exemplum *Genuensis Reipublicae*, quae cum redacta fuisset sub potestatem *Ducis Mediolanensis*, qui eam tributis & novis oneribus intolerabiliter premebat. Missus igitur est à *Genuensibus Legatus* ad *Ducem Franciscum Marchesum*, quem cum Dux nollet in conspectum admittere, misit Legatum plenum vas herbae *Basilicae*, ut vocamus. Dux miratus doni vilitatem, mox Legatum admisit, quaerens, quid per herbam vellet: ibi Orator suam legationem brevissimè explicuit: *Populum Genuensem esse ut Basilicam (seu ozimum) quae herba leniter tacta gratum spirat odorem, si nimium premas, non modò suavitatem odoris deper-*

Clementia populum componit, severitas irritat.



deperdit, scorpiones tandem producit. Subjecit: *Si eris erga Genuenses clemens omnes obsequentur, si immoderatus, perget populus tumultuari.* Hâc Oratione motus Dux Sfortia laxavit onera servitutis. Sed potentiora & lectiora in hanc rem legimus in *Dione Cassio*, qui refert sapientissimum *Livia* cum suo *Augusto* colloquium, quâ ipsum ad clementiam hortatur, inter quæ pulchrum illud: *non omnia gladius conficit &c.* Hæc Oratio clementem effecit Augustum, ut præcipuis vitæ suæ insidiatoribus, quorum Princeps *Cinna* pepercerit.

*Albertus de Guttensstein* navigabilem *Muldavam Pragam* usquæ fecit &c. Laudatissima sunt opera publica, præcipuè, quæ sinè ullo damno maximas Provinciæ utilitates adferunt. Opus Regium habitum est semper, conjungere & navigabilia reddere flumina, ut altera Provincia alteri, quibus caret, altera abundat, subministrare possit. Pulcherrimum opus *Mosella* cum *Rheno* & *Oceano* conjungendæ *Ælius Gracilis* impedivit, diffidans id fore formidolosum Imperatori, ubi *Tacitus* prudenter addit: *hoc metu inutili plerumque prohiberi conatus honestos.* Invidia enim ex tam insigni & utili opere non finit æmulos gloriâ crescere, quod cum non possit directè impedire, per latus, suspensiones & timores accumulando utilia Regnis consilia evertit.

*Mylius in Horto Philosophico L. 6. V. Oximum. Dio L. 55. Histor. Rom.*

*Invidia noxia Publicæ rei.*

*Tacitus L. 13 Annal.*

## CAPUT II.

*Maximilianus II. Ferdinandi I. filius Boheimiæ Rex, postea ejusdem nominis secundus Imperator.*



**H**ic Princeps maximis naturæ præsidij ad regendam Rempublicam à natura instructus, *Vienna* An. 1525. editus in lucem est; à Magistris morum ad pacis studia potius quàm ad arma & dissimulationem (præcipuè in Religionis negotio) educatus, quam vitæ rationem, & Religionum tolerantiam usque ad mortem tenuit. A. 1548. jussu Patris in *Hispaniam* profectus, 23. Septembris *Vallisoleti* cum

*Maria Caroli V.* filia nuptias celebravit: In *Hispania* cum esset, res memorabilis & *Annalibus* digna, contigit, quam quia à paucis Scriptoribus traditam inveni, in laudem heroicæ virtutis in compendium missam, ex *Slavata Cancellarij nostri Annalibus* recitabo: regebat *Hispaniam* Gubernatoris titulo *Maximilianus*, additis in consilium, qui juventutem ejus regerent *Albano*, aliisque *Hispaniæ Proceribus*, cum audit ad *Granatam Urbem*

*Maximilianus generositate periculum evadit.*



*bem Regiam*, felicem esse cervorum venationem; huc Aulicos rapit, vix venationem auspicatus erat, ingentis magnitudinis cervus excitatur; insequitur juvenis Princeps avidus gloriæ, quem pernici cursu volentem amittunt *Nobiles Aulici*, interea Principi etiam cervus amittitur. In vespeream declinabat dies, ergo omisso cervo cursu primum de se ne præda latronibus fieret (quorum ibi annonam facilem esse didicerat) in omnes partes Comites vestigat, deinde cum explicare errorem non valeret, multis clamoribus sui indicium facit; frustra fuere omnia; videt pastoritiam Casam, quam intendentibus se tenebris ingreditur; noctem à pastore fene petit, ille hospitem descendere equo jubet, & tugurium subire; equum & cætera omnia sibi curæ fore; in eo tuguriolo, præter pastorem erant mortales quinque, filium habebat annorum 20. circiter, & uxorem illius, famulum latronem, uxorem suam, & filiam nubilem; pastor latrocinij assuetus ex vestium pretio argumento petito decernit cum suis hospitem interficere, ad cœnam carnis hircinæ crus apponit, & post sermones ultrò citròque habitos in cubiculum quoddam, ubi porta vetus, & tota præ vetustate cariosa esset, ad quietem deducit; uxor filij juvencula, quasi aliquid agendum haberet, juvenem Ducem formâ conspicuum videns, vias omnes, eum liberandi quærebat, & cum nihil probabile occurreret, insidias tamen aperit, & inde se proripit. *Maximilianus* territus diu anceps hæsit, an se *Gubernatorem Hispaniæ* proderet, tamen cum cogitaret, nihil tale apud latrones auxilio sibi fore, decrevit tandem, vim vi, ut posset, & sciret, defendere: ergo portam quantum licuit, communiavit, & veterem quandam cistam gravissimam, si molirentur aditum, portæ applicuit, tum gladium, pugionem, & bombardam instruxit, & manibus tenuit. Jam propè medium noctis appetebat, cum pastor hospitem obdormivisse ratus, januam lenissimè tentare cœpit, sed cum ob cistam oppositam ingredi non posset, rogat, uti aperiat, se in cista lintheamen relictum pro nocturna quiete quæsiturum; respondit *Maximilianus* intrepidè: sibi otium surgendi non esse, cur non antea hæc præviderit; pastor sua consilia prodita suspicatus, vim facere cœpit, & ingenti vociferatione editâ, convocat omnes, etiam viciniam clamoribus implens. Hic Princeps opus esse animis intelligens, appositâ ad portæ rimam bombardâ famulum latronem trajicit; mox remotâ cistâ, stricto ense egressus, filio pastoris caput amputat, patrem fugat, qui per silvas pastores advocat, illi venêre citi, at *Maximilianus* in silvas se abdens, tantisper latuit, dum illucesceret, sed captus à pastoribus & rusticis, tandem genus, & munus, *Gubernatoris* aperit, & si credere nolint, ad *Prætores* ducant, obtestatur; territi pepercerunt vitæ, ligatis tamen manibus ad *Præfectum* ejus



ejus regionis deducunt; agnitus statim & ab Aulicis ex manibus rusticorum ereptus casum narravit: Opilio morti addictus, uxor ejus combusta, at uxor filij Opilionis ad Aulam accepta, in magno pretio habita, & magnis in omnem vitam præmijs honorata est. Sed ad nostra redeamus in Comitijs omnium Ordinum Bohemæ Pragæ celebratis, Maximilianus, absens Bohemæ Rex eligitur; res maximis difficultatibus peracta est, conditiones tamen quædam additæ, ut prius Ordinibus juramento sese obliget, Privilegia Regni omnia conservaturum, neque vivente Patre Republicæ ullam partem attingat, ut quantum potest, habitet in Regno, & alia antiquæ libertatis documenta. Henricus de Waldstein in Hispaniam missus, ut hoc nuncium ab Ordinibus primus perferret, quo commotus Maximilianus, tandem Anno 1551. ex Hispania cum conjugè Maria solvit, & Genuam 12. Novembris appulit, ubi eum maxima Bohemæ & Moraviæ Nobilitas cum ingenti jactura fortunarum suarum expectabat; Viennæ postea aliquot annos consedit Maximilianus, nè, quod veritum erat, rebus Bohemicis sese immiscere videretur. Anno 1553. cum Patre ad Comitiam Imperij profectus, ut adversus Turcas auxilia impetraret, Principibus Imperij placere cœpit, & commendabilem sese reddidit, ut singulari felicitate ter in anno (quod Alberto soli nuper contigisse scripsimus) coronaretur 8. Septembris, in Natali Beatissimæ Virginis Ungariæ coronâ; 20. Septembris Bohemicâ; ultimâ Novembris Regis Romanorum coronâ celebritate magnâ insignitus est. Adijt Anno sequenti Wratislaviam, & vocatos ad se Lutheranos Ministros multâ significatione benevoli affectus summo operè laudavit, quod concordiam servarent, & cum Catholicis aperta odia non exercerent, promisitque operam, neque passurum se, quamdiu regnaret, ut vis aliqua Religioni eorum à quoquam inferretur; neque aliter, quàm dixerat, fecit. Hoc enim in Maximiliano omnes notaverunt Scriptores, in negotio Religionis frixisse, & circumferuntur Epistolæ quædam, quas ad Heterodoxum quendam Principem dedit, in quibus ambiguis verbis felicitati ejus se invidere significat, quod populum haberet conscientiæ liberioris, nulli Ecclesiastico Imperio serviliter subiectum; sed hæc affingi à malevolis Maximiliano potuerunt; laudatur tamen ab omnibus A catholicis Scriptoribus ipsa Oratio ad Wratislavienses Ministros quæ sæpissime edita Typis est; Stransky certè Picardus Maximilianum piam animam appellat, quæ nullius conscientiæ vim intulerit, & libertatem dederit de Religione quod quis vellent sentiendi; ego à Picardo homine mallem vituperari, quàm in hac re quidem laudari; sed pacis mirus amor in Maximiliano fuit, quam arbitror causam fuisse illius quam tenebat in Religione dissi-

Maximilianus  
R. Boh. de-  
claratur.

Maximilianus  
ter in an-  
no corona-  
tus.

Amor pacis  
in Maximi-  
liano.



Cura Reli-  
gionis.

Cerevisiæ  
coctio totâ  
Bohemiâ  
prohibetur.

Welesl. in Ca-  
lend. hist. ad  
26. Febr  
Choloffius  
&c.

mulationis, per quam Anno 1567. Patre jam mortuo in Comitibus Regni Bohemia, plaudentibus omnibus sectis, ipse præsens *Compactata* (ut vocabant) abrogavit: nam antè, nulla nisi *Catholica Religio*, & quæ *Compactata* traditur in Regno permittebatur; *Compactatis* verò sublati, omnibus, quidlibet credendi æqua data potestas fuit; *Anabaptistæ*, *Picarditæ*, *Calvinistæ*, & ejusdem farinae homines, qui se specioso *Utraquistarum* nomine tegebant, jam apertè errores profitebantur suos; at *Maximilianus* ut se non deseruisse *Catholicos* ostenderet, cum antè *Civitates Bohemiae* obtenderent, quòd *Catholicorum* nemo in Senatum admitti posset, sublato hoc injusto Senatusconsulto sine discrimine Religionis, etiam *Catholicos* admitti posse ostendit, & *Sebastianum Agricola* in Senatum *Antiquæ Urbis* adlegit. Magnum hoc tempore Anno 1569. Regi periculum à seditione fuit, cum enim tricies centena millia sexagenarum ad Ungaricum bellum gerendum, ab universo Regno, id est *Bohemiâ*, *Moraviâ*, *Silesia*, & *Lusatiâ* petijset, neque ab hac summa quidquam remitteret, offensi in Comitibus Ordines, nec salutato *Cesare* domum quiesque suam, *Silesij*, *Moravi*, *Lusatij* discesserunt; sensit *Cesar*, quid ageretur (jam enim constituerant armis libertatem tueri) itaque contentus ea accipere, quæ Ordines ultrò anno sequenti obtulerant, turbulenta consilia sapienti silentio in præsens oppressit. Anno 1571. extrema fames *Bohemiâ* afflixit, novòque exemplo omnes coquendæ cerevisiæ officinæ clausæ sunt, vetitumque eam sub pœnis gravissimis coquere, nè populo panis deesset; quâ ratione multus servatus est Populus in vita. Sequenti Anno *Maximilianus*, quod olim Pater à *Pio IV.* impetravit ab *Antonio Archiepiscopo* publicari fecit, ut liceret in omnibus *Austriacorum Provincijs* *Eucharistiam* sub utraque sumere, quo facto omnes sibi demeruit, & *Rudolfo* filio ad omnes coronas facilem stravit viam, ut Capite sequenti dicetur. Anno tandem 1576. *Maximilianus* multis morbis exercitus in Comitibus *Ratisbonensibus* 12. Octobris, cum Annum 49. ætatis, duos præterea Menses, & dies undecim, & tres horas, ut accuratè cõputavit *Weleslavinus* vixisset excessit è vita. Princeps amantissimus subditorum, quos securè & beatè & opulentè etiam vivere semper optabat; in spectaculis magnificus, Equestrium ludorum, quæ torneamenta dicunt, studiosissimus; ea latè describunt ejus temporis Scriptores, adeò ut præter *Pragensia* fora, quæ ejusmodi ludis & spectaculis sæpe compleverat, etiam in *Palatio Regis Vladislai*, Equitum simulatas pugnas exhibuerit, quas in *Itinerario* suo *Paulus Hentznerus* descripsit. Altero abhinc Anno cadaver *Maximiliani* *Lincio Pragæ* devectum, in sepulchris Regum conditur.

NOTÆ



## NOTÆ in Caput II.

**M**aximilianus ad regendum à natura factus &c. Ars omnium difficillima regnare, multis eget præsijs, neque unquam satis docetur, cum videamus etiam summâ institutione adhibitâ adhuc graves errores in regendo committi. *Scipio Amiratus*, qui magnum in politicis nomen est consecutus, nimis doctos, aut nimis ingeniosos à gerendis excludit Magistratibus ac sæpe novitatibus inventis causas turbarum præbere demonstrat; idem facit in aureis suis Epistolis *Guevarra*, cum probat esse meliorem regnandi magistratam experientiam, quam omnem doctrinam. Et tamen admiratione digna res est: quod cum nemo artem, quam non didicit, profiteatur, neminem facile sit reperire, qui se ineptum ad imperandum esse existimet; cuius rei causam interrogatus aliquando *Rudolfus I. Imperator*, ut est apud *Silvium*, respondit: *Plerique homines eos stultos putant, qui regnare nesciunt, stultum autem sese nemo judicat*; ita Sapientissimus Imperator. Quod si quis subditorum diversas naturas, ingenia & indoles, propensiones & affectus perpendat, propè fieri non posse censebit, ut unus homo omnibus subditorum desideriis & votis satisfacere possit; ideoque in auxilium Principum Sapientes adhibentur, cum unus omnibus regendis non sufficiat. Mihi consideranti Princeps similis *Patriarcha Noë* sæpe visus est, qui in unam arcam omnia animantia, omnesque belluas composuit, sed id sine miraculo efficere nunquam potuisset; nec Princeps tot populos compescere, nisi eorum animos Deus inprimis, dein educatio sub Principibus, vivendi ratio, leges usu receptæ, voluntaria Principi subjectio molliret. Ideoque periculosa apud prudentes habetur omnis magna ut est morum & legum & lingvæ in Republica mutatio, quia his mutatis plerumque subjectorum populorum voluntates mutantur, & dum vetera amittimus, nova in mores nondum induximus, periclitantur universa. Id *Maximilianus Rex* solenne in regnando habuit, ut semper sibi similis, & semper idem populo videretur, nimirum: *moribus antiquis res stat Romana, virisque*.

*A Magistris morum ad dissimulationem quandam educatus &c.* Educatio est altera natura: nam quamvis in conceptu & ortu, metallum, ut ita dicam, humani corporis à parentibus sumamus, cui metallo animam divinitas infundit, tamen modulus & mensura quædam desideratur in moribus & institutione, ad quam etiam animus componitur; ut dum tormenta muralia, & machinæ funduntur, omnes quidem eodem metallo constant, at non omnes ad eandem figuram conformantur, alia longiora, alia crassiora, prout scilicet modulus & forma, in quam metallum infunditur, extremitates, fila & lineamenta expressit. Quod non semel cum maxima voluptate, dum machinæ funderentur, & quibusdam panniculis velut infantes obvolverentur, spectavi. Itaque non satis certum ex sanguine, sed longè magis ex forti educatione argumentum futuræ virtutis petitur, idque multi sapientissimi Viri agnovè: *Scipio Africanus* fertur, cum *Romam* ad triumphum veniret, primum nutrici suæ vetulæ osculum dedisse, non matri, quod ab illa primùm laboriosè nutritus, deinde ad omnem virtutem primâ ætate informatus fuisset, at altera, ut dicebat, postquam voluptatis suæ causâ concepisset, non ampliùs sui curam suscepisset, sed nutrici traditum quodammodo abdicasset. Id causæ est, quod sæpe iisdem Parentibus geniti filij, roto, quod ajunt, cælo moribus discordent; scio multum posse naturam, sed non minùs educationem, ut apud nos in *S. Wenceslai* à *S. Ludmilla* institutione, & in *Boleslai Sævi* Principis apud sceleratissimam matrem *Drahomiram* educatione apparuit, ut ille Deo plenus, hic Dæmoni consecratus videretur.

Omnes se ad regnandum idoneos putant.

*Scipio Amiratus*, in Tac.

*Guevarra* in Epist. ad Petrum de Acuña.

*Silv.* in Parallelis in vita Alph. M.

Multi vultus hominum, animos habet ferarum.

Educatio difficilis.

Nutricum labores.



Venatio. cur  
cara Nobili-  
tati.

Ansel. de Boot  
in Symbolis  
heroicis.

Liber pericu-  
lorum Maxi-  
miliani I.

Pighius in  
Hercule Pro-  
dicio.

Strada L. 6.  
de Bello Bel-  
gico.

Silentium  
saepe est pro  
responso.

Princeps est  
servus publi-  
cus.  
Contzen in li-  
bris p. lit.

Corn. Tac L.  
4. Annal.

Magnificen-  
tia innata  
Principibus.

*Vix venationem auspicatus erat &c.* Venatio imaginem & imitationem quan-  
dam militiæ habere videtur, & quidem triumphantis, cum hostes fugientes inse-  
quimur; ideoque Nobilitas hac imagine victoriæ maximè adducitur & tenetur; ac  
milites has ferarum victorias ridet, & (quod saepe audivi) decentius existimant,  
unum hostem, qui contrà stetit, fugare, quàm mille feras prosternere. Venatio  
Principibus *Austriacis* saepe carò stetit. Nota sunt *Maximiliani I.* in *Rupicapras*, &  
*Ibyces*: quod genus ferarum aliud est, & naturâ differt, ut *Anselmus de Boot* affirmat)  
conamina, quæ eum in summum vitæ discrimen sapius adduxerunt, imò ipsam  
conjugem carissimam venando amisit, *Mariam Burgundam*, cum insequendo feras  
equo decidisset. Legi *Maximiliani I.* pulcherrimum librum, *Teurdanck* inscriptum  
(quem *Albertus Durerus* sculptor & pictor præstantissimus iconibus illustravit) in  
quo *Maximilianum* duæ sceminæ, *Curiositas* scilicet & *Invidia* ad pericula deducunt,  
ex ijs multa à venatione ortum habuere; hinc quoque *Maximiliano II.* venatio peri-  
culum attulit. Venationes *Rupicaprarum* & *Ibycum* elegantissimè descripsit *Ste-  
phanus Pighius*, qui itidem affirmat *Ibyces* & *Rupicapras* duo diversa esse.

*Sapienti silentio oppressi &c.* Saepe silentium pro omni responso est, idque inge-  
niosè expressit *Famianus Strada* noster: *non male auritis satis respondetur, non respon-  
dendo.* Et eò quidem facilius quòd facillimum est, nihil dicere, & silentio ipso pro-  
bamus ea, quæ nobis proponuntur non satis esse digna responso, hac in re exercita-  
tum esse Principem oportere Politici docuerunt, & tota dissimulationis ratio (in  
qua Rectores populorum exercitatos esse convenit) silentium habet pro fundamen-  
tò. *Oratorum Magistri* docent ad quæ respondere non possumus, vel non volumus,  
ea silentio prætereunda esse; primùmque hujus politici documentum primus *Rex  
Israëlitarum Saul* præbuit, cum *Rex à Samuele Propheta* proclamatus, audiens de se  
quosdam sinistrè loquentes: *num poterit nos salvare iste?* &c. ait *sacer textus: Saul au-  
tem dissimulabat se audire.*

*Bene esse populo cupiebat &c.* Hoc optimi Principes semper sibi propositum ha-  
buerunt. Notum est proverbium politicorum: *salus populi suprema lex esto*; quia non  
populus propter Regem, sed ut *Adamus Contzen* probat, Rex propter populum,  
quod politicorum omnium axioma evertere conatus est, homo *Atheus Machiavellus*,  
quem egregiè retuderunt tot insignes Scriptores. Pulcherrimum est illud, quod  
notavit noster *Petrus sancta*; disputans enim cur duæ *Regum Romanorum* statuæ, scilicet  
*Numæ Pompilij*, ac *Servij Tully* solæ cū anulis ferreis steterint (quas adhuc ad sua tem-  
pora perstitisse *Plinius* testatur) sapientissimam adfert causam, quia nimirum, ut  
quidam Sapiens dixit: *Rex bonus servus est publicus*, ut profiteatur se commodis po-  
puli studere velle, & ejus utilitates sibi curæ futuras, post Reges *Romæ* exactos annu-  
lus ferreus Imperatoribus dabatur, & sic de *Jugurtha Marius* triumphavit. Princi-  
pes qui hæc politicorum & sapientum placita agnoverunt, & expresserunt, laudan-  
tur, at qui nescierunt, & contempserunt, omnium Scriptorum sibilis exploduntur,  
mirumque est Principes, qui famæ, & tempori præsentis tam studiosè placere vo-  
lunt, futurarum ætatum & temporis nullam rationem habere, quæ eorum malefa-  
cta in *Annalibus* omnium temporum reprehendent, damnabunt, execrabuntur. Sa-  
pientissimè *Tacitus*: *optimi quique mortales altissima cupiunt &c. cetera Principibus sem-  
per adsunt: unum insatiabiliter parandum: prospera memoria. Nam contemptu fama, con-  
temnuntur virtutes.*

*In spectaculis magnificus &c.* Magnifici Principes magnificentiam in omni vi-  
ta tenuerunt, decet enim Principem non omnia ad pecuniam referre, sed multa imò  
plura & potiora ad publicas utilitates, ad splendorem & magnificentiam. Ex hu-  
jusmodi rebus agnoscitur liberalis *Principis Genius*. Jam pridem probatum à me est,  
omnes.



omnes laudatos Principes ædificatores fuisse, & de *Trajano* optimo Principe, quòd innumera opera publica ædificasset, ingeniosè *Eutropius* dixit: *Trajanum Orbem terrarum ædificasse*. De Imperio Sinico, & magnificis Imperatorum Sinensium structuris, videatur *Martinius*; certè Romanorum ædificia omnia velut pumilionum labores sunt, si cum Sinicis conferantur. Semper hoc habuit Asia, ut reliquas orbis partes non modò amantate terrarum & locorum, sed multò etiam magis splendore operum, quæ humanæ manus struxerant, superaret. Legantur quæ de septem miraculis commemorat *Pancirolla*, tum illa, quæ *Semiramis* struxit, aliæque innumera. Verùm permittendum est aliquid *Genio Principis* excelso, & magnis spectaculis, ludis exhibendis, Palatijs struendis occupato. Omnia hæc gloriosum Regem ostendunt; gloriæ autem & æternæ famæ, & laudis maximè studiosos Principes esse oportere, quem paulò antè laudavi, *Tacitus* admonuit.

*Martin. in Atlante.*

*Panc. lib. de rebus perditis. Herodot. l. i. Hist.*

## CAPUT III.

### *Rudolfus Rex Bohemiæ. II. ejus nominis Imperator.*



**R**udolfo II. Regi maximo & gloriosissimo Invidia lethalem morsum infixit paulò ante mortem, quem si evassisset, inter felicissimos Reges numerari potuisset. Natus *Viennæ* 22. Septembris An. 1552. Rex *Ungariæ* coronatus 1572. *Bohemiæ* 1575. eodèmq; anno Rex *Romanorum*, ac Imperator 1576. 12. Octobris *Ratisbonæ* eodem anno & die quo Pater *Maximilianus* est mortuus; nemo

*Rudolfi II. calamitosus exitus.*

non Regum hanc *Rudolfi II.* felicitatem optasset, si ultima primis respondissent:

*scilicet ultima semper*

*Expectanda dies homini, dicique beatus*

*Ante obitum nemo, supremæque funera debet.*

*Ovid. in Metamorph.*

Jam inde à coronatione sua maxima dedit Regiæ prudentiæ, cæterarumque, quæ Reges bonos & populo caros faciunt, virtutum documenta: Regio Catholica prima ejus cura, cujus amorem & defensionem in Catholico Regno Hispaniæ propè cum lacte imbiberat. Hujus rei illustre specimen dedit jam ex *Hispania* reversus Regius Juvenis *Viennæ*: cum enim Pater, quæ illius facilitas in Religione fuit, ut antè dixi, eum ad concionem Lutheranam secum adduxisset, & *Præco* ille Evangelicus omisso



Zelus ejus  
pro Religio-  
ne.

Rudolfi lau-  
datissima stu-  
dia in Regni  
initio.

Evangelij argumento multis & injurijs verbis in *Pontificem*, & Ecclesiae Catholicae primos & sacros Ordines debacchatus fuisset, *Rudolfus* aegre concionis fine expectato surrexit, & grandem Praedicanti colaphum publice infregit, increpitusque à Patre, factum magno animo defendit. Eadem animi firmitas semper in *Rudolfo* etiam extremâ aetate spectata est: injuriam optimo Principi faciunt, qui ex eo, quod literas Majestatis Ordinibus Regni Bohemiae dederit A. 1608. id ab eo infirmitate animi factum existimant; fortior ille fuit, quam multi existiment, & fortior multis laudatissimis Principibus, sed quia videbat omnia secum in cumulum ruitura, diu resistens, nè Religio denique ultimum exitum pateretur, consensit, quod vitari non poterat. His de rebus utiliter legetur, *Wilhelmus Slavata*, qui tum *Rudolfo* aderat, fidissimus, & intimus consilijs, in Apologia sua adversus *Comitem Turnium*. Praeclariora *Rudolfi* opera ad Religionem promovendam, & Catholicam pietatem, & teneritudinem in Regna & Provincias suas invehendam, praecipua numerantur; decreta pro Religione; *Utraquiste Catholicorum* parti adjuncti; *Consistorium* inferius, ut vocabant, totum *Archiepiscopo Pragensi*, non violentè, sed sva vi quâdam ratione subjectum; officia Regni tam dextrè distributa, ut tam in Nobilitate, quam in Regno toto *Primas Catholicici* tenerent semper; & *Catholici*, qui idonei essent, tam ad officia Regni & Reipublicae, quam ad Civiles Magistratus promoverentur; *Picardi* severissimis decretis sapius, praecipue A. 1589. & 1603. confixi, ut nullo loco tuti consistere possent; *Slovanense Caenobium* haeticis ereptum A. 1594. & Catholicis restitutum; duo *Collegia Societati Jesu* (*Brunense* & *Glacense*) amplissimè Caenobiorum loco fundata & dotata; Ecclesiarum omnium fundationes A. 1592. praecipue in *Urbibus Pragensibus* investigatae, quâ investigatione plurimum auctoritatis & utilitatis Catholicis accessit; *S. Procopij* corpus elevatum, & maximâ celebritate, cui ipsemet *Caesar* interfuit, A. 1588. in Ecclesiam omnium Sanctorum in *Arcem Pragensem* illatum; *Turcici* belli tempore, quod multos in Annos protractum est, pietatis exercitia quàm plurima, partim instituta, partim exemplis firmata, ut fuerunt campanarum pulsus, & preces, & conciones ter in hebdomade habitae in templis propè omnibus, quarum ipse argumentum dabat, de peccatis provocantibus iram Dei, quae postrema licet *Archiepiscoporum* decretis gesta sint, tamen *Rudolfum*, si non Authorem, certe Promotorem habuerunt; denique in omnibus, quae ad templorum pietatem, & Dei cultum spectabant, maximo Praefulibus adjumento *Caesar* fuit, ejusque auctoritate nitebantur omnia. Jam verò etiam, quae pro Regnorum utilitate, & subjectorum populorum bono gloriosa sibi

& in



& in omne tempus memoranda gessit per indicem, ut haecenus perstrin-  
gemus: artes & scientias sic amavit, ut nemo Regum magis: doctos & li-  
teratos viros ex omnibus *Europæ* Regionibus maximis præmijs invitatos  
ad se *Pragam* attraxit, & copiosè & lautè habuit; ex uno *Tichone Brachæo*  
conjecturam capere licet, qui cum *Uranoburgum* suum, quod sibi ad si-  
derum cursus observandos magnis opibus extruxerat ægrè desereret, *Ru-*  
*dolfus* altero tanto ampliùs *Tichoni* in Annos singulos se daturum polli-  
citus est, quantum ex universis bonis suis & ditionibus in *Dania* relictis,  
*Ticho* percipere solitus esset; eidemque ingenti pretio domum *Mathemà-*  
*ticam* singulari arte perfectam, & ad contemplandam omni ex parte di-  
urni & nocturni cœli faciem aptissimam, prout scilicet ipse *Ticho* sibi de-  
scripserat, extruxit, quàm pueri videbamus, & mirabamur tot angulis di-  
visam, & velut *Labyrinthæis* anfractibus visendam, ut si semel errares,  
explicare exitum non posses. Advocavit etiam *Artifices*, & qui in gem-  
mis, auro, aliisque metallis laborarent, peritissimos, tum turbam *Chimico-*  
*rum*, quibus ipse Imperator plerumque collaborabat, tum *Gemmarios*  
(quos inter eminebat Vir doctissimus *Anselmus Boëtius Brugensis*, ut ejus  
opera ostendunt) viros omni genere doctrinarum clarissimos, quos in-  
ter *Jacobus Typotius* chorum duxit, *pietores, statuarios, fossores*, & qui ve-  
nas metallorum indagare arte scirent, aureæ glareæ & obryzi auri *Loto-*  
*res*, quos ubique ad auriferos fluvios per omnem *Bohemiâ* sparsos con-  
duxerat; deniq; nihil erat artium, maximè ex quibus certa utilitas in pu-  
blicum colligitur, cujus peritos homines non haberet; atque utinam in  
hoc studio parcior *Rudolfus* fuisset, neque curiositate humani ingenij, oc-  
cultâ etiam & sensibus humanis inaccessâ & prohibita explorare tentâs-  
set. Itâ verò auro & gemmis abundâsse *Rudolfum* Author est *Boëtius*, ut  
paucos omni ætate Reges illi comparari potuisse affirmet, nominâtque  
eum alterum quendam *Salomonem*, quos titulos etiam non opum gratiâ,  
sed prudentiæ merito apud quasdam *Europæ* nationes *Rudolfus* consecu-  
tus est. Hoc etiam opus *Rudolfum* maximè commendavit: quòd corpo-  
ra Regum satis inhonorè in *Ecclesiâ S. Viti* jacentia, diligenter collegerit,  
& loculis lapideis ad gratiam & splendorem inclusa, excitato ex alabastri-  
te boni artificis manu Cenotaphio contexerit, quod opus, qui ista intelli-  
gunt, & eruditos habent oculos, mirantur, & laudant. Nulla in *Rudolfò*  
opum aviditas nimia, nulla cum dato opus esset, tenacitas visebatur: *Ra-*  
*conicium* *Fisco* Regio addictam Urbem precibus Procerum quorundam  
adductus, statim *Regiam* pronuntiavit, & liberam esse jussit; eadem gra-  
tia *Novæ Boleslavie*, arce exceptâ, & *Bidzovie* facta est, ipsis qui eas  
Civitates tenuerant *Kragirzijs*, & *Wartembergicis* ( tanta id temporis  
Do-

Artium ama-  
tor & admi-  
rator maxi-  
mè *Rudol-*  
*fus Cæs.*

*Anf. de Boët*  
*præfat. in LL.*  
*de Gemmis.*

Ejus laus:



Rudolfus de-  
feritur ab o-  
mnibus, cu-  
jus rei multæ  
causæ.

Bellum Pas-  
saviense.

Dominorum facilitas erat!) postulantibus. Gloriam *Rudolfi* omnes propè *Europæ* nationes legationibus auxere; *Tartari*, *Persæ*, *Turci*, aliæq; barbaræ nationes, *Mosci* muneribus & pecuniæ centum millium pretio omnes superarunt, quæ munera legationum is qui aderat, & in rem præsentem venerat, *Cancellarius Slavata* diligentissimè descripsit. Sed jam ad alteram *Fortunæ* retrogradæ paginam veniamus: *Rudolfus*, qui omni genere bonorum circumfluebat, Annis ante mortem summum sex, ita repente tum à suis, tum ab alienis primum deferi, post etiam contemni cœpit, ut ferè etiam hostes ejus misericordiâ tangerentur, & quidam, quod eò processissent, dolerent: ante omnia Plebs, & vilior populus jam ab An. 1591. turbis & tumultibus initium aliquod dedit, & quanquam diligentia Præfectorum compositi viderentur, tamen fastidium quoddam, & odium præsentium & gubernationis in *Rudolfo*, in alto pectore servabant: quosdam odium Religionis Catholicæ, cujus ardentem cultum *Rudolfus* non dissimulabat, & decretis aliquando acribus urgebat, ad novas res moliendas incitabat, quosdam Catholicos maculosa ejus vita offendebat; multi *Christophorum Hermannum Rosvurm* paulò antè in bello Turcico felicem & strenuum Ducem campi *Marescallum* carnificis manu capite plexum indignabantur; alijs *Georgij Lobkovicij Supremi Regni Præfecti* tragica calamitas, & tot annorum carcer, & scripti pro ejus innocentia libri ad deferendum *Rudolfum* stimulabant; ipsa denique senis Imperatoris morositas & mirabilitas, ob quam placere seni nemo poterat, alios alia invitabant, ut cum *Rudolfi* frater *Mathias* primum *Ungariam*, *Austriam*, deinde *Moraviam*, ac tandem *Bohemia* Confœderatione cum plerisque *Austriæ* Principibus A. 1606. initâ, milite inundasset, & coronam à *Rudolfo* posceret, contempto occidente Sole, omnes ad orientem sese converterint, neque ullus alius *Austriacorum Principum* pro *Rudolfo* arma sumserit, præter *Leopoldum Passaviensem*, qui aliquot millia militum nuper ex *Clivia* reversorum in *Bohemia* duxit A. 1609. at ea res in damnum *Rudolfi* vertit; suspicati enim, quod erat, Provinciarum Ordines acriter in *Rudolfum* exarserunt, & *Passaviensi* militiâ è *Bohemia* cedere coactâ, *Mathiæ*, quem jam *Proceres Moravi* sequebantur totos se dedere, ejusque qualem qualem causam adjuvandam suscipere decreverunt. Ereptum est illud *Rudolfo* eo tempore Regium & pulcherrimum regnantium decus, quod non coguntur; viventi & spiranti (ut *Comicus* dixit) funus factum est; eoque se redactum infelix *Rudolfus* vidit, ut Regno *Ungariæ*, *Austriæ*, *Moraviæ*, & cæteris Provincijs decedere cogeretur, & prius suâ manu subscriberet, ea se fratri omnia cedere; quodq; luctuosius fuit An. 1611. 23. Maij cum in Regem *Bohemiæ* coronaretur

*Mathias*



*Mathias*, ipse tum *Cæsar* in *Arce Pragensi* degens, plausus, & tubarum clangores in coronatione fratris audire cogeretur. Tædet me hæc tristitia scribere, & jam antè in *Epitome* mea memorata sunt; historiam *Rudolfi*, & ejus gloriæ extenuatæ & ad ultimum omnino occidentis describit in *Annalibus Ferdinandæis Khevenhiller*; nihil vidi illis libris exactius. *Piasecius Polonus Episcopus* memorat (quod in alio Scriptore non memini legere) *Rudolfum* jam ætate provectum, novos eosque mirabiles mores assumpsisse: nullum propè ad se præter Artifices, & pauculos quosdam *Aulæ Ministros* admisisse, quorum arbitrio omnia gerebantur (inter alios quendam *Sluskiæ Equitem Lenonijs* artibus conciliatum) *Botscajum* idèò rebellionem exorsum, quòd duobus Mensibus in *Aula Cæsarea* versatus, nunquam audientiam à *Cæsare* impetrare potuerit; ei solitudini, & tristi otio *Rudolfi* causam dedisse *Tichonem Braheum*, qui ex astris monuerit, cavendas esse *Rudolfo* propinquorum insidias; at ille cavebat alienos, suos non curabat; ex ea causa *Cæsarem* caruisse publico, templa, fora, Curias vitasse, & latebris se texisse deambulantiem in porticibus *Aulæ* internis, quas varias excitaverat cum fenestris angustis & obliquis, nè prospiciens videri, vel jaculo (quod maximè timebat) peti posset. Si quis exterorum *Magnatum Cæsarem* coram intueri vellet, non aliam ferè rationem id consequendi fuisse, quàm habitum *Agasonis* assumere, cum quotidie *Cæsar* ad equorum stabula per diversos *Aulæ* anfractus venire consuevisset. Hæc ex *Piasecio*. Obijt gloriosissimus quondam *Imperator*, & cum diuturnitate Imperij, & in pace rerum abs se gestarum gloriâ laudatissimus in bellis, quæ per Duces suos gerebat felicissimus, mœrore & curis confectus apoplexiâ *Pragæ* A. 1612. 14. Januarij. Regnavit à coronatione sua apud nos annis 36. vixit annos 60. Ajunt eum paulò antè mortem de tribus potissimùm doluisse: primum, quòd conjugem non duxisset; alterum, quòd Sacerdotem, qui ejus conscientiam multos annos tractarat, abs se segregasset; tum illud, quod *Georgium Lobkovicium* inimicorum fraude circumventum serò animadvertisset, moriq; coëgisset.

## NOTÆ in Caput III.

**U**ltima primis non responderunt &c. Commune hoc fatum generis humani est, ut prospera infaustis commisceantur; hoc ut exprimeret *Poëtarum* omnium *Princeps Homerus*, duo dolia finxit ad solium *Jovis*, vel limen, jacentia, illud bonorum plenum, hoc malorum, illòque labore occupari *Jovem*, ut vitas hominum infelices quibusdam voluptatibus, felices verò, malis & amaris attemperet.

*Dolia namque Jovis duo sunt sita limine in ipso*

*Hoc adversa, illud sed prospera fata repleverunt.*

Kk

Pulchris

*Piasec in  
Chron. ad  
A. 1604.*

*Ejus in fenestris  
et ætate  
morositas.*

*Fortuna nescit  
quam sibi  
constat.*

*Hom. Illad.*



Seneca Epist.  
10. 99.

Herodotus in  
Clio seu L. 1.

Consol. ad  
Polyb. c. 34.

Sacer Orator  
non debet fa-  
mam Princi-  
pum publicè  
prostitueret.

Necessitas a-  
cerimum  
telum.

Plut. in vita  
Demosth.

Fortitudo cū  
severitate in  
gubernando  
jungenda.

Pulchris similitudinibus Viri docti hanc fortunæ inconstantiam expresserunt, præcipuè *Seneca Philosophus*. Mihi placet *petauri* similitudo, quā in Epistolis usus est, *oblatus est*, inquit, *petauri*, quo *humana jactantur*. Petaurum enim pellis bubula extensa est, vel sagum, vel aliud simile, quo extenso in aërem ludiones jactantur; sed vix supra capita hominum, supraque turbam suspenduntur, & momento decidunt, falsā imagine brevis gloriæ sibi plaudentes. Circulum & rotam plures in fortunæ inconstantia explicanda adhibuerunt: nota est *Bajazeti Turca* historia, tum etiam *Cræsi* cum *Solone*, nisi me senilis memoria fallit, colloquium; sapientissima est *Cræsi* ad *Cyrum* apud *Herodotum* oratio: *disce o Cyre, humanarum rerum circulum esse, qui rotatus, semper eosdem fortunatos esse non sinit*; sed pauperum & vilium hominum casus vix sentiuntur, nec magnopere lædunt, cum sedeant in humili, at ruinæ magnorum Virorum ex alto ruentium, & secum in casum vicina quæque trahentium, toto propè Orbe audiuntur, unde Regna & Provinciæ intremiscunt. *Superba Domina est Fortuna*, quæ ut vires suas ostendat, altissima quæque detrahit, & in solum præcipitat: multis hanc sententiam inculcat *Lucius Seneca*, maximè in Consolationibus, tum ad *Helviam*, tum *Polybium*, tum ad *Martiam*, *Fortuna*, inquit, etiam *Cæsarum lacrymas concupivit*, ibidem Imperatorum & maximorum Virorum exempla adducit, Cap. 33. 34. 35. & 36. aptissime in rem nostram Cap. 33. *nulla domus in toto Orbe terrarum aut est, aut fuit sine aliqua comploratione. Vides omnes has imagines, quæ implere Cæsareum atrium? nulla non harum aliquo suo incommodo insignis est &c.*

*Sonantem colaphum Prædicanti infregit &c.* Grande in prudentiam peccatum est, licet alia abessent omnia, in publico hominum cœtu Principum dignitatem prostituere, & maledicentiâ non ferendâ publicè Majestatem violare; monet hoc multis in locis Deus & homines Deo pleni, cum prohibent *Principibus populi maledicere*; est enim Princeps divinitatis imago. Ego non modò Principis, sed nullius omnino viventium in loco sacro, quocumq; quæsito colore, vitia expresso nomine commemoranda esse censeo: quæ enim utilitas consequatur? induratio potius in reis, offensio nascetur in populis. Oritur hoc imprudens in Concionatore studium, plerumque ex vanitate, & perversâ placendi cupiditate; populus enim vitia Principum & Magnatum carpi audit libentissimè, & Concionator sibi placet, cum ejus dictio populo placet, quasi unus ille pro veritate loqui audeat, cum alij, ut putant, adulentur Principibus; silentio tutissima est merces.

*Omnia secum videbat ruitura, consensit &c.* Verè dictum est: *necessitas legem non habet*; prudentis est, aliquid ex toto retinere, quàm totum amittere; vidimus hæc ætate nostrâ exempla, & doluimus; at aliqui stoico quodam rigore suadebant in discrimen adduci omnia, & perire, quàm iniquum aliquid hosti concedere. Ij persimiles mihi videntur, temerario militi aut Duci, qui cæsis aut fugientibus suorum copijs unus ille speraret hosti victoriam occursum suo extorquere, contra omnium Ducum exempla, qui turbâ fugientium ablati, quod vitari non posse videbant, fortunæ commiserunt, in aliud tempus sese reservantes: nam *qui fugit* (de fuga necessaria loquor) *pugnabit iterum*, ut *Demosthenes* fugiens dixit, apud *Plutarchum*. Sed de hoc toto Religionis negotio, & quatenus & quid permitti A catholicis possit, sapientissimè dislerit ingeniosissimus Scriptor *Caramuel de Lobkovic* in libro, cui titulum fecit: *Pax S. R. I. licita demonstrata*.

*Consistorium Inferius suavi ratione Archiepiscopo subjectum &c.* Laudem meretur *Rudolfus Imperator* non eò tantum, quod *Consistorium Viraquistarum Archiepiscopo* subjecerit (quo facto multas Religionis discordias sopivit, quæ in Religionis negotio esse solent gravissimæ & periculosissimæ) sed etiam quod suavi quâdam



quâdam ratione, ut id consequeretur, usus sit conciliatis prius, & in partes suas adductis *Administratoribus*; legi olim in *S. Ambrosio*, *favos apum Castra* appellari, ex quo *S. Doctor* ingeniosè docet *svavitatem melleam*, *castrorum vices agere*, & fortitudinem in gubernatione *svavitati* jungendam esse: *quid est*, inquit, *favus nisi quedam species castrorum?*

*Turcici belli tempore pietatis exercitia &c.* Nunquam magis oratio necessaria est, quàm cum bella geruntur; proprium enim est Deo, qui in sacris literis, *DEUS exercituum* appellatur, victorias & triumphos suis concedere; quod si oratio etiam Deum vincit, ut in Moyse, & in alijs Sanctorum orationibus *Sancti Patres* demonstrant, Deo votis nostris conciliato, facile hostes superabuntur; sed bona vita, & à voluptatibus abstinencia, maiorem ad Deum propitiandum vim habet; observavit id, idem ille *D. Ambrosius*, admirans cur in ingressu arce, *Noë* cum filiis primus intraverit, & in egressu primæ uxores; ipse & filij postremi? *aperit*, inquit, *Noë vocem* quandam emittit, *tempus illud non esse voluptatum, neque deliciarum*, quo omnibus immineret (ex diluvio) interitus, unde in Evangelio Dominus reprehendit, quod tempore *Noë* manducarent, & biberent, uxores ducerent, & filias nuptum traderent, & ideo propter intemperantiam eorum supervenisse diluvium. Et adjicit: quàm enim indecorum, ut quo tempore viventes morerentur, tunc perituri generarentur!

*Artes & scientias ex omnibus Europa Regionibus &c.* Perpetua hæc nota bonorum Principum est, Provincias suas omnibus scientijs & artibus, quantum fieri potest, instruere & exornare; causæ cuilibet in promptu sunt: dignitas Regis & Regni, præsens populi utilitas domi habere in propatulo, quæ alij foris coguntur quærere: quod si multitudo Sapientum sanitas est orbis terrarum, quis non malit apud se sanitatem hospitari, quàm procul peregrinari? laudatissimi quique Principes ultrò invitârunt artes, maximèque Liberales, earumque Magistros Scholis & Academijs maximo pretio excitatis, Provincias suas doctis in omni arte & scientia viris implevere; bonus Princeps Provinciam suam domum suam esse putat, quis autem incultam, inornatam, situ, pulvere, luto, & tenebris horrentem domum, præ læta, spaciola, luminosa, ornata inhabitare velit? adde ipsos Sapientes, ex quibus in omni fortuna auxilium Princeps petere possit, unus sæpe ejusmodi Sapiens Rempublicam & Principem omnibus periculis eximere potest, & pluribus æquivalere censetur. Hoc vidit Maximus Imperator Carolus V. qui cum audisset Thomam Morum, & Joannem Rossensem in Anglia occisos, si in meis, inquit, Regnis talia duo lumina haberem, quamcunque munitissimam Civitatem mihi auferri paterer, nè his privarer. Alluisse optimus Imperator videtur ad illud Nobile dictum Darij Regis Persarum, qui solebat dicere præoptaturum se ut Zopyrus (erat is fidissimus in Consilio, cujus memorabile factum ab Herodoto celebratur) nihil damni passus esset, quàm viginti Babylones, ultra illam, quam haberet, acquirere. Quod de alio quoque Sapiente dicere Regem solitum accepimus: malle se tot sibi esse Megabyros, quàm Graciam subditam.

*Nimiâ curiositate humani ingenij &c.* Principes curiositas sæpe egit in præceps, & in pericula æternæ salutis coniecit: non enim contenti naturam rerum investigare, & in omnes ejus abditos sinus penetrare, etiam quæ videri non possunt, videre, & cum spiritibus colloqui damnabili curiositate desiderârunt. Utinam Scotus Parnensis, cui Rudolphi Caesaris curiositas imputatur, hujusmodi noxijs rebus sceleratè docendis abstinuisset! ridiculè & falsè tamen has Principum curiositates descripsit Author sinè nomine, libro cui titulum fecit: *Peregrini in Patria errores*, Tit. 33. Zoroaster & Tit. 4. *Præstigia* & tit. 8. tit. 46. ubi animarum indusia, & alia ridicula satyricè irrisit. Talem curiositatis genium imbibisse videtur is, qui in Concilio Nicano quærere ausus est: Quid Deus ante conditum orbem fecerit? cui Sanctus Spiridion acutè

Kk 2 respon-

*S. Ambr. l. 5. hexam. t. 21.*

*Belli tempore fugiendæ delicia.*

*D. Ambr. l. de Noë & Arca.*

*Artibus efflorescit Patria.*

*Principes viros doctos habeant in comitatu.*

*Herodot. in Thalia seu l. 3. Biscola T. t. subseciv. l. 5. c. 22.*

*Magnus Principis lapsus est damnata curiositas.*



respondit: *inferos pro curiosis hominibus condidisse*, quod responsum non facetum modo, sed salutare quærenti fuit.

Amor in subditos laudabilis.

*Dominorum in Vetere Bohemia facilitas in subditos &c.* Non facile fidem habebunt, qui subditos mirè & miseris modis tractare solent, quàm benignè, & quàm leniter Majores nostri subditos atque etiam glebæ suæ adscriptitios habuerint, in libro 1. atque etiam 3. *Miscellaneorum de Rosenstium* in subditos benignitate multa narravi. Quot Dominos nominare in antiquitate possum, qui subditis suis libertatem donarint! quot oppida, & Civitates liberas esse jusserunt! quod si libertatem non concesserant, jura Civitatum impetrarunt à Rege; non igitur mirum tanto vicissim Dominos amore & tot obsequijs cultos à subditis fuisse, ut propè liberorum in Patrem studia æquarent. Hodierna ætas quot subditos numerat, tot hostes sibi esse putat, & mancipiorum habet loco, quos miti & Christiano dominatu regere oporteret; cum ut divini & humani juris scientissimi docent, in Christiana Religione Christiani Christianorum marcipia esse non possint.

Molina. Layman Mariana &c.

Tempus in omnibus observandum.

*Decretis acerbis offendit &c.* *Thales* inter septem Sapientes primus, *sapientissimum esse tempus* dicebat, ideò existimo, quod & Sapientes faceret, & admissos errores corrigeret, & si observaretur, omnia sapientissimè procederent. Qui ante tempus aliquid aggreditur, & qui post tempus tum primum agit, æquale damnum patitur; ut qui immatura poma, aliosque fructus decerpit, sævitatē fructus amittit, qui autem serò nimis fructum capit, loco sævissimæ maturitatis, amarissimam putredinem degustat; idem in negotijs humanis accidere solet: eadem enim, quæ nunc populo odiosa & intolerabilia videntur, suo tempore, & mutatis quibusdam adjunctis, aut nomine molesto omisso & specioso impoſito, non ingrata videbuntur.

Morosa est senectus.

Anthol. L. 1. Se. i. 23. c. 16.

*Senis Rudolphi morositas &c.* Rarum est hominem senem ab acida ætate, quæ senectus est, nihil acidi trahere: vita nostra vino persimilis videtur, quod cum ad finem in vase devenerit, acescit. In *Epigrammatis Græcorum* pulchrè id expressum lego:

*Si relictum sit paucillum in vasis dulcis vini*

*In acetum mutatur hoc, quod relictum est;*

*Sic qui exantla vit totam vitam*

*Ubi ad profundam venit senectutem, sit austerus & morosus.*

Aliud Symbolum morosæ senectutis ex floccis carduorum, qui pappi vocantur, ego potere soleo; pappi enim illi, senum caniciem referunt, qui uti cardui ex quibus nascuntur, nobis molesti sunt, & pungunt; atque ut similitudinem magis agnoscas, pappus apud veteres Poetas & nominatim apud *Ausonium avus* appellatur.

Non omnia ex Astrorum aspectu pendunt.

Seneca suavor. 1.

*Ticho prædixit ex astris Rudolfo cavendas amicorum insidias &c.* Huic etiam curiositati mirum in modum dediti sunt Principes, qui omnia quæ geruntur in terra, stellis inscripta esse putant. Duos Sapientissimos Romanorum à partibus meis habeo, *Senecam* & *Tacitum*, qui illam credulitatem ingeniosissimis rationibus refutarunt: *Seneca* in *suavorijs*: *an ad bella Mars militem mittat, an negotiosum in questus Mercurius exceperit, an blanda arriserit nascenti Venus, an ex humili in sublime Jupiter tulerit, existimant tot circa unum caput tumultuantes Deos? dixere* (scilicet Astronomi) *victreros, & nihil metuentes oppressit dies &c.* Et iterum: *unicuique ista pro ingenio finguntur, non ex scientia vi.* *Taciti* in *Astrologos* notissima sententia est: *genus hominum potentibus infidum, sperantibus fallax, quod in Civitate nostra, & vetabitur semper, & retinebitur.* Mediam quandam ingressus est viam doctissimus *Typotius*: est quædam siderum vis, ut eleganter probavit *Basilius*, sed minor potestate *Conditoris*; nè Principes quidem his legibus se illigant, & irretiunt, quas populo circumdant, ut factis & scriptis *Innocentius Papa* observavit; & minus sit liber Princeps universi, postquam sidera condidit, quàm fuerit antè, quàm condidit? Rudolfus

Tacit. l. 1. histor.

Jacob. Typot. l. 1. de Hieroglyph.



*Rudolfus mærore confectus &c.* Grandia sunt tormenta magnorum Principum, in quorum capitibus tot coronæ regales sederunt. Has sibi ex vertice cum contemtu publico dejici, quantum supplicium esse putamus! nihil miserabilius virtute & Majestate afflictâ; etiam privatis tristitia vitam adimit, & vitalem cordis succum exsiccat. De hoc tristitiæ morbo sapientissimè disseruit *Josephus Quercetanus* in aureo libro *Diatetico Polyhistorico*, ubi in originem hujus morbi inquit, & remedia salutaria accumulât. Ibidem invenies mortes subitas ex tristitia, & contrâ ab alijs fortiter tolerata, quæ intolerabilia videbantur ad verforum genera. Sed ista mala ex toto vinci non possunt, & quanquam animus superior malis evadat, ignobiles tamen animæ facultates, & ipsum corpus atteritur, & hoc morbo in sepulchrum dejicitur, quod mille exemplis, si id ageretur, demonstrare mihi in proclivi est.

*Obijt gloriosissimus Imperator &c.* Non facilè brevius, & ut ita dicam, penetratius *Encomium* & laudationem *Rudolfi* me legisse existimo, quàm eam, quæ à *V. C. Jacobo Typotio* confecta est, in libro 1. de *Hierographia* N. 90. ubi *Rudolfum* & *Augustum Cæsarem* inter se contulit & comparavit; qui utpote ejus *Cæsaris Historicus*, facta ejus inspexit omnia, & sinè dubio majorem meretur fidem, quàm ij, qui sequentibus temporibus de *Rudolfo* quædam Majestate ejus indigna tradiderunt.

Affectus sæpe nos occidunt.

Señ. 1. c. 9.

*Rudolfus Augusto Cæsar comparatur.*

## CAPUT IV.

*Mathias ejus nominis I. Bohemiæ Rex, ac denique Imperator.*



**N**Unquam magis apparuit, quàm periculosum Regijs familijs sit jus, quod *primogenitura* appellant, cum uni filiorum legantur & donantur omnia, cæteris nihil; quo factum vidimus, ut *Maximiliani II.* posteritas in quinque aut sex, egregijs Principibus consistens, tota denique sit extincta. Nolo ego hîc incommoda ex Majoratu, ut vocant, & jure primigeniorum nata recensere; imparem me his judicandis existimo & semper existimavi. *Mathias* igitur *Maximilianum II.* tanti Imperatoris tot Regnorum & tot Provinciarum Domini filius, cum nihil suum in toto orbe terrarum videret, solâ spe, ut & cæteri quoque fratres vivere cogeatur. Ac primùm *Confœderatis Belgij Ordinibus* se adjunxit, & ab ijs *Gubernatoris* titulo honestatus est ab Anno 1577. usq; ad 1581. quod factum exiguam ei laudem apud Augustissimam familiam, & omnes *Catholicos* comparavit. Reversus deinde in *Austriam* oblatum sibi à fratre *Rudolfo* militare adversus *Turcas* Imperium suscepit, &

*Maximiliani II. posteritas deficit.*



singulari felicitate semel atque iterum *Turcarum* exercitum fudit; interea non cessabat spes suas extendere, & fidam aliquam stationem existimationi & honori suo congruam quærere, & quantumvis *Rudolfus Imperator Austriam* ei gerendam commiserit, non explebat ejus spem, quia iniquis animi majora designabat; quas designationes ipse frater *Rudolfus* non parum adjuvit ignavè & seniliter regnando, maximè An. 1608. ubi infcio *Cesare* cum Ordinibus *Ungariae & Austriae* Confæderationem quandam inivit, quâ etiam *Moravos* comprehendit, cum quidvis credendi, & quamlibet sectam amplectendi datâ libertate *Regnum Ungariae* ad se attraxit. At priùs conscripto exercitu in *Bohemia* properavit, & multis tractatibus præmissis eò denique *Rudolfum* ab omnibus desertum perpulit, ut 14. Junij in *Regni Bohemiae* Comitij *Rudolfus* postulatis *Mathia* consenserit, & subscripserit, ut rata haberetur *Mathiae* cum *Ungaris, Austriacis, & Moravis* Confæderatio, *Pozonij* inita, ut corona *Ungariae* sibi à *Cesare* traderetur (quam coronam *Cardinalis Ditrichstein* in castra *Mathiae* attulit) ut *Regni Bohemiae Candidatus* post fratris mortem haberetur (quod postea desiderio coronarum non expectavit) ut sibi *Austriâ, Moraviâ* decederet; quod cum factum esset, *Mathias Viennam* discessit, magnâ pompâ ab omnibus Ordinibus susceptus; *Brunam* 25. Julij ad Comitiam *Moraviae* venit, cui omne obsequium *Moraviae* Status promiserunt, neque *Ungari* inferiores obsequio videri voluerunt, sed vocatum 16. Novembris Regem elegerunt, & 19. cum maximo triumpho coronârunt. Ordines *Bohemiae* cum imminutam *Rudolfi* potentiam viderent, præcipuè hæretici, eandem libertatem Religionis dari sibi postulârunt à *Cesare* A. 1609. quam cum impetrare non possent, turbas maximas (quas hîc referre operæ pretium non est, & neque ad *Mathiam* res spectat) dederunt, & violentiâ Principi suo factâ extorserunt veriùs, quàm impetrârunt. Unus *Leopoldus Passaviensis Ferdinandi II. Caesaris* frater, cum sex millibus peditum, & duobus millibus Equitum (quam militiam ex *Juliacensi* bello reduxerat) *Rudolfum* defendere, & si posset in veterem gloriæ statum reponere tentavit; ac primùm *Superiorem Austriam* in fine anni 1610. tum *Bohemia* in Januario 1611. ingressus, ipsam *Pragam* Minorem vi occupavit, Ordinibus *Bohemiae*, quò bellum hoc spectaret non satis intelligentibus, atque inter se divisis, cum alij veteri Regi subveniendum esse dicerent, alij *Mathiam* timerent, alij eundem ad auxilium *Bohemiae* ferendum advocarent. *Mathias* qui hæc contra se geri suspicabatur, è vestigio collecto milite ex *Austria & Moravia* in *Bohemia* duxit, & recedente *Passaviensi* exercitu *Pragam* intravit, 24. Martij; cumq; desertum ab omnibus fratrem videret, & arridentem ubique fortunam experiretur,

*Rudol.*

*Mathias fratrem exercit.*



*Rudolfum* ad id denique compulit, & se in *Regem Bohemiae Ordinum* voluntate præsertim accedente coronari pateretur, & id per *Delegatos* suos ad Comitiam miserrimus senex etiam postulare debuerit. Principiò restitisse *Rudolfum* invenio, & subscribere omninò noluisse, at cum pauci illi, qui aderant Proceres confirmarent: nihil eam subscriptionem (quòd violenta foret) valituram, etsi etiam non subscriberet, *Mathiam* tamen coronatum iri, prudentius facturum, & dignitati consulturum suæ, si ex sua voluntate factum ostenderet, quòd vitari non poterat, A. 1611. 24. Maij *Mathias* coronatus est. Coronatione hæc peractâ, cum omnia fluerent ad votum; reliqua etiam ornamenta Regiæ dignitatis compatanda sibi esse duxit: ac primùm in *Lusatiam*, inde *Wratislaviam*, *Glacium*, & 22. Septembris *Olomucium*, ac per *Niklsburgum Viennam* properavit, atque ibi 4. Decembris *Viennæ* eodem Anno cum *Anna Ferdinandi Archiducis* filia (qui *Ferdinandi I.* filius & *Maximiliani II.* frater fuit) nuptias celebravit. Tabescente *Rudolfo*, & anni sequentis initio 14. Januarij mortuo, *Mathias* ad Imperij *Romani* Coronam aspirare cœpit. Non est instituti mei hæc referre, in summa: 3. Junij electus *Frankfurti* 24. ejusdem creatus, & coronatus est *Imperator*, tertiâ post die *Annâ* Conjugem ibidem in *Imperatricem* coronatâ, mox advolavit *Pragam*, & quâ potuit pompâ Fratris *Rudolfi* funus celebravit, 1. Octobris; altero mense in Novembris initio *Viennam* reversus. *Presburgi* deinde A. 1613. Comitiam habuit, tum ad Comitiam Imperij, quæ ipse indixerat, accessit, suique loco *Ferdinando Archiduci Austriam* regendam commisit, cumque prolem ex *Annæ* conjugio desperaret, & de consilio omnium *Austriæ Archiducum* (transactione etiam cum *Philippo III. Hispaniæ Rege* præmissâ, qui jus in *Bohemiâ*, habere se dicebat, utpote ex *Annâ Maximiliani II.* filia genitus) eundem *Ferdinandum* in filiû adoptavit (videatur ea solennis transactio apud *Goldastum* in fine operis de *Bohemia*) An. 1616. 10. Januarij *Annæ Imperatrici* corona *Bohemiæ* imposita est *Pragæ*, & conjugis suæ honori *Mathias* ludos & Equestria quædam certamina in area ante *Arcem Pragensem* instituit, atque ipsemet decurrit, inde *Viennam* profectus, rursumque A. 1617. cum vere *Pragam* reversus est, indictisq; ad 6. Junij Comitij Proceribus ultrò consentientibus, paucis tantum ac ferè exteris ut *Comite Turnio*, *Felfio* &c. militantibus, nihil tamen apertè moventibus, *Ferdinandum II.* die *Sanctorum Apostolorum Petri & Pauli* festo, coronari in *Regem Bohemiæ* procuravit; post hæc *Dresdam* ad *Electorem Saxonie* salutandum cum novo Rege & *Maximiliano* fratre suo *Generali Teutonici Ordinis* profectus, in *Moraviâ* & inde *Viennam* suam repetijt, neque amplius *Pragam* vidit. Hoc jam & sequenti Anno 1618. Evangelicorum

*Mathiæ ultima consilia.*

(ut



Rebellio hæ-  
reticorum in  
Bohemia.

(ut illi se vocabant) Ordinum, mala mens adversus *Cæsarem* & Regem novum suscepta rebellionis consilia patuerunt. Huic Rebellioni abominandæ causam dedisse *Cæsarem Mathiam Scriptores* hæretici, ac præcipuè *Stransky*, affirmant, quod scilicet *Mathias*, quæ tam magnificè *Austriacis, Moravis, Bohemis, Silesijs*, promiserat, ut coronas, ad quas hiabat, obtineret, postea his obtentis, cum ampliùs nihil sperare posset, immutatâ voluntate, novis & contrarijs decretis Regnorum statum convelleret, & manifestè eos, qui Catholicè non crederent, insectaretur, & ijs; qui cum præcipuè adjuverant, malam pro factis gratiam redderet, sed nimirum rarò bonâ fide perfidia mansvescit, & cum semel Principis obsequium exuerit, ultima & in præceptis euntia consilia apprehendit. Primi rebellionis incentores & Duces, quos antè nominavi, primarios Proceres jam antè hæresi corruptos in societatem consiliorum & periculorum assumserunt. Volitabant quotidie ad *Cæsarem* literæ querelarum plenissimæ, quibus Catholicos ineusabant, & sibi vim fieri in negotio Religionis vociferabantur. Falsa omnia & ridiculæ accusationes, cum in tanta paucitate *Catholici* ab Ordinibus hæreticis circumscripti, qui multitudinem, arma, & belli nervum haberent in manibus, commovere se non possent, ut paulò post re ipsâ patuit. Ergò A. 1618. initâ conjuratione cum ingenti tumultu 21. Maij in Conclave, quod *Cancellariam* vocant, in *Arce Regia Pragensi* sinè honore loci ingressi, post acerbissimas contentiones verborum, & exprobratam Religionis Evangelicæ insectationem, duos ex Regijs Locumtenentibus *Wilhelmum Slavatum*, *Jaroslaum de Martinicz* ex senaculi fenestris præcipientes dejiciunt, addunt ex Actuarijs unum *Joannem Fabricium* nomine. Hoc fuit Rebellionis fædissimæ principium, cujus media variarunt, finis totius Regni ruinam, & tristissimam *Catastrophen* post se traxit. *Cæsar* ubi rem accepit plurimis literis tumultuantes, componere tentavit, sed frustra fuere omnia; quare coactus est arma respicere, quæ cum vario Marte gererentur, in medio bellicorum consiliorum apparatu *Viennæ* extinctus est, An. 1619. 20. Martij à coronatione in Regem *Bohemiæ* An. 8. ætatis suæ 63. inchoato. *Princeps* magnanimus, sed in quo mobilitas animi deprehenderetur, in fratrem non satis pius, fortunam toto vitæ tempore sibi similem, id est variam & mutabilem expertus.

Mors Ma-  
thiæ Cæs.

## Animadversio pro LECTORE.

**Q**Uò propius ad nostra tempora accedo, eò me in lubricum magis & periculosiorem locum paulatim devenire sentio, ut propè *Horatianum* illud mihi occini possit:

Pericu-



*Periculosa plenum opus aleæ*

*Tractas, & incedis per ignes.*

*Suppositos cineri doloso.*

Omnes Scriptores de suis temporibus timide, & cum anxia quadam cautela scripserunt, monuitque pridem sapientissimus Annalium & Historiæ Scriptor *Tacitus*, *Tiberij*, *Cajj*, *Claudij*, *Neronis* res ipsis florentibus ob metum falsas, postquam occiderant, recentibus odijs compositas esse, alibi negat historiam scribi posse, si opprimatur Respublica, deesse enim libertatem Scriptori; mihi nihil tale timendum est sub micissimæ *Austriacæ* Stirpis dominatu, sed sæculum in quo vivimus timeo, & tempora, ut idem *Tacitus* dixit: *inimica scribentibus*; sunt enim quidam, qui nihil neque falsum neque verum de suis ac vicinis temporibus scribendum esse autumant, ac pro inexpiabili audaciâ accipiunt, si quid usquam in ijs, quos novêre, reprehendatur; sensere multi Scriptores hanc Judiciorum iniquitatem, ac silentio vitia omnia præsentium temporum transiere. Istorum ego in posterum sequar exemplum, & cum sub *Mathia Rege*, & alijs usque ad nos Principibus acta in manibus adhuc & memoria recenti mortalium versentur, & pleraque ex ijs adversus regnantes cum scelere, proditione, & perfidia gesta sint, commemorari nisi cum accusatione, & vituperio non possint, ab ijs narrandis abstinebo, nè offentionem eorum incurram, qui ad se vituperia Majorum, aut Amicorum suorum pertinere existimant. Tempus erit, neque illud abest procul, cum hæc antiquabuntur, & securè sine Authoris metu commendabuntur memoriæ; post octoginta elapsos annos jam audacter satis historiam scribi posse existimat *Bodinus*; nondum effluerunt illi, tum *Veritatem* aperiet dies, & quia *Veritas* filia temporis est, nascetur in publicum; ita videmus, ut quæ adolescentibus nobis sine periculo dici, & efferi non poterant, & pro falsis habebantur, jam & patienter audiantur, & longè tunc, subsidente scilicet veritate, & affectibus narrantium correctis vel mutatis, commemorentur. Itaque in posterum *Notis* & *Commentarijs* abstinebo, & obiter, velut si præter ripas navigarem, transibo. *Veritatem* nudam *Veteres* pingi voluerunt, mihi *Veritas* ut *Matrona* induitur, quæ nec tota reteggi ob pudorem, nec velari ex toto, & nihil ex formoso suo vultu apparere velit.

*Tacit. lib. 1.  
hist. & lib. 1.  
Annal.*

Periculosum  
de viventibus  
scribero.

## CAPUT V.

### Ferdinandus II. Bohemiae Rex, & Romanorum Imperator.



**F**erdinandus II. Imperator optimus, omnes in se Christiani Principis virtutes expressit. Natus ex *Carolo II*, *Ferdinandi I* filio, & *Maria Alberti V. Ducis Bavariæ* filia A. 1578. 9. Julij à pijs Parentibus in timore Divini Numinis educatus, ad ætatem legitimam pervenit, & *Mariam Annam* primam Conjugem *Wilhelmi Ducis Bavariæ* filiam A. 1600. sibi conjugio

Ferdinandi  
II. initi a non  
satis læta.



jugio junxit. *Mathias Imperator*, ut antè dixi, cùm prole careret, *Ferdinandum* sibi in tempore adoptavit filium, & in *Bohemia* 1617. in *Ungaria* 1618. in Imperio 1619. coronari ab Electoribus obtinuit. Mortuo qui adoptarat *Cesare*, *Ferdinandus* gravissimis periculis & ærumnis jactatus est: etsi enim in ipsis regnandi initijs omnia omnibus Privilegia amplissimis verbis confirmârit, tamen ij *Ferdinandi* in Religionem Catholicam studium apud suos, apud Catholicos verò alias causas, sed frivolas, obtendentes, tantùm abest ut *Ferdinandum* jam coronatum Regem suum receperint, ut etiam *Moravos* ad rebellionem concitârint, qui exemplo *Bohemorum* 30. sibi Directores, & fidei sublestæ Defensores nominârunt; *Silesiæ Principes*, Ordines ac Civitates jam sub *Mathia* rebellionem exorserant, & exercitûs sui Ducem Marchionem de *Jegendorf* cum tribus peditum millibus *Comiti Mathie Turn*, qui universum Provinciarum rebellium regebat exercitum, ultrò submiserunt. Quæ gesta sint, tædet referre, quia toties à me & ab alijs Scriptoribus repetuntur; hoc universim dici potest: paucos extitisse Reges, qui à tot hostibus oppugnati fuerint, & tam feliciter hostes profligârint, quàm divinâ ope *Ferdinandus*, qui si omnes se conjunxissent, *Austriacam Domum* funditùs evertissent, sed per intervalla, & non simul omnes proruerunt ad bellum. Hostes habuit: Regem *Galliæ*, *Turcam*, Reges *Daniæ*, & *Sweciae*, Electores, *Tre-virenses*, *Palatinum*, *Saxonem*, *Brandeburgicum*, Protestantes omnes (excepto *Hasso Darmstadiensi*) omnes Civitates Imperij A catholicas, *Transilvanum*, *Ungariæ* & *Bohemiae* Ordines, *Moravos*, *Silesios*, *Lusatios* utrosq; , *Austriæ Superioris* Ordines, rusticos in *Austria*, Ordines item A catholicos in *Inferiori Austria*, in *Italia Venetos*, *Sabaudum*, *Mantuanum Ducem*, ut taceam innumeros occultos, & qui se *Neutrales* dici voluerunt. Omnibus his superiorem *Ferdinandum* fecit Deus: in *Austria* tres in obsequio permanserant Urbes, *Vienna*, *Novâ Civitas*, & *Cremsum*; in *Ungaria* *Jaurinum*, & *Comorinum*; in *Bohemia* *Bud-vicium* & *Crumlovium*, nihilque aliud, nam *Plsna* à *Mansfeldio* capta fuit; in *Moravia*, *Silesia*, *Lusatia*, nihil parebat *Ferdinando*. At cœlesti auxilio *Fridericus Rex Zephyrius* in *Albo Monte* 1620. 6. Novembris magno prælio victus est. Cum *Gabriele Betleno Principe Transilvaniae* ab A 1620. usque ad 1629. pro *Ungaria* bellum gessit fortunato exitu. Annus 1622. *Ferdinando* secundus & felix 27. Aprilis victoriam habuit adversus *Marchionem Badensem Durlacensem* (qui in exilio apud *Helvetos* obiit) ad *Wimpfenam*. Ad *Hôchstam* 2. Julij adversus Ducem *Christianum Brunsvicensem*, ad *Floreacum* 19. Augusti adversus *Mansfeldium*. Iterum An. 1623. 6. Augusti eundem *Christianum* in *Westfalia* vicit, qui machinæ muralis ictu brachio amisso ex

Hostes Ferdinandi II.

vulne-



vulnere obiit; *Mansfeldium* 6. Decembris ad *Frisoltum* vicit. Rebellantes *Austriæ* rusticos A. 1625. iteratò. *Mansfeldium* ad *Dessaviam* 15. Aprilis A. 1626. 27. Augusti *Regem Danie*, cum quo postea pax coaluit. *Mantue* Duce *Carolus* fregit A. 1630. Secuta sunt infelicia praelia adversus *Gustavum Adolphum* *Regem Sveciæ* ad *Lipsiam* An. 1631. 7. Septembris. Pugnatum iterum cum eodem Rege A. 1632. ad *Lutzen* 6. Novembris, in quo praelio Rex cecidit. Cæsus iterum *Cæsareus* exercitus ab *Georgio Duce Lunenburgico* 28. Junij ad *Hamelam* A. 1633. sed *Nörtingana* Victoria omnia restituit, parta de *Svecis*, eorumque socijs A. 1634. 6. Septembris. Clades etiam An. 1636. 24. Septembris accepta est. His victorijs inclytus *Princeps Imperator Ferdinandus* An. 1637. 15. Februarij excessit è vita, ætatis Anno 58. Mense & die 6. Ejus virtutes in *Libro IV. Miscellaneorum* obiter attigi, latius à *Gulielmo Lamormajni* commemorantur in Vita. Merita tanti Principis excedunt omnium Scriptorum diligentiam & facultatem, præcipuè Religionem Catholicam, Ecclesiasticos & Religiosos fovēbat. In *Bohemia* hic Ordo, qui ante hæresim dignitate & suffragijs ferendis in Comitijs, Judicijs, aliisque solennibus actibus dignitate primus erat, sed jam apud corruptos hæresi Proceres nihil poterat, ordinem suum & dignitatem à *Ferdinando* recepit; apud *Moravos* secundam vocem, ut vocant, idem Ordo habebat, primam illis *Ferdinandus* dedit; in *Austria* Ecclesiasticis quibuscunque fato suo functis omnia *Archiducibus* obveniebant; hunc perversum morem sustulit *Ferdinandus*, & ad Ecclesias, aliósque de jure hæredes pertinere rescripsit; de negotio Religionis taceo, innumera hominum millia Ecclesiæ restituta in Provincijs nostris numerare possumus. *Foundationes* in *Bohemia* quatuor *Episcopatum*, item *Contractum Salis* consultò prætereo. *Slavata Cancellarius Regni, Austriacæ Domui* fidissimus (pro qua mori non recusavit, ex altissimis *Arcis Pragensis* fenestris in certam mortem præcipitatus) rem miram scribere ausus est: abusos esse tanti Principis justitiâ & probitate, qui aliquid in Aula valebant: monetam eos adulterâsse & sæpius pro libitu deteriorem fecisse; *Principem* pijsimum, *Aulam* impiam habuisse (disertè id affirmat) justissimum & incorruptum *Principem*, rapacium harpyiarum aduncas manus sæpius expertum fuisse; & pupillorum & viduarum oppressiones, eo nihil sciente perpetratas; everfos esse bonis omnibus, & proscriptos qui nihil peccarant, & per aratam

nihil peccare poterant; hæc *Slavata Ferdinandi*

Cancellarius.

Praelia Ferdinandi.

*Slavata Cancell. in Apologia adversus Turnium.*



# CAPUT VI.

*Ferdinandus III. ejus nominis Bohemiae Rex,  
Sapientissimus Imperator.*



Svecorū felices progressus  
advers. Ferdinandum.

**M**ortuo Patre filius *Ferdinandus III.* (vivo adhuc Patre, & Regna & Imperium consecutus) successit, & Fortunam bellorum in se à Patre transtulit, & primū quidem Fortuna virtuti servivit, cū, ut dixi, ad *Nordlingam* ipso praesente magno praelio victi sunt Sveci. At sequentibus Annis, cū *Ferdinandus* ob negotia publica exercitus suos sequi non posset, magnae Clades infelicitate Ducum acceptae sunt; praecipue ab audacissimo & militiae peritissimo Duce *Winarienti*; *Pann* quoque Svecorum Dux *Bohemia* ingressus A. 1639. omnes fere *Cisalpinos Districtus* à *Litomericio Pragam* pervastavit, & incendit; sex millia pagorum tum temporis arsisse dicunt. Variā dein fortunā bellum gestum, *Archiduce Leopoldo Caesaris* fratre cum forti & fortunato Duce *Octavio Piccolomini Svecorum* impetus feliciter propulsante. Annus 1642. infelix multis de causis fuit, caesus cum exercitu *Franciscus Albertus Saxolauenburgicus* ad *Svidnicium* à suis, ut ferebatur, occisus, certē à Equitibus desertus; ingressi *Moraviam Sveci*, munita pleraque loca cum *Olomucio Principe Regionis Urbe* occuparunt: mox *Silesiam & Lusatiam* transgressi, sequentibus *Cesareis* constiterunt ad *Lipsiam*, ubi hoc Anno 1642. acerrimum commissum est praelium, & fugā dissipatae *Cesaris* copiae retro in *Bohemia* palantes concesserunt. Sed quid attinet haec tam tristia commemorare, quae toties fieri vidimus, & qui in rem praesentem non venerunt, in omnibus hujus temporis Scriptoribus legere possunt; in summa: ad fugam impulsus ex *Dania* novus *Cesaris* exercitus, magnā sui parte imminutus in *Bohemia* redijt; occupata munitoria *Bohemiae*, *Moravia* & *Silesiae* loca, & commisso ad *Jankov* in *Bohemia* An. 1645. infelici nobis praelio, nutabant omnia, & unus *Danubius* victorem exercitum *Svecorum* stitit; captae *Cisdanubianae Civitates*, *Retzium*, *Steina*, *Cremsum*, *Corneyburgum*, & plures aliae. Rediēre deinde *Sveci* in *Moraviam*, & *Brnam* obsidione quindecim hebdomadarum arctissime cin-

xerunt,



terunt, quorum felicitatem *Brana Ludovico Souches* Urbi Praefecto interceptit. Annis aliquot sequentibus, cum Sveci in *Franconia* agerent, & *Herbipolensem* & *Bambergensem* Antistites vexarent, habuere *Cæsarei* spatium, quædam in *Bohemia* & *Moravia* recuperandi, sed brevi post coronationem *Bohemicam* *Ferdinandi IV.* A. 1646. redeuntibus Svecis, *Wrangelio* Duce, arma Svecica iterum per *Provincias Cæsaris* volitarunt; capta est *Egra*, *Cæsareo* Exercitu, atq; ipso *Augustissimo Cæsare* propè inspectante, cujus praesentiâ animatus exercitus multa præclara in *Svecos* virtutis militaris edidit specimina, & cum non fieret pugnae universim copia, partibus hostes egregiè accidit, maximè in eo conflictu, ubi *de Wert* & *Montecuculi* furiosum illum *Svecorum Ducem Wrangelium*, cum suis oppreserunt. Anni 1648. initia Clades exercitus *Cæsareani*, & cædes Ducis *Melandri* consignavit; *Königsmarkius* *Svecorum Ductor* proditione *Ottovaldij Equitis Franci* inobservatus, nocte iter faciens, die *silvis* sese obregens, *Pragam* accessit, mediâ nocte *Ottovaldium* cum centum peditibus praemisit, qui valla, quæ tunc extruebantur, transgressus, vigiles occidit, & portas hosti aperuit, capta *minor Praga*, capta *Arx*, & *Sveci* per pontem ad *Antiquam Urbem* tendentes, unius potissimum operâ *Patris Georgij Plachy S. J.* qui & cataraclas ferreas dejici socij sui auxilio fecit, & voce sublata Studiosos, ad arma vocavit, rejecti sunt; quæ deinde *Pragæ* gesta sint præclara, tum à Religiosis, qui defensionem *Pragæ* suscepimus, tum à Studiosis, militibus, ac Civibus, tot mortes & vulnera plus nimio declararunt: à *Julij* fine ad *Novembris Mensis* principium fortissimè repulsus est hostis, quamvis octodecim millibus globorum currulium *Pragam* verberasset, & ad centenas pluresque orgias mœnia dejecisset, & in ipsis mœnibus murales machinas statuisset, sub hac inexpectatè nova lata, de pace *Osnaburgensi*, quæ 24. *Octobris* inter *Cæsarem*, *Gallum*, & *Svecum*, coaluit, nunciantur; atque ita ab armis discessum est. *Cæsar* factâ pace, ut *Provincias* suas ab hostibus nuper vastatas recrearet, multa solatiorum genera invenire conatus est, A. 1652. principio *Julij* *Pragam* ad se Electores invitavit, comparuere omnes, & cum multa significatione secundissimæ in *Cæsarem* suum voluntatis, omne genus hilaritatis libentes admisere; itum deinde *Ratisbonam* ad Comitiam, mox loco mutato *Augustam*, ubi ultimâ Maij *Ferdinandus IV. Bohemiae & Ungariae Rex Romanorum omnium Electorum* vocibus, salutatus, & iterum *Ratisbonæ* 17. Junij coronatus est; sed heu spes omnium incertas, quæ in vitæ incertitudine velut in lubrico & maligno solo fundantur! quarto decimo post Mense 9. Julij An. 1654. nondum vicesimo primo Anno expleto tollitur è vita, cui tantummodo in titulum sepulchri tot coronæ & ho-

Bella eorum  
temporum  
& clades  
Cæsareæ.

Tollivtan-  
gel.

Praga minor  
& Arx capi-  
tura.

Pax Osnab-  
burgensis.

Ferdinandus  
IV. corona-  
tus.



Bellum Svecorum & Polonorum.

Mors Ferdinandi III.

nones donati videntur. Ad alia igitur consilia suscipienda conversus est *Ferdinandus* Pater, atque ante omnia An. 1655. initio Januarij serenissimum filium *Leopoldum Ignatium*, omnium Provinciarum suarum hæredem publicavit, & Posonium cum eodem descendens *Regem Ungarie* in Comitij ab Ordinibus electum 27. Junij coronavit. Sub hæc *Gustavus* ex *Palatina* stirpe *Bipontina Sveciae* *Rex Poloniam* cum exercitu ingressus 21. Julij toto illo anno, & sequenti variâ fortunâ cum Polonis bellum gessit; meliore tamen conditione suâ quippe plurimis *Urbibus Poloniae* occupatis, *Regem Casimirum* in *Silesiam* extrulit, ac nisi *Cæsar Polono* decrevisset suppetias (quas primum *Cæsaris* post mortem misere qui *Gubernationi Austriacæ* præerant) forsitan *Poloniae* vulnus lethale *Svecus* inflixisset. Jam nuper A. 1656. 14. Septemb. *Pragæ* Serenissimo *Leopoldo* corona *Bohemiae* imposita est, itaque licet curis Paternis (quæ maximæ & præcipuæ sunt de coronatione filiorum, & securitate Provinciarum) levatus, tamen morbis excruciat, jam antè se prodentibus, nunc verò invalescentibus, cum omnia *Medicorum* auxilia malum superaret, audito SS. Missæ sacrificio, ritè expiatus, & cœlesti Viatico refectus, vitâ excessit, ætatis 49. Regni *Bohemiae* 30. *Ungariae* 32. Imperij Romano-Germanici 21. Princeps fuit magni consilij, fortitudinis & patientiæ in tot adversis admirabilis, sed consilia ejus præclara, quàm sæpissime fortuna enervavit; & nescio, quæ in exequendo aliorum tarditas prorsus evertit; sed quæ felicitas Patri non obtigit, eam lati spectamus & gratulamur *Filio Augustissimo Leopoldo* servatam esse.

## CAPUT VII.

*Ferdinandus IV. ejus nominis, Bohemiae, Ungariae, & Romanorum Rex.*



**F**erdinandum IV. ex albo Regū nostrorum expungere nō possumus; autoritate omnium Ordinum legitimè coronatum, etsi nullam Reipublicæ partem, quod in coronatione cavebatur, attigerit; nihil igitur in regnando ejus gloriæ & virtuti imputare possumus, præter innocentiam ætatis, & luctum, quem Provinciæ omnes ex ejus immaturo obitu perceperunt; mihi privatus luctus



luctus in publicum versus est, cum *Iusta Funebria Regius Comitatus Glacensis Principi* suo suo statim à morte persolveret, imperatum est, ut *Mausoleum* ornarem; ornavi pro ingenij modulo varijs picturis & Emblematis, & Elogia innocentissimo Principi, tria præcipuè (quæ Regius Magistratus id temporis, ut memini, commendavit) affixi; ea, quamvis in *Verisimilibus* meis recitaverim, tamen quia liber paucis notus est, ad memoriam tanti Principis conservandam hoc loco legentibus offeram, cum jam ingenij & corporis viribus sideratione non leviter perstrictis & attritis, nova producere non valeam; sic igitur habent:

## ELOGIUM I.

*Augustis Manibus Sacrum.*

*Ferdinandus quartus.*

*Romanorum, Bohemia, Ungariaeque Rex Anno 1654.*

*Ante diem terris occidens.*

*Ante lucem cælo (in Aurora diei) exoriens hoc clauditur sepulchro.*

*Soles mutavimus;*

*Dum cælestis Sol mundo, terrenus cælo illuxit.*

*Augustæ nuper creatus Augustus,*

*heu angustè nimiùm sepelitur!*

*Ratisbonâ minimè secundo Danubio Viennam devectus,*

*Ad mortem navigasse & descendisse videbatur,*

*Nisi ad Iustitiam in cælum pietate Austriacâ enavigasset.*

*O Ratis-mala!*

*Quæ Cæsarem, ejusque Fortunam (Filium) deorsum vehebas!*

*Hinc illæ lacrymæ! hinc terræ motus! hinc Eclipsis!*

*Tremuit Ferdinando moriente terra, ut sciremus:*

*Quanti ponderis Principem, dum viveret, portavisset.*

*Libravit tunc se inæqualiter Mundus,*

*Iusto Principe occidente,*

*Et trepidationis motu concussus est.*

*Nutavit:*

*Quia centrum Votorum & Cordium mutavit,*

*Cum amisit Ferdinandum;*

*Terræ motus mortem ejus præcessit,*

*Utinam non sequatur!*

*Ante Eclipsin Solis moritur:*

*Ut dum Sole carebit Globus Imperij,*

*ejus cælesti Gloria illustretur.*

Elogia sepulchralia  
Ferdinandi  
IV.

O ino-



O inopinata Eclipsis in Julio!  
Imò & in Augusto Austriacæ Domûs Imperio!  
O à nemine mortali prævisa!

Minimè ab ijs

Qui omnia *Ferdinando* felicia providerunt, & præviderunt.

*Demonstrâstis non Astronomi, sed Medici;*

Heu! *Sol* noster occidens repertus est in *Maculis!*

Ideo fortè *variolis* extinctus & sub Auroram,  
Ut spes omnes nostras *dubiam* & malignam habere *lucem*,  
Et *Fortunam* *variabilem* Mors ipsa monstraret;

*Venit* ad Imperium,

*Vidit* Electorum Collegium,

*Vicit* Competitorum studium,

Et *vixit*.

Minora fuerûnt omnia *Ferdinandi* virtute, quæ *tribus* nō contenta coronis,  
( quibus *Ferdinandum* coronârat )

*Quartam* ei in cœlo imposuit.

*Sponsus* erat *Ferdinandus*,

Jam ei cœlestis gloria *desponsatur*.

*Rex* *amorum* dicendus potiùs,

Quam *Romanorum*, aut *Armorum*;

Siquidem non eum *Roma*,

Sed verso nomine, *Amor*, coronavit omnium *Electorum*;

*Primus* electus ab *Octo-viris*,

Quasi ultimus, & *octavus* esset *gradus* amoris;

Nunc *dulci* *Amore* mortuo:

Non mirum regnat *acerbus* dolor populorum.

*Imperij* *Pomum*, quod *Amor* & *Concordia* porrexit

FERDINANDO,

*Discordia* frustra parabat arrodere,

Mors fortior, velut olim *clavam* *Herculi* extorsit.

*Ceca* profectò *Mors*,

Quæ maturitate virtutis decepta,

Credidit esse *Senem*, quem feriebat,

Imò tam propera, & præeeps,

Ut *tria* numerare nesciverit,

Nam *quartum* sustulit *Ferdinandum*,

*Tertium* transiit,

Feliciter ( atque utinam semper! ) Orbi imperaturum!

O Fer-

Terræ motus  
mortem ejus  
præcessit, &  
ingens Ecli-  
psis.



*Q. Ferdinande Rex bis secunde abis in cœlum!*  
Sed tot populorum tuorum vota contumulantur,  
Et corpus tuum inter sanguineas & lacteas maculas,  
*Immaculatus Cinis est.*

Hos *mutos* Cineres audi-visti Viator.  
Disce: *communes* è cinere generis humani *metas* respicere,  
Et vel *Cinere* Romanorum Regis aspersus, memento:  
*Quia pulvis es, & in pulverem re-vertêris.*

Anno

FERDINANDI gLoria CaDIt.

## ELOGIUM II.

FERDINANDUS QUARTUS,

*Humanæ generis breve delictum,*

*Orbis expectatio delusa,*

*Spes exspirans;*

Rex Romanorum,

in quo eligendo *vota* Populorum,

*Corda* omnium conspirârunt Electorum,

In hoc secum loculo *Regnum* clausit Romanum.

Plurimorum Cæsarum sanguis,

Hæres tot Regnorum,

Etiam *Transmarinis* Coronis Regio vertici impendentibus,

*Æternam* ipse prælegit

Ad *cœlestem Sponsam Hierusalem* profectus.

Quid mirum *titubasse* eo moriente *Terram*,

Cùm eam, ut *ludicrum globum*

Rex innocens è manu projiceret?

*Trepidabat* scilicet *Orbis*, dum dubitat;

Quâ manu tangetur in posterum,

Qui hætenus *Iustitiâ & Pietate* Austriacorum Principum feliciter  
assiveverat contrectari.

Cùm *decimum quartum* Romanæ Regiæ Electionis Menssem

*Ætatis vigesimum primum* attigisset,

(*utrumque Criticum*)

*Eclipsi* inexpectatâ

Non *Solem* sed omnes propè *Germaniæ oculos* lacrymis obtenebravit;

Imò & *Solem* tenebris involvit:

M m

Quia

Eclipsis eo  
anno formi-  
dabilis Regis  
motu secuta.



Quia Magnum Casarem Regnorum suorum Solem  
 Atram vestem coëgit induere,  
 Ut Rex albus in atro esset,  
 Et inter humanæ vitæ calculos in spectaculo sederet atratus.

O incertæ providentiæ nostræ!  
 Eclipsis duplex hoc anno peragi debuit:  
 Cælo altera, & altera terris;

Terrestrem soli Cælites  
 Cælestem nos terrestres prævidimus:  
 Cælestis minor est:

Quia: Soles occidere, & redire possunt.  
 Nostra Major, & diuturnior:

Quia Ferdinando, nox est perpetua una dormienda.  
 Ad hujus benefici Solis aspectum, & ortum, incipiebat terra recreari,  
 Intremuit velut horripilans ad occasum,  
 plus passa, quàm in Eclipsi solari,

Quia plurium influentiarum Princeps extinctus est.  
 Variolis oppressum Regis Cor est:  
 Sanguinis scilicet & lactis (paterni & materni, id est Austriaci) copiâ!  
 Nam sanguinem paratus erat pro DEO fundere,  
 Lac populo (ob clementiam) propinare.

Quod si in cælum via lactea est, & liliata,  
 An non eam Ferdinandus visus est tenuisse?  
 Hinc etiam cum lilijs in Julij mensis initio evanuit;  
 Nè tugulo lilia deessent;  
 Ipse sibi lilium fuit.

Lilium tum alibi coronabatur in terris,  
 Cum lilium nostrum veste immortalitatis indueretur,  
 Et coronâ gloriæ coronaretur in cælis.  
 Profectò nec Salomon in omni gloria sua,  
 Sicut hoc lilium fuit coopertum.

Innocentissimum & verè liliatum Principem agnoscimus,  
 Qui etiam Innocentium morbo moriens laborârit.

Manus ejus innocens, innocens Aquila;  
 quia nulla adhuc fulmina misit, nisi Amoris  
 Timete, qui Orbem hæresi, & factionibus dividitis!  
 Aquila, quæ foris porrigebat fulmina, nunc mittet;  
 nisi fortassis Aquila transierit in columbam.

Regis Sym-  
 bolum erat,  
 Pro Deo &  
 populo.



O FERDINANDE!

Nos putabamus: Te pro Deo & Populo pugnaturum,

TU:

Deum pro Populo orare maluisti;

Non eris posthac noster Imperator,

Sed Impetrator!

Anno:

reX RoManVs, heV! Viennæ eX haC Vlta abIVIt aD sVperos.

### ELOGIUM III.

D. M. S.

Si Te, ô Viator, magnæ *honorum umbra*,

Et longa *Titulorum* Syrmata terrent,

gressum hinc celeriter amove,

In hoc Tumulo tantum inclusum est *Titulorum*,

Tantum gemituum, & lamentorum,

Tantum lacrymarum, & dolorum, & umbrarum,

Ut, si aperiatur, ad

Orbem universum possint implere & obtenebrare.

FERDINANDUS QUARTUS

Romanorum, Bohemorum, Ungarorum, &c. Rex quiescit.

Hic Romani *Regis titulum*

Anno, & Mensibus duobus, gestum:

Aut Imperio restituit,

Aut tumulo clausit,

Aut in cœlum intulit.

A *Venatione Ferarum* ægrotus rediens

A morte crudeli *Fera*

quasi indagine exceptus est;

Hæc coronas in *Cupressum*

*Sceptra* in *ligones*,

*Purpuram* auro tinctam in *lintheum mortuale* mutavit.

*Lugebit* tanti Regis occasum die constitutâ *Sol*,

Et *suspensis* per Orbem *tenebris* *Iusta Iusto* persolver;

Nisi fortè unâ Imperiali *Eclipsi* contenta *Natura*

*Solem* ultra parcat vexare.

In *Junio* à summa Imperij *Fortuna*,

ad *Nati-vitatis Domum* redibat,

(quò revertimur omnes)

M m 2

cùm



cum Sol in cancro revertente luceret,  
 velut Sidus quoddam retrogradum  
 etiam ex Oriente sibi fecit Occasum.  
 Ad tanti, tamque fereni sideris casum in tumulum  
 Vienna solum intremuit,  
 Quod ad Turcarum millia immotum constiterat.  
 Vienna tremuit & quievit:  
 Quia alium citò nacta est Leonem

### Leopoldum

Utinam & Imperium, si tremuit, conquiescat!  
 Nunc ex Leonis fidere Agni sidus erit,  
 Agnum enim sequetur Agnus immaculatus  
 FERDINANDUS;  
 Nam licet corpus mortalitati obnoxium & sparsum maculis fuit,  
 Animus perstitit impollutus;  
 Nec repertus est in maculis;  
 Sed cum Sole purior esset,  
 Orbis ei noster visus est maculatus.

Certè Medici,  
 Cum nullam immortali Principi moriendi causam invenirent,  
 in Variolis summam Fortunæ inconstantiam  
 & vitæ & mortis varietatem invenerunt.  
 Nimirum etiam Augustas Domos Mors intrat;  
 Consilia invenit Sapientia,  
 Princeps implet,  
 Mutat Deus.

Quid ultrà expectas, qui hæc legis, ô Viator!  
 Seu felicitatem, seu calamitatem spectes?  
 Non ibis, ultrà!

In ara sepulchri componemur omnes ad victimam.  
 Sed jam, ô Viator! nemo te tenet,  
 Si non tenet suspensum tanti Regis immortalitas,  
 Tene tamen suspirium,  
 Ne Regios cineres flatu perturbes,  
 Vide quanta humanæ gloriæ levitas!  
 Abi, & regijs manibus bene precare!



CAPUT



# CAPUT VIII.

*Leopoldus I. Bohemiae Rex, Augustissimus  
Romanorum Imperator.*



**H**ujus inclyti *Monarchae* Regias virtutes, & gloriam seculis ætatibus describendas relinquo, desperatione superatus: nam etiam ingenij tenuitate, ut alicubi cecinit *Horatius*: laudes Clarorum Virorum deteruntur, & quem laudare velis, nisi tua laudatio gloriam Viri adæquet, propè est, ut commendationis loco vituperium scribatur. Natus est *Princeps Augustissimus* An. 1640. 9. Junij, &

*Leopoldus*, *Ignatius*, *Franciscus*, *Balthasar*, *Josephus*, *Felicianus* nomen accepit; indolem generosam & Regiam (etsi non ad Regna, sed ad sacra destinaretur à Patre) semper ostendit; fratre mortuo, tum primum sapientissimus Pater curis, & negotijs filium assuefacere cœpit, An. 1655. 26. Januarij declaratus est Patris Successor, eodem Anno 27. Junij *Ungariae* Rex, Anno sequenti 1656. 14. Septembris *Rex Bohemiae* coronatur. Mortuo post hæc *Ferdinando* Patre, morâ aliquâ nescio unde injectâ protracta est ejus *Imperialis* coronatio *Frankfurti* ad An. usque 1658. 5. Augusti. Imploratus à Regibus *Daniae* & *Poloniae* (postquam id bellum ad se pertinere ex Arcanis literis & designationibus hostium clarè didicisset) primum bellum pro ijs gessit, & *Suecos* *Poloniâ* feliciter eiecit, bellumque in *Pomeraniam* transtulit, An. 1659. Posthæc magnorum Regum exemplo A. 1660. Provincias suas inspicere cœpit, nec *Styriam*, *Carinthiam*, & extremam *Carnioliam* omisit, cum ecce inexpectato bello à *Turcis*, qui fœdus & fidem juratam abruperant, petitur; An. 1663. à *Mahumete IV.* qui cæsâ aliquâ militiæ parte ad *Barcanum* novas *Arces* occupârunt, & permunierunt; quos tamen egregiè contudit, & apud *Serin-var* in *Croatia* egit in fugam; dein *Comitia Imperij Ratisbonæ*, auxilia petiturus An. 1664. celebravit; mox reversus *Inferiorem Ungariam* *Turcicam* perterruit, & *Canisâ* frustra tentatâ *Nitriam* ex *Turcis* recepit; victoriæ minores secutæ sunt multæ ad *Gernovicium* 16. Maij ad *Serin-var* iterum 6. Junij ad *Leuenczam*, quam fugatis *Turcis* Duce *Suchesio* rex

M m;

cepit,



cepit, tandem omnium Christianorum copijs, Gallorum, aliorumque auxilijs memorabilem de Turcis victoriam ad S. *Gottthardum* reportavit Anno 1664. victi tanto prælio Turcæ perlibenter ad annos viginti in pacis leges consensere, munera dein ultrò citròque, ut mos est, *Viennam* & *Constantinopolim* Anno 1665. missa; pace fruente *Cæsare*, ecce ultimus *Tyrolensium Archidux Sigismundus, Franciscus* An. 1665. 25. Junij emoritur; omni ejus ditione ad *Augustissimum* devolutâ, factumque est, ut unus LEOPOLDUS omne *Domûs Austriacæ Patrimonium* obtineret. Post bellum Turcicum, aliud non minùs periculosum gestum est: pro defensione Imperij susceptum, quod hodièque ardet, uti etiam adversus Turcas fœdifragos, quod ut gloriosè & feliciter ad honorem Dei & Ecclesiæ cedat, omnes boni, quibus Religio cordi, & quibus Fides Christiana Regnis potior est, appræcantur.

Tabula I. Genealogica Augustissimæ Stirpis Hispanico-Austriacæ à Maximiliano I. ad usq; nostra tempora.

Tabula II. Genealog: Austriacæ Domûs, à Ferdinando I. exhibens etiam lineam Tyrolens.

Tabula III. Genealog: exhibens Maximiliani II. Austriaci posteritatem, quæ tota perijt.

Tabula IV. Genealog: Caroli II. Archiducis Austriæ, quæ linea tota interiijt.

Tabula V. Genealog: à Ferdinando II. Imperatore descendentium.



Tabula I.



inque  
travit  
in pa-  
am &  
imus  
hori-  
unus  
Post  
esen-  
Tur-  
lesiz

Hi-  
sq;

rdi-  
f.  
II.

au-  
to-

al.



# TABULA I. Genealogica Augustissimæ Stirpis Austriaco-Hispanicæ, à Maximiliano I. usque ad Carolum II. cognomento Philippum Regem Hispaniæ nunc regnantem.

Maximilianus I. Friderici Imperatoris filius, natus An. 1459. 23. Martij, Belgij Provincias omnes per conjugium An. 1477. adjunxit Domui Austriacæ. Electus Romanorum Rex Francofurti 16. Februarij, & Aquisgrani coronatus 9. Aprilis An. 1486. declaratus Imperator An. 1508. 10. Februarij. obiit Welsij An. 1550. 12. Januarij, ætatis 59. sepultus Neostadij. Regnavit annis 32.

1. Maria Caroli Pugnacis Burgundiæ Ducis filia & hæres, nata An. 1457. 12. Februarij, nupsit 1577. 10. Augusti. obiit 1482. 6. Martij Brugis, sepulta ibidem.
2. Anna Francisci ultimi Ducis Britannicæ filia unica, hanc ei rapuit Carolus VIII. Galliarum Rex pergentem ad sponsum.
3. Blanka Maria Galeacij Mariæ Ducis Mediolanensis filia, nupta An. 1494. 16. Martij Oeniponti. obiit ibidem An. 1511. sine prole.

Philippus I. natus Anno 1478. 23. Junij per conjugium Rex Hispaniæ 1505. obiit An. 1506. ætatis 28. regnavit anno uno & 9. Mensibus. sepultus Granatæ.

Johanna Ferdinandi V. Catholici & Isabellæ Regum Hispaniæ filia, nata 1479. 8. Novemb. obiit 1555.

Margareta nata 1480. Bruxellis, uxor primò Joannis filij Ferdinandi & Isabellæ Regum Hispaniæ A. 1597. in Aprili. sed is obiit 2. Octob. Secundò nupsit Philiberto II. Duci Sabaudia, qui obiit 1504. ætatis 24. Margareta fuit Gubernatrix Belgij obiit 1530.

Franciscus natus Anno 1481. obiit eodem anno.

Eleonora nata An. 1498. nupsit primò Emmanueli Regi Portugalliæ A. 1519. secundò, Francisco I. Regi Galliarum 1530. obiit in Hispania A. 1558.

Carolus V. Rom. Imperator natus A. 1500. Gandavi in Flandria 24. Febr. Rex Hisp. coronatus Vallisoleri A. 1518. electus Imperator Francofurti A. 1519. coronatus Aquisgrani A. 1520. capit Franciscum I. Galliarum Regem ad Ticinum 1525. capit Romam per suos 1527. coronatur Rom. Imperator à Clemente VII. 1530. Bononiæ, capit Tunetum in Africa 1532. cedit Protestantibus ad Mülbergam 1547. cedit Imperio 1556. obiit in Hispania An. 1558. ætatis 59.

Isabella Emma-nuelis Regis Lusitanicæ filia nata A. 1503. nupta A. 1526. obiit An. 1539. 1. Maij.

Isabella nata A. 1501. & Christierni II. Regis Daniæ A. 1515. obiit 1525. 19. Januarij.

Ferdinandus I. Romanorū Imperator cui, genus adferetur Tabula sequenti.

Maria nata 1505. uxor Ludovici Regis Bohemici & Ungariæ 1521. fuit Gubernatrix Belgij, obiit in Hispania Anno 1558. ætatis 53.

Catharina posthuma nata in Hispania Anno 1407. fuit sponsa primò Friderici Electoris & Ducis Saxoniarum An. 1518. deinde uxor Joannis III. Regis Lusitanicæ Anno 1525. obiit Anno 1577.

Philippus II. natus A. 1527. Rex Neap. & Sicil. 1543. Rex Angliæ 1554. Gubernator Belgij A. 1555. Rex Hispaniæ 1556. cedit Gallos ad S. Quintinum An. 1557. & ad Gravelingam 1559. Turcas ad Melitam fugat An. 1565. & iterum per Joannem ab Austria fratrem 1571. Rex Lusitanicæ, amittit partem Belgij 1581. obiit An. 1598. ætatis 72.

1. Maria Joannis III. Lusitanicæ Regis filia A. 1543. obiit 1545.
2. Maria Henrici VIII. Angliæ Regis filia A. 1554. obiit 1558.
3. Isabella Henrici III. Galliarum Regis filia 1560. obiit 1568.
4. Anna Maximiliani II. filia, nupta 1570. obiit 1580.

Maria nata A. 1528. nupta Maximiliano II. Cæsari, obiit 1603. de qua Tabula seq.

Johanna Joannis III. Principis Lusitanicæ uxor. obiit 1578.

Ferdinandus obiit puer An. 1545.

Joannes ab Austria nothus ex Barbara de Blomberg. natus 1545. Turcas profligavit 1571. fuit Gubernator Belgij, obiit An. 1578.

Diana Phalanga Nobilis de Surrento. 2. Maria de Medosa.

Margareta notha ex quadam de Plumbes, nata 1522. nupsit primò Alexandro de Medices Duci Urbini, qui occisus est 1537. secundò Octavio Farnesio Duci Parmensi, & genuit Alexandrum A. 1544. ipsa obiit 1586.

ex Maria I. Carolus III. natus An. 1545. obiit 1568.

ex Isabella 3. conjuga. Isabella Clara Eugenia nata 1566. nupsit Alberto VII. Archiduci Anno 1599. obiit 1633.

ex Isabella. Catharina nata 1567. nupsit Carolo Esmænueli Duci Sabaudia cui 5. filios genuit. obiit 1630.

ex Anna 4. conjuga. Philippus III. Rex Hispaniarum nat. 1578. expulsi Maurorum 900000. ex Hispania 1599. ob. 1621.

Margareta Caroli Archiducis filia, nata 1584. obiit 1611.

Maria obiit triennis.

Ferdinandus obiit infans.

Jacobus natus Anno 1573. obiit A. 1582.

Carolus obiit puer.

Johanna uxor Francisci Buteri in Sicilia obiit An. 1530.

Anna Abbatisa Búrgensis in Hispania obiit Anno 1630.

Anna Maria Mauritia nata 1601. nupsit Ludovico XIII. genuit Ludovicum XIV. nunc regnantem & Philippum Ducem Aurelianensem, obiit Anno 1666.

Maria obiit infans An. 1603.

Maria nata 1606. nupsit Ferdinando III. Imper. 1631. obiit A. 1646. de qua Tab. V.

Philippus IV. Dominicus Victor, Rex Hispaniæ nat. 1605. cit pacem cū Gallis 1660. ob. 1665.

1. Isabella Henrici IV. Galliarum Regis filia, obiit 1644.
2. Maria Anna Ferdin. III. fil. n. 1643.

Carolus nat. an. 1607. obiit an. 1632.

Ferdinandus V. infans Hispaniæ natus 1609. Archiepisc. Toletanus Cardinalis, Gubernator Belgij obiit 1641.

Margareta obiit in puellari ætate.

Alphonfus obiit infans.

ex Isabella. Maria Margareta obiit infans Anno 1621.

Margareta Catharina obiit infans.

Maria obiit infans.

ex Isabella. Isabella Terefia obiit infans.

Balthasar Carolus Dominicus Lucas Philippus natus 1629. ob. 1646.

Maria Anna obiit infans.

ex Isabella. Maria Terefia nata 1638. nupsit Ludovico XIV. Regi Galliarum 1660.

ex Maria Anna. Don: Ivan Margareta Leopoldo Cæsari nata 1651.

Maria obiit infans.

Philippus Prosper obiit puer.

Thomas Carolus obiit puer.

ex Maria Anna. Carolus II. cognom: Philippus nat. 1661. Rex Hispan. 1665.











TABULA II. Genealogica Auftriacæ Domûs à Ferdinando I. continens  
etiam Lineam Tyrolensem.

Ferdinandus I. Philippi I. Hispaniæ Regis secundò genitus, Caroli V. frater, natus Alcalæ An-  
no 1503. 10. Martij. fit Rex Bohemiæ 24. Februarij An. 1527. & eodem anno Rex Un-  
gariz. pellic Joannem Scepusiensẽ. defendit Viennam Anno 1529. contra Solimanum  
Turcam. cum eo bellum gerit usque ad Annum 1562. postea pacem facit. amittit Budam  
An. 1526. & 1529. amittit Albam Regalem An. 1543. Rex Romanorum electus Coloniz  
& coronatus Aquisgrani An. 1531. componit pacem Religionis Passaviensẽ An. 1552.  
& Augusfanam 1555. fit Romanorum Imperator An. 1556. confirmatus An. 1558. repa-  
rat Ecclesiam S. Viti, & erigit Clementinam Academiam Societatis Jesu. obiit Viennæ A.  
1564. Pragam ad Regum sepulturam devectus.

Anna Wladislai Ungariæ & Bohemiæ Regis filia nata Anno  
1503, obiit An. 1547. in partu. sepulta Pragæ. genuit quin-  
decim proles. fuit amantissima Nationis Bohemicæ, quam  
moriens marito suo commendavit.

<p><b>J</b>ohanna nata Pragæ An. 1547. uxor Francisci Ducis Florentiæ, obiit Anno 1578.</p> <p><b>H</b>elena nata A. 1543. Hallis Vestalis obiit 1574.</p> <p><b>U</b>rfula obiit infans.</p> <p><b>C</b>arolus II. Austriaco-Styriacæ Familiæ Parens, de quo in Tabula sequenti IV.</p> <p><b>B</b>arbara nata A. 1539. uxor Alphonfi II. Ducis Ferrariæ, obiit A. 1572.</p> <p><b>J</b>oannes obiit infans.</p> <p><b>M</b>argareta nata A. 1536. facta Monialis. obiit 1566.</p> <p><b>E</b>leonora nata An. 1534. uxor Wilhelmi Ducis Mantuæ. obiit 1594.</p> <p>2. Anna Catharina Ducis Mantuæ filia. obiit Anno 1620.</p> <p>1. Philippina Welsferina filia Francisci Welseri Liberi Baronis de Zinnenberg. obiit An. 1580.</p> <hr/> <p><b>F</b>erdinandus II. Comes Tyrolis natus A. 1529. obiit 1595.</p> <p><b>C</b>atharina nata A. 1533. uxor primò Francisci Ducis Mantuæ. secundò Sigismundi Augusti Regis Poloniæ. obiit An. 1572.</p> <p><b>M</b>agdalena nata Oeniponti A. 1532. Hallis vitam egit cœlibem.</p> <p><b>M</b>aria nata Pragæ Anno 1530. uxor Wilhelmi Ducis Juliacenfis. obiit Anno 1584.</p> <p><b>A</b>nna nata Pragæ A. 1528. uxor Alberti V. Ducis Baviariæ, ex qua hodièque posteritas. obiit A. 1587.</p> <p><b>M</b>aximilianus II. Imperator, de quo in sequenti Tabula III.</p> <p><b>E</b>lisabetha nata An. 1526. nupsit Sigismundo Augusto Regi Poloniæ A. 1543. obiit 1545.</p>	<p><i>ma.</i></p> <p><b>A</b>nna Catharina facta Monialis.</p> <p><i>An</i></p> <p><b>M</b>artha obiit puella.</p> <p><i>ex</i></p> <p><b>A</b>nna nata An. 1585. nupsit Cæsari Mathiæ.</p> <p><b>S</b>ibylla Wilhelmi Ducis Juliacenfis filia, vidua Philippi Marchionis Badensis, ob. 1628.</p> <p><i>na.</i></p> <p><b>C</b>arolus ab Austria Marchio Burgav. nat. A. 1560. militavit præclarè in Ungaria &amp; Belgio. obiit 1618.</p> <p><i>pi</i></p> <p><b>A</b>ndreas ab Austria n. 1558. factus Cardinal: Tit. S. Mariæ Novæ &amp; Episcopus Constantiensis &amp; Brixinensis, Gubernator Belgii. obiit Romæ An. 1600.</p> <p><i>Phi</i></p> <p><b>P</b>hilippus obiit infans.</p> <p><i>ex</i></p> <p><b>M</b>aria obiit infans.</p>
---	--

TABULA III. exhibens Maximiliani II. posteritatem, quæ tota  
perijt in prole virili.

Maximilianus II. Ferdinandus II. filius natus Viennæ Anno 1527. educatus in Hispania, interfuit pluribus bellis. fuit Prorex in Hispania 1548. electus Rex Bohemiæ An. 1549. coronatus An. 1562. electus Romanorum Rex & coronatus Francofurti An. 1563. & eodem anno Rex Ungariæ coronatus Posonij. fuit ab aliquibus electus Rex Poloniæ An. 1575. quod ipse contempsit. obiit Ratisbonæ An. 1576

Maria Caroli V. Cæsaris filia nata Anno 1528.  
attulit marito quindecim proles. obiit in  
Hispania An. 1603. ætatis 75.

- Eleonora nata Anno 1568. obiit Pragæ Anno 1579.
- Margareta nata An. 1567. facta Monialis S. Claræ Madriti. obiit 1633. ætat. 66.
- Carolus obiit infans.
- Maria obiit infans.
- Fridericus obiit infans.
- Wenceslaus natus An. 1561. Eques Melitenensis. obiit An. 1578.
- Isabella Clara Eugenia, de qua suprà Tab. I.
- 
- Albertus II. nat. 1559. Card. Tit. S. Crucis, Prorex Lusitaniæ, Archiepisc. Toletanus, Gubernator Belgij, obiit 1621.
- Maximilianus III. n. 1558. ab aliquibus Rex Poloniæ electus. sed captus & postea dimissus. fuit Generalis Magister Ord: Teutonic. obiit 1620.
- Anna Ferdinandi Archiducis filia nata Anno 1585. obiit 1618.
- 
- Mathias natus A. 1557. Gubernator Belgij. postea Ungariæ; ubi bis Turcas cecidit. Rex Ung. 1608. Rex Boh. 1611. Roman: Imper. coronatus Francofurti An. 1612. obiit 1619. 20. Martij.
- Maria obiit infans.
- Elisabeth nata Anno 1554. uxor Caroli IX. Regis Galliæ. obiit 1592.
- Ernestus II. natus An. 1553. Gubernator Belgij. obiit An. 1595.
- Rudolfus II. Imperator natus A. 1552. educatus in Hispania, Rex Ungariæ & Bohemiæ, eodem anno 1572. Rom. Rex, coronatus A. 1575. bellum gessit cum Turcis ab A. 1591. continuis annis 15. à fratre suo Mathia vehementer afflictus. ob: An. 1612.
- Ferdinandus obiit infans.
- Anna nata An. 1549. uxor Philippi II. Regis Hispaniæ. obiit 1580.







1850

Wm. A. Smith & Co. New York

March 11

My dear Mr. Smith

I have just received your letter of the 10th inst.

and am glad to hear that you are well.

I am very much interested in your work.

I hope to hear from you again soon.

Yours very truly

Wm. A. Smith

P.S. I have just received your letter of the 10th inst.

and am glad to hear that you are well.

I am very much interested in your work.


I hope to hear from you again soon.

Yours very truly


Wm. A. Smith




# TABULA IV. Genealogica Caroli II. Archiducis Austriae, quæ linea tota perijt in alijs, in solo Ferdinando II. perennat posteritas, ut dicetur Tab: seq:













# TABULA V. à Ferdinando II. Imperatore descendentium.

Ferdinandus II. Caroli II. filius natus An. 1578. Rex Bohemiæ 1617. Ungariæ 1618. Romanorum Imperator coronatus Francofurti 1619. cecidit Fridericum V. Palatinum A. 1620. æmulum suum & alterum Gabrielem Betlemum Principem Transilvaniæ, & Georgium Fridericum Marchionem Durlacensem, & Christianum Ducem Brunsvicensem & Mansfeldium A. 1622. & Rusticos Austriæ 1625. & Christianum IV. Daniæ Regem 1626. humiliavit Carolum de Nevers Ducem Mantuæ 1630. fugatus ipse à Rege Sveciæ Gustavo Adolpho ad Lipsiam 1631. prælium cum eodem Rege ad Lutzen commisit 1632. in quo Rex Sveciæ periit. iterum cæsus est à Duce Lunenburgensi An. 1633. obtinuit ingentem victoriam ad Nördlingam An. 1634. obiit An. 1637.

1. Maria Anna Wilhelmi Ducis Baviaræ filia nata 1574. obiit An. 1606. mater sex prolium.
2. Eleonora Vincentij Mantuæ Ducis filia. obiit 1655.

Christina  
obiit pu-  
cellula.

Joannes Ca-  
rolus natus  
1605. ob-  
ijt 1619.

Ferdinandus III. Ernestus n. 1608. Rex Ung: 1625. Rex Boh: 1627. expu-  
gnavit Ratisbonam & cecidit Svecos ad Norlingam 1634. electus Rex Rom:  
& coronatus Ratisbonæ 1636. cæsus ad Lipsiam 1642. & ad Jankow in Boh:  
1645. cecidit Gallos 1643. & 1645. facit pacem cum Sultano Ibrahim A.  
1642. cum Mahomete IV. ad 20. annos An. 1649. cum Gallis & Svecis Of-  
naburgi 1648. & Norimbergæ 1650. obiit 1657.

1. Maria Philippi III. Regis Hispaniæ filia, quæ obiit 1646.
2. Maria Leopoldina Leopoldi IV. Tirolensis filia obiit 1649.
3. Eleonora Caroli II. Duc: Man-  
tuani filia nata 1629.

Maria Anna  
nata 1610.  
uxor 2. Ma-  
ximiliani I.  
Duc: Bava:  
ob: 1665.

Cæcilia Re-  
nata n. An.  
1611. uxor  
Wladislai  
4. Reg: Pol:  
ob: 1644.

Leopoldus VI. Wilhelmus n. 1614.  
Episcopus Argentinenfis, Passavien-  
fis, Halberstadiensis, Olomucensis,  
Magister Generalis Ordinis Teutho-  
nici, Gubernator Belgij ab A. 1646.  
usque ad A. 1656. obiit 1662.

obiit anno sequenti.

Serenissima Archiducissa Maria Anna Jose-  
pha nata Anno 1654. nupta Anno 1678.  
Joanni Wilhelmo Comiti Palatino Duci  
Juliacensi.

Serenissima Archiducissa Eleonora Maria na-  
ta Anno 1653. nuplit primò Regi Polo-  
niæ Michaëli. secundò Serenissimo Duci  
Lotharingiæ Carolo Leopoldo An. 1678.  
ex qua Leopoldus & Carolus Duces Lo-  
tharingiæ, ceteræque proles.

Theresa Maria Josepha obiit infans A. 1653.

Carolus Josephus natus Anno 1649. Episco-  
pus Passaviensis & Olomucensis, Magister  
Generalis Ordinis Teuthonici. obiit Anno  
1664. 27. Januarij.

Maria obiit infans.

3. Eleonora Magdalena Teresa Philippi  
Wilhelmi Ducis Neuburg: filia, quam  
duxit Passavij eodem anno.

2. Claudia Felicitas Ferdinandi Caroli Ar-  
chiducis Austriæ filia, quam Græcij duxit  
1673. obiit 1676.

1. Margareta infans Hispaniæ nata A. 1651.  
nuptas habuit An. 1666. obiit 1673.

Leopoldus I. Ignatius Franciscus Balthasar Jo-  
sephus Felicianus, natus Anno 1640. Rex  
Ungariæ 1655. Rex Bohemiæ 1656. Ro-  
manorum Imperator coronatus Franco-  
furti An. 1658. auxiliatur Regi Poloniæ  
& Daniæ. pugnat cum Turcis 1663. mul-  
tas clades accipit, & victorias contra Tur-  
cas obtinet, maxime ad S. Gotthardum  
insigni prælio Turcas vincit Anno 1665.  
pacem facit cum Turca ad viginti annos  
26. Septembris. Oenipontum pergit ad  
accipiendum hominagium. Impetum armis  
defendit &c. iterum Turcico bello invol-  
vitur, multis victorijs gloriosus &c. quem  
nobis servet Deus!

Maximilianus Thomas obiit infans.

Philippus Augustinus obiit infans.

Maria Anna Regina Philippi IV. Regis Hispa-  
niæ uxor, nata 1634.

Ferdinandus IV. Franciscus natus An. 1633.  
Rex Bohemiæ 1646. Ungariæ 1647. Ro-  
manorum Rex Ratisbonæ coronatus An.  
1653. obiit A. 1654. fundavit Collegium

Carolus Jose-  
phus natus An.  
1685.

Leopoldus Jo-  
sephus nat: A.  
1682. 12. Junij.  
obiit 1684.

Maria Elisa-  
betha nata  
An. 1680.

Josephus Ja-  
cobus Igna-  
tius nat: 26.  
Julij Anno  
1678.

Maria Josepha  
obiit infans.

Jo-  
in-

Anna Maria  
Josepha obiit  
fans.

Mariana Jo-  
sepha obiit  
infans.

N. natus An.  
1670. obiit  
infans.


Maria Antonia Jo-  
sepha nata A. 1669.  
hodieque superstes,  
Serenis: Ducis &  
Flectoris Baviaræ.

Ferdinandus  
natus Anno  
1667. obiit  
anno seq:





In



Alberti

Regi

tur. il

tutes

bat.

Albertu

tus.

Alphon

los.

Amazo

Ambiti

Andrea

tate

dece

gem.

Angela

Animal

ma.

Antonin

omni

Astrolo

Attila S

Aula fa

Aulici

Aulico

tur.

Aurifod

Austria

do.

Avariti

BA



# INDEX

## In Librum de Regibus Bohemiæ, ab ipsomet Authore confectus.

### A.



Dulari Principi grave sce-  
lus. pag. 206  
Affectus nimij pariunt stul-  
titiā. 97  
Alberti Imperatoris in Bohemia breve  
Regnum. 193. à Sigismundo adopta-  
tur. ibid. Ejus virtus bellica. 194. U-  
no anno ter coronatur. ibid. Ejus vir-  
tutes. 195. Semper gladius incede-  
bat. 195  
Albertus II. Dux ex Subdiacono mari-  
tus. 208  
Alphonfi Magni humanitas capit popu-  
los. 235  
Amazones Bohemicæ. 14  
Ambitio periculosa. 31  
Andreas Episcopus Pragensis pro liber-  
tate Ecclesiastica cum periculo vitæ  
decertat. 112. Excommunicat Re-  
gem. 113  
Angela S. in Bohemiā quæ sit. 139  
Animalia quæ mitissima, fecundissi-  
ma. 177  
Antonini Imperatoris de vanitate rerum  
omnium nobilis sententia. 203  
Astrologorum judicia damnantur. 260  
Attila Slavicæ Gentis amicus. 2  
Aula fabrile fortunæ. 113  
Aulici sæpe fraudulentī. 89. 134  
Aulicorum falsa principia enumeran-  
tur. 129  
Aurifodinæ apud Sinas prohibetæ. 129  
Austriæ Dux captivus in Krziwokla-  
do. 150  
Avaritia est quasi idololatria. 128

### B.

Barbara Sigismundi Cæsaris uxor,  
Athea. 190

per Barbam jurare maximum Juramen-  
tum Ottonis I. Imper. 206  
Belli tempore fugienda voluptas. 259  
Bellum, in eo celeritas quaeritur. 76  
Bellum, est etiam in illo moderatio. 102  
Belli Duces plerumque eloquentissimi. 183  
Bellum in hosticum transferendum. 197  
Bellum Passaviense. 256  
Beneficentia propria Regum virtus. 216  
Bilinæ Urbis origo. 11  
Boczek cur dicti Cunstadæi. 218  
Bohemiæ calamitates sub Henrico Inter-  
Rege. 136  
Bohemiæ Duces cur gestârint Ahenū. 17  
Bohemiæ Regni candidati septem. 211  
Bohemi unde Czechi dicantur. 1  
Bohemi Ladislao Regi conservant Hun-  
gariam. 200  
Bohemorum sub Carolo IV. felicitas. 152  
Boleslai I. Imperium. 60  
Boleslai II. Imperium. 62  
Boleslai III. Imperium. 64  
Borzivojus primus Christianus, & ejus  
Imperium. 41  
Borzivojus quando sit baptizatus. 70  
Brzetislai I. Imperium. 73. rapit sponsā.  
ibid. Victor Polonorum. 74. & Impe-  
ratoris. ibid. Fundator Cœnobiorū.  
ibid. & 103  
Brzetislaus Episcopus & Princeps. 98  
ejus in regendo virtutes. 99

### C.

Cæcitas magnum malum. 114  
Caroli IV. Imperatoris & Regis  
Imperium. 151. fuit verus Patriæ Pa-  
ter. ibi. Ejus laudatissima opera. 152  
Academia, Nova Praga, Archiepisco-  
patus



*Index in Librum de Regibus Bohemie.*

patus, Legati nati titulus, Basilica Pra-  
gensis &c. condita. ibid. Bulla aurea  
edita &c. ibid.

Caroli IV. Index Foundationum. à p. 153.  
usque ad 169. Ejus virtutes. 156. Ju-  
stitia. ibid. Pietas erga Deum. 157. Am-  
por Doctorum. 158. Acculationes  
ejus diluuntur. 158. De Gunthero  
Schwartzburgico. 159. Quinam ejus  
vitam scripserint. 161

Carolus in monte S. Laurentij constituit  
Artifices aureorum pannorum. 161.  
Carolus IV. in sepulchro incorruptus  
162. Caroli IV. vitam Gamanfius So-  
ciet: nostræ orditur, sed non absol-  
vit. 163

Caroli IV. Conjuges & filia. 187. & 191  
Casimirus Poloniae Rex ducit uxorem  
civem Pragensem. 189

Cerevisiae coctio prohibetur in Bohe-  
mia, in fame. 250

Chronologia Hagecij perturbata. 25  
Chronologia & Genealogia Principum  
nostrorum à Borzivojo. 68

Cimburae Ducissae in manibus fortitu-  
do. 208

Clementia Principi necessaria. 246

Clypeus Scach. 12

Comitia cruenta in Bohemia. 135

Comitia laudantur, & cur? 206

Concordia omnibus Regnis neces-  
saria. 234

Concionatores non debent famam Prin-  
cipis prostituere. 258

Conjugij secura sunt bona. 130

Conjugio inaequali Princeps vilescit. 139

Consiliorum dux alæ, prudentia & ce-  
leritas. 138

Consilia mutare aliquando expedit. 198

Consilia mutantur tempore. 204

Consiliarij nimis ingeniosi & subiles, à  
consilio Principis removendi. 120

Conscientiae malæ tormenta. 128. 129

Coronam Regiam Hungariae furto sustu-  
lit Elisabeth. 199

Domini de Cunstad, eorum Genealo-  
gia. 218. & seq.

Curiositas Principi noxia. 259. vide Prin-  
ceps.

Crachus an Grachus. 7

Craci II. Imperium. 8

Cracorum Genealogia. 10

Croci I. Imperium. 6. ejus in regendo a-  
stutia. ibid.

Crzezomislis Imperium. 26

Czech I. Dux Bohemorum, unde Cze-  
chi. 1. cur abierit ex Illyrico. ibid. In-  
signia Czech. ibid.

Czechii Fratres tres. 2

Czechii amabile Regimen & prudens. 3

Czechii Comites Illustres Familiae. 4. e-  
jus Genealogia. 2. & 5

Czechii sepulchrum. 5

de Czechii adventu. 36

Czerninij Regius Sangvis. 106

D.

**D**EUS liberales Principes dicit, &  
cur? 120

Deus amicis suis multa revelat, 174. &  
175

Desperatio victoriam obtinet. 184

Docti Viri sunt munitiones Patriae. 259

in Dolo fortitudo laudatur. 185

Dolus in Principe reprehensus. 215

Duces meliores qui ex militibus. 205

Dux militiae aequivalet exercitui. 228

E.

**E**Cclesiasticæ opes raro Principibus  
profuerunt. 184

Educatio mollis noxia Principibus. 29  
ejus diversitas in Wenceslao & Bole-  
slao. 57. & 59

Educatio Principi bona necessaria. 133  
apud Persas qualiter educuntur Re-  
ges. 133

Educatio altera natura. 234. & seq.

Educatio Principum difficilis. 251

Elisabeth Joannis Regis uxor, amantissi-  
ma Bohemorum. 186

Elisabeth Alberti Imperatoris filia, ne-  
pris &c. 192

Euphrasia S. quæ sit. 139

Eventus stultorum Magister. 124

## D.

DEUS liberales Principes dicit, &  
cur? 120

Deus amicis suis multa revelat, 174. 8c

Desperatio victoriam obtinet. 184

Docti Viri sunt munitiores Patriæ. 259

in Dolore fortitudo laudatur. 185

Dolus in Principe reprehensus. 215.

Duces meliores qui ex militibus. 205

Dux militiæ æquivalet exercitui. 228

E.

**E**cclésiasticæ opes raro Principibus  
profuerunt. 184

Educatio mollis noxia Principibus. 29

ejus diversitas in Wenceslao & Bohe-

slao. 57. & 59

Educatio Principi bona necessaria. 133

apud Persas qualiter educuntur Re-

ges. 143

Educatio altera natura. 234. & seq.

Educatio Principum difficilis. *cap.* 251  
 Elitio d. l. *cap.* 252

Elizabeth Joannis Regis uxor, amantilli-

ma Bohemorum. . . . . 186

Elizabeth Alberti Imperatoris filia, ne-

ptis &c. 192  
Euphrasia Squamifera

Euphrasia S. quæ lit. 139  
Eventus Stultorum Magister

Eventus Tutorum Magister. 124



*Index in Librum de Regibus Bohemiae.*

**F.**

<b>F</b> ames in Bohemia.	250
Fama non semper mentitur.	205
Fatalia quaedam sunt certis hominibus.	120
Fæminarum in Aulis certamina.	59
Fæminæ Apostolicæ.	63
Felicitas multos perdit.	90
Felices quidam nascuntur.	98
Felicitas bonos Principes comitatur.	119
Felicitas Timothei.	128
Ferdinandi I. Regnum. 240. Gesta. ibi: sub eo Vienna à Turcis obsessa. 241. fodinas deserit.	242
Ferdinandus Judicium Cameraticū or- dinat.	242
Ferdinandus I. nimix severitatis damna- tur. ibid. Ejus merita in Bohemiam. 243. Ejus gloriosa exceptio. 244. E- jus piæ designationes. ibid. Ejus cunæ in Alcala.	245
Ferdinandi II. Regnum. 260. Ejus victo- riæ & clades. 267. Ejus merita in Bo- hemiam. ibid. Sub eo magna Justitia.	267
Ferdinandi III. Regnum. 268. Felix & infelix. ibid. & seq. Ejus mors.	270
Ferdinandus IV. coronatur.	269. 270
Fortuna Juvenum amica.	93
Fortuna inconstans.	94
Fortunæ rete.	128
Forma bonum fragile.	132
Fortuna omnia habet sub ictu. 257. & sequ. Etiam Cæsarum lacrymas pe- tit.	258
Fortitudo cum svavitate jungenda.	258
Fortunæ varietas.	185
Fortuna maximè in bellis regnat.	196
Fratrum odia maxima.	60
Fraterni amoris symbolum.	97
Fridericus III. Imperator ex octo pepo- nibus comesis moritur. 209. Ejus filij & filix.	ibid.
Furtum Coronæ Regiæ. 204. Quidam furatus est orbem terrarum.	ibid.

**G.**

<b>G</b> enealogia Przemyli.	49
------------------------------	----

Genealogicæ Tabulæ Principum & Re- gum nostrorum explicata.	139
Gemma pretiosa Elisabethæ.	194
Gemma Smaragdus ubi colatur pro Deo.	196
Georgij Podiebradij Regnum. 210. & seq. Fuit verus Rex Bohemiæ. ibid. Ejus prudentia mirabilis. ib. Pruden- tiæ dolum adjungit. 210. Quomodo sibi viam ad Regnum straverit. ibid. Demeretur sibi ante omnes Cæsarem. 212. In morte respiscit. 214. Per mi- litiæ ascendit ad Regnum. 215. E- jus summa laus ex bona moneta. 218 Quæ familiæ ex Georgij Regis sangvi- ne participant.	219
Georgij gesta compendio. 219. 220. E- jus posteritas. ibid. Filij, nepores. ib. & seq. Ejus de filijs sollicitudo.	235
Giskra magnus belli Dux. 200. Ejus laus.	205
Guttensteinij Alberti grande meritum in Patriam.	247

**H.**

<b>H</b> æresiarchæ plerique auxilio fæ- minarum usi.	177
Hæretici. vide Piccardi.	
Hæreticorum rebellio in Bohemia.	264
Hazmburgici.	12
Henrici Carinthi Interregis Bohem: fæ- da nundinatio. 136. Ejus Genealo- gia.	137
Henrici IV. Imperatoris gesta.	185
Heroum filij degeneres.	28. & 30
Heroicorum Victorum vitia magna & virtus.	60
Historia apud nos à fide Christi accepit exordium.	52
Historia Taciti plena suspicionibus.	150
Hypocrisis damnatur.	119
Homines quidam semper felices, alij in- felices.	185
Honores mutant mores sapienter dictū est.	175
Hostiviti Imperium.	32
Hospitalitas commendat Principem.	33
Humanitas exercitus est.	259
N n	Hun-



*Index in Librum de Regibus Bohemia.*

Hunnorum irruptiones. 55  
Hus hæresin suam per faminam promo-  
vet. 177

**I.**

**I**aromiri Imperium. 64. Fraternalis a-  
mor. 72  
Ingenium acquiritur potu in fabulis. 130  
Interregna periculosa cur? 173  
In Interregnis periculosum est unum o-  
mnia posse. 215. 216  
Ingratitudo cur hodie in pretio. 217  
Joannis Bohemiae Regis Imperium. 144  
Joannes Rex varius & mutabilis. *ibid.* E-  
jus coronatio gloriosa. 145. Donat  
auream sellam Coronatori. *ibid.* Ejus  
vitia & virtutes. *ibid.* Primus tributa  
incerta inducit. 146. Ejus militaris  
virtus. *ibid.* Amittit oculorum usum.  
*ibid.* In acie pugnans cadit. 146. Ejus  
merita in Bohemiam magna. 147  
Joannes Rex quasi privatus esset, pugna-  
bat. 150  
Joannis Regis Bohemiae gesta. 186. Et  
mors. *ibid.*  
Joannes Henricus frater Caroli IV. de  
eo. 187  
Joannes Albertum I. Patrum occidit,  
& ejus poenitentia. 207  
Jodocus seu Justus brevis Imperator. 189  
Iracundia dedecet Principem. 96  
Judices nummarii quam noxii Principi-  
bus. 150  
Juvenes ab Juvenibus facile seducun-  
tur. 133

**K.**

**K**len filius Czechi ineptus. 3  
Kolowrat Albertus Cancellarius,  
ejus curâ pacantur Provinciae. 225  
Kostka an Cunstadaeus. 219

**L.**

**L**adislai Regis Regnum. 199  
Ladislai pueri Regia Indoles. 200.  
Ejus nuptiae morte eversae. 201. An  
veneno sit sublatus. 203

Ladislai Regis historia. 209  
Leopoldi I. Imperium. 277. Ejus bella  
& victoriz. *ibid.*  
Litomericij origo. 11  
Libussa Imperium. 13. Sybilla Bohemiae.  
14. Ejus rana magica. 15. Ejus vatici-  
nia. *ibid.*  
Libussa quæ condiderit. 15  
Libra symbolum considerationis. 115  
Literati Regna conservant. 121  
Lucemburgensium Ducum in Imperio  
munus. 188  
Ludovici Regis Regnum. 231. Omnia  
in eo præmatura. 231. Ejus humani-  
tas. 232. Ejus clades & mors. *ibid.*  
Ludovici Regis ingenium. 233. Gesta. 239

**M.**

**M**achiavelli principium an verum  
sic: *divide ut imperes.* 234  
Magia Ethnicorum maxima scientia. 8  
Maria Deipara Regnorum Patrona. 129  
& 174  
Mathias Rex Hungariae adversarius Ge-  
orgij Regis. 213. Ejus fraus. *ibid.*  
Mathiae Imperatoris Regnum. 261. Fra-  
trem evertit 262. Ejus consilia per-  
præcepta euntia. *ib.* & 263. Ejus mors  
264. Ejus severitas. 226  
Maximiliani I. duces duæ, *Curiositas &*  
*Invidia.* 252  
Maximiliani II. Imperium. 247. Educa-  
tio: *ibid.* Quomodo mortem evaserit  
248. Ter in anno coronatur 249. Est  
mollis in hæreticos amore pacis 249.  
Pecuniae avidus 250. Ejus mors. *ibid.*  
Magnificentia innata Principibus. 252  
Memoria magna signum ingenij. 205  
Milenka uxor Marcomiri. 7. & 10  
Mileffow. 12  
Milites humani inter amicos. 28  
Militiae Duces meliores qui senes. 119.  
& 120  
Milites desperatione victoriam obtri-  
nent. 184  
Mnata Imperium. 20  
Moneta Bohemiae signata effigie Sancti  
Wenceslai. 61  
Mo-



*Index in Librum de Regibus Bohemia.*

Moneta proba, probi Principis signum.

129. 217

Mors bonus Præceptor.

217

Mors magna consilia abrumpt.

84

Mors docet orare 207. Intervent maximis negotijs.

ibid.

Mulierum judicia corruptissima.

21

Muliercularum amores faciunt crudelem Principem.

176

Mulieres plerumque hæresin promoven.

177

**N.**

Necessitas legem non habet.

258

Neklani Imperium.

28

Nezamysli Imperium.

18

Nero triennio primo optimus Imperator & cur?

138

Nobilitas Bohema condit Urbes in Prusfia.

121

Nobilitas Bohemæ delet hæreticorum exercitus.

181

Nutricum curæ majores quam Matrum.

254

**O.**

Oculus est carnea mens juxta Ambrosium.

114

Olomucensis Ecclesia Cathedralis.

107

Omina dari probatur exemplis 150. & seq. & 174.

150. & 174.

Ominosa in coronationibus Regum.

233 & 234.

in Orbe omnia alternant.

118

**P.**

Parvi cur magnanimi? ex Aristotele.

27

Patrij homines in patria præferendi.

78

Patriam amare non est vitium.

245

Patria efflorescit artibus & scientijs.

259

Pauperes homines cur fecundi?

177.

Pecunia telum maximum.

86

Pecunia solum est labile.

100

Persarum humanissima lex.

115

Piccardorum Papissa. 229. Quinam fuerint.

ibid.

Plutarchi Christiana sententia.

120

Populi cur migraverint.

5

Poloniæ Regum tabula.

235

Pragæ fidelitas.

93

Præsentia Reges commendat Proceribus & populo. 137. Eorum pueritia ostendit futura.

138

Princeps amet milites & Nobilitatem.

29. 84

Principi solitudo noxia & utilis.

54

Princeps qui Provinciam suam exhaurit.

101

Principis subditorum amor summa custodia.

113

Primogenitura familijs sæpe noxia.

261

Principes meliores qui nascuntur. qui varij sunt, periculosi.

114. ibid.

Princeps debet amare clerum.

ibid.

Principibus aliquando solitudo necessaria.

118

Princeps malus populo, bonus in seipso. 119. Liberalis sit.

120

Principem nihil dedecet magis, quam amare pecuniam.

127

Principis felicitis Typus.

128

Principis boni signum bona moneta.

129. 217

Princeps non unam gentem suam amare debet, sed omnes subditos.

130

Princeps non inchoet, quæ non potest perficere.

132

Princeps filio bonos Magistros præficiat.

133

Princeps nihil novi excogitans.

19

Principes mali boni fiunt propter amulos.

138

Principum indoles in parva ætate agnoscitur.

148

Principes boni maxime latrocinia impediunt 149. & cur? ibid. Antiqui Principes in portis dabant judicia.

149

Principes vagi vituperantur.

150

Principes Ecclesiasticum statum defendere debent.

151

Principis boni symbolum carandus animal.

153

Principes qui se tales finxerunt.

160

Principibus curiositas noxia. 175. & seq.

Principes socordes nullam laudem merentur.

176. 177



*Index in Librum de Regibus Bohemia.*

- Principem sterilem faciunt crudelitas & libido. 177
- Principes multa dissimulare debent, maxime initio Regni. 184
- Princeps de successionem cogitet. 195
- Principes amicis maxime egent. 198
- Princeps injustus per secula infamis. 204
- Princeps debet sibi conciliare vicinos. 216
- Principi necessaria consilia 227. Necessaria Principi reflexio. ibid.
- Principis uno exemplo magno capiuntur subditi. 235
- Pragensis Arx tota ardet. 242
- Pragensis Urbs gloriose excipit Ferdinandum I. 244
- Principi duæ artes fovendæ. 246
- Princeps est servus publicus. 252
- Principes boni sunt ædificatores. 253
- Praga à Syccis capta 269. Pax Osnaburgensis. ibid.
- Pretio an milites concitandi in hoste. 197
- Qui salvis ordinibus discedit ex campo, non censetur victus. 197
- Przemyslus, ejus Imperium. 114
- Przemyslus an Nobilis? 15. Ejus stirps perseverat hodieque. 15. 16. Ejus insignia tres lineæ. 16
- Provinciae plerumque certis limitibus locorum finiuntur. 24
- Przemyslai Ottogari Regnum. 111. Ejus intractabile ingenium. ib. & 112. fuit varius Princeps. 112. Cur dictus Ottogarus, ib. Bohemiarum Coronam obtinuit. ibid. Ejus in Ecclesiasticos violentia. Ejus foundationis literæ. 112. Vexat Clerum. ibid. Czerninos expellit Bohemiâ. ibid.
- Przemislai Ottogari II. Imperium. 121. Victoriosus dictus. ibid. Prussorum Apostolus. ibid. Ejus tragica mors. 122. Ejus laudes. ibid. Dominatur à mari ad mare. 123
- Pueri nimis ingeniosi non habent longam vitam. 233
- R.**
- R**egna hæreditaria securiora. 34
- Regna an munienda? 123
- Regna duobus conservantur. 129
- Regnandi pulcherrima præcepta ab Ænea Silvio data. 130
- Regibus necessaria cognitio linguarum, 133. ad regendum inepti mercatores. 138
- Reges non debent mutare decreta. 147
- Reges debent præmiare virtutem. 148
- Reges debent conspicui esse populo 149
- ne imponant Præfectos avaros. ibid. & seq. Omnia in Regibus notantur. 173. Reges debent aliquando Regna sua invadere. 175. Reges sæpe suspiciosi. 176. Reges non occupentur studiis inutilibus. 205. 206. Reges, qui per militiam ascendunt laudati. 215
- Regum propria virtus beneficentia. 216. Regum manuales labores. 229
- Regnum crudelitatis tristissimum. 176
- Regnare labor maximus. ibid.
- Regnum turbatum simile currui Phaëtonis. 177
- Regnare ars difficillima. 251
- Regum infantium Coronationes raro bene succedunt. 118
- Rex V. Princeps. Liber de Regibus laudatissimus. 124
- Rex quomodo decipiatur ab Aulicis. 134
- Repulsam pati durum. 185
- Rudolfi II. Regnum. 253. Felix & infelix Princeps Rudolfus. ibid. Zelus in Catholicam Religionem, ejus gesta pro Religione. 254. Attium amator & alia ejus laudatissima gesta, 255. 256
- Deseritur à suis, 256. Ejus ingens calamitas. ibid. & 257. Mors ex tristitia, 257. Rudolfus Augusto Cæsari comparatus. 261
- S.**
- S**acerdotes historici. 52
- Scriptura Veterum in salicibus. 9. de Sybillis. 15
- Seditiones cur ab improbis excitentur. 128
- Senectus morosa. 260
- Silesia Bohemis tributaria. 82. 83
- Sigismundi Imperium, 178. Ejus pericula, 179. Schisma in Ecclesia tollit, ibi
- Initio Regni, durus sibi Regna turbavit. ibid. & 180. serò suæ duritiæ etiam poenitet. 180. & seq. Infelicitè expendit



*Index in Librum de Regibus Bohemie.*

pendit thesauros Ecclesiæ, 180. Re-  
cipitur in Regnum, 181. Regnum be-  
ne ordinat, ib. & seq. Præclarus Prin-  
ceps sed infelix, 182. Omnes Europæ  
lingvas caller, ibid. Princeps eloquen-  
tissimus, 183. Ejus vita compendio,  
190. Ejus facilitas, ibid. Ejus filius  
fueritne Hunniades. 190  
Sigismundus adoptat Albertum. 196  
Silentium sæpe pro responso est. 252  
Slavi ab Artila amati. 2  
Slavata ex Principibus Lucens. 35. 36  
Slavorum Apostolus S. Amandus. 40  
Slavata ex sanguine Imperatoris Sigis-  
mundi per foeminas. 192  
Sobieslai I. virtus & fortitudo. 87  
Spitihnai Imperium. 77  
Sternbergicorum gloria ex Tartaris ca-  
sis. 177  
Sterilitas crudelium maledictio. 178  
Studiofi in Bohemia non possunt à Do-  
minis impediri, ita Comitibus. 241  
Subditi omnes in Bohemia studere in U-  
niversitate possunt. 129  
Subditi clementer regendi. 260  
Suspiciones multa opera immortalia im-  
pediunt. 247  
Svnhovij Regius sanguis, 106. 108. Eo-  
rum Genealogia. 109

**T.**

**T**acitus prudens Scriptor, malus gu-  
bernator, 120. Tacitus ob suspicio-  
nes in historia reprehensus. 150  
Tartari invadunt terras Christianorū. 117  
Tempus sapientissimum. 23. & 260  
Tristitia morbus gravis. 261  
Tyranhis est suspiciosa. 176

**U.**

**U**dalrici Imperium, 66. Ejus virtus  
bellica, 67. Ejus fraterna conci-  
liatio. 72  
Venatio multis Principibus fatalis. 118  
post Victoriā agenda Deo gratia. 124  
Venatio Domui Austriacæ propria. 198  
Venatio cur Nobilitati grata. 252  
Veneno sublatis Principes. 128. Natura  
nobis ipsa venena manifestat. ibid.

Vienna à Bohemis defensa. 241  
Vitæ brevis. 300. & 203. compensatur  
rectè factis. 101. Vitæ brevis symbo-  
la. 233  
Vitus S. corrigit Principem. 72  
Vitus S. Imperatorum Patronus. 244

**W.**

**W**enceslai Sancti Imperium, 57  
Wenceslaus Rex. 59  
Wenceslai I. Regis Imperium. 115. ab eo  
Vienna capitur. ibid. Foundationes sa-  
cræ. ibid.  
Wenceslai II. Regis Imperium, 125. Ejus  
calamitates, ibid. deinde gloria, ibid. E-  
jus merita in Regnum patrum, 126.  
Ejus coronatio solennis, ibid. Bona  
Ecclesijs & Foundationes, ibid. Ejus  
merita in Poloniam. 127  
Wenceslai III. ejus nominis Imperium,  
131. bene educatus dissolutè vivit, ib.  
Occisus Olomucij. ibid.  
Wenceslai IV. Boh. Regis, & Imperat:  
Imperium, 170. Eo nato tantum pon-  
dus auri, quantum ponderavit filius  
misit Pater B. Virgini, 170. Ejus coro-  
nationem conatur impedire Arnestus  
Archiepiscopus Pragensis, ibid. Mala  
prælagia de eo nato, ibid. Ejus educa-  
tio bona, ibid. Corrumpitur, 171. Vio-  
lentus in Ordinem Ecclesiasticum. ib.  
Cur ei abrogatum Imperium, ibid. Bis  
captivus, 172. Est causa dissidiorum,  
ibid. Hæreseos Hussiticæ non parva  
causa, ejus aliqua defensio, ibid. Mo-  
ritur apoplexiâ, ibid. Wenceslaus ma-  
gicis artibus infatuatur. 175  
Wenceslaus Princeps ex utero Matris  
excisus salvâ matre & filio. 186  
Wenceslai Pigri mors infelix, 189. Ejus  
uxores. ibid.  
Wladiboj Imperium. 64  
Wladislai I. Principatus, 87. Wladislaus  
I. Rex, 91. Ejus sacræ Foundationes, 92  
Leonem bicaudatum Bohemorum  
exercitui obtinet, ibid. Mors tristis-  
sima. ibid.  
Wladislai II. modestia, qui cessit Princi-  
patum fratri. 111  
Wla-



*Index in Librum de Regibus Bohemia.*

Wladislai II. Regnum, 223. Ordinatio ptimè Regnum & Tribunalia, ibid.	Wogeni Imperium, 22. Pragam fundat Veterem.
Coronatur Rex Ungariæ. 224	23
Wladislao apparent Patroni Regni Boh: 226. Ejus Foundationes, ibid. Princeps pacatissimus, & Rex bene dictus, 228.	Wratislaus I. Rex Bohemiæ: 80. missa ei à Papa mitra Episcopalis & cur? 81. super ejus tumulū corona pendens. ib.
Ejus pietas. 230	Wrslowecij Comites ex stirpe Czech. 4
Wnyslai Imperium. 24	Wrslowecij de Patria bene meriti. 21. Finis Indicis.

*Protestatio Authoris.*

**C**um Sanctissimus D. N. URBANUS Papa VIII. die 13. Martij, Anno 1625. in Sacra Congregatione S. R. & Universalis Inquisitionis Decretum ediderit, idemque confirmaverit die 1. Julij, Anno 1634. quo prohibuit imprimi Libros, hominum, qui Sanctitate seu Martyrij famā celebres è vita migraverunt, gesta, miracula, vel revelationes, seu quæcunque beneficia tanquam eorum intercessionibus à DEO accepta continentes, sinè recognitione, atque approbatione Ordinarij, & quæ hæcenus sinè ea impressa sunt, nullo modo vult censeri approbata; Idem autem Sanctissimus die 5. Junij, Anno 1651. ita explicaverit, ut nimirum non admittantur Elogia Sancti vel Beati absolute, & quæ cadunt super personam, bene tamen ea quæ cadunt supra mores, & opinionem cum Protestatione in principio vel fine, quòd ijs nulla adsit autoritas ab Ecclesia Romana, sed fides tantum sit penes Authorem. Huic Decreto, ejusque confirmationi, & declarationi, observantiā & reverentiā quā par est insistendo, profiteor me haud alio sensu, quidquid in hoc Libro refertur, accipere, aut accipi ab ullo velle, quàm quo ea solent, quæ humanā duntaxat autoritate, non autem divinā Catholice Romanæ Ecclesie, aut Sanctæ Sedis Apostolicæ nituntur; ijs tantummodo exceptis, quos eadem Sancta Sedes, Sanctorum, Beatorum, aut Martyrum Catalogo adscripsit.

Bohuslaus Balbinus, è Soci. JESU.

*Errata sic corrigenda.*

Pag. 24. lin. antepen. Antonio, cor. Antonino. pag. 35. lin. ult. illuxit cor. illuxit. pag. 41. lin. penult. Graci I. cor. II. pag. 45. lin. 5. dec. II. cor. dec. I. pag. 73. Lib VI. cor. Libr. IV. pag. 77. lin. 18. Tamerlaneus cor. Tameilanes. pag. 85. lin. 30. Principes, cor. Princeps. pag. 146. lin. 27. Procerem cor. Procerum. pag. 170. lin. 24. retinente cor. renitente. pag. 174. lin. 24. omnia, cor. omina, & ibid. post lin. 6. omnia, cor. omina, pag. 217. lin. 15. Antonium cor. Antoninum. pag. 219. lin. 25. Origenus cor. origines. ibid. lin. 54. de Duba cor. de Dube. pag. 220. lin. 14. Frehéro cor. Frehero. pag. 240. lin. 35. confixerint cor. confinxerint. pag. 240. lin. 20. sicut, cor. sic, ut. pag. 241. lin. 7. obfistebant. cor. abfistebant. pag. 245. lin. 5. ut cum in locum, dele in. pag. 139. S. Ecclesiam, cor. S. Euphrasiam.

*Minora errata hæc ferè sunt, quæ Lector Erud. facillè per se corrigit, si quæ pro benignitate sua ignoscat.*

Pag. 20. suilus pro sugillus. p. 22. liberom pro liberum. p. 23. nōse pro nōsse. p. 38. omuem pro omnem. p. 34. idijrant pro indijrant. Ibid. rd pro ad. p. 40. astipulantur pro adstipulantur. p. 45. acurarius pro accuratius. p. 44. Scriptores pro Scriptores. p. 61. abbreviaunt pro abbreviavunt. probaba pro probata. p. 65. diametro pro diametro. p. 70. teram pro terram. p. 71. enim pro enim. p. 72. Boleslaur pro Boleslaus. p. 74. volunte pro voluntate. p. 75. copulaur pro copulatur. p. 81. jestaret pro gestaret. p. 81. mulum pro multum. p. 137. Jonni pro Joanni. p. 164. Eremitaram pro Eremitarum. p. 164. Frisingensis pro Frisingensis. p. 179. li. 25. & pro at. p. 180. Medioloni pro Mediolani. p. 183. quadino pro quadrimo. p. 226. lin. 25. Martij pro Martij. p. 248. præter pro præter. p. 255. Brachæo pro Brahæo. p. 258. lin. 22. insignis pro insignis.

**F I N I S.**



line



